

B I B L I O T H E C A
S C R I P T O R V M G R A E C O R V M E T R O M A N O R V M
T E V B N E R I A N A

BT 2011

P. VERGILIUS MARO

BVCOLICA

EDIDIT ET APPARATV CRITICO INSTRVXIT
SILVIA OTTAVIANO

GEORGICA

EDIDIT ET APPARATV CRITICO INSTRVXIT
GIAN BIAGIO CONTE

DE GRUYTER

ISBN 978-3-11-019608-5
e-ISBN 978-3-11-026248-3
ISSN 1864-399X

Library of Congress Cataloging-in-Publication Data

A CIP catalogue record for this book has been applied for at the Library of Congress.

Bibliographic information published by the Deutsche Nationalbibliothek

The Deutsche Nationalbibliothek lists this publication in the Deutsche Nationalbibliografie;
detailed bibliographic data are available in the Internet at <http://dnb.dnb.de>.

© 2013 Walter de Gruyter GmbH, Berlin/Boston

Printing: Hubert & Co GmbH & Co. KG
∞ Gedruckt auf säurefreiem Papier

Printed in Germany

www.degruyter.com

HOC LIBRO CONTINENTVR

BVCOLICA

Praefatio	11
Tabula notarum	27
Index philologorum	31
Conspectus codicum	34
 Bucolica	 37
 Index nominum	 87

GEORGICA

Praefatio	95
Tabula notarum	112
Index editorum et philologorum	116
Conspectus codicum	119
 Georgica	 123
 Index nominum	 215

BVCOLICA

PATRIS CARISSIMI
MONTIBVS ET SILVIS

PRAEFATIO

*Pastoralia... commune autem illud habent: ut cuiuscumque
generis negotium semper retrahant ad agrorum naturam.*

Iulius Caesar Scaliger*

Arcadiae Vergilius fuit inuentor: primus enim e Latinis uitam quam pastores per agros ac siluas cotidie degunt cantare non erubuit. Cum Theocriti Musa, proprio quodam lepore iucunda, satis rustica uideretur esse, aemulaturus sane Vergilius ex industria consequi ualuit quod insitum non erat linguae Latinae¹. Nouum sane poeticae genus constituit, ille qui Arcades pastores cottidiana lingua scite et eleganter loquentes finxit, ut suauitas tenuis fistulae cum urbana uenustate coniungeretur². Horatius nimirum ipse poetae amico hanc quidem tribuit laudem cum scripsit: *molle atque facetum Vergilio adnuerunt gaudentes rure Camenae* (*Sat.* 1, 10, 46). *Bucolica* carmina rusticam simplicitatem ac mimicam euentiam ita sectantur ut fere res agi uideatur in scaenis: nam Vergilius, sicut iam Theocritus, sermonem familiarem saepe simulat personasque prompte colloquentes ac narrantes inducit. Genus ipsum carminis postulabat quoque ut membrorum concinna fieret dispositio, praesertim in amoeboeis: hoc quidem summa cura Vergilius persecutus est, quem non solum eurythmiae ac symmetriae sed etiam decoris et partium distributionis ualde studiosum constat fuisse³. Hoc igitur mihi primum fuit in *Bucolicon* textu edendo, ut lectiones illas uel coniecturas deligerem quae fere maxime poetae subtili iudicio responderent: eas enim praeoptaui quae ad uiuidam

* *Poetices Libri septem*, Lugduni 1561, lib. III, cap. XCIX, 379–380.

1 Cf. Ps. Probus 325, 25 sqq. «*Bucolica* Theocritus facilius uidetur fecisse, quoniam Graecis sermo sic uidetur diuisus, ut Doris dialectos, qua ille scripsit, rustica habeatur. Opportunum fuit ergo ei, qui pastores inferebat, ea lingua disputasse. Vergilio tanto factum opus maius, quanto una lingua loquens sensus rusticos aptare elaborauit sine reprehensione sermonis».

2 B. Snell, *Arkadien: Die Entdeckung einer geistigen Landschaft*, in *Die Entdeckung des Geistes: Studien zur Entstehung des europäischen Denkens bei den Griechen*, Hamburg 1953, 26–41.

3 Vide quae nuper scripsi in «MD» 69, 2012, 63–80.

elocutionem aptius conuenirent⁴ (uide e.g. 3, 100 *heu heu, quom...*; 3, 101 *hisce*; 4, 62 *qui non risere parentes...hunc*), aut quae cum ingenio et indole fabulae pastoralis uerius consentire uiderentur (uide ad 3, 79; 7, 45–48; 8, 105–107; 9, 46–50).

Pollio amat nostram, quamuis est rustica, Musam: carmina tam noua et inaudita sine mora fama ingens secuta est, ita ut nonnulli eiusdem aetatis poetae admiratione pleni saepe sint *Bucolica* imitati. Nec uero inuidi obtrectatores defuerunt qui per ridiculum Vergili uersus detorquerent: Numitorium quendam constat eo acerbitatis uenisse ut *Antibucolica* scripserit (*Vita Donati* 43)⁵. Tam magnum nomen testantur auctores multi: inter quos Quintilianus Gellius Macrobius et grammatici complures saepe uerba scriptoris ad fidem seruauerunt (uide ad 1, 12; 3, 77; 4, 59, 62; 6, 62; 9, 8–9). Sub aevi antiqui occasum non solum Seruius sed etiam alii commentatores operam ad eclogas explanandas adsiduam nauauerunt (at eorum nomina uix recipere possumus) ut Cornelianus, Hebrus⁶, Philargyrius (uel Philagrius), Gaudentius et Gallus⁷. Haec interpretum industria amplo Ps. Probi commentario atque copiosis scholiis quae in codice Veronensi et Mediceo exstant aperte comprobatur: quibus ex omnibus optimo iure magnum commodum cepi (uide e.g. ad 1, 12, 59; 3, 26, 34, 38, 105; 6, 5, 16, 24; 10, 46).

Tanto fauore semper *Bucolicis* adrisit Fortuna quantum libris manuscriptis haec carmina seruantibus aduersata est: cum enim hoc primum Vergili opus primum locum in libris occuparet, saepe factum est ut textus uel totus perierit uel acceperit detrimentum. Itaque ex antiquioribus codicibus tantummodo P (*Pal. lat.* 1631) et R (*Vat. lat.* 3867) amplas habent huius operis partes, cum non

4 R.G.M. Nisbet, *The Style of Virgil's Eclogues*, «Proc. Verg. Soc.» 20, 1991, 1–14 (= *Collected Papers*, Oxford 1995, 325–337); M. Lipka, *Language in Virgil's Eclogues*, Berlin/New York 2001, 130–144.

5 R.J. Tarrant, *Aspects of Virgil's Reception in Antiquity*, in *The Cambridge Companion to Virgil*, edited by C. Martindale, Cambridge 1997, 56–72.

6 Vide ad 7, 64, 65–66.

7 Haec tria nomina in scholiis Bernensibus inueniuntur; est autem *Explanatio in Bucolica* tantum Philargyrio adscripta. Horum interpretum commentaria magnae sunt utilitati ad explendam codicum Serui lacunam (1, 3–2, 10).

solum **M** (*Med. Laur. lat. Plut.* XXXIX, 1) usque ad sextam eclogam mutilus sit, sed etiam **V** (*Veronensis* XL, 38) pauca tantum folia defendat; trunci denique reliqui tres (**FGA**) *Bucolicis* omnino carent. Hos libros inuenies cunctos descriptos in praefatione ad *Aeneida* a Ioanne Blasio Conte nuperrime editam in Bibliotheca Teubneriana⁸. Priores editores (inter hos maxime Marium Geymonat⁹) plerumque secuta, codices **P** et **R** tamen denuo contuli, quorum nouas atque accuratissimas imagines nuper phototypice expressas Bibliotheca Vaticana mihi inspiciendas commodauit¹⁰; ipsum autem Mediceum Iulia Ammannati adiit, quam solam credo posse correctiones egregie diiudicare. Duae tantum papyri ex bucolico carmine fragmenta praebent, quarum altera, quamuis antiquiore, usa non sum, cum tantummodo frustula seruet eademque ad textum constituendum parum fructuosa (*P. Narm.* 66. 362, Pack³ 2935, saec. I ex.: 8, 53–62)¹¹; alteram uero siglo Π₁ notauī (*P. Strasb. lat.* 2, Pack³ 2935.1)¹².

Plures e Carolina aetate libri manuscripti supersunt, inter quos **γ** et **a** longe praestant: hic enim in *Bucolicis* ita ad **R** accedit ut ab eo plane descriptus uideatur¹³, ille autem Palatini uestigiis insistit¹⁴; utriusque tamen in apparatu semper feci mentionem ut aperte ostenderem et ubi et quotiens ab exemplaribus illis antiquioribus

8 P. Vergilius Maro, *Aeneis*, recensuit atque apparatu critico instruxit I.B. Conte, Berolini et Noui Eboraci 2009, VII–XII.

9 P. Vergili Maronis *opera*, post R. Sabbadini et A. Castiglioni recensuit M. Geymonat, Romae 2008² (Augustae Taurinorum, 1973¹).

10 Exinde in lucem proferre potui nonnullas lectiones antehac neglectas: uide e.g. 1, 71–72 (uersus ab antiquo codicis **P** correctore eiecti); 2, 56–57 (uersus a manu recentioris aetatis in codice **R** quasi ex uoce poetae dicti indicantur).

11 C. Gallazzi, «ZPE» 48, 1982, 75–78.

12 M. Geymonat, «Helikon» 4, 1964, 345–347.

13 Vide ad 2, 1, 61, 73; 3, 38, 74, 98; 4, 33, 59; 5, 27, 29, 38, 40, 49; 6, 2, 38, 50, 62, 78, 81; 10, 54, 55, 69. Alia communia menda breuitatis causa omisi in apparatu.

14 Vide ad 2, 70; 3, 51; 5, 51.

discordarent¹⁵; si uero **R** uel **P** deficiebant, **a** et **γ** eorum subdidi in locum (uide conspectum siglorum). Reliquos Carolinos libros qui supersunt (de fragmentis praeter unum taceo¹⁶) omnes recensui: nam iis, quos Ribbeck et Mynors¹⁷ iam contulerant, nouem addidi inexploratos: **g**, **i**, **j**, **k**, **l**, **w**, **x**, **y**, **z**. Hos igitur uniuersos omnes de integro ego contuli ipsa¹⁸. Cum ceteros iam M. Geymonat (Romae 2008, XXII–XXIV) et I. B. Conte (Lipsiae 2009, XXI–XXV) tractauerint, unum quem prima adhibui describam oportet:

I = *Vat. lat.* 3252, ex Bernardi Bischoff iudicio in Germania sub anno DCCCC scriptus, non ex Italia oriundus ut uulgo credebatur. Hic liber, ‘Vergilius Bembinus’ appellatus quia Bernardi Bembo (1433–1519) in possessione fuit, a Fulvio Vrsino est postea detentus et in Bibliothecam Vaticanam denique adscitus; idemque, cum partem *Appendicis* contineret quae ‘iuuenalis ludi libellus’ uocabatur, nomen quoque ‘Vergili lusus’ ad tempus gessit; quapropter a doctis uiris ueluti *Appendicis* testis usque adhuc tantum adhibitus est (siglo **B** eum indicauerunt editores Clausen-Goodyear-Kenney-Richmond). Errores autem

- 15 Perraro in *Bucolicis* fit ut **a** aliter legat ac **R**: uide ad 2, 63–65, 69–73; 3, 90; 5, 61; 10, 38. Saepius autem **P** et **γ** non consentiunt: uide praecipue eos locos ubi **P** errat, at bene legit **γ**: 2, 12, 22; 3, 66; 5, 66; 8, 11; 9, 25, 46–50, 64. Correctiones codicis **γ** diligenter adnotaui, cum nonnumquam lectiones notabiles immo optimas tradant (uide e.g. 4, 55 *uincat* **Pγ**¹: *uincet* **P²Rωγ**). Cf. I.B. Conte, *Praef. Ad Aen.*, XIX adn. 38.
- 16 Codex Valentinianensis 178 (170) fragmentum continens Vergiliani libri saec. IX¹ in Gallia septentrionali exarati, quem siglo **φ**₁ notaui. Cetera eiusdem aetatis fragmenta, cum breuiora uel parui momenti ad textum constituendum essent, laudari digna non iudicaui.
- 17 P. Vergili Maronis *opera*, recognouit breuique adnotatione critica instruxit R.A.B. Mynors, Oxford 1972².
- 18 Hoc feci etiam ut errores priorum apparatusum emendarem: uide e.g. 3, 38 *facilis* **n** (non *facili*), 3, 100 *herba* **n** (non *eruo*), 4, 7 *demittitur* **γbcekrxyzΛ** (non tantum **cenr**), 7, 27 *laudabit* **γ** (non *laudauit*), 8, 11 *desino* **γ** (non *desinam*), 9, 25 *ferit* **γ** (non *perit*).

nonnulli eruti sunt qui codicem I cum aliis Vergilianis codicibus dz¹⁹ eundem textum *Appendicis* continentibus coniungunt. Descripsit Munk Olsen II, 789–790²⁰; MCBV III 2, 160–163²¹.

In apparatu nostro duo sigla placuit nouare ut duae familiae codicum apte distinguerentur: itaque Φ omnes Carolinae aetatis codices Francogallicos significare statui, at Λ codices illos Longobardicos quos, in Italia inferiore saeculis X et XI exaratos scriptura quae dicitur Beneuentana, nullus editor antea uulgauerat (n uero Marius Geymonat adhibuit). Decem omnino ad nos peruenerunt²², quorum, tribus truncis neglectis²³, hos septem in *Bucolicis* et *Georgicis* examinaui:

v = *Neap. Vindob. lat. 5*, saec. XI¹ (uel IX exeunte²⁴) Campania oriundus, ex ipsa urbe Neapoli fortasse, prius in Iani Parrhasii manibus fuit, deinde in Sancti Ioannis ad Carbonara monasterium peruenit et post aliquot peregrinationes Neapoli adhuc adseruatur. Hic liber, quem in scholarum usum opinor paratum fuisse, Seruianam explanationem quoque continet, non in marginibus ut fieri solet transcriptam sed uersibus Vergilianis interiectam; quapropter saepe inter Serui testes potius quam Vergili adnumeratur. Immo editores Haruardiani, qui Serui

19 Vide e.g. 1, 72; 5, 9, 68; 6, 10, 79; 8, 34; *georg.* 1, 72. Ea pars codicis d quae *Appendicem* continet inuenitur hodie (una cum *Aen.* 12, 682–952) in *Par. lat.* 8093, ut ego ipsa iam demonstraui: uide Conte, *Praef. Aen.* XXII adn. 44.

20 B. Munk Olsen, *L'étude des auteurs classiques latins aux XI^e et XII^e siècles. Catalogue des manuscrits classiques latins copiés du IX^e au XII^e siècle*, II, Paris 1985.

21 *Les manuscrits classiques latins de la Bibliothèque Vaticane*, III, 1, Paris 1991.

22 E.A. Lowe, *Virgil in South Italy*, «Stud. Med.» n.s. 5, 1932, 43–51 [= *Paleographical Papers*, I, Oxford 1972, 327–334]; id., *The Beneventan script*, Roma 1980².

23 Duo sunt Casino oriundi: cod. *Casin. Compact.* XV (saec. XI^{3/4}); *Vat. Gr.* 2324 (saec. XI^{ex}). Ex libris Bernardi Rosenthal extat fragmentum saec. XI² Barri transcriptum: uide V. Brown, «Stud. Med.» 40, 1978, 271.

24 A. Petrucci, C. Romeo, *Scriptores in urbibus: alfabetismo e cultura scritta nell'Italia altomedievale*, Bologna 1992, 193.

explanationem ad *Aeneida* peruulgauerunt, hunc coluerunt satis; qui autem quam artis uinculis coniunctus sit cum Serui praestanti codice *Vat. lat.* 3317, ex eadem regione oriundo, Stoker bene confirmauit²⁵: non parui autem est pretii codex ille Vaticanus, qui formam eius commentarii propriam praebet, ut ex ipsis Scholiis Vaticanis in *Georgicon*, a Georgio Thilo editis, colligi potest. Mutilus hic codex est, nam caret plerisque *Bucolicis* (restant 8, 44 – 10, 20) ac totis *Georgicis* (quae certe continebat²⁶); totam seruat *Aeneida* exceptis uersibus 12, 84–110 et 12, 347–952.

Descripsit Munk Olsen II, 747; *Virgilio e il chiostro* n° 40²⁷.

n = *Neap. Vindob. lat.* 6, saec. X² Neapoli, ut uidetur, exaratus, Ioanne III consule et duce (928–968): hic enim «libros, quos in sua dominatione inuenit, renouauit atque meliores effecit, deinde anxie inquirens sicut philosophus...multos et diuersos libros accumulauit et diligenter scribere iussit»²⁸. De ista Vergiliana renouatione indicium faciunt insignes picturae quae plurimae ibi continentur: afficimur enim admiratione quod, post duo antiqua exemplaria (**FR**), nullus fere liber usque ad hanc aetatem inuenitur cuius textus imaginibus pictis exornatus sit. Inde suspicari licet hunc codicem ex uetusto fonte manasse cum praesertim uarias lectiones haud nullius momenti seruauerit²⁹. Dicas profecto non solum Vergili textum sed etiam antiquam pingendi artem refluuisse per has imagines renouatam,

25 A. F. Stocker, *A Possible New Source for Servius Danielis on Aeneid III–V*, «Studies in Bibliography» 4, 1951–52, 129–141. Sed uide Ch. E. Murgia, *Prolegomena to Servius 5. The manuscripts*, Berkeley; Los Angeles; London 1975, 136–141.

26 Ch. E. Murgia, *Prolegomena*, 139.

27 M. Dell'Omo, (cur.), *Virgilio e il chiostro. Manoscritti di autori classici e civiltà monastica*, Roma 1996.

28 *Monumenta ad Neapolitani ducatus historiam pertinentia*, edidit B. Capasso, Neapoli 1881–1892, I, 339–340.

29 Vide e.g. ad 3, 81; 4, 18, 52, 57; 5, 46, 77; 6, 5, 6; 8, 40, 44.

quamvis formis cultuque Aeui Medii indutam³⁰. Scholia praecipue de Seruio uulgato deprompta sunt (id quod tamen non satis est inuestigatum). Hic liber denique confirmat quanto studio quantaque diligentia carmina Vergili Neapoli lectitata sint³¹: in hac urbe, eandem sortem quam codex v secutus, sine intermissione usque ad XVIII saeculum n seruatus est, huc postea e Vindobonensi exilio rediit. Primus contulit Geymonat 1973 (uide etiam Geymonat 2008, XIV adn. 38).

Descripsit Munk Olsen II, 747–748; *Virgilio e il chiostro* n° 42.

- o = *Oxon. Canon. Class.* 50 *Apulia oriundus* (XI^{3/4}), non dissimilem exhibet scribendi et exornandi rationem quam in libris sub medio XI saeculo Barii confectis uidemus³². Hic liber, omnia Vergili carmina continens, cum folia aliquot amiserit, admodum est praesertim in *Georgicis* lacunosus; in marginibus transcriptam affert Serui explanationem, cui nonnullae additae sunt adnotationes a commentario quod Philargyri dicitur uerisimiliter depromptae³³. In manibus Antonii Beccaria fuit, a quo manuscriptum quempiam Vergili constat Veronensi canonicae Sancti Leonardi anno 1464 donatum esse³⁴; postea a claro uiro Venetiano Matthaeo Aloisio Canonici emptus est. Cum primo a G. Butler collatus esset³⁵, uarias lectiones hic detectas posterius

30 P. Courcelle, *La tradition antique dans les miniatures inédites d'un Virgile de Naples*, «Mélanges d'archéologie et d'histoire» 56, 1939, 243–79; H. Belting, *Studien zur beneventanischen Malerei*, Wiesbaden 1968, 137–143; C. Bertelli, *L'illustrazione di testi classici nell'area beneventana dal IX all'XI secolo*, in: *La cultura antica nell'occidente latino dal VII all'XI secolo*, Spoleto 1975, 918.

31 G. Cavallo, *La trasmissione dei testi nell'area beneventano-cassinese*, in: *La cultura antica nell'occidente latino dal VII all'XI secolo*, Spoleto 1975, 379 sq. (= *Dalla parte del libro. Storie di trasmissione dei classici*, Urbino 2002).

32 O. Päth, J.J. Alexander, *Illuminated Manuscripts in the Bodleian Library*, Oxford 1970, II, 2 n°12; G. Cavallo, *La trasmissione*, 402 sq.

33 J.J. Savage, *The manuscripts of Servius's Commentary on Virgil*, «Harv. Stud. Class. Phil.» 45, 1934, 201 sq.

34 R.W. Hunt, *The survival of Ancient Literature*, Oxford 1975, 61.

35 *Codex Virgilianus, qui nuper ex biblioth. Can. Abbatis Venetiani Bodleianae accessit cum Wagneri textu collatus a G. Butler*, Oxford 1854.

neglexerunt editores; eum siglo o distinxit Otto Ribbeck eumque in Prolegomenis commemoravit³⁶; idem siglum ego sum mutuata.

Descripsit Munk Olsen II, 750–751; *Virgilio e il chiostro* n° 45.

δ = *Par. lat.* 10308 Casini descriptus saec. XI^{3/4}, ut F. Newton demonstravit³⁷, omnia Vergilii carmina continens, ita instructus uidetur fuisse ut explanationem quoque haberet amplis in marginibus, qui tamen adnotationibus repleti sunt non omnes. Glossemata et scholia, quae non modo ex Seruiana doctrina constant, nonnumquam in *Georgicis* possunt cum *Vat. lat.* 3317 comparari³⁸. Cum hic liber in possessione Pii VI fuerit, cuius priuata bibliotheca anno 1798 redintegrata est, una cum quadraginta manuscriptis a Pontifice donatis anno 1801 Lutetiam peruenit³⁹. Descripsit Munk Olsen II, 765–766.

ε = *Vat. Lat.* 1573 Casini descriptus⁴⁰, haud aliter ac δ, sub Desiderio abbate saeculis XIII–XIV retractatus est: nam ea aetate accesserunt non solum extrema *Aeneidos* pars a u. 7, 371 usque ad finem, sed etiam aliquot glossemata et scholia. Versus 1–42 primae eclogae, pristinis uestigiis recalcatis, repinxit aliqua saeculi XII manus, quae mihi uidetur ductus Beneuentanae manus subiacentes diligenter renouasse: nam euanida prioris manus signa possunt facile agnosci, ut etiam ex uersu spurio apparet qui est margini inscriptus ut uersum 17 sequatur. Hic liber, cum in possessionem uenisset Nicolai V Pontificis, iam anno 1455 relatus est in indicem Vaticanum.

36 *Prolegomena critica ad P. Vergili Maronis opera maiora*, scripsit O. Ribbeck, Lipsiae 1866 (= Hildesheim 1966 phot. expr.), 348–353.

37 F. Newton, *The Scriptorium and Library at Montecassino*, Cambridge 1999, 148 sq.

38 J.J. Savage, *The manuscripts of the Commentary of Servius Danielis on Virgil*, « Harv. Stud. Class. Phil. » 43, 1932, 77–121.

39 E.K. Rand, *Un nouveau fragment bénéventin* «Latomus», 2, 1938, 279–283; M.-P. Laffitte, *La Bibliothèque nationale et les "conquêtes artistiques" de la Révolution et de l'Empire: les manuscrits d'Italie (1796–1815)*, «Bulletin du bibliophile» 2, 1989, 309 sq.

40 F. Newton, *The Scriptorium*, 108 sq.

Descripsit Munk Olsen II, 786; MCBV III 1, 135–138⁴¹.

ζ = *Vat. lat.* 3253. hic codex, quem Franciscus Newton censuit Casini descriptum esse exeunte ferme XI saeculo⁴², non solum scholiis caret sed mutilus est parte priore: exstant enim *georg.* 1, 421 – *Aen.* 12, 471. Prius quam in Bibliothecam Vaticanam adscitus est, in Fului Ursini possessione fuit⁴³.

Descripsit Munk Olsen II, 790.

η = *Reg. Lat.* 2090 Apulia oriundus⁴⁴, descriptus est XI saeculo exeunte, etiamsi aliquas exhibet partes postea suppletas: etenim, cum codex pristinus, de quo *buc.* 7, 63 – *Aen.* 10, 666 tantum supersunt, et principium perdidisset et finem, *Aeneidos* extremam partem primasque eclogarum tres subdidit aliqua manus humanisticae aetati adscribenda, quam ego neglexi. E contrario uarias lectiones (siglo η adhibito) commemorauī quas in subditicio folio inueni: hoc folium, saeculo XIV scriptum, uersus *georg.* 1, 148–219 propter codicis iacturam amissos suppleuit; ex mendis autem facile potest intellegi hunc librarium anti-grapho usum esse Beneuentana scriptura exarato (uide *georg.* 1, 215 *fabis*] *fauis* οη; 216 *accipiunt*] *accipiant* cηη; 218 *auerso*] *aduerso* ηη). Codex, qui scholia et glossemata continet, eiusdem aetatis nonnulla, permulta uero recentiora, medio ferme XIII saeculo nondum excesserat meridiana Italiae regione; ibi Nicolaus quidam imagunculas aliquas adumbravit⁴⁵.

Descripsit Munk Olsen II, 784; *Virgilio e il chiostro* n° 47.

41 *Les manuscrits classiques latins de la Bibliothèque Vaticane*, III 1, Paris 1991.

42 F. Newton, *The Scriptorium*, 110–112; 174 sq.

43 P. De Nolhac, *La Bibliothèque de Fulvio Orsini*, Paris 1887, 240, 274.

44 E.A. Lowe, *Virgil in South Italy*, 50–51; Y.-F. Riou, «Cahiers de civilisation médiévale», 33, 255–280, 393.

45 C. Villa, *Commentare le immagini. Dalla rinascita carolingia al Trecento*, in: M. Buonocore (cur.), *Vedere i classici. L'illustrazione libraria dei testi antichi dall'età romana al tardo medioevo*, Roma 1966, 61.

His codicibus examinatis, nonnulla mihi occurrerunt menda quae eos cognatos esse comprobarent, ab illis Carolinis uero diuisos⁴⁶. Sunt tamen etiam menda quibus communiter et Longobardici et Carolini laborentur⁴⁷: quare siglo ω horum consensum (uel illis exceptis quos separatim nominarem) notauim. Quantum autem boni de istis libris capiatur ex aliquot locis inferri potest ubi sincerarum lectionum soli tradere uidentur quas antiquiores testes, laceri fortuito uel passim mutilati, amiserunt⁴⁸. Codices autem recentiores perraro commemorauim, at Ausonensem 197, qui antiquissimus extat inter libros in Hispania transcriptos⁴⁹, ad fidem aliquarum lectionum confirmandam placuit nonnumquam uocare (5, 45; 8, 56; 10, 33). Nam, cum Vergili codices a stirpe prima quasi patriam familiam ordine enumerare non detur, officium editoris esse credo eas reliquias detegere ac defendere quae in grege tam contaminato pristinam sinceritatem seruent. Qua in re a multis iam praecurrebar qui suae sapientiae lampada posteris tradiderunt.

Maximo lucro, fateor enim, omnes priorum editorum labores nobis fuerunt, maximaque ergo gratia reddenda est Ottoni Ribbeck, Remigio Sabbadini, Aloisio Castiglioni, Rogero Mynors, Mario Geymonat, qui plurimum firmamenti inuestigationi nostrae dederunt; ne taceamus tamen de ingeniosis doctisque uiris Perret⁵⁰ et Goold⁵¹ qui nonnumquam nostras exacuerunt cogitationes. Multum profuerunt etiam antiquiores editiones, in primis Bur-

46 Vide ad 1, 17, 63 (*labetur*); 2, 57 (*concedet*); 3, 51 (*laccesses*), 84 (*sit*); 4, 61 (*tulerant*); 7, 67 (*nos*); 8, 39 (*ceperat*), 107 (*certi est*); 10, 13 (*illum etiam*). E contrario nonnumquam fit ut, ubi Carolini errent, Longobardici bene legant: uide e.g. 3, 38 (*facili*); 9, 6 (*uertat bene*); 10, 10 (*peribat*).

47 Vide 1, 72 (*en quis*); 2, 73 (*alexis*); 4, 52 (*laetentur*), 55 (*uincet*); 6, 30 (*miratur*), 33 (*exordia*); 8, 58 (*fiant*); 10, 19 (*opilio*).

48 Vide 1, 12 (*turbatur kyzΛ*); 3, 26 (*iuncta ε*), 66 (*at ωγ*); 4, 59 (*dicet P²εε*); 5, 3 (*considimus cdekΛγ¹*), 25 (*nec Λ*); 45 (*nobis carmen er*); 6, 85 (*referri M²P²cfikxyφ₁γ*); 8, 74 (*hanc tΛ*).

49 M. Librán Moreno, «Ex. Class.» 9, 2005, 22–73.

50 Publius Vergilius Maro, *Les Bucoliques*. Edition, intr. et comm. de J. Perret, Paris 1961.

51 Virgil, *Eclagues Georgics Aeneid I–VI*, with an English translation by H. R. Fairclough revised by G.P. Goold, Cambridge, MA 1999.

manniana⁵², quae notas uariorum plurimas continet, nec minus ea quae ampla ac subtili explanatione a Christiano G. Heyne et G. Wagner⁵³ instructa est. Hoc enim studui ut optima quaeque recipere quae, iam neglecta et uulgo oblitterata, aliqui uiri sapientes antea excogitassent⁵⁴.

Apparatus meus uolui ut lectiones uarias nonnisi necessarias, uel alioquin utiles, exhiberet, salua tamen integritate totius testificationis: etenim cursum tenui quem prius Ioannes Blasius Conte in *Aeneidos* apparatu est feliciter secutus: itaque medium quiddam paraui inter Rogeri Mynors sobriam breuitatem et Mari Geymonat abundantiam copiosam⁵⁵. In textu *Bucolicon* constituendo, sicut ante iam dixi, spectare studui quam maxime Vergili scribendi usum, praesertim ubi mutili sunt codices uetustissimi, quorum tamen auctoritati sum interdum reluctata si ratio et prudentia me magis instabant. Vtinam ne, cum tempus uenerit ignobilis otii, temeritatis me paeniteat quam audax iuuenta accendit!

Si textum meum examinaueris, nonnulla noua inuenies: insunt enim emendationes quas egomet ipsa excogitauit⁵⁶; insunt etiam coniecturae quae, ab aliis prolatae nec umquam receptae, ibi primum hospitii iura obtinent⁵⁷; insunt denique lectiones aliquot quae, etsi honeste traditae, hactenus apud editores fere nullos plenum

52 P. Virgilio Maronis *opera*, curauit P. Burmannus junior, Amstelaedami 1746 (uide indicem philologorum).

53 P. Virgilio Maronis *opera* uarietate lectionis et perpetua adnotatione illustrata a Chr. G. Heyne, editio quarta; curauit G. P. E. Wagner, I, Lipsiae – Londini 1830.

54 Vide 1, 44 (*hoc*); 3, 79 (*Iolla*); 3, 98–99 (uersus transpositi), 3, 100 (*quom*).

55 Ab hac ratione tunc discessi cum uoces insulas uel absurdas in apparatus rettuli, quae tamen lectori nonnihil prodesse uiderentur: uide e.g. 7, 23 (*possimus* in multis libris inuenitur); 5, 66 (sunt enim qui *duas altaria Phoebos* in suspitione uocent). Duplices lectiones quas codex Palatinus saepe exhibet diligenter transcripsi: 2, 61 (*quase*), 73 (*fastidiat*); 5, 25 (*necque*); 6, 34 (*omnisa*), 74 (*loquaor*).

56 Vide 3, 79 (*Iolla*), 102 (*hisce arte*), 4, 23 (uersus deletus), 54 (*quantus*), 5, 30 (*et ducere*), 7, 45–48 (uersus transpositi), 9, 45 (*nisi*).

57 Vide 1, 44 (*hoc*), 2, 2 (*qui*), 94–99 (uersus transpositi), 100 (*quom*), 5, 28 (*feros siluasque*), 7, 46 (*grata*).

honorem umquam habuerunt⁵⁸. Cui tribuendi essent uersus uel singuli uel continuati, attentissime perpendi, itaque personarum loquentium nomina, si res poscebat, permutaui⁵⁹. Saepe autem, distinctione commutata, sensum potui restituere probabilior⁶⁰. In apparatu meo etiam nonnullas adnotatiunculas inuenies, quibus conata sum locos explicare ambiguos uel suspectos: criticorum enim opiniones dissidentes fidem codicum in discrimen adduxerant periculose⁶¹.

Quod nunc ad orthographiam pertinet, pauca de hac incertissima materia adiciam prudentibus uerbis quae Ioannes Blasius Conte in *Praef. ad Aen.* scripsit: illa omnino sum secuta. Difficilis instat in *Bucolicis* quaestio utrum Graeca nomina Graece declinata sint an Latine: equidem ego, propter Vergilianam Theocriti aemulationem, etsi pauci de codicibus praesidio mihi essent, Graecam tamen rationem praeoptaui⁶². Nam et metrum ipsum⁶³ et codicum adfluentia⁶⁴ formas Graecas nonnumquam confirmant; Macrobius autem testatur (*Sat.* 5, 17, 19) saepe Vergilium declinationibus Graecis delectatum esse. Attamen aliquis modus est, credo, retinendus: is enim fallitur qui nomina ad unam formam ita accomodat ut Graeca sint omnia, quod Coleman temere fecisse constat⁶⁵. Certe enim Vergilius non solum decentiae attentus sed etiam uocalitatis studiosus, quiddam medium maluit tenere; quare eum puto *Alconis* scripsisse, non *Alconos*, pariterque *Alcimedontis*,

58 Vide 1, 59 (*aequore*), 64 (*labantur*), 72 (*perduxit*), 2, 32 (*primus*), 3, 34 (*altera*), 4, 18 (*ac*), 52 (*laetantur*), 55 (*uincat*), 59 (*dicet*), 62 (*parentes*), 5, 3 (*considimus*), 25 (*nec*), 38 (*purpurea*), 45 (*nobis carmen*), 6, 2 (*nec*), 30 (*mirantur*), 85 (*referri*), 7, 25 (*nascentem*), 48 (*laeto*), 68 (*cedet*), 8, 24 (*primum*), 74 (*hanc*), 9, 9 (*ueteris...fagi*).

59 Vide ad 7, 49–56, 8, 105–107, 9, 46–50.

60 Vide ad 1, 69 (*mea regna uidens*), 71–72 (*en...?*), 3, 50 (*ecce Palaemon*), 5, 66 (*altaria*), 6, 16 (*tantum capiti delapsa*), 38 (*altius*).

61 Vide ad 1, 53, 69; 2, 32–33; 3, 10–11, 79, 88, 105, 110; 4, 46; 5, 66; 6, 16, 24, 80; 7, 19, 70; 9, 36; 10, 16–18, 44.

62 Vide 2, 14; 3, 81 (*Amaryllidos*), 3, 12 (*Daphnidos*), 6, 13 (*Mnasylllos*), 8, 30 (*Hesperos Oetan*), 8, 98; 9, 53 sq. (*Moerin*).

63 Vide e.g. 1, 5 (*Amaryllida*), 2, 6 (*Alexi*), 5, 52 (*Daphnin*).

64 Vide 2, 1; 5, 86 (*Alexin*), 3, 15 (*Menalcan*), 5, 20, 51; 7, 7; 8, 68 (*Daphnin*).

His locis codices Carolinos in apparatu non indicaui.

65 Virgil, *Eclagues*, edited by R. Coleman, Cambridge 1977, 39.

Coridonis, *Damonis*, *Miconis*, *Aegonis*, prout aures sane postulabant⁶⁶. Cetera nomina, e.g. *Mopsus* et *Ismarus*, a Latinis formis minime differebant aut a poetis iam usurpata in consuetudinem uenerant (6, 2 *Thalea*; 8, 69 *Ulixi*); nomen autem *Phyllis* ancillis tam frequenter impositum esse credo (cf. Hor. *carm.* 2, 4, 14) ut peregrinum non iam sonaret: quare *Phyllidis* (5, 10; 7, 59), non *Phyllidos* dixit. Vergilius uero tantum gaudebat in declinationum uarietate ut uerisimile sit eodem nomine tum Graece tum Latine usum esse (6, 30 *Hesperos*, 10, 77 *Hesperus*).

Quod autem ad cetera uerba attinet, tantum eas uarias lectiones adnotaui quae mihi haud superfluae uisae sunt (e.g. 1, 13 *protenus*, 2, 22; 3, 6 *lact*, 3, 39 *ederam*); nunc uero de adiectiuo *formosus*, saepe in *bucolicis* usurpato, aliqua singillatim explicabo. Etiam si tituli lapidarii ueterioresque libri manuscripti (inter quos Vergiliani quoque)⁶⁷ *formonsus* nonnumquam scribunt, etymologia tamen huic scribendi rationi suffragari non uidetur⁶⁸, de qua nullam in apparatu critico feci mentionem. Restat ut de accusatiuis pluralibus in *-is* et *-es* exeuntibus paucos locos indicem ubi formam *-es* praetuli (plerumque alteram sum secuta): praeter eos, ubi et libri et editores fere omnes consentiunt⁶⁹, habes 1, 73 (*uites*⁷⁰), 3, 96

66 Vide e contrario quae Quintilianus affirmat: «Mihi autem placet rationem Latinam sequi, quousque patitur decor. Neque enim iam ‘Calypsonem’ dixerim ut ‘Iunonem’, quamquam secutus antiquos C. Caesar utitur hac ratione declinandi; sed auctoritatem consuetudo superauit» (*Inst.* 1, 5, 63).

67 2, 1 *formonsus* R; 17 *formonse* R; 45 *formonse* PR; 3, 79 *formonse* R; 4, 57 *formonsus* PR; 5, 44 *formonsi* PR; 7, 38 *formonsior* Par; 7, 55 *formonsus* Pa; 10, 18 *formonsus* PRabr.

68 F. Skutsch, *Odium und Verwandtes*, «Glotta» II (1910), 244–246 (= *Kleine Schriften*, Leipzig 1914, 402–405).

69 1, 22 *similes*; 3, 108; 9, 14 *lites*; 4, 39 *merces*; 5, 57 *nubes*; 6, 76 *rates*; 9, 61 *frondes*; 10, 58 *rupes*; 10, 66 *niues*.

70 Hanc lectionem omnes libri testantur: adde quod forsitan quodam modo memoratur 9, 50 *nepotes*.

(*pascentes*⁷¹), 3, 98 (*oues*⁷²), 3, 105 (*tres*⁷³) et 8, 13 (*uictrices*⁷⁴). Quid multa? inter omnes constat libros manuscriptos tanta inconstantia esse ut nec firmissimam nec grauissimam possint auctoritatem iactare; editores contra, fide tam incerta innixi, si ueram Vergili orthographiam restituere omni pretio conabuntur, necesse est incidant in errorem.

De ipsa operis inscriptione breuiter dicam oportet. Titulum qui est *Bucolica* seu *Bucolicon liber* iam ueteres auctores agnoscunt⁷⁵ et codices antiquiores confirmant⁷⁶. Nam pastoralia poemata, ut constat, a Vergilio sunt Graeco nomine cuncta appellata, haud aliter ac *Georgica* et *Aeneis*. Singula autem carmina *Eglogas* grammatici nuncupauerunt: quam consuetudinem recepi, quia usui mihi esse uidebatur nec mecum uiri docti dissentiebant⁷⁷. Alia nomina, quae singulis carminibus inscripta in libris uel commentariis inueniuntur, omisi: nam ad hoc tantum a grammaticis ficta uidebantur ut singula argumenta explanarent⁷⁸. Fides autem aliqua est Donato facienda, quo teste nomina pastorum antiquitus singulis carmi-

71 F. Bömer, *Der Akkusativus pluralis auf -is, -eis und -es bei Vergil*, «Emerita» 22, 1954, 205.

72 Respondet enim hic accusatiuus ad uocatiuum (3, 94 *parcite, oues*).

73 Cf. *Aen.* 10, 350 et Gell. 13, 21, 10 sqq. (uide F. Bömer, *Der Akkusativus*, 197–198).

74 F. Bömer, *Der Akkusativus*, 206.

75 Fest. 232 Linds.; Quint. 8, 6, 46; Colum. 3, 9, 4; Macrob. *Sat.* 5, 17, 20; *Vita Donati* 5 Br.; *Vita Probi* 71 Br.; Seru. *Ad buc. Praef.* 3 Th.

76 Codicum antiquiorum inscriptiones haec sunt: *P. Vergili Maronis Bucolica explicit G: P. Vergili Maronis Bucolicon liber explicit M: Bucolicon P: Vergili Maronis Bucolica explic. Feliciter R.*

77 A. Traina, *De uocis 'eclogae' ui et usu*, «Latinitas» 15, 1967, 97–100.

78 Vide e.g. inscriptionem eclogae 4 in libris adpositam: *saeculi noui interpretatio* **YR**; *buc.* 6: *faunorum satyrorum* (et add. **R**) *silenorum dilectatio* (del- **R**) **PR**; *buc.* 10: *conquestio cum gallo poeta de agris* **M**: *conquaestio de agris cum gallo cornelio* **P**: *incipit egloga decima de desiderio galli circa uoluminiam cuthcidem* (intellige *Voluminiam Cytheridem*: uide infra adn. 79) *meretricem quam lycoridem dicit a.*

nibus imposita erant⁷⁹; in incerto tamen habetur an ipse Vergilius uoluerit ad hunc modum carmina sua nominari⁸⁰. Cum libri manuscripti de titulis atque nominibus ad personas loquentes appositis consentiant omnes, illa retinui indicia, etsi non semper firmissima sit in hac re auctoritas librorum, ut inter eos constat qui scaenicos poetas ediderunt⁸¹.

Anxia animi atque incerta *Bucolicon* libellum nunc lectoribus commendo, quocum una tantum temporis spatium laete traduxi et laboriose. Profecto, fateor, non sine multorum auxilio aut consilio iter poteram uincere tam durum. Primum laudare iuuat Ioannem Blasium Conte qui custos praesidiumque mihi semper adfuit, saepeque sua loquendi elegantia subuenit: ille me sociam in hoc incepto adiungere uoluit mira liberalitate, ille qui meos animos adhuc rudis iucundissimis disputationibus per duodecim annos formauit. Nam quasi sodalis, immo aequalis, mihi ceterisque discipulis semper fuit nec ullum posuit inter discendum et docendum discrimen: quod maxime τοῦ συμφιλολογεῖν proprium esse puto. Eius optimus discipulus, Emmanuel Berti, ualde mihi opitulatus est qui saepe mecum criticum apparatus ponderauit. In libris examinandis Iuliae Ammannati rara doctrina nonnumquam innixa sum, itemque grates illis bibliothecis persoluendae sunt, in quibus per multos annos Vergili codicum studiosa uersata sum. Quid dicam de iis quos de locis difficilioribus uel nouis coniecturis consului ut quid sentirent aperte dicerent? In primis James N. Adams, Guido D'Alessandro, Marcus Deufert, Maximus Gioseffi,

79 Don. *Verg. ecl. praef.* 68 Hagen: «Prima igitur continet conquestionem publicam, priuatam gratulationem de agro et dicitur 'Tityrus'; secunda amorem pueri et dicitur 'Alexis'; tertia certamen pastorum et dicitur 'Palaemon'; quarta genethliacum et dicitur 'Pollio'; quinta ἐπιτάφιον et dicitur 'Daphnis'; sexta μεταμορφώσεις et dicitur 'Varus' uel 'Silenus'; septima delectationem pastorum et dicitur 'Corydon'; octaua amores diuersorum sexuum et dicitur 'Damon' uel 'pharmaceutria'; nona propriam poetae conquestionem de amisso agro et dicitur 'Moeris'; decima desiderium Galli circa Volumniam Cytheridem et dicitur 'Gallus'».

80 B. Schröder, *Titel und Text*, Berlin 1999, 226–235.

81 Notis, non nominibus personae pristino more designabantur: quare saepe in libris personae mutantur. Vide J. Andrieu, *Le dialogue antique*, Paris 1954, 209–229; 302; M.L. West, *Textual Criticism and Editorial Technique*, Stuttgart 1973, 55.

Stephanus Grazzini, Philippus M. Pontani, Louis Holtz, Michael D. Reeve, Ernestus Stagni multa me docuerunt, sed omnes enumerare longum est: magno enim timore teneor ne quemquam silentio praeteream. In Schola Normali Superiore magistros ac contubernales inueni qui fere alteram mihi domum alterosque focos praestiterunt: horum omnium memoriam habeo gratissimam. Summa spes denique in iis ponitur adulescentibus qui mecum operam fortiter nauauerunt ut Vergiliani codices a temporum obliuione uindicati omnibus doctis peruulgarentur (<http://www.sns.it/ricerca/lettere/manoscrittivirgilio/>). Et iam nos plura dicere uolentes fugit poetae uox lectoresque adloquitur ipsos.

S.O.

Scribebam Pisis Abellinique
sub occasum anni MMXII

TABVLA NOTARVM

<i>Acc.</i>	L. Accius (saec. II–I a.C.).
<i>ps. Acro</i>	Acronis quae dicuntur scholia in Horatium (ed. O. Keller, Lipsiae 1902–1904).
<i>Agroec.</i>	Agroecius (saec. V), <i>Ars de ortographia</i> (GLK VII; ed. M. Pugliarello, Milano 1978).
<i>Anth. Lat.</i>	<i>Anthologia Latina</i> (ed. A. Riese, Lipsiae 1894–1906).
<i>Apthon.</i>	Aelius Festus Apthonius (= ps. Marius Victorinus, saec. IV?), <i>De metris omnibus</i> (GLK VI).
<i>Apul.</i>	Apuleius Madaurensis (saec. II).
<i>Archil.</i>	Archilochus (saec. VII a.C.).
<i>Arus.</i>	Arusianus Messius (saec. IV), <i>Exempla elocutionum</i> (GLK VII; ed. A. Della Casa, Milano 1977; A. Di Stefano, Hildesheim 2011).
<i>Callim.</i>	Callimachus (saec. III a.C.).
<i>Calp. Sic.</i>	T. Calpurnius Siculus (saec. I).
<i>Catull.</i>	C. Valerius Catullus (saec. I a.C.).
<i>Char.</i>	Flavius Sospater Charisius (saec. IV), <i>Ars grammatica</i> (GLK I; ed. C. Barwick et F. Kühnert, Lipsiae 1924, 1964 ²).
<i>Cic.</i>	M. Tullius Cicero (106–43 a.C.).
<i>CIL</i>	Corpus Inscriptionum Latinarum.
<i>Claud.</i>	Claudius Claudianus (saec. IV–V).
<i>Colum.</i>	L. Iunius Moderatus Columella (saec. I), <i>Res rustica</i> (ed. R.H. Rodgers, Oxonii 2010).
<i>Cons.</i>	Consentius (saec. V), <i>Ars grammatica</i> (GLK V).
<i>Diom.</i>	Diomedes (saec. IV), <i>Ars grammatica</i> (GLK I).
<i>Don. ad Ter.</i>	Aelius Donatus (saec. IV), <i>Commentum Terenti</i> (ed. P. Wessner, Lipsiae 1902–1905).
<i>Dosith.</i>	Dositheus (saec. IV?), <i>Ars grammatica</i> (GLK VII; ed. G. Bonnet, Paris 2005).
<i>DSeru.</i>	Seruius qui dicitur Danielis uel auctus (quae scholia Seruianis addita partim primus edidit P. Daniel, Parisiis 1600; uide <i>Seru.</i>).
<i>Eur.</i>	Euripides (saec. V a.C.).

- Eus.* Eusebius Caesariensis (saec. IV), *Constantini oratio ad sanctorum coetum* (ed. L. A. Heikel, Lipsiae 1902).
- Exp.* *Anonymi brevis expositio Vergilii Georgicorum I–II* (saec. V?), male Iunio Philargyrio adscripta (ed. H. Hagen in *Appendice Serviana*, Lipsiae 1902).
- Expl.* *Iunii Philargyrii grammatici explanatio in Bucolica Vergilii* (saec. V?), duplici forma tradita (*Expl. I*, *Expl. II*; ed. H. Hagen in *Appendice Serviana*, Lipsiae 1902).
- Fulg.* Fabius Planciades Fulgentius (saec. V?), *Expositio Vergilianae continentiae* (ed. R. Helm, Lipsiae 1898).
- Gaetul.* Cn. Cornelius Lentulus Gaetulicus (saec. I; in *Fragmenta poetarum Latinorum*, ed. W. Morel, Lipsiae 1927, et denuo J. Blänsdorf, Lipsiae 1995).
- Gell.* Aulus Gellius (saec. II).
- Germ.* Claudius Caesar Germanicus (saec. I in.), *Arati Phaenomena*.
- GLK* *Grammatici latini* ex recensione H. Keilii (I–VIII, Lipsiae 1857–1880).
- Gramm.* e grammaticis tres pluresue (uide indicem auctorum in *GLK* VII).
- Hdt.* Herodotus (saec. V a.C.).
- Hier.* Sophronius Eusebius Hieronymus (c. 347–420), in *Hieremiam libri VI* (ed. S. Reiter, Turnhout 1960).
- Hom.* Homeri Ilias et Odyssea (saec. VIII–VII a.C.).
- Hor.* Q. Horatius Flaccus (65–8 a.C.).
- Isid.* Isidorus Hispalensis (saec. VI–VII), *Etymologiae* (ed. W. M. Lindsay, Oxonii 1911).
- Iuu.* D. Iunius Iuuenalis (I–II saec.).
- Lact.* L. Caecilius Firmianus Lactantius (saec. III–IV).
- Lib. Gloss.* *Liber Glossarum* uel *Glossarium Ansileubi* (saec. VIII; ed. W. M. Lindsay, J. F. Mountford, J. Whatmough, in *Glossaria Latina*, I, Paris 1926).
- Lucr.* T. Lucretius Carus (saec. I a.C.).
- Lycophr.* Lycophron (saec. III a.C.).
- Macrobr.* Macrobius Ambrosius Theodosius (saec. V in.), *Saturnalia* (ed. I. Willis, Lipsiae 1963, 1970²; ed. corr. 1994).

<i>Mart.</i>	M. Valerius Martialis (saec. I).
<i>Meleagr.</i>	Meleager (saec. II–I a.C.).
<i>Nemes.</i>	M. Aurelius Olympius Nemesianus (saec. III), <i>Eclogae</i> .
<i>Non.</i>	Nonius Marcellus (saec. IV?), <i>De compendiosa doctrina</i> (ed. W. M. Lindsay, Lipsiae 1903).
<i>OLD</i>	Oxford Latin Dictionary.
<i>Ou.</i>	P. Ovidius Naso (43 a.C.–18 p.C.).
<i>Pers.</i>	A. Persius Flaccus (34–62).
<i>Petron.</i>	C. Petronius Arbiter (c. 27–66).
<i>Plaut.</i>	T. Maccius Plautus (saec. III–II a.C.).
<i>Plin.</i>	C. Plinius Secundus (23–79).
<i>Pomp.</i>	Pompeius (saec. V), <i>Commentum in artem Donati</i> (GLK V).
<i>Porph.</i>	Pomponius Porphyrio (saec. III), <i>Commentum Horatii</i> (ed. A. Holder, Aeniponti 1894).
<i>Prisc.</i>	Priscianus Caesariensis (saec. V–VI), <i>Institutiones grammaticae</i> (GLK II–III).
<i>Probus</i>	M. Valerius Probus, ut ferunt, <i>Instituta artium</i> (GLK IV), Palladio (saec. IV) potius adscribenda.
<i>ps. Probus</i>	Probi qui dicitur <i>Commentarius in Bucolica et Georgica</i> (ed. H. Hagen in <i>Appendice Seruiana</i> , Lipsiae 1902).
<i>Prop.</i>	Sextus Propertius (c. 50–15 a.C.).
<i>Quint.</i>	M. Fabius Quintilianus (saec. I ex.), <i>Institutio oratoria</i> .
<i>Ruf.</i>	Rufinus (saec. IV?; in <i>Anthologia Graeca</i>).
<i>Rufin.</i>	Iulius Rufinianus (saec. IV?), <i>De figuris sententiarum</i> (<i>Rhetores Latini minores</i> , ed. C. Halm, Lipsiae 1863).
<i>Sac.</i>	Marius Plotius Sacerdos (saec. III), <i>Artes grammaticae</i> (GLK VI).
<i>schol. Bemb.</i>	scholia in Terentium Bembina (cod. Vaticanus latinus 3226, saec. IV–V; ed. J. E. Mountford, Londinii 1934).
<i>schol. Bern.</i>	scholia Bernensia in Vergili <i>Bucolica</i> et <i>Georgica</i> (ed. H. Hagen, «JKPh» Suppl. IV, 1867 = Hildesheim 1967 phot. expr.).

- schol. Iuu.* scholia in Iuuenalem uetustiora (ed. P. Wessner, Lipsiae 1931, Stutgardiae 1967²).
- schol. Med.* scholia in Vergili *Bucolica* quae in codice Mediceo seruantur (ed. M. Ihm, «RhM» 45, 1890, 622–636).
- schol. Stat.* Lactantii Placidi, ut ferunt (saec. V–VI), *Commentarii* in Statii *Thebaida* et *Achilleida* (ed. R. D. Sweeney, Lipsiae 1997).
- schol. Theocr.* scholia in Theocritum uetera (ed. C. Wendel, Lipsiae 1914).
- schol. Ver.* scholia in Vergilium Veronensia (ed. A. Lunelli, «Maia» 53, 2001, 63–136).
- Sen.* L. Annaeus Seneca (c. 4 a.C.–65 p.C.).
- Seru.* Seruius (saec. IV–V), in Vergilium *Commentarii* (ed. G. Thilo, Lipsiae 1881–1887; accedit *Appendix* ceteros praeter Seruium et scholia Bernensia Vergili commentatores continens, ed. H. Hagen, Lipsiae 1902; ed. Harvardiana, Lancasteriae Pennsylvanorum 1946 [in *Aen.* I–II], Oxonii 1965 [in *Aen.* III–V]; ed. G. Ramires, Bologna 1996 [in *Aen.* IX], Bologna 2003 [in *Aen.* VII]; ed. E. Jeunet-Mancy, Paris 2012 [in *Aen.* VI]).
- Sil.* Silius Italicus (saec. I ex.).
- Stat.* P. Papinius Statius (saec. I ex.).
- Suet.* C. Suetonius Tranquillus (saec. II in.).
- Symm.* Q. Aurelius Symmachus (saec. IV).
- Ter.* P. Terentius Afer (saec. II a.C.).
- Ter. Maur.* Terentianus Maurus (saec. II?), *De litteris, de syllabis, de metris* (GLK VI; ed. C. Cignolo, Hildesheim 2002).
- Theocr.* Theocritus (saec. III a.C.).
- Thll* Thesaurus linguae Latinae.
- Tib.* Tiberius Claudius Donatus (saec. IV–V?), *Interpretationes Vergilianae* (ed. H. Georgii, Lipsiae 1905–1906).
- Val. Fl.* C. Valerius Flaccus (saec. I).
- ps. Verg.* ps. Vergilius, *Appendix Vergiliana*.

INDEX PHILOLOGORVM

- | | |
|-------------------|--|
| Bentley ad Manil. | <i>M. Manilii Astronomicon</i> , ex recensione et cum notis R. Bentleii, Londinii 1739. |
| Bonnell ad Quint. | <i>M. Fabii Quintiliani Institutionis oratoriae libri duodecim</i> , ad fidem codicum manuscriptorum recensuit E. Bonnell, I–II, Lipsiae 1854. |
| Brunck | <i>P. Virgilii Maronis Bucolica, Georgica et Aeneis</i> , ad optimorum exemplarium fidem recensuit R. F. Ph. Brunck, Argentorati 1785. |
| Burman | <i>P. Virgilii Maronis opera</i> , cum integris et emendatioribus commentariis Seruii, Philargyrii, Pierii. Accedunt F. Ursini, G. Fabricii, F. Nansii, Joh. Musonii, T. Fabri et aliorum et praecipue Nic. Heinsii notae nunc primum editae; quibus et suas et in omne opus animaduersiones et uariantes in Seruium lectiones addidit P. Burmannus, post cuius obitum interruptam editionis curam suscepit et adornauit P. Burmannus junior, I–IV, Amstelaedami 1746. |
| Cartault | A. Cartault, <i>Étude sur les Bucoliques de Virgile</i> , Paris 1897. |
| Guellius | <i>P. Virgilius Maro et in eum commentationes, et paralipomena Germani Valentis Guellii</i> (Germain Vaillant de Guélis), <i>Eiusdem Virgilii Appendix</i> , cum Josephi Scaligeri commentariis et castigationibus, Antuerpiae 1575. |
| Haupt | M. Haupt, <i>P. Vergilius Maro</i> , Lipsiae 1858. |
| Heinsius | <i>P. Virgilii Maronis Opera</i> , Nic. Heinsius Dan. fil. e membranis compluribus iisque antiquissimis recensuit, Amstelodami 1676; uide etiam Burman. |
| Heumann | Ch. A. Heumanni <i>Poecile, siue Epistolae miscellaneae ad litteratissimos aevi nostri uiros</i> , I–III, Halae 1722–1732. |

- Heyne *P. Virgilius Maro*, uarietate lectionis et perpetua adnotatione illustratus a Chr. G. Heyne, I–IV, Lipsiae 1767–1775; quartam ed. curauit G. Ph. Wagner, I–IV, Lipsiae–Londinii 1830–1833. [Accedunt Philippi Wagneri *Quaestiones Virgilianae*.]
- Hofmann J. B. Hofmann, *Lateinische Umgangssprache*, Heidelberg 1951³.
- Kirsch A. Kirsch, *Quaestiones Vergilianae criticae*, Diss. Münster 1886.
- Klouček *P. Vergili Maronis Opera*, scholarum in usum edidit W. Klouček, I–II, Lipsiae 1886.
- La Cerda *P. Virgilii Maronis Bucolica et Georgica*, argumentis explicationibus et notis illustrata a Ioanne Ludouico de la Cerda Toletano e societate Iesu, Francorum Vadi 1608.
- Lachmann ad Lucr. C. Lachmanni in *T. Lucretii Cari De rerum natura libros commentarius*, iterum editus, Berolini 1855.
- Lachmann ad Prop. *Sex. Aureli Propertii Carmina*, emendauit ad codicum meliorum fidem et annotauit C. Lachmannus, Lipsiae 1816.
- Ladewig *Vergils Gedichte*, erklärt von Th. Ladewig, I–III, Berlin 1850–1853; 6e (10e, 8e) Aufl. von C. Schaper, Berlin 1876–1886; 8e (11e, 9e) Aufl. bearb. von P. Deuticke, Berlin 1891–1907.
- Lindsay ad Plaut. *T. Macci Plauti Captini*, with introduction and notes by W. M. Lindsay, rev. ed., Oxford 1920.
- Madvig ad Cic. *M. Tulli Ciceronis De finibus bonorum et malorum*, Io. Nicolaus Madvigius recensuit et enarrauit, Hauniae 1869.
- Markland ad Stat. *P. Papinii Statii Siluarum libri quinque*, ex uetustis exemplaribus recensuit et notas atque emendationes adiecit Jer. Marklandus, Londinii 1728.

- Peerlkamp P. Hofman Peerlkamp, *Ad Virgilium*, «Mnemosyne» 10, 1861, 1–49; 113–163; 229–308; 367–388.
- Perret *P. Vergilius Maro, Les Bucoliques*, édition, introduction et commentaire de J. Perret, Paris 1961.
- Pierius Io. Pierius Valerianus (Giovan Pietro Bolzani), *Castigationes et uarietates Virgilianae lectionis*, Romae 1521.
- Politianus Angeli Politiani (Angelo Poliziano), *Miscellaneorum centuria prima*, Florentiae 1489.
- Ribbeck *P. Vergili Maronis Opera*, rec. O. Ribbeck, vol. I. *Bucolica et Georgica*, Lipsiae 1859.
- Sabbadini *P. Vergili Maronis Opera*, R. Sabbadini recensuit, Romae 1930.
- Scaliger Ecloga decima a Ios. Scaligero Dorice redita, [Lugduni Bataurorum 1600] (primo edita ap. Dan. Hensii *Emendationes et notae in Theocriti Idyllia bucolica*, Lugduni Bataurorum 1603).
- Scaliger ad Catull. *Catulli, Tibulli, Propertii noua editio*, Ios. Scaliger recensuit. Eiusdem in eosdem castigationum liber, Lutetiae 1577.
- Schrader Joh. Schraderi schedae manuscriptae, in *Virgilium emendationes continentes*, quibus Heyne usus est; J. Schrader, *Observationum liber*, Franecheriae 1761.
- Stephanus *Publii Virgilii Maronis Poemata*, nouis scholiis illustrata, quae Henr. Stephanus (Henri Estienne) partim domi nata, partim e uirorum doctissimorum libris excerpta dedit, Secunda editio, [Parisiis] 1583.
- Timpanaro S. Timpanaro, *Per la storia della filologia virgiliana antica*, Roma 1986.
- Wagner uide Heyne.
- Wakefield *P. Virgilii Maronis Opera*, emendabat et notulis illustrabat G. Wakefield, I–II, Londini 1796.

CONSPECTVS CODICVM

CODICES ANTIQVIORES

- M** Mediceus Laurentianus lat. Plut. XXXIX, 1, saec. V ex.
(perierunt 1, 1–6, 47)
M¹ librarius ipse se corrigens
M^A Turcius Rufius Apronianus Asterius
M² ceteri correctores, ex quibus nullus satis certe Carolinae aetati adsignari potest; dubium an interdum Asterius ipse
M^x librarius ipse uel alia manus
M^P Pomponius Laetus, anno fere 1470, minio corrigens (raro adnotatur, praesertim cum priorem correctionem renouasse uidetur)
- P** Vaticanus Palatinus lat. 1631, saec. V (perierunt 3, 72–4, 51, ubi **γ** a **P** descendens uicem praestat)
P¹ manus priori persimilis, minutis litteris uel in rasura corrigens; dubium an interdum librarius ipse
P² corrector quidam antiquus (qui, fide Sabbadini, codicem etiam distinxit); interdum et aliae manus antiquae uel recentioris aetatis
P^x librarius ipse uel alia manus
- R** Vaticanus lat. 3867 (“Romanus”), saec. VI in. (perierunt 7, 1–10, 9, ubi apographon **a** uicem praestat)
R¹ librarius ipse se corrigens
R² corrector aliquis antiquus uel raro recentioris aetatis
R^x librarius ipse uel alia manus
- V** Veronensis XL (38), saec. V, rescriptus (supersunt 3, 27–52; 5, 86–6, 20; 7, 12–37; 8, 19–44)
V² corrector aliquis antiquus
- Π₁** Pap. Strasb. lat. 2, saec. IV (fragmentum 5, 17–34 continens)

CODICES SAEC. IX–X

- a Bernensis 172 (desunt 1, 1–47), apographon codicis **R**, cuius in locum succedit si ille deficit
- b Bernensis 165
- c Bernensis 184
- d Bernensis 255
- e Bernensis 167
- f Oxoniensis Bodl. auct. F. 2. 8. (desunt 1, 1–55)
- g Parisinus lat. 7925
- h Valentianensis 407 (389)
- i Reginensis lat. 1669
- k Hamburgensis scrin. 52
- l Vaticanus lat. 3252
- r Parisinus lat. 7926
- s Parisinus lat. 7928 (desunt 1, 1–6, 74)
- t Parisinus lat. 13043 (desunt 1, 1–8, 11)
- v Vaticanus lat. 1570 (desunt 1, 1–58)
- x Montepessulanus H 253 (desunt 1, 1–67)
- y Parisinus lat. 10307
- z Parisinus lat. 7927
- ϕ₁ Valentianensis 178 (170) (fragmentum 6, 46–7, 44 continens)
- a², b², c² etc. correctores uel uariae lectiones fere eiusdem aetatis (perraro laudantur)
- Φ consensus horum omnium, uel quotquot non separatim nominantur

- γ Guelferbytanus Gudianus lat. 2° 70, quadam adfinitate coniunctus cum codice **P**, cuius in locum succedit si ille deficit
 γ¹, γ² correctores uel uariae lectiones fere eiusdem aetatis

CODICES LONGOBARDICI SAEC. X–XI

- n Neapolitanus Vind. lat. 6
- o Oxoniensis Canon. Class. 50 (desunt 5, 53–6, 43)
- δ Parisinus lat. 10308
- ε Vaticanus lat. 1573 (desunt 1, 1–42)

- η Reginensis lat. 2090 (desunt 1, 1–7, 62)
 v Neapolitanus Vind. lat. 5 (supersunt 8, 44–10, 20)
 n², o² etc. correctores uel uariae lectiones fere eiusdem aetatis
 (perraro laudantur)
 Λ consensus horum omnium, uel quotquot non separatim
 nominantur
 ω consesus ΦΛ, uel quotquot horum codicum non separatim
 nominantur
cod. Auson. Ausonensis 197, saec. XI (passim laudatur)
recc. codices recentiores, ab Heinsio, Heyne, Ribbeck aliisque
 laudati

ECLOGA I

MELIBOEVS TITYRVS

MELIBOEVS

Tityre, tu patulae recubans sub tegmine fagi
siluestrem tenui Musam meditaris auena.
nos patriae finis et dulcia linquimus arua:
nos patriam fugimus; tu, Tityre, lentus in umbra
5 formosam resonare doces Amaryllida siluas.

TITYRVS

O Meliboe, deus nobis haec otia fecit:
namque erit ille mihi semper deus, illius aram
saepe tener nostris ab ouilibus imbuet agnus.
ille meas errare boues, ut cernis, et ipsum
10 ludere quae uellem calamo permisit agresti.

MELIBOEVS

Non equidem inuideo, miror magis: undique totis
usque adeo turbatur agris. En ipse capellas
protinus aeger ago! hanc etiam uix, Tityre, duco:
hic inter densas corylos modo namque gemellos,
15 spem gregis, a! silice in nuda conixa reliquit.
saepe malum hoc nobis, si mens non laeua fuisset,
de caelo tactas memini praedicere quercus.
sed tamen iste deus qui sit, da, Tityre, nobis.

TITYRVS

Urbem quam dicunt Romam, Meliboe, putauit
20 stultus ego huic nostrae similem, quo saepe solemus
pastores ouium teneros depellere fetus.

PR

2 siluestrem] agrestem *Quint.* 9, 4, 85, *schol. Bern. u. l., Lib. Gloss. SI* 244 (cf. *buc.* 6, 8) 12 turbatur **kyzΛ**, *Quint.* 1, 4, 28, *Cons.* 372, 35, *DSeru. ad Aen.* 1, 272, «*uera lectio*» *indice Seru.*: turbamur **PRΦγ**, *agnoscit Seru.* 13 protinus **PRω**, *Non.* 377, 27: protenus **bdkrxny**, *Seru., schol. Bern.* (cf. *GLK VII*, 100, 5) 17 post hunc u. saepe sinistra caua dicebat (pr⟨a⟩edixit o?γ¹) ab ilice cornix exhibent **Λγ¹** (cf. *buc.* 9, 15)

sic canibus catulos similes, sic matribus haedos
 noram, sic paruis componere magna solebam.
 uerum haec tantum alias inter caput extulit urbes
 25 quantum lenta solent inter uiburna cupressi.

MELIBOEVS

Et quae tanta fuit Romam tibi causa uidendi?

TITYRVS

Libertas, quae sera tamen respexit inertem,
 candidior postquam tondenti barba cadebat,
 respexit tamen et longo post tempore uenit,
 30 postquam nos Amaryllis habet, Galatea reliquit.
 namque (fatebor enim) dum me Galatea tenebat,
 nec spes libertatis erat nec cura peculi.
 quamuis multa meis exiret uictima saeptis,
 pinguis et ingratae premeretur caseus urbi,
 35 non umquam grauis aere domum mihi dextra redibat.

MELIBOEVS

Mirabar quid maesta deos, Amarylli, uocares,
 cui pendere sua patereris in arbore poma:
 Tityrus hinc aberat. ipsae te, Tityre, pinus,
 ipsi te fontes, ipsa haec arbusta uocabant.

TITYRVS

40 Quid facerem? neque seruitio me exire licebat
 nec tam praesentis alibi cognoscere diuos.
 hic illum uidi iuuenem, Meliboe, quotannis
 bis senos cui nostra dies altaria fumant.
 hoc mihi responsum primus dedit ille petenti:
 45 ‘pascite ut ante boues, pueri; summittite tauros.’

MELIBOEVS

Fortunate senex, ergo tua rura manebunt,
 et tibi magna satis, quamuis lapis omnia nudus

PR

37 poma] mala **Rn?oy?** (corr. **R**²) 38 pinus] nobis **P** (corr. **P**²); cf. *u.* 18
 44 hoc Wakefield: hic *codd.*, *Quint.* 9, 3, 51. *Cum* prior hic (*u.* 42) *ad* alibi (*u.*
 41) *respondeat, nihil momenti habet ubi responsum datum sit; hoc uero*
 ΔΕΙΚΤΙΚΩΣ *u.* 45 *praenuntiat* (cf. *Aen.* 6, 672; 7, 102; 9, 635) 45 pueri et **γ**¹,
Non. 390, 7

- limosoque palus obducat pascua iunco.
 non insueta grauis temptabunt pabula fetas,
 50 nec mala uicini pecoris contagia laedent.
 fortunate senex, hic inter flumina nota
 et fontis sacros frigus captabis opacum;
 hinc tibi quae semper uicino ab limite saepes
 Hyblaeis apibus florem depasta salicti
 55 saepe leui somnum suadebit inire susurro;
 hinc alta sub rupe canet frondator ad auras,
 nec tamen interea raucae, tua cura, palumbes
 nec gemere aëria cessabit turtur ab ulmo.

TITYRVS

- Ante leues ergo pascentur in aequore cerui
 60 et freta destituent nudos in litore piscis,
 ante pererratis amborum finibus exul
 aut Ararim Parthus bibet aut Germania Tigrim,
 quam nostro illius labantur pectore uultus.

MELIBOEVS

At nos hinc alii sitientis ibimus Afros,

PR

48 limosque **P** (corr. **P**²): limosoue **n** obducat **ε**, *Non.* 360, 35 53 quae semper] *intellige: 'eadem saepes quae fuit semper' (cf. u. 51 flumina nota et buc. 6, 15 'inflatum..., ut semper, Iaccho');* post semper *dist.* **P**² 54 florem] *rorem schol. Bern. u. l.* 59 pascentur **P** aequore *ps. Probus (cod. Vat. lat. 2930), recc. (cf. Archil. frg. 122, 7 sq. West μηδ' ἐὰν δελφῖσι θῆρες ἀνταμείψωνται νομόν / ἐνάλιον; Hdt. 5, 92, 1; Ruf. A. P. 5, 18, 5 sq.; Hor. epod. 16, 84; carm. 1, 2, 11; ars 30; Ou. met. 14, 37; Nemes. 1, 75): aethere codd., Hier. in Hierem. 4, 4 (178), Probus 149, 3, ps. Probus (cett. codd.), Expl., Prisc. 14, 4. Permutant et animalia et homines loca propria: in aequore et in litore (u. 60) inter se congruunt, ut Ararim et Tigrim (u. 62). Mendum ex u. 58 (aeria) ortum esse suspicor 62 ararim **ρωγ**, *Expl.*; *accusatiuum in '-im' testatur Prisc. 5, 150: ararem P* 63 labantur **P**²: labatur **PRΦεγ**, *Hier. in Hierem. 4, 4 (178), Expl., schol. Bern.: labetur Λ; plur. uultus non tantum os, sed totam faciem dei similem significat: cf. Aen. 4, 4 'haerent infixi pectore uultus'**

- 65 pars Scythiam et rapidum cretae uenimus Oaxen
et penitus toto diuisos orbe Britannos.
en umquam patrios longo post tempore finis
pauperis et tuguri congestum caespite culmen
post aliquot, mea regna uidens, mirabor aristas?
70 impius haec tam culta noualia miles habebit,
barbarus has segetes. en quo discordia ciuis
perduxit miseros? his nos consequimur agros!
inserere nunc, Meliboeae, pios, pone ordine uites.
ite meae, felix quondam pecus, ite capellae.
75 non ego uos posthac uiridi proiectus in antro
dumosa pendere procul de rupe uidebo,
carmina nulla canam; non me pascente, capellae,
florentem cytisum et salices carpetis amaras.

PR

65 «rapidum cretae ... Oaxen: *hoc est lutosum, quod rapit cretam*» bene interpr. Expl.: Cretae ut insulae nomen accipi posse indicat Seru. ad buc. 2, 24 Oaxen (uel Oaxem) codd., Macrobius 4, 3, 9, Expl.: ad Oxum Ladewig: Araxen quidam apud Heyne, cl. Aen. 8, 728, Claud. bell. Gild. 31. Flumen Asiae intelligendum, quod fortasse ad exemplum aliorum nominum (Araxes, Oaxos, Oxus, lacus Oaxus; cf. Plin. NH 6, 48) formauit Vergilius; uide W.F.J. Knight, «CR» 51, 1937, 212 sq. 69 ante hunc u. lacunam statuit Hauet («Rev. Philol.» 38, 1914, 32) post aliquot ... aristas bene iungunt Seru. in praef. buc., Expl., schol. Bern.; Vergilius poetice nouauit quod erat usitatus, 'post aliquot annos' (cf. Sen. Tro. 76, 547 sq. 'post hiemes decem / totidemque menses'): post aliquot ... aristas locum, haud tempus, significare opinatus est Guellius, cl. buc. 3, 20 'tu post carecta latebas': post aduerbialiter (quasi 'posthac') accepit La Cerda, ut aliquot aristas ex mirabor pendeat post aliquot] a! aliquot Courtney («WJA» N.F. 33, 2009, 81) 71–72 expunxit P², haud inepte 71 en] particula admirationem quaestioni insitam significat; cf. Aen. 4, 534 'en, quid ago?'; 6, 346; Sil. 7, 106. Vide F. Hand, Tursellinus, Lipsiae 1829–1845, II, 369; ThLL V.2, 543, 74 sqq.; 549, 6 sqq. 72 perduxit bdgklvxzyΛγ¹: produxit PRacefhirty, schol. Bern., Lib. Gloss. PR 1943: seduxit gloss. codd. rx. Hic 'perducere' ualet 'usque ad extremum finem adigere'; 'producere' proprie est 'extendere, longius trahere' his nos PRaby: en quis ω, schol. Bern. (en quos dl), scil. ex u. 71 consequimur Rahkn (corr. R^x) agris Rary (corr. γ¹) 73 Tityro tribuunt R²oδey 74 felix quondam Rabcegylrzδε (cf. Val. Fl. 2, 473): quondam felix Pdfhkvxynoy 75 protectus P (corr. P^x)

TITYRVS

Hic tamen hanc mecum poteris requiescere noctem
 80 fronde super uiridi: sunt nobis mitia poma,
 castaneae molles et pressi copia lactis.
 et iam summa procul uillarum culmina fumant
 maioresque cadunt altis de montibus umbrae.

PR

79 hic] hinc **Pe**² (*corr.* **P**^x) hanc **PRabdrno**, *Arus.* 505, 25: hac **P**^x**ωγ**, *ps.*
Acro ad Hor. carm. 2, 7, 19 poteris **dn**², *Arus.*, *ps.* *Acro* noctem **PRabdry**,
Arus.: nocte **P**^x**ωγ**¹, *ps.* *Acro* 83 de] a **P** (*corr.* **P**²)

ECLOGA II

- Formosum pastor Corydon ardebat Alexin,
 delicias domini, nec qui speraret habebat.
 tantum inter densas, umbrosa cacumina, fagos
 adsidue ueniebat. ibi haec incondita solus
 5 montibus et siluis studio iactabat inani:
 'O crudelis Alexi, nihil mea carmina curas?
 nil nostri miserere? mori me denique coges.
 nunc etiam pecudes umbras et frigora captant,
 nunc uiridis etiam occultant spineta lacertos,
 10 Thestylis et rapido fessis messoribus aestu
 alia serpyllumque herbas contundit olentis.
 at mecum raucis, tua dum uestigia lustrō,
 sole sub ardenti resonant arbusta cicadis.
 nonne fuit satius tristis Amaryllidos iras
 15 atque superba pati fastidia? nonne Menalcan,
 quamuis ille niger, quamuis tu candidus esses?
 o formose puer, nimium ne crede colori:
 alba ligustra cadunt, uaccinia nigra leguntur.
 Despectus tibi sum, nec qui sim quaeris, Alexi,

PR

1 corydon pastor **Ra** alexim **P** 2 ne **hiγ** (corr. **γ¹**) qui Gratwick («CR» n.s. 23, 1973, 10), cl. *Plaut. Poen.* 276; 1208 'id ego ... qui sperem hau scio': quid *codd.*, *Seru.*, *Expl.*, *schol. Bern.*: quod *Brunck* 7 coges **Raf** (cf. *Theocr.* 3, 9 ἀπ'όγ'ασθαί με ποησεῖς): cogis **Pωγ**, *Anth. Lat.* 15, 58. Bene Wagner: 'non quidem nunc cogis, sed, si ita pergis, coges' (cf. *Plaut. Merc.* 72sq.) 9 lacertos **P²Rωγ**, *schol. Iuu.* 3, 231, *Expl.* (cf. *georg.* 4, 13): lacertas **P** 12 at **ωγ**, *Non.* 335, 32: ac **R^xa** (ag **R**): ad **P**; at mecum et ad me cum agnoscit *Seru.*, qui tamen at recte praefert («melius est, ut at coniunctio sit»): nam 'resonare' cum ablatiuo sine praepositione componitur (cf. *georg.* 2, 328 'auia tum resonant auibus uirgulta canoris'; *georg.* 1, 486; *Aen.* 3, 432) dum] nunc **P** (corr. **P²**) 14 amaryllidos **P^x** (-us **P**): amaryllidis **Rωγ**; utrumque agnoscunt *schol. Bern.* 15 menalcam **R** 19 quis **cfkγ¹**, sed cf. *buc.* 1, 18; *georg.* 4, 537; *Aen.* 3, 608

- 20 quam diues pecoris, niuei quam lactis abundans.
 mille meae Siculis errant in montibus agnae:
 lac mihi non aestate nouum, non frigore deficit.
 canto quae solitus, si quando armenta uocabat,
 Amphion Dircaeus in Actaeo Aracyntho.
- 25 nec sum adeo informis: nuper me in litore uidi,
 cum placidum uentis staret mare; non ego Daphnin
 iudice te metuam, si numquam fallit imago.
- O tantum libeat mecum tibi sordida rura
 atque humilis habitare casas et figere ceruos,
- 30 haedorumque gregem uiridi compellere hibisco!
 mecum una in siluis imitabere Pana canendo:
 Pan primus calamos cera coniungere pluris
 instituit, Pan curat ouis ouiumque magistros.
 nec te paeniteat calamo triuisse labellum:
- 35 haec eadem ut sciret, quid non faciebat Amyntas?
 est mihi disparibus septem compacta cicutis
 fistula, Damoetas dono mihi quam dedit olim,
 et dixit moriens: “te nunc habet ista secundum”;
 dixit Damoetas, inuidit stultus Amyntas.
- 40 praeterea duo, nec tuta mihi ualle reperti,
 capreoli, sparsis etiam nunc pellibus albo,
 bina die siccant ouis ubera: quos tibi seruo.

PR

20 *post* pecoris *dist.* «multi» *ap. Seru.* (*qui recte niuei cum lactis iungunt, Homericum exemplum afferentes, καὶ γάλα λευκὸν*): *post* niuei *dist.* P², «melius» *iudice Seru.*; *utramque distinctionem agnoscunt schol. Bern.* 22 lac Rωγ, *Gramm.*: lact P; «scire autem debes quod hodie illud sequimur, quod dixit Vergilius, ‘lac’, et remansit illa consuetudo» *Pomp. 199, 18–19. Vide Neue-Wagener, F³, 238 sqq.* desit defz 24 actaeo *prob. Seru.* 27 fallit Pc, *Expl.*: fallat P²Rωγ, *ps. Acro ad Hor. carm. 3, 27, 40, Seru., schol. Bern.*: fallet bf 32–33 *interpolationem suspicans eiecit Ribbeck, cl. buc. 8, 24. Possis etiam alios locos Vergilii conferre (buc. 3, 25 sq., 3, 101 et 5, 29 sq.), sed haec amplificatio necessaria uidetur ad uim perorationis augendam (cf. u. 60 sq. et buc. 10, 16 sqq.)* 32 primus Φεγ, *ps. Acro ad Hor. carm. 4, 12, 10, Seru. ad buc. 3, 25, Isid. 3, 21, 8 (cf. georg. 1, 147 sq. ‘prima Ceres ferro mortalis uertere terram / instituit’)*: primum PRaΛ 41 albo P²beikrxyΛγ, *Seru., DSeru. ad georg. 3, 56, schol. Bern.*: ambo RΦo 42 quod R

- iam pridem a me illos abducere Thestylis orat;
et faciet, quoniam sordent tibi munera nostra.
- 45 Huc ades, o formose puer: tibi lilia plenīs
ecce ferunt Nymphae calathis; tibi candida Nais,
pallentis uiolas et summa papauera carpens,
narcissum et florem iungit bene olentis anethi;
tum casia atque aliis intexens suauibus herbis
- 50 mollia luteola pingit uaccinia calta.
ipse ego cana legam tenera lanugine mala
castaneasque nuces, mea quas Amaryllis amabat;
addam cerea pruna (honus erit huic quoque pomo),
et uos, o lauri, carpam et te, proxima myrte,
- 55 sic positae quoniam suauis miscetis odores.
Rusticus es, Corydon; nec munera curat Alexis,
nec, si muneribus certes, concedat Iollas.
heu heu, quid uolui misero mihi? floribus Austrum
perditus et liquidis immisi fontibus apros.
- 60 quem fugis, a, demens? habitarunt di quoque siluas
Dardaniusque Paris. Pallas quas condidit arces
ipsa colat; nobis placeant ante omnia siluae.
torua leaena lupum sequitur, lupus ipse capellam,
florentem cytisum sequitur lasciua capella,
- 65 te Corydon, o Alexi: trahit sua quemque uoluptas.
aspice, aratra iugo referunt suspensa iuuenti,
et sol crescentis decedens duplicat umbras;
me tamen urit amor: quis enim modus adsit amori?
A, Corydon, Corydon, quae te dementia cepit?
- 70 semiputata tibi frondosa uitis in ulmo est:

PR

49 tunc **ry** 53 et honos *recc.*, *Haupt*: nam honos *Ribbeck*. *Hiatus seruandus ut in Aen. 1, 405 'patuit dea. Ille ubi matrem'*; *Ou. met. 5, 625*
56–57 *poetae tribuunt R²abcefgvΛγ* 56 es **P^xωγ**, *Seru.*: est **PRa**, *CIL 4, 1527* 57 certet **Ra?** concedet **dkrvΛ** 58 heu heu **Raen**: eheu **ωγ** (heheu
Prv: heeu **ε**): heu **co** 61 quae **P** (*corr. P^x*): quae **Ra** 63–65 *poetae tribuunt av* 63 capellas **Ra?** 69–73 *poetae tribuunt abevnoε* 69 a] o
Ra?z, *Rufin. 50, 16 (cf. Theocr. 11, 72; Iuu. 9, 102), sed cf. u. 60 et buc. 6, 47*
70 est om. **Pγ** (*add. γ¹*)

quin tu aliquid saltem potius, quorum indiget usus,
 uiminibus mollique paras detexere iunco?
 inuenies alium, si te hic fastidit, Alexin.’

PR

73 fastidiat **P** (*corr.* **P**^x): fastidat **Ra** alexin **kyoδ**, *Seru.*, *Expl.*: alexim **PRan**:
 alexis **P**²ωγ, *schol. Bemb. ad Ter. Eun.* 56, *Sac.* 457, 20. *Potior accusatiuus*, cf.
Theocr. 11, 76 εὐρησεῖς Γαλάτειαν ἴσως καὶ καλλίον’ ἄλλαν

ECLOGA III
MENALCAS DAMOETAS
PALAEMON

MENALCAS

Dic mihi, Damoeta, cuium pecus? an Meliboei?

DAMOETAS

Non, uerum Aegonis; nuper mihi tradidit Aegon.

MENALCAS

Infelix o semper, oues, pecus! ipse Neaeram
dum fouet ac ne me sibi praeferat illa ueretur,
5 hic alienus ouis custos bis mulget in hora,
et sucus pecori et lac subducitur agnis.

DAMOETAS

Parcius ista uiris tamen obicienda memento:
nouimus et qui te, transversa tuentibus hircis,
et quo — sed faciles Nymphae risere — sacello...

MENALCAS

10 Tum, credo, cum me arbustum uidere Miconis
atque mala uitis incidere falce nouellas.

DAMOETAS

Aut hic ad ueteres fagos cum Daphnidos arcum
fregisti et calamos: quae tu, peruerse Menalca,
et cum uidisti puero donata, dolebas,

PR

3 ouis P¹ωγ (uis P) 4 ille R 6 lac P^xR: lact P; cf. *buc.* 2, 22 7 post ista
dist. P²; «parcius melius hic distinguitur: licet possit dici etiam parcius ista»
Seru. 8 hircis P^xRωγ, *Quint.* 9, 3, 59, *Probus* 250, 25, *Rufin.* 40, 14,
Macro. 4, 6, 21, *Seru.*: hircus «alii» *ap. Serv.*, *Lib. Gloss.* HI 167 (hircuis P);
cf. *georg.* 3, 312. «hirci» autem sunt oculorum anguli secundum *Suetonium*
Tranquillum in uitis corporalibus [*Suet. frg.* 171 Reiff.]» *Seru.*; hic tamen capri
significauerunt, cf. *Theocr.* 5, 41 sq. 10–11 «iste quasi sub sua persona alteri
obicit crimen» *Seru.* cod. R (sic etiam *schol. Vergili* cod. i). Nam me (u. 10)
Menalcas εἰρωνικῶς dicit, quasi *Damoetae* haec exprobrans: «mene uidere
Nymphae an potius te, qui uites *Miconis* secabas?» 12 *daphnidos* *Probus*
228, 23: *daphnidis* *codd.*

15 et si non aliqua nocuisses, mortuus esses.

MENALCAS

Quid domini faciant, audent cum talia fures?
non ego te uidi Damonis, pessime, caprum
excipere insidiis multum latrante Lycisca?
et cum clamarem ‘quo nunc se proripit ille?’

20 Tityre, coge pecus’, tu post carecta latebas.

DAMOETAS

An mihi cantando uictus non redderet ille,
quem mea carminibus meruisset fistula caprum?
si nescis, meus ille caper fuit; et mihi Damon
ipse fatebatur, sed reddere posse negabat.

MENALCAS

25 Cantando tu illum? aut umquam tibi fistula cera
iuncta fuit? non tu in triuiis, indocte, solebas
stridenti miserum stipula disperdere carmen?

DAMOETAS

Vis ergo inter nos quid possit uterque uicissim
experiamur? ego hanc uitulam (ne forte recuses,
30 bis uenit ad mulctram, binos alit ubere fetus)
depono; tu dic mecum quo pignore certes.

MENALCAS

De grege non ausim quicquam deponere tecum:
est mihi namque domi pater, est iniusta nouerca,
bisque die numerant ambo pecus, altera et haedos.
35 uerum, id quod multo tute ipse fatebere maius,
insanire libet quoniam tibi, pocula ponam
fagina, caelatum diuini opus Alcimedontis,

PR 27 inchoat V

16 facient **ervey**¹ 20 post] sub *GLK* V, 573, 2 25 aut] haud **cghvx** (haut
ee, *Expl.*): *om.* **n** 26 iuncta **e**, *Rufin.* 42, 3 et 61, 30, *Seru.*, *schol. Bern. u. l.*:
uincta **PRωy**, *Seru.* (*codd. HR*), *Prisc.* 8, 47, *schol. Bern.*; cf. *buc.* 2, 32
‘calamos cera coniungere’ 27 stipula miserum **V** (*corr. V*²) 31 certas **c**
34 altera «quidam» *ap. schol. Bern.*, ut *uid.* («quidam synaloephram putant»),
Schrader; nam est in prouerbio nouercarum tristitia: alter *codd.*, *schol. Ver.*
(«alteruter etiam haedos»), *Seru.* («alter de nouerca intellegamus, nec nos
moueatur, quod ‘alter’ dixit de femina», quod mihi uix credibile uidetur)

- lenta quibus torno facili superaddita uitis
diffusos hedera uestit pallente corymbos.
40 in medio duo signa, Conon et — quis fuit alter,
descripsit radio totum qui gentibus orbem,
tempora quae messor, quae curuus arator haberet?
necdum illis labra admoui, sed condita seruo.

DAMOETAS

- Et nobis idem Alcimedon duo pocula fecit
45 et molli circum est ansas amplexus acantho,
Orpheaque in medio posuit siluasque sequentis:
necdum illis labra admoui, sed condita seruo.
si ad uitulam spectas, nihil est quod pocula laudes.

MENALCAS

- Numquam hodie effugies; ueniam quocumque uocaris.
50 audiat haec tantum uel qui uenit: ecce Palaemon.
efficiam posthac ne quemquam uoce lacessas.

DAMOETAS

Quin age, si quid habes; in me mora non erit ulla,
nec quemquam fugio: tantum, uicine Palaemon,
sensibus haec imis (res est non parua) reponas.

PALAEEMON

- 55 Dicite, quandoquidem in molli consedimus herba.
et nunc omnis ager, nunc omnis parturit arbos,
nunc frondent siluae, nunc formosissimus annus.

PRV 52 *desinit* V

38 facili **ikzΛγ¹**, *schol. Ver. (ut uid.)*, *Seru. ad Aen. 6, 137, agnoscit Seru. hic* («legitur tamen et torno facili ad excludenda duo epitheta, quod est in latinitate uitiosum, si sit 'lenta facilis uitis'») et *ad Aen. 2, 392: facilis VΦny* (facilis P, factis P^x), *Donatus ap. Seru.: fragilis Ra. Vide Timpanaro 151–153. 'Facilis' hic 'agilis, mobilis' ualet (ThLL VI.1, 60, 72)* 39 haedera R: edera PV (corr. V²), «sine aspiratione dici debet» Expl. 48 spectas] spectes bd 50 qui dist. P²; «uel qui quasi requirentis est, cum subito Palaemon adueniat. Alii distinguunt uel qui uenit» *Seru.*; «mora adhibenda ante uel» *schol. Ver. Intellige: 'haec audiat, si uis, hic homo qui uenit' (uide OLD s.u. 'uel', 1, et cf. Plaut. Amph. 917 'uel hunc rogato Sosiam'; Theocr. 5, 63–65 ἄλλὰ τὸν ἄνδρα, αἱ λῆς, τὸν δρυτόμον βωσπρήσομες [...])· ἔστι δὲ Μόρσων)* 51 nec Py lacesses Λ 55 in om. nδ

incipi, Damoeta; tu deinde sequere, Menalca.
alternis dicetis : amant alterna Camenae.

DAMOETAS

- 60 Ab Ioue principium Musae, Iouis omnia plena :
ille colit terras, illi mea carmina curae.

MENALCAS

Et me Phoebus amat : Phoebus sua semper apud me
munera sunt, lauri et suaue rubens hyacinthus.

DAMOETAS

- 65 Malo me Galatea petit, lasciuia puella,
et fugit ad salices et se cupit ante uideri.

MENALCAS

At mihi sese offert ultro, meus ignis, Amyntas,
notior ut iam sit canibus non Delia nostris.

DAMOETAS

Parta meae Veneri sunt munera: namque notaui
ipse locum aëriae quo congersere palumbes.

MENALCAS

- 70 Quod potui, puero siluestri ex arbore lecta
aurea mala decem misi; cras altera mittam.

DAMOETAS

O quotiens et quae nobis Galatea locuta est!
partem aliquam, uenti, diuum referatis ad auris!

MENALCAS

- 75 Quid prodest quod me ipse animo non spernis, Amynta,
si, dum tu sectaris apros, ego retia seruo?

PR 71 desinit P (subditur γ)

59 Damoetae tribuit P¹ (corr. P²) 60 Musae genitiuo uel uocatiuo casu
interpr. Seru. (cf. Arat. Phaen. 1; Theocr. 17, 1 Ἐκ Διὸς ἀρχώμεσθα καὶ ἐς Δία
λήγετε Μοῖσαι; Cic. Arat. frg. 1 'A Ioue Musarum primordia') 66 at ωγ,
Don. ad Ter. Eun. 85, Phorm. 107: ad PRac, schol. Bemb. ad Ter. Eun. 85
69 concessere b, GLK VII, 285, 24, Schrader; «congersere nidificauere» Seru.;
subaudi 'nidos' ut in Gell. 2, 29, 5 74 me om. Ra amyntas γ

DAMOETAS

Phyllida mitte mihi: meus est natalis, Iolla;
cum faciam uitula pro frugibus, ipse uenito.

MENALCAS

Phyllida amo ante alias; nam me discedere fleuit,
et longum ‘formose, uale, uale,’ inquit Iollas.

DAMOETAS

- 80 Triste lupus stabulis, maturis frugibus imbres,
arboribus uenti, nobis Amaryllidos irae.

MENALCAS

Dulce satis umor, depulsis arbutus haedis,
lenta salix feto pecori, mihi solus Amyntas.

DAMOETAS

- Pollio amat nostram, quamuis est rustica, Musam:
85 Pierides, uitulam lectori pascite uestro.

MENALCAS

Pollio et ipse facit noua carmina: pascite taurum,
iam cornu petat et pedibus qui spargat harenam.

DAMOETAS

Qui te, Pollio, amat, ueniat quo te quoque gaudet;
mella fluant illi, ferat et rubus asper amomum.

MENALCAS

- 90 Qui Bauium non odit, amet tua carmina, Maeui,
atque idem iungat uulpes et mulgeat hircos.

γR

77 uitula GLK V, 643, 33, *Macrob.* 3, 2, 15, *Seru.*, *schol. Iuu.* 9, 117: uitulam *codd.*, *Non.* 313, 31, *DSeru.* *ad buc.* 5, 75, *Expl.*, *Prisc.* 8, 68; 16, 4; 17, 204; 18, 79 79 «sane ‘longum uale’ ita ait, ut ‘toruum clamat’: pro aduerbio nomen posuit» *Seru.*, sed longum cum inquit iungendum, quasi discessus diutius tardaretur Iollas *Burman*: iolla *codd.*, *Seru.*, *Expl.*, *schol. Bern.*, *Gramm.*: iollam n; uide quae disserui in «MD» 65, 2010, 137–146 81 amaryllidos n (cf. *buc.* 2, 14): amaryllidis γRω 84 est] sit dhilzΛ (praeter n), *Seru.* 88 «quo te quoque gaudet, subaudis ‘uenisse’» *Seru.* 89 fluant illi] fluunt riuis GLK VIII, 48, 1; 85, 8 illi] illis *Hier.* in *Hierem.* 2, 100 (112) 90 quid R (corr. R^s) uauium R, *schol. Bemb.* *ad Ter. Adelph.* 701 91 mulceat γRa (corr. γ¹)

DAMOETAS

Qui legis flores et humi nascentia fraga,
frigidus, o pueri — fugite hinc! — latet anguis in herba.

MENALCAS

- 98 Cogite oues, pueri: si lac praeceperit aestus,
99 ut nuper, frustra pressabimus ubera palmis.

DAMOETAS

- 94 Parcite, oues, nimium procedere: non bene ripae
95 creditur; ipse aries etiam nunc uellera siccatur.

MENALCAS

- 96 Tityre, pascentes a flumine reice capellas;
97 ipse, ubi tempus erit, omnis in fonte lauabo.

DAMOETAS

- 100 Heu heu, quom pingui macer est mihi taurus in eruo.
idem amor exitium pecori pecorisque magistro.

MENALCAS

Hisce arte — neque amor causa est — uix ossibus haerent;
nescio quis teneros oculus mihi fascinat agnos.

γR

98–99 post u. 93 transp. Cartault (123 n. 2), qui tamen etiam uu. 94–95 post u. 97 transtulit; uide A. Klotz, «NJA», 45, 1920, 150 98 aestas Ra 100 heu heu Radegδ, GLK VIII, 218, 16; 265, 29 (cf. buc. 2, 58; Theocr. 4, 26; 5, 86): heu γr: eheu bfhiklxzye, Probus 256, 2, Seru. ad Aen. 2, 69, Expl.: heheu cvno quom Havet, «RPh» 38, 1914, 165–168 ('eheu, quom' inuenitur etiam in Plaut. Capt. 995; Mil. 1358; Poen. 791; Ter. Andr. 622–623; Acc. trag. 346; uide Hofmann 14): quam codd. eruo γcfhiklyzδ, GLK VIII, 218, 17, Seru. ad Aen. 2, 69, Expl.: aruo γ¹Rω: herba no 101 est post exitium add. γ¹Ravo: post pecori add. γbh: post magistro add. cgkrxyznδey², schol. Bern.: om. defil, GLK VIII, 205, 12 102 hisce arte scripsi: his certe codd., Expl., Don. ad Ter. Eun. 269 (hisce certe codd. BMNJY), qui tamen adnotat «'hisce' pro 'hi' uetuste»: hi certe Stephanus. Vide quae disserui in «MD» 67, 2009, 203–208 neque] nec nδ

DAMOETAS

Dic quibus in terris, et eris mihi magnus Apollo,
 105 tres pateat caeli spatium non amplius ulnas.

MENALCAS

Dic quibus in terris inscripti nomina regum
 nascantur flores, et Phyllida solus habeto.

PALAEMON

Non nostrum inter uos tantas componere lites:
 et uitula tu dignus et hic, et quisquis amores
 110 aut metuet dulcis aut experietur amaros.
 claudite iam riuos, pueri: sat prata biberunt.

γR

105 Caeli (*nomen alicuius Mantuani*) testantur Expl., schol. Bern., agnoscit Seru., qui tamen aliorum interpretum ineptias sic bene refellit: «sed neutrum horum conuenit rustico: unde simpliciter intellegendus est cuiuslibet loci puteus, in quem cum quis descenderit, tantum caeli conspicit spatium, quantum putei latitudo permiserit» 107 nascuntur **bdfgilzñe**, Probus 213, 20, schol. Stat. Theb. 4, 223 108 «non: hic distinguendum» Seru. nostrum est **e**², Non. 257, 2, Tib. ad Aen. 4, 305 110 metuet] meruit Radke («RhM» 116, 1973, 143–148), alii alia; sed nihil mutandum: metuitur γλυκύπικρος amor quia dulcedine sua amantem in periculum trahit (cf. Aen. 4, 298 ‘omnia tuta timens’) amaros] amores **r** (amoros γ, corr. γ¹: ameros **a**: amares **f**)

ECLOGA IV

Sicelides Musae, paulo maiora canamus:
non omnis arbusta iuuant humilesque myricae;
si canimus siluas, siluae sint consule dignae.

- Ultima Cumaei uenit iam carminis aetas,
5 magnus ab integro saeculorum nascitur ordo.
iam redit et Virgo, redeunt Saturnia regna,
iam noua progenies caelo demittitur alto.
tu modo nascenti puero, quo ferrea primum
desinet ac toto surget gens aurea mundo,
10 casta faue Lucina: tuus iam regnat Apollo.
Teque adeo decus hoc aeuī, te consule, inibit,
Pollio, et incipient magni procedere menses;
te duce, si qua manent sceleris uestigia nostri,
inrita perpetua soluent formidine terras.
15 ille deum uitam accipiet diuisque uidebit
permixtos heroas et ipse uidebitur illis,
pacatumque reget patriis uirtutibus orbem.
Ac tibi prima, puer, nullo munuscula cultu
errantis hederas passim cum baccare tellus
20 mixtaque ridenti colocasia fundet acantho.
ipsae lacte domum referent distenta capellae
ubera, nec magnos metuent armenta leones.
23 [ipsa tibi blandos fundent cunabula flores.]

γR

4 cum(a)ei **Rafgyze**: cymaei γω 7 demittitur γω: dimittitur **Radfghil**:
promittitur *Fulg.* 103, 2 8 nascenti, puero quo *Flintoff* («CR» 23, 1973, 10
sq.): n. p., quom *Kraggerud* («SO» 64, 1989, 110 sq.). Quo ualet 'quo
auctore, cuius inceptis'; quom autem prodigiosi pueri uirtutem praeterit
9 desinit **bg** surgit **bfgr** 18 ac **Ran** (cf. *Aen.* 1, 174): at γω, *Seru.* nulla
puer primo **Ra?** 20 fundit γ (corr. γ¹), *Macrob.* 6, 6, 18 21 referant γ
(corr. γ¹) 23 u. seclusi («Rh. Mus.» s.p.), fortasse ab interpolatore antiquo
fictum ad uu. 18–22 imitandos: ante u. 21 transp. *Klouček* fundet x, suo
Marte coniecit Campbell, «CR» 52, 1938, 54–56, uersum 23 ante 21 collocans,
ut sit 'ipsa tellus flores, quasi cunabula, tibi fundet'

- occidet et serpens, et fallax herba ueneni
 25 occidet; Assyrium uulgo nascetur amomum.
 At simul heroum laudes et facta parentis
 iam legere et quae sit poteris cognoscere uirtus,
 molli paulatim flauescet campus arista
 incultisque rubens pendebit sentibus uua
 30 et durae quercus sudabunt roscida mella.
 pauca tamen suberunt priscae uestigia fraudis,
 quae temptare Thetin ratibus, quae cingere muris
 oppida, quae iubeant telluri infindere sulcos.
 alter erit tum Tiphys et altera quae uehat Argo
 35 delectos heroas; erunt etiam altera bella
 atque iterum ad Troiam magnus mittetur Achilles.
 hinc, ubi iam firmata uirum te fecerit aetas,
 cedet et ipse mari uector, nec nautica pinus
 mutabit merces; omnis feret omnia tellus.
 40 non rastros patietur humus, non uinea falcem;
 robustus quoque iam tauris iuga soluet arator.
 nec uarios discet mentiri lana colores,
 ipse sed in pratis aries iam suaue rubenti
 murice, iam croceo mutabit uellera luto;
 45 sponte sua sandyx pascentis uestiet agnos.
 ‘Talia saecla’ suis dixerunt ‘currite’ fusis
 concordēs stabili fatorum numine Parcae.
 adgrede o magnos (aderit iam tempus) honores,
 cara deum suboles, magnum Iouis incrementum!
 50 aspice conuexo nutantem pondere mundum,

γR

26 at γω (ad c), *Non.* 331, 34; ac Raynδ (hac f) parentis γω, *Non.*, *Eus.* 184, 20, *Seru.*, *Expl.*: parentum γ¹Ra (cf. heroum) 28 flauescet γ¹ω, *Lact. diu. inst.* 7, 24, *schol. Bern.*: flauescit γRabf 32 thetin Rakxy: t(h)etim γω 33 tellurem infindere sulco Ra, sed cf. *Aen.* 5, 142 ‘infindunt ... sulcos’ 44 mutauit iδ, *Non.* 549, 18 46 talia saecla] *accusatiuo casu accipiendum*, cum currite hic ‘percurrite’ («uoluite» *DSeru.*) ualeat (cf. *Aen.* 3, 191; 5, 862; *Symm. orat.* 3, 9; *Lycophr. Alex.* 584 sq.): male quidam talia saecla uocatiuo casu intellegunt (uide P. Corssen, «PhW» 34, 1914, 160, qui etiam stabili fatorum numine cum currite iungit)

terrasque tractusque maris caelumque profundum;
aspice uenturo laetantur ut omnia saeclo!

O mihi tum longae maneat pars ultima uitae,
spiritus et quantus sat erit tua dicere facta!

- 55 non me carminibus uincat nec Thracius Orpheus
nec Linus, huic mater quamuis atque huic pater adsit,
Orphei Calliopea, Lino formosus Apollo.
Pan etiam, Arcadia mecum si iudice certet,
Pan etiam Arcadia dicet se iudice uictum.

- 60 Incipe, parue puer, risu cognoscere matrem:
matri longa decem tulerunt fastidia menses.

γR 52 inchoat P

52 laetantur **Ran** (cf. *buc.* 5, 6 sq. et *Aen.* 6, 855 sq.; 8, 190–192): laetentur **Pωγ**, *schol. Bern.* 53 tam *recc.*, *Seru. codd. PR* longe **Pfy** 54 quantus ego («CQ» s.p.), *uide D. Kovacs*, «CQ» 61, 2011, 314 sq.: quantum *codd.* *Hic ποιότης, haud ποσότης, significatur: spiritus et quantus ualet 'et tam ingens ingenium'.* Bene explicat *Seru.*: «utinam possim frui uita longissima et habere tantum spiritum, quantus possit sufficere ad tuae uirtutis commemorationem» (cf. *Aen.* 10, 772 'oculis spatium emensus quantum satis hastae'; *Liu.* 25, 33, 4 'merces quanta uel pro bello satis esset dabatur') 55 uincat **Pγ¹**, *Apthon.* 66, 29, *Eus.* 186, 15 (ἀν μ' ἐκπλήξειεν; *uide B. Baldwin*, «AJPh» 97, 1976, 364), cf. *Sac.* 504, 13 ('non me carminibus superet nec Phoebi cultor'): uincet **P²Rωγ**. Non ... uincat hic 'uincere non poterit' ualet: «tanta est materia tuae laudis, ut etiam humile ingenium in ea supra omnes possit excellere» *Seru.* (cf. *buc.* 2, 26; *georg.* 2, 136 sqq.; *Prop.* 1, 9, 5 sq. 'non me Chaoniae uincant in amore columbae / dicere'; *Ou. met.* 4, 178 sq.) 57 orphi **Racny¹**, *Macro.* 5, 17, 19, *Prisc.* 7, 8 et 14, sed cf. *georg.* 4, 545 et 553; *uariam lectionem metri causa ortam suspicor* (cf. *Aen.* 5, 184) 58 arcadia mecum] arcadiedicacat **P** (corr. **P²**) 59 om. **γ** (add. **γ¹**) arcadiae **Ra** (arcadie **P**, corr. **P²**) dicet **P²ee**, *Macro.* 5, 14, 6, *Eus.* 186, 17 (ἀνθέξειται): dicat **Rωγ¹** (dicacat **P**), *Rufin.* 51, 21. Futurum dicet difficilius est et significat nullum dubium esse quin poeta praestantior sit etiamsi Pan ipse certatim canat (cf. *Hor. carm.* 3, 3, 7 sq. 'si fractus inlabatur orbis, / impavidum ferient ruinae'); *uide A. Ernout-F. Thomas*, *Syntaxe Latine*, Paris 1972², 381 61 matris **P²γ** tulerunt **P²** (tulerum **P**) **RΦo**, *Don. ad Ter. Eun.* 20, *Probus* 259, 8 (cf. *Aen.* 2, 774): tulerant **de²ghklzΛ**: tulerint **b²k²x²o²**; «alii abstulerint legunt» *Seru.*

incipere, parue puer: qui non risere parentes,
nec deus hunc mensa, dea nec dignata cubili est.

PR

62 qui Quint. 9, 3, 8–9 («ex illis enim, qui non risere, hic quem non dignata»), def. Politianus (Misc. 1, 89): cui codd., Eus., Seru., schol. Bern.: quoi recc., def. Sabbadini. Figura in numero a Quintiliano laudata maxime conuenit huic loco leporis pleno (cf. e.g. illa usitata locutio ‘ex eo numero, qui’). Nullo modo fieri potest ut rhetor ille clarissimus uitiose reminiscatur Vergiliani uersus, cum de ipsa singulari uerborum conformatione scienter et diligenter disceptet parentes codd., Quint., Seru., schol. Bern.: parenti Schrader, Bonnell ad Quint. 9, 3, 8. Parentes accusatiuus est, id quod iam Scaliger ad Catull. 61, 219, Lindsay ad Plaut. Capt. 481 et Perret probauerunt: nam ‘ridere aliquem’ significare potest non solum ‘deridere’, sed etiam ‘erga aliquem benigne ridere’ (cf. e.g. Plaut. Capt. 481; Catull. 53, 1; Cic. opt. gen. 11; Ou. ars 1, 87; Petron. 61, 4; uide OLD s.u. ‘rideo’, 5a), quasi puer hic ad parentes sibi ioca facientes adrideat (cf. Catull. 61, 216 sqq.) 63 hunc] hos Schrader cubili est P²ωγ¹, Quint., Don. ad Ter. Phorm. 49, Seru. ad Aen. 1, 79: cubile est P²bffy¹: cubilest R: cubili r

ECLOGA V

MENALCAS MOPSVS

MENALCAS

Cur non, Mopse, boni quoniam conuenimus ambo,
tu calamos inflare leuis, ego dicere uersus,
hic corylis mixtas inter considimus ulmos?

MOPSVS

Tu maior: tibi me est aequum parere, Menalca,
5 siue sub incertas Zephyris motantibus umbras
siue antro potius succedimus. aspice ut antrum
siluestris raris sparsit labrusca racemis.

MENALCAS

Montibus in nostris solus tibi certat Amyntas.

MOPSVS

Quid, si idem certet Phoebum superare canendo?

MENALCAS

10 Incipe, Mopse, prior, si quos aut Phyllidis ignis
aut Alconis habes laudes aut iurgia Codri.
incipi: pascentis seruabit Tityrus haedos.

MOPSVS

Immo haec, in uiridi nuper quae cortice fagi
carmina descripsi et modulans alterna notauis,
15 experiar: tu deinde iubeto certet Amyntas.

MENALCAS

Lenta salix quantum pallenti cedit oliuae,

PR

3 considimus **cdekΛγ**¹, *def. Heinsius* (cf. *Calp. Sic. 1, 6* ‘*cur non succedimus umbris?*’): consedimus **PRΦογ** (cf. *u. 1* conuenimus; *buc. 3, 55*); «consedimus pro considimus» *schol. Bern.* 8 certat **Rω**, *Porph. ad Hor. epod. 11, 18, Seru., Expl.*: certet **Peογ**, *Arus. 459, 2, Rufin. 56, 10, ps. Acro ad Hor. sat. 2, 5, 19, sed cf. uu. 9 et 15. Si certat legis, sensus est: ‘solus Amyntas tam insolens est ut non uereatur tecum certare’* 9 phoebum certet **dilz** 15 iubeto **Pωγ** (cf. *Aen. 10, 53*): iubeto ut **Rabfgxyz**, *sed nullus Bucolicorum uersus in hephthemimere eliditur, uide N.-O. Nilsson, «Eranos» 53, 1955, 199 sq.*

puniceis humilis quantum saliuuca rosetis,
iudicio nostro tantum tibi cedit Amyntas.
sed tu desine plura, puer: successimus antro.

MOPSVS

- 20 Exstinctum Nymphae crudeli funere Daphnin
flebant (uos coryli testes et flumina Nymphis),
cum complexa sui corpus miserabile nati
atque deos atque astra uocat crudelia mater.
non ulli pastos illis egere diebus
25 frigida, Daphni, boues ad flumina; nulla nec amnem
libauit quadripes nec graminis attigit herbam.
Daphni, tuum Poenos etiam ingemuisse leones
interitum montesque feros siluasque loquuntur.
Daphnis et Armenias curru subiungere tigris
30 instituit, Daphnis thiasos et ducere Bacchi
et foliis lentas intexere mollibus hastas.
uitis ut arboribus decori est, ut uitibus uuae,
ut gregibus tauri, segetes ut pinguibus aruis,
tu decus omne tuis. postquam te fata tulerunt,
35 ipsa Pales agros atque ipse reliquit Apollo.
grandia saepe quibus mandauimus hordea sulcis,
infelix lolium et steriles nascuntur auenae;
pro molli uiola, pro purpurea narcissos

PR 17–34 Π₁

20 daphnim P, *euau. in Π₁* 25 nec Λ: necque P: neque P²RΦε, *euau. in Π₁*.
'Nec' ante uocalem ponitur etiam in Aen. 2, 430; 5, 669; 9, 152 et 428; 11, 382
et 801; 12, 207 et 352 (cf. 6, 2) 27 gemuisse Ra 28 montesque feros
siluasque Markland ad Stat. silu. 2, 5, 13: m. feri siluaeque P^xRΠ₁ωγ, Seru.
(sed ex interpr. accusatiuos uidetur legisse), schol. Bern.: m. ferunt siluaesque
P. Vna cum animalibus et montes et siluae collacrimant (cf. Theocr. 7, 74 sq.;
Bion 1, 31 sq.): loquuntur est impersonaliter dictum, ut in Aen. 1, 731
29 armenia Ra 30 et ducere scripsi, uide «MD» 67, 2011, 209 sqq.: inducere
codd., sed post instituit superuacaneum est inducere, id est 'nouum morem
instituire': indicere Heinsius, cl. Aen. 11, 737. Thiasos ducere proprium est pro
θείσους ἄγειν (cf. Eur. Bacch. 115; Aen. 6, 517 sq. 'euhantis orgia circum /
ducebat Phrygias') 38 uiola P^xωγ: uiolae P: uiola et Ra purpurea Diom.
453, 36 (cf. Theocr. 1, 33; Meleag. 46, 2 G.-P.): purpureo codd., DSeru., schol.
Bern.

carduus et spinis surgit paliurus acutis.

- 40 spargite humum foliis, inducite fontibus umbras,
pastores (mandat fieri sibi talia Daphnis),
et tumulum facite, et tumulo superaddite carmen:
'Daphnis ego in siluis, hinc usque ad sidera notus,
formosi pecoris custos, formosior ipse.'

MENALCAS

- 45 Tale tuum nobis carmen, diuine poeta,
quale sopor fessis in gramine, quale per aestum
dulcis aquae saliente sitim restinguere riuo.
nec calamis solum aequiperas, sed uoce magistrum:
fortunate puer, tu nunc eris alter ab illo.
50 nos tamen haec quocumque modo tibi nostra uicissim
dicemus Daphninque tuum tollemus ad astra;
Daphnin ad astra feremus: amauit nos quoque Daphnis.

MOPSVS

- An quicquam nobis tali sit munere maius?
et puer ipse fuit cantari dignus, et ista
55 iam pridem Stimichon laudauit carmina nobis.

PR

39 acutus **f** γ (corr. γ^1) 40 umbras] aras **Ra** 45 nobis carmen **er**, *Probus* 233, 32: carmen nobis **PR** $\omega\gamma$, *cod. Auson.*, *Rufin.* 58, 23, *Prisc.* 7, 336, *sed uide Lachmann ad Prop.* 1, 6, 25 («male uulgo carmen nobis, quasi in nobis et fessis sit expressa anthitesis»). Bene tuum et nobis adiacent, quod habet colorem uiuidae et antiquae locutionis: uide *Hofmann* 121, et cf. *buc.* 1, 7 'ille mihi'; 72 'his nos'; 75 'ego uos'; 2, 28 'mecum tibi'; 3, 17 'ego te' 46 fessis] lassus **Rano** 49 ab illo] apollo **Ra** 51 ante u. 50 collocant **P** γ (ord. rest. **P**²) daphnimque **P** 52 daphnim **P** 53 quicquid γ (corr. γ^1) munera **Pci** γ (corr. γ^1) 54 ipse] an ille? *Alludit enim Mopsus (et is quidem puer) ad puerum illum diuinum, id est Daphnin (cf. buc. 8, 49 'puer improbus ille'; 10, 61 'deus ille'). Confunditur saepe in libris 'ipse' cum 'ille' (uide e.g. Aen. 7, 110; 10, 770)* 55 stimichon **P**²**R** $\omega\gamma$, *Seru.*, *DSeru.*, *schol. Bern.* (stimicho): timichon **P**: istimichon **b**: stimicon **cer**, *Seruü cod. R*, *Expl. I* (stimocon *cod. L*, *stonicon cod. P*), *Expl. II*; cf. *Calp. Sic.* 6, 83; 7, 9 et 13: Simichon *Maas*, «*RbM*» 78, 1929, 218 sq., cl. *DSeru.* («nonnulli Stimichonem patrem Theocriti dicunt») et *schol. Theocr. prol.* (Θεόκριτος ὁ τῶν βουκολικῶν ποιητῆς Συρακούσιος ἦν τὸ γένος, πατὴρ Σιμίχου), fortasse recte, sed de nominibus bucolicis saepe ambigitur

MENALCAS

- Candidus insuetum miratur limen Olympi
 sub pedibusque uidet nubes et sidera Daphnis.
 ergo alacris siluas et cetera rura uoluptas
 Panaque pastoresque tenet Dryadasque puellas.
 60 nec lupus insidias pecori, nec retia ceruis
 ulla dolum meditantur: amat bonus otia Daphnis.
 ipsi laetitia uoces ad sidera iactant
 intonsi montes; ipsae iam carmina rupes,
 ipsa sonant arbusta: ‘deus, deus ille, Menalca!’
 65 sis bonus o felixque tuis! en quattuor aras:
 ecce duas tibi, Daphni, duas, altaria, Phoebo.
 pocula bina nouo spumantia lacte quotannis
 craterasque duo statuam tibi pinguis oliui,
 et multo in primis hilarans conuiuia Baccho
 70 (ante focum, si frigus erit; si messis, in umbra)
 uina nouum fundam calathis Ariusia nectar.
 cantabunt mihi Damoetas et Lyctius Aegon;
 saltantis Satyros imitabitur Alpheisiboeus.
 haec tibi semper erunt, et cum sollemnia uota
 75 reddemus Nymphis, et cum lustrabimus agros.
 dum iuga montis aper, fluuios dum piscis amabit,
 dumque thymo pascentur apes, dum rore cicadae,
 semper honos nomenque tuum laudesque manebunt.

PR

56 lumen *Seru. ad buc. 7, 5* 59 dryadesque **Rar?zo** 61 dolum] modum
R (corr. **R**¹) 64 ipsa arbusta sonant *recc., DSeru.* 65–75 *Mopso tribuit P*¹
 (corr. **P**²) 66 duas²] dus **P** (corr. **P**²): dua **γ**¹: duo **defghilrx** altaria] alteri
aγ (corr. **γ**¹). Altaria illam ararum partem designant ubi superis sacrificabatur
 (uide *Seruii explicationem et ThlL I, 1725, 61*); ideoque uerbo aras (u. 65)
 apponitur altaria, ut duae arae deo superno, id est Apollini, dicari indicentur
 (cf. *Aen. 9, 85 sq. ‘pineae silua ... lucus’* et quae Conte adnotauit ad loc.)
 68 duos **a²fghixΛ**, *schol. Bern., Lib. Gloss. CR 38*: duas **del**, sed cf. *Aen. 11,*
285 (‘duo ... uiros’); -o ante st- *producitur*, uide *O. Skutsch, The Annals of Q.*
Ennius, Oxford 1985, 57 72 lycius **fikze**, sed bene *Aen. 3, 401 (‘Lyctius*
Idomeneus’) comparat *Seru.* 77 pascentur **ny**

ut Baccho Cererique, tibi sic uota quotannis
80 agricolae facient: damnabis tu quoque uotis.

MOPSVS

Quae tibi, quae tali reddam pro carmine dona?
nam neque me tantum uenientis sibilus Austri
nec percussa iuuant fluctu tam litora, nec quae
saxosas inter decurrunt flumina uallis.

MENALCAS

85 Hac te nos fragili donabimus ante cicuta;
haec nos 'formosum Corydon ardebat Alexin',
haec eadem docuit 'cuium pecus? an Meliboei?'

MOPSVS

At tu sume pedum, quod, me cum saepe rogaret,
non tulit Antigenes (et erat tum dignus amari),
90 formosum paribus nodis atque aere, Menalca.

PR 86 *inchoat V*

80 uoti **Ra?**, *def. Heinsius; sed melior est numerus pluralis (ut in u. 79 uota) et casus ablatiuus, cum 'damnare' quasi 'obligare' hic ualeat (cf. Germ. Arat. 348 'uotis damnatus')* 85 donauimus **R*abefglnδ**, *sed ante ad tempus futurum alludit («bene anticipat et offert munus, quod ille se facturum esse promiserat» Seru.) ante] ecce Schrader* 86 alexim **RV** 89 tum] nunc **P**: tunc **P²b**

ECLOGA VI

- Prima Syracosio dignata est ludere uersu
 nostra nec erubuit siluas habitare Thalea.
 cum canerem reges et proelia, Cynthius aurem
 uellit et admonuit: ‘pastorem, Tityre, pinguis
 5 pascere oportet ouis, deductum dicere carmen.’
 nunc ego (namque super tibi erunt qui dicere laudes,
 Vare, tuas cupiant et tristia condere bella)
 agrestem tenui meditabor harundine Musam:
 non iniussa cano. si quis tamen haec quoque, si quis
 10 captus amore leget, te nostrae, Vare, myricae,
 te nemus omne canet; nec Phoebō gratior ulla est
 quam sibi quae Vari praescripsit pagina nomen.
 Pergite, Pierides. Chromis et Mnasyllōs in antro
 Silenum pueri somno uidere iacentem,
 15 inflatum hesterno uenas, ut semper, Iaccho;
 serta procul, tantum capiti delapsa, iacebant
 et grauis attrita pendebat cantharus ansa.
 adgressi (nam saepe senex spe carminis ambo
 luserat) iniciunt ipsis ex uincula sertis.
 20 addit se sociam timidisque superuenit Aegle,

PRV 20 *desinit* V

1 syracosio **ω** (*praeter ab*) **γ**; «Syracosio autem graece ait: nam latine ‘Syracusanus’ dicimus» Seru. 2 nec **RVafg**, *imitatus est Stat. silu. 3, 3, 58* (‘nec erubuit famulantis fistula Phoebi’): neque **Pωγ**, *schol. Bern.* Fortasse nec propter euphoniā scripsit; uide quae adnotauī ad buc. 5, 25 siluis **Ra** thalea **PRVa**, *schol. Ver.*: thalia **ωγ**; «Thalia ... graece ait: nam latine Thalea debuit dicere, sicut Κυθήρεια Cytherea; sed propter euphoniā contempsit ius regulae et ideo in graecitate permansit» Seru. 5 diductum **P** (*sed uide Macrob. 6, 4, 12, Seruii adnotationem et schol. Ver.*) 10 legat **dlz**, *Prisc. 18, 87* nostrae te **n** 11 ulla est **PR**: ullast **V** 12 perscripsit **bfgγ** 13 mnasyllōs **P**: mnasyllus **Ray** (mnass- **γ**): manasylos **V**: mnasylos **P²V²**: mnasyllus **γ¹**; hoc Graecum nomen syllaba -os terminari testatur *Probus 226, 15* 16 procul] *haud ‘longe posita’ sed ‘a capite disiuncta’ hic ualet; «nam intulit tantum capiti delapsa, ut ostenderet non longius prouolutam coronam» Seru.* iacebat **Pb** 18 ambos **ere**; «ambo *pro* ambos» *schol. Bern.*

Aegle Naiadum pulcherrima, iamque uidenti
 sanguineis frontem moris et tempora pingit.
 ille dolum ridens ‘quo uincula nectitis?’ inquit;
 ‘soluite me, pueri; satis est potuisse uideri.

- 25 carmina quae uultis cognoscite; carmina uobis,
 huic aliud mercedis erit.’ simul incipit ipse.
 tum uero in numerum Faunosque ferasque uideres
 ludere, tum rigidas motare cacumina quercus;
 nec tantum Phoebo gaudet Parnasia rupes,
 30 nec tantum Rhodope mirantur et Ismarus Orphea.

Namque canebat uti magnum per inane coacta
 semina terrarumque animaeque marisque fuissent
 et liquidi simul ignis; ut his ex omnia primis,
 omnia et ipse tener mundi concreuerit orbis;
 35 tum durare solum et discludere Nerea ponto
 coeperit et rerum paulatim sumere formas;
 iamque nouum terrae stupeant lucescere solem
 altius atque cadant summotis nubibus imbres,

PR

21 namque **P** (corr. **P^x**) 23 inridens **P²**; «ridens ‘inridens’» *DSeru.*
 24 sensum bene explicat *Seru.*: «‘soluite me; sufficit enim, quod talis uobis
 uisus sum, ut etiam ligari possim’» 27 uideris **Pcr** 30 mirantur **Radeilnδ**,
Rufin. 48, 5, def. Heinsius: miratur **Pωγ**. Schema quod dicitur *Alcmanicum*
 (cf. *Hom. Il.* 5, 774; 20, 138; *Od.* 10, 513; 14, 216; uide *R. Sabbadini*, «*Studi*
Virgiliani», Mantova 1930, 164 sq.) poeta secutus est in hoc uersu, qui uidetur
 graecissare 33 ex omnia **P** (suo Marte coniecit *Peerlkamp*), schol. Bern. u. l.:
 exordia **Rωγ**, *Macrob.* 6, 2, 22, *DSeru.*, schol. Bern. Etiam si exordia uerbum
 est a *Lucretio* saepe usurpatum, nihilominus omnia ex illius carmine uidetur
 prorsus pendere (cf. *Lucr.* 1, 61 ‘ex illis sunt omnia primis’): hanc enim
 imitationem confirmant et uerborum ordo (cf. *Lucr.* 2, 731 sq.) et ipsa
 syntactica epanalexis (cf. *Lucr.* 2, 159 sq.; 2, 955 sq.; 3, 11 sq.; 5, 298 sq.; 5, 950
 sq.; 5, 1189 sq.; 6, 528 sq. ‘omnia ... omnia’) 34 omnisa **P** (corr. **P^x**): omnis
 probb. *Kirsch*, *Sabbadini* 38 altius] cum superioribus iungendum (cf. *Lucr.*
 5, 432 sq. ‘solis rota ... altiuolans’; 5, 446 ‘a terris altum secernere caelum’):
 cum inferioribus iungit *Seru.* («quemadmodum cadant imbres nubibus in
 altum leuatis»); sed nusquam atque postponitur in *Vergilio*. Adde huc quod
 etiam in uu. 35 sq. ultra hexametri mensuram extenditur enuntiatum utque
Raf nubibus] signibus (scil. ex ignibus) **Ra**

- incipiant siluae cum primum surgere cumque
 40 rara per ignaros errent animalia montis.
 Hinc lapides Pyrrhae iactos, Saturnia regna,
 Caucasiasque refert uolucris furtumque Promethei.
 his adiungit, Hylan nautae quo fonte relictum
 clamassent, ut litus ‘Hyla, Hyla’ omne sonaret;
 45 et fortunatam, si numquam armenta fuissent,
 Pasiphaen niuei solatur amore iuueni.
 a, uirgo infelix, quae te dementia cepit?
 Proetides implerunt falsis mugitibus agros,
 at non tam turpis pecudum tamen ulla secuta est
 50 concubitus, quamuis collo timuisset aratrum
 et saepe in leui quaesisset cornua fronte.
 a, uirgo infelix, tu nunc in montibus erras:
 ille latus niueum molli fultus hyacintho
 ilice sub nigra pallentis ruminat herbas
 55 aut aliquam in magno sequitur grege. ‘claudite, Nymphae,
 Dictaeae Nymphae, nemorum iam claudite saltus,
 si qua forte ferant oculis sese obuia nostris
 errabunda bouis uestigia; forsitan illum
 aut herba captum uiridi aut armenta secutum
 60 perducant aliquae stabula ad Gortynia uaccae.’
 Tum canit Hesperidum miratam mala puellam;
 tum Phaethontidas musco circumdat amarae
 corticis atque solo proceras erigit alnos.

PR 48 *inchoat M*

40 ignaros **Ra**: ignotos **Ρωγ** 41 hic **Ργ** (*corr. γ¹*) 42 caucaseasque
 defghklxyze 43 hylan *dist. P²* 49 secuta est **Rωγ**, *Macrob.* 4, 6, 3: secuta
 MPxz. *Vide Wagner, Quaest. Virg.* XV, 1 50 timuissent **Ra**
 51 qu(a)esissent **Pφ₁**, *schol. Bern.* 60 cortynia **MR** 61–63 *post u. 73*
collocandos censuit Courtney («QUCC», n.s. 34, 1990, 111), sed traditus ordo
efficit ut Sileni cantus a breuiore fabula ad longiorem procedat, quasi pondere
rerum crescente. Si ordinem mutas, Galli magnificatio minus ponderis habet
 61 tunc **κινωδγ** 62 tunc *Seru. ad buc. 9, 19 (sed tum hic)* amaro **Ra**, *sed*
amarae corticis testantur Quint. 1, 5, 35, Gramm., Lib. Gloss. CO 2320

- tum canit, errantem Permessi ad flumina Gallum
 65 Aonas in montis ut duxerit una sororum,
 utque uiro Phoebi chorus adsurrexerit omnis;
 ut Linus haec illi diuino carmine pastor
 floribus atque apio crinis ornatus amaro
 dixerit: ‘hos tibi dant calamos, en accipe, Musae,
 70 Ascraeo quos ante seni, quibus ille solebat
 cantando rigidas deducere montibus ornos.
 his tibi Grynei nemoris dicatur origo,
 ne quis sit lucus quo se plus iactet Apollo.’
 Quid loquar aut Scyllam Nisi, quam fama secuta est
 75 candida succinctam latrantibus inguina monstribus
 Dulichias uexasse rates et gurgite in alto
 a! timidos nautas canibus lacerasse marinis;
 aut ut mutatos Terei narrauerit artus,
 quas illi Philomela dapes, quae dona pararit,
 80 quo cursu deserta petiuerit et quibus ante
 infelix sua tecta super uolitauerit alis?
 Omnia, quae Phoebus quondam meditante beatus
 audiit Eurotas iussitque ediscere laurus,
 ille canit, pulsae referunt ad sidera ualles;

MPR

64–73 post u. 81 collocandos censuit Scaliger teste Heyne, sed non est molesta haec Hesiodica fabula de Gallo inter Scyllam et Hesperidas posita; praeterea interrogatio rhetorica quid loquar (u. 74) indicium facit Sileni carmen iam inclinari ad conclusionem 65 dixerit MRa: duxerit P (corr. P²) 66 atque e, Arus. 454, 28 73 nec P²Rad quis] qui MP²Rdhkzφ₁ 74 loquaor P (corr. P^x); «alii loquor, alii loquar» Lib. Gloss. SC 159 aut] ut Ra? def. Heyne aliiq̄ue, sed est probanda uariatio quid loquar aut Scyllam ... aut ut ... narrauerit artus (u. 78): nam quam fama secuta est idem ualet ac ‘de qua Silenus famae adsentiens narrat’. In errorem uersatur Seruius, qui aut post Nisi subaudiendum putat, ita ut Scylla Nisi a Scylla Phorci discernatur secuta est M:PR²ω: secutast R 78 ut om. Mef (add. M¹): in l: cum Non. 527, 17 narrauerat Ra? actus Ra 79 pararet Pdfglφ₁ (corr. P^x) 80 ante codd., id est ‘ante ultimum discessum’ et est commouendis animis apta notatio: alte Ribbeck 81 infelix dist. M² supra Ra 83 discere P laurus M (cf. buc. 8, 13 et 82): lauros PRωγ

85 cogere donec ouis stabulis numerumque referri
iussit et inuito processit Vesper Olympo.

MPR 86 *desinit* **R** (*subditur a*)

85 referri **M*P*cflkxyφ₁γ** (cf. *Aen.* 5, 772 sq.; 7, 468 sq. ‘iubet arma parari, / tutari Italiam, detrudere finibus hostem’ 11, 83 sq.): referre **MPRω**, *Non.* 381, 20, *DSeru.* («referre recensere», cf. *georg.* 4, 436)

ECLOGA VII

MELIBOEVS CORYDON THYRSIS

MELIBOEVS

- Forte sub arguta consederat ilice Daphnis,
 compulerantque greges Corydon et Thyrsis in unum,
 Thyrsis ouis, Corydon distentas lacte capellas,
 ambo florentes aetatibus, Arcades ambo,
 5 et cantare pares et respondere parati.
 huc mihi, dum teneras defendo a frigore myrtos,
 uir gregis ipse caper deerrauerat: atque ego Daphnin
 aspicio. ille ubi me contra uidet, 'ocius' inquit
 'huc ades, o Meliboe; caper tibi saluus et haedi;
 10 et, si quid cessare potes, requiesce sub umbra.
 huc ipsi potum uenient per prata iuuenti,
 hic uiridis tenera praetexit harundine ripas
 Mincius, eque sacra resonant examina quercu.'
 quid facerem? neque ego Alcippen nec Phyllida habebam
 15 depulsos a lacte domi quae clauderet agnos,
 et certamen erat, Corydon cum Thyrside, magnum;
 posthabui tamen illorum mea seria ludo.
 alternis igitur contendere uersibus ambo

MPa 12 *inchoat V*

2 gregem **n** unum] undam **P** (corr. **P**²) 5 parati] periti **noδ**, *Schrader, cl. buc. 10, 32 et ps. Theocr. 8, 4 ἄμφω συρίσδεν δεδωγμένω, ἄμφω αἰείδεν. Sed bene Wagner: «melius parati, quod promptam facultatem exprimit»; adde huc, quod exquisita uidetur paronomasia pares ... parati (uide Norden ad Aen. 6, 204 sqq.) 6 huc **Mehilxy²zγ** (huic y), *Seru.*: hic **Paωγ**, *Seru. ad Aen. 10, 709; «huc pro hic» schol. Bern.* myrtus **fnoyφ₁**, *schol. Med.* 7 daphnim **Pa** 10 quis **cγ** 11 ueniunt **a** 15 agnos] hedos **M** (corr. **M**^A) 18 aeternis **γ** (corr. **γ**¹) ambos **Mφ₁** (corr. **M**^x)*

coepere, alternos Musae meminisse uolebant.

20 hos Corydon, illos referebat in ordine Thyrsis.

CORYDON

Nymphae, noster amor, Libethrides: aut mihi carmen,
quale meo Codro, concedite (proxima Phoebi
uersibus ille facit) aut, si non possumus omnes,
hic arguta sacra pendebit fistula pinu.

THYRSIS

25 Pastores, hedera nascentem ornate poetam,
Arcades, inuidia rumpantur ut ilia Codro;
aut, si ultra placitum laudarit, baccare frontem
cingite, ne uati noceat mala lingua futuro.

CORYDON

Saetosi caput hoc apri tibi, Delia, paruus
30 et ramosa Micon uiuacis cornua cerui.
si proprium hoc fuerit, leui de marmore tota
puniceo stabis suras euincta coturno.

THYRSIS

Sinum lactis et haec te liba, Priape, quotannis
exspectare sat est: custos es pauperis horti.
35 nunc te marmoreum pro tempore fecimus; at tu,
si fetura gregem suppleuerit, aureus esto.

MPaV

19 uolebam $r\gamma y$? «si uolebant, sensus est: ‘Musae utriusque meminere’, ut ‘amant alterna Camenae’ (buc. 3, 59). Sed multi uolebam legunt, ut sit: ‘optabam, o Musae, meminisse alternos’, id est omnia quae dixerunt tenere; nam et in fine dicturus est ‘haec memini’ (u. 69)» Seru. At si uolebant accipis, intellige potius: ‘haec certamini erat a Musis imposita lex, ut pastores alternis uicibus cantarent’ 22 phoebo V 23 possumus $M^1P^2a\omega\gamma^1$, Diom. 418, 15, Dosith. 423, 18, Seru.: possimus $MPVcr\gamma$ 24 pendebis γ (corr. γ^1), DSeru. pino $b\gamma^1$ 25 nascentem $Vbise$, Seru.: nascente M: crescentem $M^APa\omega\gamma$, ps. Acro ad Hor. carm. 1, 1, 29, Seru. ad buc. 4, 19, Expl. Nascentem ualet ‘primos gradus facientem’ (uide OLD s.u. ‘nascor’, 1c), quasi sit ‘uiam Musarum nuper ingressum’, id quod congruit cum uati ... futuro (u. 28); lectio crescentem fortasse ex glossemate orta est 26 codri γ (corr. γ^1) 27 laudabit γ (corr. γ^1) 29 uarias lectiones hoc apri et hoc capri (scil. metri causa ortas) testatur DSeru.

CORYDON

Nerine Galatea, thymo mihi dulcior Hyblae,
 candidior cyncis, hedera formosior alba,
 cum primum pasti repetent praesepia tauri,
 40 si qua tui Corydonis habet te cura, uenito.

THYRSIS

Immo ego Sardoniis uidear tibi amarior herbis,
 horridior rusco, proiecta uilior alga,
 si mihi non haec lux toto iam longior anno est.
 44 ite domum pasti, si quis pudor, ite iuueni.

CORYDON

49 Hic focus et taedae pingues, hic plurimus ignis
 50 semper, et adsidua postes fuligine nigri.
 hic tantum Boreae curamus frigora quantum
 aut numerum lupus aut torrentia flumina ripas.

THYRSIS

Stant et iuniperi et castaneae hirsutae,
 strata iacent passim sua quaeque sub arbore poma,
 55 omnia nunc rident: at si formosus Alexis
 56 montibus his abeat, uideas et flumina sicca.

MPaV 37 desinit V

39 repetunt c^gik^rsy: repetant γ (corr. γ¹) 41 uideor Pa²c (corr. P²)
 43 annost Ma (corr. M²a²) 45–48 uide post u. 56 49–52 Corydoni tribui,
 uide ad uu. 45–48: Thyrsidi tribuunt codd. 51 hinc γ (corr. γ¹), «nomulli»
 ap. DSeru. 52 numerum] murum A.G. Peskett «C. R.» 32, 1918, 31.
 «subauditur 'ouium', uel similiū» DSeru. ripas M^xa²ωγ, Seru., schol.
 Bern.: ripa P: ripis Ma 53–56 Corydoni tribuunt codd. Thyrsidi tribuendos
 et post uu. 57–60 collocandos censuit quidam «doctus Britannus» ap. Heyne
 (quem Gilbertum Wakefield fuisse habeo persuasum), quod probauerunt
 Perret aliique. Hos uersus consentio Thyrsidi adscribendos, cuius ingenio sane
 uidentur conuenire, sed aliter ordinavi. Nam uersibus 45–48 conuenientiae
 causa translatis (cf. adn. ad loc.), necesse est non solum uu. 49–52, sed etiam
 uu. 53–56 alteri cantori consequenter tribuantur 54 quaeque MPaωγ,
 Colum. 7, 10, 8, Non. 326, 28 et 389, 13, Seru. ad Aen. 4, 444: quaque b²c²
 (quamque b), Bentley ad Manil. 2, 253, sed uide Madvig ad Cic. fin. 5, 46,
 Lachmann ad Lucr. 2, 371, J. Wackernagel, Vorlesungen über Syntax, I, Basel
 1926², 54 56 abeat] aberit P^x (aberiturt P): habeat frsxnōeγ

CORYDON

- 45 Muscosi fontes et somno mollior herba,
 46 et quae uos grata uiridis tegit arbutus umbra,
 47 solstitium pecori defendite: iam uenit aestas
 48 torrida, iam laeto turgent in palmitē gemmae.

THYRSIS

- 57 Aret ager, uitio moriens sitit aëris herba,
 Liber pampineas inuidit collibus umbras:
 Phyllidis aduentu nostrae nemus omne uirebit,
 60 Iuppiter et laeto descendet plurimus imbri.

CORYDON

Populus Alcidae gratissima, uitis Iaccho,
 formosae myrtus Veneri, sua laurea Phoebō;
 Phyllis amat corylos: illas dum Phyllis amabit,
 nec myrtus uincet corylos, nec laurea Phoebi.

THYRSIS

- 65 Fraxinus in siluis pulcherrima, pinus in hortis,
 populus in fluuiis, abies in montibus altis:
 saepius at si me, Lycida formose, reuisas,
 fraxinus in siluis cedit tibi, pinus in hortis.

MPa

45–48 post u. 56 transposui, ut amoebaea ratione uersibus 57–60 conuenienter responderent (cf. 45 herba ~ 57 herba; 46 umbra ~ 58 umbras); uide quae disserui in «MD» 69, 2012, 66–73 46 grata Peerlkamp (cf. georg. 4, 402; Ou. met. 13, 793 'aestiuā gratior umbra'): rara codd., Seru. 48 laeto ΜωϞ, quod u. 60 (laeto) respondere uidetur (cf. georg. 2, 262 'laetum ... uitis genus'; 2, 363 sq.): lento M^{AP} 60 om. P (add. P²) 62 myrtus] uirtus M (corr. M¹): uirtus P 63 dum phyllis amabit in ras. M (fortasse nec laurea phoebi M, corr. supra lineam M^x, erasit et denuo scripsit M²) 64 om. γ (add. γ¹) corylos] Veneris Hebrus ap. DSeru. Attamen uerba corylos ... corylos bis repetita iucunde resonant quasi imitantia cantilenam; praeterea fraxinus ... cedit tibi (u. 68) ad myrtus uincet corylos (u. 64) respondet 65–66 «fraxinus in siluis et post populus in fluuiis, ut est nunc, in Vari et in Hebrī: prius populus in fluuiis, dein fraxinus in siluis» DSeru. Vide Timpanaro 146 sq. 65 pulcherrima] cedit tibi M (corr. supra lineam M^x, erasit et denuo scripsit M²) 67 at] ac M (corr. M^A): ad Py me] nos Λ (praeter ε) reuises οη 68 cedit Pcb²d²g²h²s²ε², schol. Bern.; futurum Seruius legisse uidetur (cf. 64 uincet; uide ad 4, 59): cedit MPωγ

MELIBOEVS

Haec memini, et uictum frustra contendere Thyrsin.
 70 ex illo Corydon Corydon est tempore nobis.

MPa

69 concedere a (corr. a²) thyrsim a 70 uersus significat 'ex illo Corydon ἐς τὸ πᾶν ἐτητύμως κόρυδος *factus est*', ut bene demonstrat M. Bettini, «SCO» 21, 1972, 264 sq. corydon semel P (corr. P²)

ECLOGA VIII

- Pastorum Musam Damonis et Alpheisiboei,
 immemor herbarum quos est mirata iuuenca
 certantis, quorum stupefactae carmine lynces,
 et mutata suos requierunt flumina cursus,
 5 Damonis Musam dicemus et Alpheisiboei.
 Tu mihi, seu magni superas iam saxa Timaui
 siue oram Illyrici legis aequoris, — en erit umquam
 ille dies, mihi cum liceat tua dicere facta?
 en erit ut liceat totum mihi ferre per orbem
 10 sola Sophocleo tua carmina digna coturno?
 a te principium, tibi desinam: accipe iussis
 carmina coepta tuis, atque hanc sine tempora circum
 inter uictrices hederam tibi serpere laurus.
 Frigida uix caelo noctis decesserat umbra,
 15 cum ros in tenera pecori gratissimus herba:
 incumbens tereti Damon sic coepit oliuae.

DAMON

- Nascere, praeque diem ueniens age, Lucifer, alnum,
 coniugis indigno Nysae deceptus amore
 dum queror et diuos, quamquam nil testibus illis
 20 profeci, extrema moriens tamen adloquor hora.
 incipe Maenalios mecum, mea tibia, uersus.
 Maenalus argutumque nemus pinosque loquentis

MPa 19 *inchoat V*

4 suo **Maz** (*corr.* **M^Aa²**) linquerunt **γ**: liquerunt **ghγ¹**: reliquerunt **eir**
 rursus **P** (*corr.* **P²**): cursu **a** (*corr.* **a²**) 7 en] et **M** (*corr.* **M¹**) 11 tibi] in te
Ladewig; «tibi desinet, id est 'in te'» *DSeru.* desinam **P** (*cf.* *Hom. Il.* 3, 97 ἐν
 σοὶ μὲν λήξω, σέο δ' ἄρξομαι): desino **γ**: desinet **Maωγ¹**, *ps. Acro ad Hor.*
epist. 1, 1, 1, *DSeru.*, *Expl. ad u.* 6, *schol. Bern.*: desinit **bdr.** Aliquis, *hiatum*
moleste ferens, lectionem desinet (*unde postea* desinit) *excogitauit* (*cf. buc.* 2,
 53) iussu **a** (*corr.* **a²**) 12 carmine **P** (*corr.* **P²**) 13 haederas *Char.* 135, 26
laurus Quint. 9, 3, 6, *Char.*: lauros *codd.*, *Porph. ad Hor. carm.* 1, 1, 29, *Expl.*,
Isid. 17, 9, 22, *schol. Bern.* 14 discesserat **bt** 20 et extremam **γ** (*corr.* **γ¹**)
 adloquar **MP²degl** (*corr.* **M^A**) 22 pinusque **Pγ** (*corr.* **P²γ¹**)

- semper habet, semper pastorum ille audit amores
 Panaque, qui primum calamos non passus inertis.
 25 incipe Maenalios mecum, mea tibia, uersus.
 Mopso Nysa datur: quid non speremus amantes?
 iungentur iam grypes equis, aeuoque sequenti
 cum canibus timidi uenient ad pocula dammae.
 28a incipe Maenalios mecum, mea tibia, uersus.
 Mopse, nouas incide faces: tibi ducitur uxor.
 30 sparge, marite, nuces: tibi deserit Hesperos Oetan.
 incipe Maenalios mecum, mea tibia, uersus.
 o digno coniuncta uiro: dum despicias omnis,
 dumque tibi est odio mea fistula dumque capellae
 hirsutumque supercilium promissaque barba,
 35 nec curare deum credis mortalia quemquam.
 incipe Maenalios mecum, mea tibia, uersus.
 saepibus in nostris paruam te roscida mala
 (dux ego uester eram) uidi cum matre legentem.
 alter ab undecimo tum me iam acceperat annus,

MPaV

24 primum Mb: primus Paωγ, schol. Seruii cod. R, DSeru. (cf. buc. 2, 32); euan. in V. Primum tempus indicat, ex quo pastores calamos in usu habent (cf. e.g. Lucr. 1, 66 sq. 'primum Graius homo mortalis tollere contra / est oculos ausus'). Adde quod, si primus legis, sigmatismus nonnihil iniucunditatis habere uidetur (primus calamos non passus inertis) 26 qui aV (corr. a²V²) 28 timidi M^Aa²Vωγ, Quint. 9, 3, 6, ps. Acro ad Hor. carm. 1, 2, 9, Porph. ad Hor. carm. 1, 29, 12, Seru. hic, ad georg. 1, 183 et ad Aen. 8, 641, Expl., Exp. ad georg. 1, 183, Gramm.: timidae Ma, Seru. ad Aen. 5, 122: timidet P (timidit P^x): timide c damnae M (corr. M^A): lammae P (corr. P^x) 28a uersum intercalarem habet γ: om. cett., sed cf. u. 76. Damonis et Alpheisiboei carmina tam congruenter constructa sunt, ut in utroque cantu totidem uersus intercalares diligenter sint iterati: itaque u. 28a ad iustum numerum complendum necessarius uidetur esse 29 incende a: incede rγ (corr. a²γ¹) tibi ducitur] diducitur P (corr. P²) 30 hesperos P: hesperus MaV oetan VtΛ: oetan MaΦε: hoeta P: oeta γ 34 promissaque MaVωγ, Diom. 414, 23, Dosith. 417, 6, schol. Ver., Seruii codd. aliqui: demissaque P, Seruii codd. plerique: proluxaque a²clzδεη; «promissaque barba demissa, proluxa» Seruii cod. R 39 c(o)eperat krsΛ

- 40 iam fragilis poteram a terra contingere ramos:
ut uidi, ut perii, ut me malus abstulit error!
incipi Maenalios mecum, mea tibia, uersus.
nunc scio quid sit Amor: nudis in cotibus illum
aut Tmaros aut Rhodope aut extremi Garamantes
45 nec generis nostri puerum nec sanguinis edunt.
incipi Maenalios mecum, mea tibia, uersus.
saeuus Amor docuit natorum sanguine matrem
commaculare manus; crudelis tu quoque, mater.
crudelis mater magis, an puer improbus ille?
50 improbus ille puer; crudelis tu quoque, mater.
incipi Maenalios mecum, mea tibia, uersus.
nunc et ouis ultro fugiat lupo, aurea durae
mala ferant quercus, narcisso floreat alnus,
pinguia corticibus sudent electra myricae,
55 certent et cycnis ululae, sit Tityrus Orpheus,
Orpheus in siluis, inter delphinas Arion.
incipi Maenalios mecum, mea tibia, uersus.
omnia uel medium fiat mare. uiuite siluae:
praeceps aërii specula de montis in undas
60 deferar; extremum hoc munus morientis habeto.

MPaV 44 desinit V

40 a] ab **MPn**: ad **P^x**: *om.* **o** pertingere **bo**: perfringere **n**: perstringere **η**; «in Cornelianis contingere, in Ebri pertingere» *Expl.* 43 nudis **Paby**, *Lib. Gloss.* CO 2401: duris **MP²a²Vωγ¹**, *schol. Bern.* (cf. *georg.* 4, 203; *Aen.* 4, 366). *Feritatem loci remoti et inhospitalis bene nudis significat; ceterum confunduntur nudi et duri etiam in schol. Bern. ad georg. 1, 58* cautibus **a** (corr. **a²**) 44 aut tmaros **lrtn**: aut tmarus **a²Vkx**, *ps. Acro ad Hor. carm. 1, 1, 1*: aut maros **MPadzy²**, *Probus* 226, 16, *DSeru.*: aut marus **b?f?h?γ**: ismarus **ω**, *Expl.*: aut ismarus **iy¹**, *Seru.* 49 an *om.* **γ** (add. **γ¹**): at Ribbeck, qui post mater distinxit 49–50 ante ille¹ *dist. M^xP²*, «multi» *ap. DSeru.* («geminandum <ille>: ‘ille, improbus ille puer crudelis’»), sed cf. *buc.* 10, 61 (‘deus ille’) 50 hunc u. eiecit Ribbeck, sed iniuria: nam non ad interrogationem ipsam responsio est, sed correctio, ut bene explicauit I. Vahlen, *Opuscula academica II*, Lipsiae 1908, 538 sq. (cf. *Eur. Her.* 558 sqq.; *Callim. hymn.* 4, 79 sqq.) 52 ultra **γ** (corr. **γ¹**) 56 orion **Meηv** (corr. **M¹**), *cod. Auson.* 58 fiat **MPbfgrγ¹**, *Don. et schol. Bomb. ad Ter. Adelp.* 790, *DSeru.*, *schol. Bern.* (cf. *ps. Verg. Dirae* 46; *Ou. met.* 1, 292): fiant **αωγ**, *Don. ad Ter. Andr.* 695, *Prisc.* 9, 26, *Expl.*

desine Maenalios, iam desine, tibia, uersus.
Haec Damon; uos, quae responderit Alpheisiboeus,
dicite, Pierides: non omnia possumus omnes.

ALPHEISIBOEVs

- Effer aquam et molli cinge haec altaria uitta
65 uerbenasque adole pinguis et mascula tura,
coniugis ut magicis sanos auertere sacris
experiar sensus; nihil hic nisi carmina desunt.
ducite ab urbe domum, mea carmina, ducite Daphnin.
carmina uel caelo possunt deducere lunam,
70 carminibus Circe socios mutauit Vlixī,
frigidus in pratis cantando rumpitur anguis.
ducite ab urbe domum, mea carmina, ducite Daphnin.
terna tibi haec primum triplici diuersa colore
licia circumdo, terque hanc altaria circum
75 effigiem duco; numero deus impare gaudet.
ducite ab urbe domum, mea carmina, ducite Daphnin.
necte tribus nodis ternos, Amarylli, colores;
necte, Amarylli, modo et 'Veneris' dic 'uincula necto'.
ducite ab urbe domum, mea carmina, ducite Daphnin.
80 limus ut hic durescit et haec ut cera liquescit
uno eodemque igni, sic nostro Daphnis amore.
sparge molam et fragilis incende bitumine laurus:
Daphnis me malus urit, ego hanc in Daphnide laurum.
ducite ab urbe domum, mea carmina, ducite Daphnin.
85 talis amor Daphnin qualis cum fessa iuuenecum
per nemora atque altos quaerendo bucula lucos

MPa

65 uerbenas **a** (corr. **a**²) 68 daphnim **P**: daphnī **M** (sic etiam uu. 72, 76, 79, 84, 85, 90, 93, 94, 100, 102, 104) 69 hunc u. om. **M**, add. ima pagina **M**^A uel lunam caelo deducere possunt *schol. Stat. Theb. 1, 105* 70 ulixi **MPLrxo**, *Lib. Gloss. CI 235* (cf. *Aen. 2, 7; 90; 436; 3, 273; 613; 691*): ulixis **αωγ**, *Expl. schol. Bern., imitatus est Petron. 134, 12, u. 13: olixis CIL IV 1982* 73 primus **P** (corr. **P**²) 74 hanc **tΛ**, *def. Wakefield: haec MPaΦγ, Seru. ad Aen. 4, 508, schol. Bern. Licia et effigies portenta manu exhibentur; altaria autem sunt iam supra (u. 64) indicata* 76 secludendum censuit Perret, sed uide quae adnotauī supra ad u. 28a 82 laurus **Mo**: lauros **Paωγ** (cf. u. 13)

propter aquae riuum uiridi procumbit in ulua
perdita, nec serae meminit decedere nocti,
talis amor teneat, nec sit mihi cura mederi.

90 ducite ab urbe domum, mea carmina, ducite Daphnin.

has olim exuias mihi perfidus ille reliquit,
pignora cara sui, quae nunc ego limine in ipso,
Terra, tibi mando; debent haec pignora Daphnin.

ducite ab urbe domum, mea carmina, ducite Daphnin.

95 has herbas atque haec Ponto mihi lecta uenena
ipse dedit Moeris (nascuntur plurima Ponto);
his ego saepe lupum fieri et se condere siluis
Moerin, saepe animas imis excire sepulcris,
atque satas alio uidi traducere messis.

100 ducite ab urbe domum, mea carmina, ducite Daphnin.

fer cineres, Amarylli, foras riuoque fluenti
transque caput iace, nec respexeris. his ego Daphnin
adgrediar; nihil ille deos, nil carmina curat.

ducite ab urbe domum, mea carmina, ducite Daphnin.

105 ‘aspice: corripuit tremulis altaria flammis
sponte sua, dum ferre moror, cinis ipse. bonum sit!
nescio quid certe est, et Hylax in limine latrat’.

MPa

87 concumbit **Paγ** (corr. **P²a²γ¹**), sed cf. *Aen.* 5, 481 (‘procumbit humi bos’)
98 moerin **b** (cf. *buc.* 9, 53 sq.): moerim **MPaω** exire **b** 102 ne
P^xa²crstxyzev 105–107 *Amaryllidi tribuendos censuit Cartault* (321).
Nam, cum mimica carminis forma uetet personam loquentem indicari, ancillam aspice exclamantem nunc introduci antiqui commentatores iam uiderunt (‘hoc ab alia dici debet’ *DSeru.*; ‘forsitan ancilla dicit’ *schol. Bern.*).
Ambigitur tamen utrum ancilla an domina uersum 107 dicat: dominae tribuunt plerique, at *Ribbeck* etiam bonum sit includit κατ’ἀντιλαβήν. *Ego uero puto uu.* 105–107 ancillae esse tribuendos: haec enim bonis ominibus aliquam fidem adiungit (nescio quid certe est); proinde domina, antea dubitans (u. 108 credimus?), denique ad credendum et ipsa adducitur (u. 109 ab urbe uenit ... Daphnis) 106 bonus **γ** (corr. **γ¹**) 107 certe est **MP²a²Φε**, *DSeru.*, *schol. Seruii cod.* R: certest **Pa**: certi est **M^xΛ**: certum est *Fulg.* 84, 6 *Hylax ed. Antoni Zarotti, Mediolani* 1475; ὕλακτέω et ‘*Hylactor*’ (*Ou. met.* 3, 224) bene comparauit *A. Mancinellus* (*Romae* 1490): *hylas codd., Fulg., Seruii cod. R, Expl., schol. Bern.*

credimus? an, qui amant, ipsi sibi somnia fingunt?
 parcite, ab urbe uenit, iam parcite carmina, Daphnis.

MPa

108 omnia **M** (*corr.* **M^A**) figunt **a** (*corr.* **a²**) 109 carmina (-e **c**) parcite
Mcd?eirtonv

ECLOGA IX

LYCIDAS MOERIS

LYCIDAS

Quo te, Moeri, pedes? an, quo uia ducit, in urbem?

MOERIS

O Lycida, uiui peruenimus, aduena nostri
(quod numquam ueriti sumus) ut possessor agelli
diceret: 'haec mea sunt; ueteres migrate coloni.'

5 nunc uicti, tristes, quoniam fors omnia uersat,
hos illi (quod nec uertat bene) mittimus haedos.

LYCIDAS

Certe equidem audieram, qua se subducere colles
incipiunt mollique iugum demittere cliuo,
usque ad aquam et ueteris iam fracta cacumina fagi,
10 omnia carminibus uestrum seruasse Menalcan.

MOERIS

Audieras, et fama fuit; sed carmina tantum
nostra ualent, Lycida, tela inter Martia quantum
Chaonias dicunt aquila ueniente columbas.

MPa

1 ducite **a** (corr. **a**²) orbem **P** (corr. **P**^x) 3 quod] qua **γ**¹: quo *recc.*
5 tristis ... Fors *Wakefield* 6 quod] quot **P**: quos **M**^A**n**² nec] non *recc.*,
Prisc. 18, 220 uertat bene **MPabcdehrlrΛγ**¹: bene uertat **P**²**Φενγ**, *Non.* 348, 25,
Don. ad Ter. Phorm. 678, *Seru. hic et ad Aen.* 4, 647, *Prisc. Est tamen hic ordo*
pedestris sermonis proprius (cf. *Liu.* 1, 28, 1; 3, 35, 8; 3, 62, 4; 8, 5, 5; 34, 34, 2)
7 quidem **a** (corr. **a**²) 8 incipiant **P** (corr. **P**²) demittere **bcdelflrzΛ** (praeter
nδ), *Quint.* 8, 6, 46 (cod. A), *DSeru. ad u.* 7 9 ueteris ... fagi **Παωγ**, *Quint.*,
Porph. ad Hor. epist. 2, 2, 170, *Expl.* (cf. *Pers.* 5, 52): ueteres ... fagos **Mγ**¹.
Lectio ueteris ... fagi mihi potior esse uidetur Quintiliano auctore; timeo enim
ne appositio κατὰ παρένθεσιν (ueteres, iam fracta cacumina, fagos) *in textum*
inrepperit ad imitationem *buc.* 2, 3 ('densas, umbrosa cacumina, fagos').
Solitaria fagus pro limite fungitur agelli (cf. *Hor. epist.* 2, 2, 170 sq. 'populus
adsita certis / limitibus') et uetustate sua imaginem miseri pastoris eiusque
longaeuae sed iam interruptae beatitudinis praebet (et ideo dixit iam fracta)

- quod nisi me quacumque nouas incidere lites
 15 ante sinistra caua monuisset ab ilice cornix,
 nec tuus hic Moeris nec uiueret ipse Menalcas.

LYCIDAS

- Heu, cadit in quemquam tantum scelus? heu, tua nobis
 paene simul tecum solacia rapta, Menalca!
 quis caneret Nymphas? quis humum florentibus herbis
 20 spargeret aut uiridi fontis induceret umbra?
 uel quae sublegi tacitus tibi carmina nuper,
 cum te ad delicias ferres Amaryllida nostras?
 ‘Tityre, dum redeo (breuis est uia), pasce capellas,
 et potum pastas age, Tityre, et inter agendum
 25 occursare capro (cornu ferit ille) caueto.’

MOERIS

Immo haec, quae Varo necdum perfecta canebat:
 ‘Vare, tuum nomen, superet modo Mantua nobis,
 Mantua uae miserae nimium uicina Cremonae,
 cantantes sublime ferent ad sidera cycni.’

LYCIDAS

- 30 Sic tua Cyrneas fugiant examina taxos,
 sic cytiso pastae distendant ubera uaccae:
 incipe, si quid habes. et me fecere poetam
 Pierides, sunt et mihi carmina, me quoque dicunt
 uatem pastores; sed non ego credulus illis.
 35 nam neque adhuc Vario uideor nec dicere Cinna

MPa

14 quocumque P: quaecumque γ (corr. γ^1) 17 cadet Pb 20 aut] et b: ut t
 uiridis a 21 uel] nam *Non.* 332, 36 25 ferit $M^A a \omega \gamma$, *Gell.* 9, 9, 11, *Arus.*
 482, 1, *ps. Prob. ad georg.* 1, 227, *Prisc.* 8, 71, *imit. Gaetul. carm. frg. 1*: feret
 M: petit $P \gamma^1$ (cf. *buc.* 3, 87; *Aen.* 9, 629) 26 baro M canebam P (corr. P^2):
 canebant γ 27 bare M: uere P 27–28 superet – Mantua] cupiant superent
 mantua (28) nobis mantua M (corr. M^A); cf. *buc.* 6, 7 28 misere MP (corr.
 M^A) 29 ferant $P^2 v \gamma$ 30 cyrneas $M a \omega$ (a *Cyrno insula, ut bene explicat*
Seru.): cryneas M^2 (crineas ϵ): grynaeas P (grineas ϵ , gryneas γ): cyrineas
 $fg?lr?s$ exagmina M (corr. M^x) 35 uario $a \gamma^1$ (om. γ): uaro $M P a^2 \omega$, *ps.*
Acro ad Hor. carm. 1, 6, 8, *schol. Bern.*; *utrumque agnoscunt Seru., DSeru.*

digna, sed argutos inter strepere anser olores.

MOERIS

Id quidem ago et tacitus, Lycida, mecum ipse uoluto,
si ualeam meminisse; neque est ignobile carmen.

‘huc ades, o Galatea; quis est nam ludus in undis?’

- 40 hic uer purpureum, uarios hic flumina circum
fundit humus flores, hic candida populus antro
imminet et lentae texunt umbracula uites.
huc ades; insani feriant sine litora fluctus.’

LYCIDAS

Quid, quae te pura solum sub nocte canentem

- 45 audieram? numeros memini, nisi uerba tenerem:
‘Daphni, quid antiquos signorum suspicis ortus?
ecce Dionaei processit Caesaris astrum,
astrum quo segetes gauderent frugibus et quo
duceret apricis in collibus uua colorem.
50 insere, Daphni, piros: carpent tua poma nepotes.’

MOERIS

Omnia fert aetas, animum quoque. saepe ego longos
cantando puerum memini me condere soles.
nunc oblita mihi tot carmina, uox quoque Moerin

MPa

36 anser] «alludit ad Anserem quendam, Antonii poetam» Seru. (cf. Prop. 2, 34, 84 et Ou. trist. 2, 435 ‘Cinnaque procacior Anser’) 38 nec a (corr. a²) 39 ades, o] adeo a (corr. a²) lusus γ (corr. γ¹) 42 et] e P (corr. P²): en Ribbeck 45 nisi scripsi: si codd., Quint. 9, 4, 54, Non. 353, 2 et 534, 14, Rufin. 55, 29, Aphon. 41, 27, DSeru. hic («si uerba tenerem hoc est carmen non teneo») et ad Aen. 3, 446, Seru. ad Aen. 4, 335; 6, 646; 9, 773, 11, 599; Prisc. 18, 160, 187, 190, 241; Isid. 1, 38, 8. Lycidas Moeridis cantum tam bene memoria retinet, ut non tantum numeros sed etiam aliqua uerba commemorare possit; quare nisi conieci et sic intelligo: ‘numeros memini, aut saltem numeros meminisse, nisi uerba tenerem’. Vide quae disserui in «MD» 69, 2012, 73–79 tenebam P (corr. P^x) 46–50 Lycidae continuant Movγ: Moeridi (usque ad u. 55) tribuunt P¹αω, sed necesse est Lycidae responsio (uu. 44–50) totidem uersibus constet quot Moeris iam cecinerat (37–43) 46 suspicit aγ (corr. a²γ¹) 48 quo²] quod M (corr. M^x) 52 puerum] longos ps. Acro ad Hor. carm. 4, 5, 29: solitum Agroec. 117, 23 condere] ducere γ (corr. γ¹) 53 moerin y: moerim Pαω: morim (ex mouerim) M^x: moeri bγ (cf. 54)

- iam fugit ipsa: lupi Moerin uidere priores.
 55 sed tamen ista satis referet tibi saepe Menalcas.

LYCIDAS

- Causando nostros in longum ducis amores.
 et nunc omne tibi stratum silet aequor, et omnes,
 aspice, uentosi ceciderunt murmuris aurae.
 hinc adeo media est nobis uia; namque sepulcrum
 60 incipit apparere Bianoris. hic, ubi densas
 agricolae stringunt frondes, hic, Moeri, canamus;
 hic haedos depone, tamen ueniemus in urbem.
 aut si nox pluuiam ne colligat ante ueremur,
 cantantes licet usque (minus uia laedit) eamus;
 65 cantantes ut eamus, ego hoc te fasce leuabo.

MOERIS

Desine plura, puer, et quod nunc instat agamus;
 carmina tum melius, cum uenerit ipse, canemus.

MPa

54 moerin **Py**: moerim **M^saωγ** (moerem **M**) 59 hic **P** media est]
 mediaesit **M** (*corr.* **M^s**) 64 laedit **MΛγ**: laedet **aΦνεγ¹** (ledet **P**), *Seru., schol.*
Bern. ad georg. 1, 293: laedat **f** 66 puer, et quod nunc **M^AP²ωγ**: puer quod
 nunc **M**: puer nunc quod nunc **M¹Pcdeztv** (*corr.* **M^AP²**): puer et nunc quod **a**

ECLOGA X

- Extremum hunc, Arethusa, mihi concede laborem:
 pauca meo Gallo, sed quae legat ipsa Lycoris,
 carmina sunt dicenda : neget quis carmina Gallo?
 sic tibi, cum fluctus subterlabere Sicanos,
 5 Doris amara suam non intermisceat undam :
 incipe; sollicitos Galli dicamus amores,
 dum tenera attendent simae uirgulta capellae.
 non canimus surdis: respondent omnia siluae.
 Quae nemora aut qui uos saltus habuere, puellae
 10 Naides, indigno cum Gallus amore peribat?
 nam neque Parnasi uobis iuga, nam neque Pindi
 ulla moram fecere, neque Aonie Aganippe.
 illum etiam lauri, etiam fleuere myricae,
 pinifer illum etiam sola sub rupe iacentem
 15 Maenalus et gelidi fleuerunt saxa Lycae.
 stant et oues circum; nostri nec paenitet illas,
 nec te paeniteat pecoris, diuine poeta:
 et formosus ouis ad flumina paut Adonis.

MPa 10 *inchoat R*

1 laborum **P** (corr. **P**²), sed cf. *buc.* 8, 60 5 suas ... undas *Sen. nat. quaest.* 3, 6, 26 7 tenerae **a** (corr. **a**²) 10 peribat **M^APRart^Λγ**: periret **ΜΦενγ**¹
 12 aonie **ω**, *Seru.* (cf. *Catull.* 61, 28): aoiniae **Rab**: aoniae **MPdeir**, *schol. Med., Gramm.* aganipse **M**: acanippe **P** (corr. **M^AP^x**): aganippae **fiε**, *Gramm. (praeter Probum 258, 10)*; «Aonie Aganippe nominatiui sunt singulares» *Seru.*
 13 etiam²] illum **Ray** (corr. **a²γ**¹): illum etiam **Λ**, sed hiatus seruandus (cf. *buc.* 3, 6 et 63; 7, 53; 8, 41) 16–18 post u. 8 transp. Scaliger, damnauit F. Hitzig (*«RhM»* 14, 1859, 482 sqq.): solum u. 17 secl. Ribbeck, sed cf. *Theocr.* 1, 74 (πολλάι οἱ πᾶρ ποσσὶ βόες ~ u. 16 stant et oues circum); 109 (ὥραϊος χῶδωνις, ἔπειτ' καὶ μῆλα νομεύει ~ u. 18). Nec in suspicionem uersus 17 cadit, quamuis ex Vergilianis aliis (*buc.* 2, 34 'nec te paeniteat' et 5, 45 'diuine poeta') confectus uideri possit: nam exhortatio ad pastoralia extremum est munus a Vergilio elegiaco amico oblatum, ex qua totus sensus carminis pendet (uide G.B. Conte, *Il genere e i suoi confini*, Torino 1984², 13–53 = *The Rhetoric of Imitation*, Ithaca-London 1986, 100–129) 16 nec] non ps. Acro ad *Hor. carm.* 3, 11, 15

- uenit et upilio, tardi uenere subulci,
 20 uuidus hiberna uenit de glande Menalcas.
 omnes ‘unde amor iste’ rogant ‘tibi?’ uenit Apollo:
 ‘Galle, quid insanis?’ inquit. ‘tua cura Lycoris
 perque niues alium perque horrida castra secuta est.’
 uenit et agresti capitis Siluanus honore,
 25 florentis ferulas et grandia lilia quassans.
 Pan deus Arcadiae uenit, quem uidimus ipsi
 sanguineis ebuli baxis minioque rubentem.
 ‘ecquis erit modus?’ inquit. ‘Amor non talia curat,
 nec lacrimis crudelis Amor nec gramina riuus
 30 nec cytiso saturantur apes nec fronde capellae.’
 Tristis at ille ‘tamen cantabitis, Arcades,’ inquit
 ‘montibus haec uestris; soli cantare periti
 Arcades. o mihi tum quam molliter ossa quiescant,
 uestra meos olim si fistula dicat amores!
 35 atque utinam ex uobis unus uestrique fuissem
 aut custos gregis aut maturae uinitor uuae!
 certe siue mihi Phyllis siue esset Amyntas
 seu quicumque furor — quid tum, si fuscus Amyntas?
 et nigrae uiolae sunt et uaccinia nigra —
 40 mecum inter salices lenta sub uite iaceret;
 sorta mihi Phyllis legeret, cantaret Amyntas.
 hic gelidi fontes, hic mollia prata, Lycori,

MPR

- 19 et] en t?γ (corr. γ¹) upilio MRabtvγ (ypilio n), *Apul. flor.* 3, 9
 (‘Vergilianus upilio uel busequa’), *Ter. Maur.* 1191, *Seru.*: utfilio P: opilio
 P^xωγ¹ (oppilio ksxyδ), *Expl., schol. Bern., Lib. Gloss. OP* 124. *Vide Thll X*,
 707, 25 sq. tardi] tarde Pef subulci *codd.*, *Ter. Maur., Seru., Expl.*: bubulci
Egnatius (Venetiis 1507), Pierius cl. Theocr. 1, 80 ἤνθον τοὶ βοῦται, τοὶ
 ποιμένες, ὥπτόλοι ἤνθον (cf. etiam *Apul.*) 20 huuidus P: umidus Ra
 23 castra] saxa P (corr. P²) secuta est M²R²P: secutast MRa 28 ecquis
 MPd, *schol. Bern.*: et quis P^xRωγ non] nec Rad?, *schol. Bern. ad u.* 60
 29 ripis M (corr. M^A) 31 ille *dist.* M^xP², «melius» iudice *Seru.* tamen
superioribus iungunt «alii» ap. Seru. 32 nostris Pb 33 tum] tam P (corr.
 P²) quiescent t², *cod. Anson.* (quiescint f) 38 om. ai, post u. 67 iterauit P
 40 sub uite] «alii sub rupe» *Expl.* (cf. u. 14) iaceres MPγ (corr. P²γ¹)
 42 lycoris MP² (corr. M^x)

- hic nemus; hic ipso tecum consumerer aeuo.
 nunc insanus amor duri me Martis in armis
 45 tela inter media atque aduersos detinet hostis.
 tu procul a patria (nec sit mihi credere tantum)
 Alpinas, a! dura niues et frigora Rheni
 me sine sola uides. a, te ne frigora laedant!
 a, tibi ne teneras glacies secet aspera plantas!
 50 Ibo et Chalcidico quae sunt mihi condita uersu
 carmina pastoris Siculi modulabor auena.
 certum est in siluis inter spelaea ferarum
 malle pati tenerisque meos incidere amores
 arboribus: crescent illae, crescetis, amores.
 55 interea mixtis lustrabo Maenala Nymphis
 aut acris uenabor apros. non me ulla uetabunt
 frigora Parthenios canibus circumdare saltus.
 iam mihi per rupes uideor lucosque sonantis
 ire, libet Partho torquere Cydonia cornu

MPR

44 diri **rt**² (*sed cf. Aen. 12, 73 et 410*) me] te *Heumann*. At bene adnotauit *Wagner*: «te si pro me legas, omnem tollas concinnitatem»; nam nunc uim aduersatiuam habet (*cf. vñv δέ*) et opponit insaniam belli (insanus amor duri ... Martis) quietae pastorum uitae, quam uiuere Gallus quoque promptus esse tandem uidetur (*u. 50 ibo eqs.*). Adde quod oppositio in sequentibus tu procul (*u. 46*) hic me requirit in armis] inermis **P** (*corr. P*²) 45 tela] illa **P** (*corr. P*²) 46 post hunc *u. lacunam unius uersus statuit Ribbeck*, sed nec sit mihi credere tantum interiectio est per *parenthesin* facta (*ut bene explicat Seru., qui tamen tantum cum procul prae coniungit*); *cf. buc. 9, 6 'quod nec uertat bene'*; *Aen. 3, 484; 7, 581; 9, 813; 10, 608; 11, 684* sit] sic **My** (*corr. M*²**γ**¹) 51 medullabor **γ**: meditabor *GLK IV, 552, 23 (cf. buc. 1, 2)* 54 illae et **a**² crescentis **Ra**: crescentes **γ** (*corr. γ*¹) 55 mixtis] siluis **b** (*cf. u. 52*): mixtus **a**²**ceg**²**xnδη** nymphis **Pwa**²**γ**, *Seru., DSeru., «alii uerius» ap. schol. Bern. ad u. 62: limphis M, schol. Bern.: siluis Ra. Confunduntur saepe in libris uoces lymphae et nymphae (uide Lucr. 6, 1174; Hor. epod. 16, 48; carm. 3, 13, 16; ps. Verg. Dirae 67; Aetna 112; Prop. 3, 16, 4). Nymphis hic aptius mihi uidetur, cum Gallus quasi Phaedra illa Euripidea (Hipp. 215 sqq.) per montes ac siluas Dianam eiusque socias gestiat ad uenandum sectari; etenim hae sunt arborum nymphae Hamadryades infra memoratae (u. 62), ut iam uidit Seru. ad u. 62 56 acris] agris **M** (*corr. M*^A) 59 cydonia (cid-) **cdefr**: rhodonea **M**: cydonea (cid-) **M**²**P**²**Rωγ***

- 60 spicula — tamquam haec sit nostri medicina furoris,
aut ille malis hominum mitescere discat.
iam neque Hamadryades rursus nec carmina nobis
ipsa placent; ipsae rursus concedite siluae.
non illum nostri possunt mutare labores,
65 nec si frigoribus mediis Hebrumque bibamus
Sithoniasque niues hiemis subeamus aquosae;
nec si, cum moriens alta liber aret in ulmo,
Aethiopum uersemus ouis sub sidere Cancri.
omnia uincit Amor: et nos cedamus Amori.’
70 Haec sat erit, diuiae, uestrum cecinisse poetam,
dum sedet et gracili fiscellam texit hibisco,
Pierides: uos haec facietis maxima Gallo,
Gallo, cuius amor tantum mihi crescit in horas
quantum uere nouo uiridis se subicit alnus.
75 surgamus: solet esse grauis cantantibus umbra,
iuniperi grauis umbra; nocent et frugibus umbrae.
ite domum saturae, uenit Hesperus, ite capellae.

MPR

60 sint **M** 62 nam **b** neque] nec **Rab** (corr. **a**²) rursus] drusum **M** (corr. **M**^A) nec] neque **P** 63 rursus (ex rursus) **M**^x 67 aret] haeret *Isid.* 6, 13, 3 69 uincit **P**²ωγ, *CIL* IV 3681, *Macrob.* 5, 14, 5 et 16, 7, *DSeru.*, *Seru. ad buc.* 2, 31, *ad Aen.* 3, 454 et 4, 697, *Gramm.*: uincet **M**: uinct **P**: uicit **Ra** (cf. *georg.* 1, 145) 73 hora **P** (corr. **P**²)

INDEX NOMINVM

- Achilles IV 36.
 Actaeus II 24.
 Adonis X 18.
 Aegle (*nympha*) VI 20, 21.
 Aegon (*pastor*) III 2; V 72.
 Aethiopes X 68.
 Afri I 64.
 Aganippe (*fons*) X 12.
 Alcides (*Hercules*) VII 61.
 Alcimedon III 37, 44.
 Alcippe (*puella*) VII 4.
 Alcon (*pastor*) V 11.
 Alexis (*puer*) II 1, 6, 19, 56, 65, 73;
 V 86; VII 55.
 Alphisiboeus (*pastor*) V 73; VIII 1,
 5, 62.
 Alpinus X 47.
 Amaryllis I 5, 30, 36; II 14, 52;
 III 81; VIII 77, 78, 101; IX 22.
 Amor VIII 43, 47; X 28, 29, 69.
 Amphion (*rex Thebanus*) II 24.
 Amyntas (*pastor*) II 35, 39; III 66,
 74, 83; V 8, 15, 18; X 37, 38, 41.
 Antigenes (*pastor*) V 89.
 Aon (*Boethius*) VI 65. Aonius X 12.
 Apollo III 104; IV 10, 57; V 35,
 49 *adn.*; VI 73; X 21.
 Aracynthus (*mons*) II 24.
 Arar (*flumen*) I 62.
 Arcadia IV 58, 59; X 26; Arcades
 VII 4, 26; X 31, 33.
 Arethusa (*nympha*) X 1.
 Argo (*navis*) IV 34.
 Arion (*uates*) VIII 56.
 Ariusius (*ab insula Chio*) V 71.
 Armenius V 29.
 Ascraeus VI 70.
 Assyrius IV 25.
 Auster (*uentus*) II 58; V 82.
 Bacchus V 30, 69, 79.
 Bauius (*poetaster*) III 90.
 Bianor IX 60.
 Boreas (*uentus*) VII 51.
 Britanni I 66.
 Caelius III 105 *adn.*
 Caesar (*C. Iulius*) IX 47.
 Calliopea IV 57.
 Camenae III 59.
 Cancer (*sidus*) X 68.
 Caucasius VI 42.
 Ceres V 79.
 Chalcidicus X 50.
 Chaonius IX 13.
 Chromis (*pastor*) VI 13.
 Cinna (*poeta*) IX 35.
 Circe (*Solis filia*) VIII 70.
 Codrus (*pastor*) V 11; VII 22, 26.
 Conon (*astrologus*) III 40.
 Corydon (*pastor*) II 1, 56, 65, 69; V
 86; VII 2, 3, 16, 20, 40, 70.
 Cremona IX 28.
 Creta I 65 *adn.*
 Cumaeus IV 4.
 Cydonius (*Cretensis*) X 59.
 Cynthius (*Apollo*) VI 3.
 Cyrneus (*Corsicus*) IX 30.
 Damoetas (*pastor*) II 37, 39; III 1,
 58; V 72.
 Damon (*pastor*) III 17, 23; VIII 1, 5,
 16, 62.
 Daphnis II 26; III 12; V 20, 25, 27,
 29, 30, 41, 43, 51, 52, 57, 61, 66;
 VII 1, 7; VIII 68, 72, 76, 79, 81,
 83, 84, 85, 90, 93, 94, 100, 102,
 104, 109; IX 46, 50.
 Dardanius (*Troianus*) II 61.
 Delia (*Diana uel potius puella*) III
 67; (*Diana*) VII 29.
 Dictaeus (*Cretensis*) VI 56.

- Dionaëus IX 47.
 Dircaëus (*Thebanus*) II 24.
 Doris (*Oceani filia*) X 5.
 Dryades (*nymphae*) V 59.
 Dulichius VI 76.

 Eurotas (*flumen*) VI 83.

 Faunus VI 27.

 Galatea (*puella*) I 30, 31; III 64, 72.
 Gallus (*C. Cornélius*) VI 64; X 2, 3, 6, 10, 22, 72, 73.
 Garamantes VIII 44.
 Germania I 62.
 Gortynius (*Cretensis*) VI 60.
 Gryneus VI 72.

 Hamadryades X 62.
 Hebrus (*flumen*) X 65.
 Hesperos (*sidus*) VIII 30; Hesperus X 77.
 Hesperides (*nymphae*) VI 61.
 Hybla (*mons*) VII 37. Hyblæus I 54.
 Hylas (*puer*) VI 43, 44; VIII 107 *adn.*
 Hylax (*nomen canis*) VIII 107.

 Iacchus VI 15; VII 61.
 Illyricus VIII 7.
 Iollas II 57; III 76, 79.
 Ismarus (*mons*) VI 30; VIII 44 *adn.*
 Iuppiter III 60; IV 49; Ioue III 60.

 Libethrides (*nymphae*) VII 21.
 Linus (*uates*) IV 56, 57; VI 67.
 Lucifer (*sidus*) VIII 17.
 Lucina IV 10.
 Lycaeus (*mons*) X 15.
 Lycidas (*pastor*) VII 67; IX 2, 12, 37.
 Lycisca (*nomen canis*) III 18.
 Lycoris (*puella*) X 2, 22, 42.
 Lyctius (*Cretensis*) V 72.

 Maenalus (*mons*) VIII 22; X 15.
 Maenala X 55. Maenalius VIII 21, 25, 28a, 31, 36, 42, 46, 51, 57, 61.
 Maeuius (*poetaster*) III 90.
 Mantua IX 27, 28.
 Mars X 44. Martius IX 12.
 Meliboeus (*pastor*) I 6, 19, 42, 73; III 1; V 87; VII 9.
 Menalcas (*pastor*) II 15; III 13, 58; V 4, 64, 90; IX 10, 16, 18, 55; X 20.
 Micon (*pastor*) III 10; VII 30.
 Mincius (*flumen*) VII 13.
 Mnasyllus (*pastor*) VI 13.
 Moeris (*pastor*) VIII 96, 98; IX 1, 16, 53, 54.
 Mopsus (*pastor*) V 1, 10; VIII 26, 29.
 Musa I 2; III 60, 84; VI 8; VIII 1, 5.
 Musae IV 1; VI 69; VII 19.

 Naiades VI 21. Nais II 46; X 10.
 Naera (*puella*) III 3.
 Nereus VI 35. Nerine VII 37.
 Nisus (*rex Megaricus*) VI 74.
 Nymphae II 46; III 9; V 20, 21, 75; VI 55, 56; VII 21; IX 19; X 55.
 Nysa (*puella*) VIII 18, 26.

 Oaxes (*flumen*) I 65.
 Oeta (*mons*) VIII 30.
 Olympus V 56; VI 86.
 Orpheus (*uates*) III 46; IV 55, 57; VI 30; VIII 55, 56.

 Palaemon (*pastor*) III 50, 53.
 Pales V 35.
 Pallas (*Minerva*) II 61.
 Pan II 31, 32, 33; IV 58, 59; V 59; VIII 24; X 26.
 Parcae IV 47.
 Paris II 61.
 Parnasus (*mons*) X 11. Parnasius VI 29.
 Parthenius X 57.

- Parthus I 62.
 Pasiphae (*Minois coniunx*) VI 46.
 Permessus (*flumen*) VI 64.
 Phaetontiadēs (*Phaetontis sorores*) VI 62.
 Philomela (*Pandionis filia*) VI 79.
 Phoebus III 62; V 9, 66; VI 11, 29, 66, 82; VII 22, 62, 64.
 Phyllis (*puella*) III 76, 78, 107; V 10; VII 14, 59, 63; X 37, 41.
 Pierides (*Musae*) III 85; VI 13; VIII 63; IX 33; X 72.
 Pindus (*mons*) X 11.
 Poenus V 27.
 Pollio (*C. Asinius*) III 84, 86, 88; IV 12.
 Pontus VIII 95, 96.
 Priapus VII 33.
 Proetides VI 48.
 Prometheus VI 42.
 Pyrrha (*Deucalionis coniunx*) VI 41.

 Rhenus (*flumen*) X 47.
 Rhodope (*mons*) VI 30; VIII 44.
 Roma I 19, 26.

 Sardonius VII 41.
 Saturnius IV 6; VI 41.
 Satyri V 73.
 Scylla VI 74.
 Sicanus X 4.
 Sicelides IV 1.
 Siculus II 21; X 51.

 Silenus VI 14.
 Siluanus X 24.
 Sithonius (*Thracius*) X 66.
 Sophocleus VIII 10.
 Stimichon (*pastor*) V 55.
 Syracosius VI 1.

 Tereus (*rex Thracius*) VI 78.
 Terra VIII 93.
 Thalea (*Musa*) VI 2.
 Thestylis (*puella*) II 10, 43.
 Thetis IV 32.
 Thracius IV 55.
 Thyrsis (*pastor*) VII 2, 3, 16, 20, 69.
 Tigris (*flumen*) I 62.
 Timaeus (*flumen*) VIII 6.
 Tiphys IV 34.
 Tityrus (*pastor*) I 1, 4, 13, 18, 38; III 20, 96; V 12; VI 4; VIII 55; IX 23, 24.
 Tmaros (*mons*) VIII 44.
 Troia IV 36.

 Varius (*poeta*) IX 35.
 Varus (*Cornelius*) VI 7, 10, 12; IX 26, 27, 35 *adn.*
 Venus III 68; VII 62; VIII 78.
 Vesper (*sidus*) VI 86.
 Virgo (*sidus*) IV 6.
 Vlixes VIII 70.

 Zephyri (*uenti*) V 5.

GEORGICA

OPTIMIS DISCIPVLIS

QVOS IN PISANA SCHOLA NORMALI SVPERIORE

MVLTO PER ANNOS

LATINAS LITTERAS DOCVI

PRAEFATIO

*Difficile est Vergilium et sine interprete recte legere
et cum interprete.*

Chr. Gottl. Heyne*

Virtutes possunt omnes facile in uitia abire nisi modus adhibetur: sicut animi fortitudo, deficiente moderatione, in audaciam peruertitur, sic dubitatio honesta in contumacem suspicionem aliquando mutatur. Itaque, cum eorum qui in arte philologa uersantur primum sit officium de rebus dubitare incertis, haec tamen dubitandi facilitas, si perucax contra rerum ueritatem perstat, in uitium euadit. Quod ego timeo ne contigerit Ottoni Ribbeck et Remigio Sabbadini, qui, etsi critici summi, obstinato tamen animo post multos alios suspicati sunt Vergilium, secundis curis adhibitis, non solum aliquot in *Georgicis* mutasse uersus sed aliquot quoque priori editioni addidisse¹. Haec quidem cum prima sit quaestio quae, quasi Sisyphium saxum, *Georgicon* editoribus immineat omnibus, desunt tamen satis certa argumenta quibus poetam uersus suos retractantem deprehendamus. Nam si acri iudicio omnia perpendimus testimonia quae Seruius perhibet, si omnes perscrutamur locos ex quibus nostra argumenta sint eruenda, si denique singulos *Georgicon* examinamus uersus qui tamquam per secundas curas additi uel retractati in suspicionem uocantur, criticos illos patet inepta persuasionem esse deceptos.

Circumspectis ergo rebus omnibus subductisque rationibus, suspensiones eorum a falsa quadam opinione ortae uidentur esse, cui tamen (fateor) aliquantulum subest ueritatis: solent enim mendacia uel impudentissima nonnihil obtegere ueri. A Seruio principium.

* P. Virgilius Maro, uarietate lectionis et perpetua adnotatione illustratus a Chr. Gottl. Heyne, Lipsiae MDCCLXVII–MDCCLXXV, tomus prior p. V.

1 *Prolegomena critica ad P. Vergili Maronis opera maiora*, scripsit Otto Ribbeck, Lipsiae MDCCCLXVI (= Hildesheim 1966 phot. expr.), pp. 22–48 (*De retractatis a poeta georgicis*); R. Sabbadini, *La composizione della Georgica di Virgilio*, «RFIC», 29, 1901, pp. 16–22.

Ad *buc.* 10, 1 et ad *georg.* 4, 1 Seruiana scholia tradunt librum *Georgicon* quartum a medio usque ad finem laudes habuisse Corneli Galli, qui, repetundarum crimine insimulatus dum praefectura Aegypti fungebatur, anno 27 uel 26 a. C. n. ad consciscendam sibi necem compulsus est; idcirco, his laudibus iussu principis deletis, poetam siue Aristaei siue Orphei siue utramque fabulam subdividisse. Equidem uerisimile duco Gallum a sodali Vergilio in *Georgicis* cursim laudatum esse utpote qui prouinciam illam regeret ubi inuenta esse ferebatur circa Canopum ars quaedam apes ad uitam reuocandi. Nam, cum de Aegypto fieret sermo, peridoneum certe erat amicum Gallum obiter laudari, at breuissime tamen, quandoquidem in *Georgicis* non solum raris paucisque uerbis Vergilius fautorem carminis Maecenatem honorauerat, sed etiam ad principem ipsum laudandum uersus destinauerat non multos. Itaque Galli laudes non tam multis ex uersibus constituisse credam quos tam ampla fabula exaequaret, sed potius perpauca ex dictis, quae deinceps poeta eiecerit e contextu. Quid multa? nihil aliud Vergilius fecit nisi quod amici Galli memoriam suo de carmine erasit.²

Huc accedit quod Aristaei et Orphei epyllion minime licet pro aduenticio supplemento haberi: nam ipsis *Georgicon* neruis tam arte inhaeret ut aptissimus uideatur epilogus qui sub specie fabulosae narrationis cuncta Vergili praecepta de uita rustica in unum exemplum conglobet. Aristaeus enim, omnium ruris artium inuentor, non modo optimi agricolae manifestam exprimit imaginem³, sed etiam documentum praebet quoddam constantiae ac pietatis priscoe: quisquis enim lector ad Aristaeum spectat, tamquam aliquod sibi imitandum intuetur exemplar. Ex contrario Orpheus, qui quasi elegiacus poeta amissam Eurydicen uoce lamentabili decantat, inutilitatem elegorum suo ipsius exitio significat. Suauissimis huius cantibus Vergilius graue suum carmen opponit ita ut pateat talem nunc esse utiliter colendam Musam quae hominum mentes doceat animosque formet, non quae

2 Aliqua uestigia huius liturae suspicatus sum ad u. 4, 291 superesse: uide apparatus.

3 Cf. *georg.* 4, 327 ...*frugum et pecudum custodia sollers*.

ἔρωτικὰ παθήματα molliter canat⁴. En causa cur hanc fabulam subditam esse per secundas curas non liceat suspicari: ea enim, cum *Georgicon* pars esse uideatur non surrogata sed penitus insita ac fere ingenua, ex poetae primitiuo consilio scaturiuerit admodum necesse est⁵.

Si denique rogauerit lector quid sentiam de Seruianis scholiis illis, uel potius de antiquioribus grammaticis illuc receptis, sine ulla dubitatione damnabo istos qui alucinati crediderunt, cum in *Bucolicon* extrema parte esset de Gallo dictum, etiam *Georgicon* partem extremam ad Galli laudes totam esse a Vergilio primitus destinatam.

Attamen Otto Ribbeck maximam fidem Seruiano testimonio statuit esse tribuendam, immo etiam ex hoc ipso conclusit poetam prioris editionis suae locos complures retractasse; id quod etiam Remigius Sabbadini saepe est suspicatus. Hic enim, iudicio suo confisus, quos uersus secundis curis additos censebat, eos ἐν εἰσθέσει minime dubitauit scribere; ille quidem uersus nonnullos notauit ut inepte adiunctos nec satis concinne cum ceteris conciliatos⁶. Quorum uterque, in sua sententia perstans, plurima supplementa in priorem contextum incommode inserta esse maluit putare quam stilo Vergili uario atque effuso obsequi: gaudet poeta de alia re in aliam saepe transilire ordinemque disserendi conturbare communem, ne animi alacritas aut impetus ingenii nimia diligentia eneruetur. At ambo illi, quotienscumque oratio uidebatur a proposito deflectere aut succrescere licenter, se incidisse crediderunt in additamenta male accommodata, quasi

4 De hoc uide G. B. Conte, *The Poetry of Pathos. Studies in Virgilian Epic*, Oxford 2007, pp. 122–149.

5 Vsque ab ipso *Georgicon* exordio Aristaeus quasi rerum rusticarum tutela a poeta erat in auxilium inuocatus: uu. 1, 14 sq. *et cultor nemorum, cui pinguia Caeae / ter centum niuei tondent dumeta iuueni*.

6 Cfr. e. g. *Proll.* p. 37 “Leniora omnia et iucundius coniuncta quamquam minus plena efficiuntur omissis bis ternis uersiculis 236–238 et 248–250”.

Vergilius sui ipsius esset ineptus interpolator⁷. Secundisne ex curis elegantissimi poetae deteriora orta esse additamenta! non equidem credere queo.

Otonis Ribbeck etsi merita laudibus dignis nemo poterit remunerari (egomet uolui in *Aeneidos* praefatione debita mea persolvere), oportet tamen exprobrem uitia ex quibus Titianum illud philologorum saeculum aegrotavit cunctum: hic tantus uir, critica subtilitate unice praeditus, saepe maluit falsae persuasionis umbras consecrari quam, munere famulari suscepto, ad profusam poetae elocutionem se conformare. Huius autem peccati ne Remigius quidem Sabbadini fuit immunis. At Otto Ribbeck non solum aliquot uersus in suspicione habuit tamquam secundis curis additos, sed aliquot etiam alios tamquam a librariis antiquis post poetae retractationem perperam collocatos: ego cum minime pro certo habeam ullos uersus secundis curis mutatos uel insertos esse, minime tamen necesse fuisse credo ut uersuum ordo (retractauisset sane sua carmina poeta) perturbaretur consequenter. Nihil igitur causae fuit cur Otto Ribbeck (Philippum Wagner uel alios secutus) tam multos uersus transponeret,⁸ cum plerumque libri antiquiores ordinem emendatum seruare uideantur: saepe ille non textum poetae correxerat sed ipsum poetam. Ego uero, qui aliquot uersus transponendos indicaui ut a librariis perperam collocatos⁹, nullam culpam transferendam esse putaui in retractantem poetam, sed potius Fortem Fortunam deam incusauit quae librariorum oculos calamosque fallere interdum solet iniqua.

7 Ibidem p. 30–31 “Et quoniam ipsum iterum georgica poetam edidisse traditum non est, immo quid reliquisset, adhibitibus exemplaribus ipsius manu emendatis explorandum erat a criticis, facilis suspitio est, incohata necdum in reliquum textum satis concinne inserta ne amicis quidem absolvere et in aptam formam redigere vel licuisse vel contigisse. Tales autem nobis existimare licet eos locos, qui vel cum sententiarum nexu et ordine satis conciliari non possint vel sine causa repetant mutatis uerbis quae in eandem sententiam paulo ante dicta erant.”

8 1, 100–103; 173–175; 257–258; 2, 39–46; 35–38; 373–375; 3, 120–122; 250–254; 264–265; 4, 47–50; 203–205; 236–238; 248–250; 290; 369; dubitanter 1, 297–310 ante 291.

9 Cf. 3, 120–122 post 96; 4, 203–205 post 196 (Schrader praeunte).

Quid denique credam esse istam editorum opinionem de secundis curis poetae nisi quoddam idolum scholae uanissimum? Critica ratione freti, excutiamus indicia et argumenta, retineamus quae uerisimilia sint et comprobata, quae incerta abiciamus. Nec aliter est nobis iudicandum si de poeta semetipsum castigante consideramus. Seruius atque alii grammatici persaepe testantur Vergilium textum suum mutasse; tradunt enim talia: 'prior lectio, emendauit ipse, ipsius manu'. At si singulos locos attente examinamus, haec testimonia ab omni fide saepe abhorreere facile apparet. Vide e. g. 1, 6, ubi sine dubio *lumina* est legendum: «*numina* fuit, sed emendauit ipse», quod nullo modo credi potest: falsam enim lectionem sciulus quidam excogitauit qui perperam non Solem et Lunam putauit inuocari (ut legitur quidem in Varronis prooemio) sed deos Liberum et Cererem, qui proximo in uersu nominantur¹⁰. Vide etiam 1, 12 (de Neptuno) *fudit equum*: «antiquissimi libri *fudit aquam* plerique habuerunt ... sed melius *equum* ... in authentico¹¹ *aquam*, ipsius manu *equum*», id quod pariter absurdum uidetur esse. Multas eiusmodi fabellas apud Seruium ceterosque grammaticos inuenimus nullis fundamentis innisas¹², quarum unam tantum memorabo: ad u. 2, 344 sq., ubi legitur *frigusque caloremque / inter*, Seruius qui dicitur Danielinus ita explanat: «fuit autem prior lectio *frigusque calorque*, ut Plautus '*neque frigus neque calor metuo*' ... aliter hypermetrus uersus erit»; equidem nescio an Seruius Danielinus pro certo habuerit

10 Vide M. L. Delvigo in «RFIC» 83 (1990), 215–228.

11 Quid 'authenticus' ualeat ambigitur, attamen liber quidam designari uidetur quem Vergili idiographum ueteres grammatici esse censebant uel ab ipso Vergilio emendatum. Cf. J. Zetzel, "Emendauit ad Tironem": *Some Notes on Scholarship in the II Century A. D.*, in «HSCP» 77 (1973), 236; S. Timpanaro, *Per la storia della filologia virgiliana antica*, Roma 1986, 186 n. 11; Idem, *Virgilianisti antichi e tradizione indiretta*, Firenze 2001, 148.

12 Attamen puto ab antiquis grammaticis nonnullas lectiones traditas esse ueras, quas ego in *Aeneida*, Sebastiano Timpanaro et Mariae Aloisiae Delvigo adsentiens, consultissime recepi (uide *Aeneidos Praefationem*, XVI); nam Seruius ceterique grammatici, quamuis cum poetae ueris lectionibus non paucas commiscuissent deprauatas, aliquot tamen lectiones ueras, sed de nostris optimis codicibus dilapsas, seruauerunt. Oportet ergo ab infelici lolio triticum discernere.

resipiscentem Vergilium sua ipsius manu *calorque* in *caloremque* mutasse, at credo a quodam grammatico, qui hypermetrum uersum¹³ aegre ferebat idemque uetustis uerbis delectabatur, hoc mendacium consulto esse fictum¹⁴.

His ineptiis Otto Ribbeck aliique editores nullam uidelicet tribuerunt fidem, et tamen, qua erant peruicacia, crediderunt se posse aliquot locos ut secundis curis retractatos indicare; quod mihi uix credibile uidetur esse. Nam ex plurimis testimoniis constat Vergilium uersus suos iterum atque iterum esse solitum corrigere atque usque adeo retractare quoad contentus esset: minime scripture recenti acquiescebat sed, quotienscumque mutauerat uel poliuerat carmen, iam ulteriorem meditabatur limae laborem¹⁵; at scilicet, prout textum ille suum retractabat, proinde prior carminis facies abolebatur atque plane peribat. Quis igitur hodie quid prius scriptum fuerit recte ac merito conicere potest? aut quid commodi possumus ex huiusmodi coniecturis capere nos ipsi? Spe uana potius capiemur in Vergili poeticam officinam nosmet subire posse¹⁶. Licet opinemur Vergilium, illis Galli laudibus erasis, iterum *Georgica* edidisse nonnullosque uersus etiam mutasse, nihilominus moneo ne quis nostrum ultra poetae supremam manum resilire speret, quae sola erit nobis adpetenda, quae sola potius erit habenda pro termino ipso legitimae inuestigationis; sin minus, in uaniloquia tantum incurremus, inanes sine corpore umbras insecuti. Desinamus ergo irrita conicere atque oraculi uice accipiamus aureum illud dictum quod firmissime

13 Cf. app. crit. ad 2, 69.

14 Cf. S. Mariotti, in «Paideia» 5 (1950), 28.

15 Si qua fides est habenda, uide Gell. 17, 10, 3 'Amici ... familiaresque P. Vergilii in his, quae de ingenio moribusque eius memoriae tradiderunt, dicere eum solitum ferunt parere se uersus more atque ritu ursino. Namque ut illa bestia fetum ederet ineffigiatum informemque lambendoque id postea, quod ita edidisset, conformaret et fingeret, proinde ingenii quoque sui partus recentes rudi esse facie et imperfecta, sed deinceps tractando colendoque reddere iis se oris et uultus liniamenta'; cf. 'carmen se ursae modo parere et lambendo demum effingere' (*Vita Donati* 22).

16 Vide T. Dorandi, *Den Autoren über die Schulter geschaut: Arbeitsweise und Autographie bei den antiken Schriftstellern*, in «ZPE» 87 (1991), 11–33.

praecipit de iis rebus satius esse silere de quibus nihil possit certum dici.

* * * * *

Praeposterum ordinem sum secutus: prius *Aeneida* recensui, deinde *Georgica*. Timueram enim ne uires me deficerent antequam totum expleuissem laborem: at deos, ut nunc apparet, praeter spem habui propitios. De antiquissimis et magnificentissimis libris qui Vergili opera nobis tradiderunt in *Aeneidos Praefatione* iam fuse disserui¹⁷, quorum plerosque (A, F, G, V) deploramus ita esse mutilos et laceros ut uel nihil uel parum prosint¹⁸; fere ergo ad **M P R** necesse est confugere, quorum consensus magni est aestimandus. Plurimum pollent ad textum constituendum Mediceus et Palatinus, at neuter eorum contra alterum praecellere aperte uidetur, quamquam Mediceum puto aliquanto frequentius lectiones seruauisse ueras¹⁹. Romanus autem, qui persaepe quasi nimis mendosus uituperatus est (nescio quanta aequitate)²⁰, se ex culpa eximit interdum, uelut e. g. in 4, 509, ubi solus lectionem seruat ueram *flesse sibi et*, aut in 2, 382 ubi incorrupte legit *ingeniis*, aut etiam in 1, 360, ubi *a curuis* tuetur (plerisque Carolinis libris consentientibus); bene etiam 3, 433 *exsilit*.

17 P. Vergilius Maro, *Aeneis*, recensuit atque apparatu critico instruxit G. B. C., 'Bibl. Teubneriana', Berolini 2009, VI–XI.

18 At solus ex antiquis **G** in 4, 415 ueram seruat lectionem *defundit*; solus **A** in 1, 135 pro *ut* legit *et*, quod non spernendum uidetur (probauit Wagner, ego incertus recusaui). Contra alios optimos libros emendate legit **V** in 2, 296 *pandens* et in 4, 461 *impleuit*.

19 Lectiones enim, quas equidem ueras credo, has solus **M** seruat (nonnumquam Carolinis aliquot consentientibus libris): 1, 218 *aduerso*; 337 *caelo*; 418 *uiuidus*; 457 *moueat*; 470 *obscenaeque*; uersum 2, 129 secludendum omittit; 330 *tepentibus*; 341 *terrea* (**M^A**); uersum 433 secludendum omittit; 469 *et*; 514 *penates*; 3, 85 *fremens*; 219 *Sila* (**M^x**); 223 *longus*; 257 *umeros*; 323 *mittet*; 4, 141 *tinus*; 331 *duram*; 348 *fusis dum*; 361 *speciem*; 482 *implexae*; 493 *auernis*. Quas solus **P** habet hae sunt: 2, 174 *artem*; 181 *gaudent*; 196 *ouium fetum*; 443 *pinus*; 456 *rh(o)ecumque*; 3, 3 *carmine* (habet et **F²**); 305 *hae*; 398 *etiam*; 535 *arduos*; 4, 125 *arcis*; 455 *ad meritum*.

20 Vide *Aen. Praef.* XXV. Hoc quoque codicis Romani auctoritatem infirmit, quod antiqui et fide digni correctores ei fere defuerunt.

In *Georgicis* edendis easdem uidelicet rationes regulasque sum secutus quas iam in *Aeneide*: eas omnes inuenies ibi explicatas nec ulla est causa cur nunc iterum exponam²¹. Apparatum criticum talem paraui ut esset non receptaculum omnibus codicum mendis uitisue confertum, sed potius uariarum lectionum recensu ex quo iudicium quisque suum facile formaret. Tam consulte enim apparatus oportet constituatur quam textus ipse. Itaque minima scripturae uitia, utpote nullius momenti, plerumque non memorauim; perdiligenti autem adnotatione locos illos instruxi ubi uariae concurrebant lectiones quae utique ualidae uel exquisitae uel ad ueram librariorum indolem declarandam aptae uiderentur esse. Nempe uetustiorum codicum lectiones etiam prauas nonnumquam rettuli in apparatus, ueritus ne ulla ambiguitas circa potissimos testes a silentio meo oriretur; lectiones quoque multas addidi ex Carolinis libris in hanc editionem de professo collatis, ut nostrae explorationis noui fructus memoriae mandarentur. Non semper apparatus adhibui qui positius dicitur nec semper qui negatiuus, at prout res poscebat uariaui: testificationis euidentiam attente sectatus sum, breuitatem non minus attente.

Vt apparatus iure criticus appellari posset, praecipue uolui ut de constituto textu, quasi uoce mea locutus, aperte argumentaretur. Itaque quotiens aliam firmare aliam reicere studebam lectionem, quotiens uersuum ordinem aut mutare aut recte comprobare oportebat, quotiens denique refutandae erant uulgatae et inueteratae opiniones, tunc nonnullis adnotatiunculis apparatus ornaui ut plane meam sententiam aperirem; idcirco non sine culpa aliquando loquacitati indulsi. Attamen quos emendatores non sum secutus, eorum parcus laudator fui et infrequens: nam de iis tantum mentionem feci qui, etiam infeliciter emendantes, tamen ad textum rectius interpretandum aut ad remedia meliora excogitanda possent sollicitare lectores.

Opus meum a schola manauit; nam postquam *Aeneida* edideram, ultra biennium *Georgica* discipulis praelegi. Non possum reticere quantis illi me iuuerint officiis, alii codices conferendo, alii uarias quaestiones inuestigando, omnes uniuersi argumentando subtilitate multa. Senecae enim consentiendum esse credo, qui

21 Vide pp. XIX–XXI.

praeclare scripsit 'homines dum docent discunt': equidem plurimum didici. Doctae duae feminae nec non peritissimae, apud Pisanam Scholam Normalem contubernales, Iulia Ammannati Siluia Ottaviano, mihi cotidie adfuerunt, quarum haec libros Carolinae aetatis quotquot supersunt omnes indagandos conferendosque curavit, illa codices antiquiores capitalibus litteris scriptos, praesertim **M P R**, tanto palaeographico acumine exploravit ut singulas distinctius internouerit (quantum scilicet licuit) manus correctorum. Vtraque moderante, plurimis in nostra schola palaeographica colloquiis habitis, factum est ut octo illi Carolini libri a prioribus editoribus nondum collati communi omnium disputatione examinarentur. Verum ut fatear, multas Silviae Ottaviano debeo grates: illa enim in Francogallicis Germanicis Helueticis Belgicis bibliothecis libros Carolinos contulit qui inexplorati manebant nobisque suae inuestigationis fructus benigne commodaui. De his octo libris in *Aeneidos Praefatione* singillatim iam dixi²², quorum haec sunt sigla: **g** (Parisinus Latinus 7925), **i** (Reginensis 1669), **j** (Bruxellensis Bibl. Reg. 5325–5327), **k** (Hamburgensis scrin. 52)²³, **w** (Guelferbytanus Gudianus 66), **x** (Montepesulanus H 253), **y** (Parisinus Latinus 10307), **z** (Parisinus Latinus 7927)²⁴. Eadem Siluia Ottaviano, condiscipulis aliquot consociatis, ceteros libros Carolinos ab Ottone Ribbeck (**abc**) et a Rogero

22 Vide pp. XXI–XXV.

23 Codicis Hamburgensis lectiones in *Georgicon* apparatus a Manfredo Erren relatae sunt: falso tamen uir doctus ille contendit (in praefatione p. 25) uersus 4, 53–566 deesse, qui reuera suo loco leguntur manu eadem transcripti quae codicem scripsit totum.

24 His adiunxi I (Vat. Lat. 3252), usitate 'Vergilium Bembinum' appellatum, quem descriptum a Silvia Ottaviano in *Praefatione ad Bucolica* habebis (p. 1–15). *Georgicon* nonnisi paucos continet uersus (1, 1–494) nec multum uidetur a **z** distare.

Mynors (**defhrstv**) iam collatos denuo contulit, ut uitia eorum fortuita corrigeret²⁵.

Quibus cognationibus sint Carolini libri inter se coniuncti iam in *Aeneidos* editione indicaui (*Praef.* XXI–XXV) et noua codicum exploratio id plane confirmat quod illic scripsi. Patet nunc necessitudo proxima inter **d** et **w**²⁶ et satis certa propinquitas inter **f** et **g**²⁷; aliquanta denique elucet adfinitas non solum inter **a**, **e** et **v**²⁸ sed etiam inter **b** et **r**²⁹ (ut recte Mynors et Kaster statuerant). Hoc quoque elucet, quod nonnulli Carolini codices passim lectiones ueras seruauerunt quae, discrepantes a uulgato Carolinorum

- 25 Aliquot desiderantur uariae lectiones quae neglegenter sunt omissae: e. g. etiam **e** habet *nec* (1, 126), *aspectabis* (1, 158), *fremens* (3, 85); etiam **s** *uincit* (1, 145), *casu* (1, 340), *caeli nobis* (1, 503); etiam **t** *rastris* (1, 213), *aut* (2, 220), *prouocet* (3, 194), *fodere* (4, 43). Saepe autem euenit ut, quamuis fere cuncti Carolini codices consentiant in eadem uaria lectione, nonnisi pauci apud alios editores commemorentur: cf. e. g. 1, 287 *melius gelida* **ω** (praeter **bjrs**). Obiter aliquas adnotationes ex nouo interposui in apparatus (cf. e. g. 3, 84 *tremet* **efghijx**, *tremat* **r**). Minimis lapsus passim correxī.
- 26 e. g. 4, 173 (*antrum*); 4, 181 (*plena*); 4, 211 (*parthorum populi*); 4, 338 (*thalique cymodoque*); 4, 431 (*despersit*); 4, 434 (*reduxit*); 4, 516 (*nullique*); 4, 540 (*intactas*).
- 27 e. g. 1, 283 (*flumine*); 1, 438 (*condat*); 2, 129 (*miscuerintque*); 2, 343 (*possint*); 2, 362 (*adolescet*); 3, 146 (*lucus*); 3, 297 (*felicumque*); 3, 331 (*ac*); 3, 456 (*omnia*); 3, 492 (*at*); 4, 20 (om. *aut*; *adumbret*); 4, 21 (*ducunt*); 4, 66 (*condunt*); 4, 202 (*refingunt*); 4, 238 (*uulnera*); 4, 243 (*stilio*); 4, 246 (*durum*); 4, 350 (*sedibus*); 4, 446 (*domus*); 4, 488 (*subito*); 4, 522 (*direptum*).
- 28 e. g. 1, 158 (*aspectabis*); 1, 182 (*domus*); 1, 284 (*uities*); 1, 398 (*litora*); 1, 446 (*erumpent*); 2, 129 (*miscuerantque*); 3, 141 (*agri*); 3, 195 (*ponet*); 4, 439 (*uinclisque*).
- 29 e. g. 1, 37 (*ueniet*); 1, 133 (*excuderet*); 1, 189 (*superat*); 2, 124 (*aut*); 2, 255 (*praedicere*); 2, 360 (*quorum*); 2, 409 (*primum*); 2, 480 (*residunt*); 2, 542 (*spumantia*); 3, 274 (*expectantque*); 3, 305 (*leuiora*); 3, 310 (*ubera*); 3, 329 (*aut*); 3, 331 (*aut*); 3, 474 (*aut*); 3, 548 (*nec iam mutari*); 4, 313 (*uel*); 4, 327 (*ac pecorum*); 4, 368 (*rumpit*). Alios errores, quibus **b** et **r** uidentur coniuncti, codicibus denuo collatis in lucem protulimus: e. g. 1, 13 (*fundit*); 1, 192 (*terit*), ubi tamen de codice **r** mentionem nullam faciunt ceteri apparatus.

consensu, e communi naufragio uidentur enatasse.³⁰ Quod maxime refert, ab his codicibus lectiones aliquot recipimus genuinas quae de nostris antiquissimis libris praemature exciderunt³¹ (minime tamen me fallit harum lectionum plerasque Seruianis commentariis incognitas non esse). Denique arbitror in textum constituendum *Georgicon* plus quam ceterorum Vergili carminum libros Carolinos proficere posse. Nam satis constat non in tanto gentium fauore *Georgica* antiquitus fuisse quanto *Bucolica* et *Aeneida*: cum igitur opiner didascalicum carmen minus adsidue celebratum esse, minus adsidua contaminatione libri manuscripti inquinati sunt³²; en cur de antiquis codicibus nonnullae lectiones facilius euaserint intactae.³³

Id autem oportet lectores ego nunc commoneam non eadem necessitudine in *Georgicis* codices **R** et **a** coniunctos esse qua in *Bucolicis* et in plurimis *Aeneidos* locis (v. Ribbeck, *Proll.* p. 329; Mynors *praef.* p. IX)³⁴. Etiam codex **γ** denuo collatus est, qui, cum in *Aeneide* plerumque proximus esse codici **P** uisus sit, nullam uero adfinitatem cum illo profert in *Georgicis*; nihilo minus tamen

30 e. g. 1, 36 (*sperant* **MPRabcfn**); 1, 315 (*lactentia* **M^APbg^szyγ**); 1, 351 (*possemus* **MRbgjr**); 1, 366 (*umbram* **MRbjryγ**); 2, 472 (*exiguoque* **MPRbr**); 3, 78 (*ponti* **M^aPRabdks**); 3, 127 (*nequeat* **M^ARaky**); 3, 248 (*siluas* **MPRbgjrt**).

31 e. g. 1, 383 (*et quae*); 1, 461 (*uehat*); 2, 8 (*dereptis*); 2, 52 (*uoces*); 2, 256 (*quis cui*); 3, 91 (*achilli*); 3, 141 (*salu*); 3, 475 (*iapydis*); 4, 148 (*me memoranda*); 4, 199 (*nixibus*); 4, 230 (*ora foue*); 4, 241 (*suffire*).

32 Id nobis esse indicio potest quod **P²**, praestantissimi codicis Palatini adsiduus corrector, sub aeui antiqui occasum *Bucolica* et *Aeneida* diligenter recognouit, *Georgica* paene neglexit: nam ex u. 1, 322 correctioni supersedit nec post lacunam qua hodie **P** laborat (uu. 1, 323 – 2, 138) operam suam perfecit.

33 His de rebus plura inuenies in pagina electronica Pisanae Scholae Normae Superioris www.sns.it/en/ricerca/lettere/manoscrittivirgilio.

34 Vide quae scripsi in *Aeneidos Praefatione* p. XIX n. 38.

nonnullas et eximias et raras seruat lectiones aliunde depromptas.³⁵ Cum *Georgicon* uu. 2, 53–260 omissi essent in γ , uu. 53–234 additi sunt inserto folio quod olim deperditum nunc in bibliotheca Vniuersitatis Goettingensis custoditur³⁶: lectiones quae ibi inueniuntur meo in apparatu siglo γ^* signauit.³⁷

Iuxta codices Vergilianos nonnullae grammaticorum interpretationes praesto sunt quae aliquid possunt auxilii editoribus afferre: non modo Serui commentarium dico, uerum eam etiam quae nominatur *Georgicorum breuis expositio*³⁸ (ex impropria consuetudine sub nomine *Philargyrii* peruulgata) nec non et *Scholia Bernensia*³⁹ in marginibus scripta codicum *a* (*Bern.* 172) et *e* (*Bern.* 167): quae, cum neutrum horum codicum in lemmatibus sequantur, fonte ex alio censeo esse collecta. Hanc eandem originem, ut

35 Vide e. g. 2, 296, ubi γ (cum *V* consentiens) ueram lectionem *pandens* seruat (*tendens* MPRV² ω); 2, 469 (*et* Mc γ , *at* P $\omega\gamma$ ¹, *ad* R); 3, 257 (*humeros* Mgr γ , *-rosque* PR $\omega\gamma$ ¹); 3, 395 (*ipse* M γ , *ille* PR ω); 4, 348 (*fusis dum* M γ , *d. f.* GPR ω). Propediem Iulia Ammannati et Antoninus Pittà opusculum diuulgabunt ex quo apparet codicem γ haudquaquam in *Georgicis* a codice *P* manasse («MD» 2013).

36 De his uersibus in γ omissis ac postea suppletis bene docet *Vergil*, hrsg. von J. und M. Götte, München 1981⁴, pp. 469–477. Si plura desideraueris, scito uu. 53–181 redintegratos esse a quodam scriba qui eiusdem aetatis uidetur esse ac prior scriba; uu. 182–234 autem duae recentiores manus addiderunt; omissi sunt uu. 97–117, erasi uu. 152–168.

37 Recentior manus (saec. XI–XII) adhibito folio separato uu. 53–211 post u. 293 ex alio fonte redintegravit.

38 *Seruii Grammatici qui feruntur in Vergilii carmina commentarii*, uol. III (2), *Appendix Seruiana ceteros praeter Seruium et Scholia Bernensia Vergilii commentatores continens*, recensuit Hermannus Hagen, Teubner, Leipzig 1902; *Scholia Bernensia in Vergilii Bucolica et Georgica*, uol. II (1): *In Georgica Commentarii (Prooemium/ Liber I 1–42)*, praefatus est, textum edidit, adnotationibus, indicibus et appendice instruxit L. Cadili, A. M. Hakkert, Amsterdam 2003.

39 *Scholia Bernensia ad Vergilii Bucolica atque Georgica*, edidit emendauit praefatus est H. Hagen, in «Jahrbücher für classische Philologie», IV Suppl., Leipzig 1867 (anast. Olms, Hildesheim 1967); *Scholia Bernensia*, ed. L. Cadili, cit.

Hermannus Hagen dilucide docuit⁴⁰, habere uidentur aliquot lectiones in codicis a marginibus ad *Georgica* passim appositae minusque saepe ad *Aeneida*: siglo a² adhibito, tantummodo eas in apparatu commemorauit⁴¹ quae ad textum constituendum ualerent; mera glossemata silentio praeterii.

Magnopere mihi sum gausus quod Siluia Ottaviano, iam pridem rerum Vergilianarum sagacissima inuestigatrix, tandem consilium cepit ut ipsa, sub uno uexillo mecum commilitans, *Bucolica* ederet: dimidiatus fuit labor, uis intellegendi duplicata. Huic doctissimae feminae duco laudi quod non modo Carolinorum codicum omnium uulgauit lectiones, sed etiam fere intactum manipulum codicum explorauit qui, Beneuentanis litteris exarati in inferiore Italia inter decimum et duodecimum saeculum, eo quidem utiles sunt habendi quia, cum de regione uenerint aliquantum seposita et aduenticiis immissionibus parum aperta, sincerarseruare possunt lectiones. Hi Longobardici libri, cum nonnullis communibus mendis coniuncti esse uideantur⁴², in unam familiam (Λ) expedit ut conglobentur: quos omnes uidebis supra descriptos in *Praefatione ad Bucolica* (pp. 15–19); nos in *Georgicis* eadem sigla mutuati sumus (uide conspectum codicum nostrum p. 122).

40 O. Ribbeck, *Proll.* p. 329–330: “Hermannus Hagen pergratis litteris mecum communicauit uarias scripturas, quae in codicis Bernensis 172 margine eis Vergilii carminibus, quibus commentarius ille ascriptus est, eadem qua textus ipse manu et (ut suspicatur Hagen) ex eodem, unde scholia sunt orta, codice adpositae sunt”.

41 E. g. uide 1, 418 *uices*; 2, 237 *exerce ac*; 2, 294 *nepotes*; 2, 295 *uiuendo*; 3, 85 *fremens*; 3, 190 *acceperit*; 3, 329 *iubebo*; 4, 351 *exsiluere* (quod Ottoni Ribbeck placuit); 4, 493 *Auernis*; 4, 509 *astris*.

42 Errores aliquot uniuersae familiae communes inueni: e. g. 2, 82 *miraturque*; 2, 178 *creandis*; 2, 247 *amaror*; 2, 340 *primam*; 3, 63 *iuuentus*; 4, 43 *fodere*. Horum codicum nonnulla pars ex communibus mendis uidetur consociata: 1, 310 *glacies* **noδη**; 2, 78 *innodes* **noδ**; 2, 360 *inniti* **noδ**; 2, 369 *reformident* **nδη** (*formident o*); 2, 427 *et*] *ut* **noδη**; 2, 532 *uitam ueteres* **Πoζη**; 2, 542 *equo* **noη**; 3, 61 *desinet* **oδε**; 3, 69 *mauis* **Mnoδ**; 3, 308 *largi*] *pressi* **oη**; 3, 310 *mammis*] *palmis* **oζη**; 3, 448 *perfundunt* **δη** (*coniungunt ζ*); 4, 421 *fidissima* **noδη**. Vbi autem Carolini libri (Φ) plerique uel omnes errant, bene legunt Longobardici (Λ): 1, 287 *gelida melius*; 2, 330 *tepentibus*; 2, 488 *conuallibus*; 3, 85 *fremens*; 3, 127 *nequeat*; 3, 249 *agris*; 3, 288 *hic labor*; 4, 200 *e foliis*; 4, 233 *plias*; 4, 262 *stridit*.

In *Georgicis* non multos inueni locos ambiguos uel obscuros; in angustias tamen nonnulla me adduxerunt uerba ad rusticam uel pastoralem materiam praecipue pertinentia. Exempli gratia afferam 2, 302 *neue oleae siluestris insere truncos* (*oleae* ΠΡΩΥ, *olea* Μ), ubi *insere* idem quod *intersere* crederem ualere posse ('uitibus ne interponas oleastros qui eas adminiculent'), si in libro de arborum cultura haec significatio umquam occurreret⁴³; sin aliter *insere* de insitione proprie significat, nescio an *olea* sit potius legendum (sic enim Wagner et Ribbeck), sed mihi molestum est de oleae cultura intempestiuam hanc fieri mentionem in parte illa secundi libri quae tantummodo ad uitis culturam spectat.⁴⁴ Etiam uersus 4, 229–230 *haustu sparsus aquarum / ora foue* me suspensum tenuit: buccane est aquis colluenda an totus uultus conspergendus? attinet hoc praeceptum ad rusticam religionem (quasi sacra iubeatur purgatio) an os colluere oportet ne graueolenti halitu apes offendantur neue ullo foetore mella corrumpantur? Cum quiddam religiosum huic praecepto subesse uisum sit, praua lectio excogitata est *ore faue* («cum religione ac silentio accede» DSeru.); inest praeterea in Serui interpretatione aliquid implicatum, ne dicam absurdum (cf. «*ore foue* ipsos haustus scilicet et hoc dicit: spargendo aquam imitare pluuiam»: i. e. 'buccis inflatis in aluearia expue aquam'). Vtcumque res ista se habet, apiariorum mos ille communis ac fortasse planus tam poetica obliquitate a Vergilio descriptus est ut mihi parum liqueat. Si praeterea u. 2, 65 consideras, peculiarem uerborum uim moneo ne neglegas: nam, cum hic locus totus sit de arboribus quae artificiose creantur, non potest uerbum illud *nascuntur* idem ualere ac 'sponte sua surgunt', itaque coniungendum est cum *plantis* (i.e. 'e radicis surculis gignuntur').⁴⁵

* * * * *

43 Cf. uu. 33, 50, 69, 73.

44 Optimi quoque interpretes in angustiis uersari uidentur: cf. Mynors, adnot. ad l. (Oxford 1990); fortasse melius R. Thomas ad l. (Cambridge 1988).

45 Male distinxerunt Mynors et Geymonat: uide adnotationem meam ad locum.

Copiose de rebus orthographicis in *Aeneidos* editione praefatus sum; quamobrem minime necesse est, paucis modo annis interiectis, consilia mea in hac praefatione iterum exponam aut reuocem: *nunc quoque mens eadem perstat mihi*. Edoceantur, quaeso, lectores argumentis exemplisque plurimis illuc congestis. Me autem nego id studuisse ut scriptionem libris antiquioribus traditam ex lapidum titulis aeui Vergiliani corrigerem: nam tituli lapidarii ipsi inaequales ac tales plerumque sunt qui non unam eandemque sequantur formulam scribendi. Res non tam explorata est ut auctoritatem ueterum grammaticorum qui Vergili textum curauerunt spernamus inconsiderate aut scriptionem reiciamus a librariis antiquioribus traditam: quid enim hi uel illi nouauerint aut potius nimio uetustatis studio abducti mutauerint ignoratur sane; attamen, si quid minus uulgare contra consuetudinem nunc hic nunc illic seruatum inueni, dignum mihi uisum est quod caute examinarem et, dummodo probabile esset, tum denique probarem.

Tam mutabiles et aequalitatis incuriosi uidentur omnibus locis esse optimi codices ut, siquis Vergili singulas scribendi proprietates studeat seruare, saepe haereat incertus. At si plerique ex antiquioribus libris manuscriptis consentientes sunt, si leges dicendi a grammaticis statutae minime repugnant, facere non possumus quin libros illos, multa quidem habita cautione, sequamur. Res enim multae cautionis ea mihi uidetur esse quae ad accusatiuos plurales attinet tum in *-is* tum in *-es* exeuntes: Vergilius enim, consilio auris suae usus, alterutram prout concursus uocalium postulabat praetulit terminationem⁴⁶. Has terminationes, ut manifestum est, saepe librarii exaequabant indiligenter aut ad consuetudinem scribendi propriam temere accommodabant; sed nonnulli editores sinceram ueramque orthographiam nunc ex hoc nunc ex illo codice recuperari posse crediderunt. Cum admodum incertum sit aleaeque plenum inter has terminationes deligere, bonus editor auctoritati ueterum librariorum, quoad liceat, obtemperet nimirum oportet, qui tamen non semper unanimi consentiunt sed potius tam inconsiderate uariant ut ipsa uerborum compages nonnumquam labefacta uideatur. Quid enim dicam de singulari nominatiuo *fortis Etruria* (2, 533) in *fortes* peruerse mutato? quid de genetiuo

46 Cf. *Aeneidos Praefationem*, p. XXVI.

ignobilis oti (4, 564) in *ignobiles* perperam conuerso? quid de genetiuo *hiemis* (4, 156) qui in *hiemes* est corruptus et de genetiuo *noctis* (1, 426) pro quo *noctes* legitur? Haec quidem attuli exempla ex codice **M**, quem diligentius perscrutatus sum⁴⁷, sed multa eiusdem generis facile reperies in ceteris codicibus antiquis (minus multa forsitan in **P**, quem in rebus orthographicis paulo fideliores opinor fuisse)⁴⁸. In tanta indiligentia librarium, terminationibus tam frequenter permixtis per errorem, pro erroribus necesse est habeas etiam nominatiuos plurales in *-is* exeuntes, qui, cum in antiquis libris admodum raro appareant⁴⁹, in textum tamen a quibusdam editoribus incaute inconsulteque recepti sunt, tamquam si gemmae essent nitidiores (nec nos dubitamus quin prorsum respuendi sint)⁵⁰. Sed de rebus orthographicis hactenus.

Cum non solum uetera scriptorum idiographa sed exemplaria etiam de iis protinus descripta auxilio certo caruerint interpunctionis, est tamen prouidi editoris singulas orationis partes – siue membra longiora siue minuta cola – hoc proposito distinguere ut sententiarum cursus quam maxime definitus sit et apertus. In recta distinctione non dubito quin rectae interpretationis initium ipsum positum sit; namque ego, uersibus bene distinctis, aliquot locos potui in integrum restituere qui male uidebantur claudicare: uide e. g. 1, 181 *tum inludunt*; 1, 383–385 *uariarum...uolucres... infundere rores*; 2, 65 *plantis ... nascuntur*; 2, 71 *castaneae fagus ornusque ... flore piri*; 2, 136 *ditissima terra*; 3, 401–402; uide etiam 4, 243; 4, 251–264.

47 Si qua ex codice **M** exempla quaesieris, accusatiuos plurales in *-is* exeuntes saepe uidebis in *-es* improprie mutatos: librarius enim pro *orbis* scripsit *orbes* (2, 153), pro *conuallis* (3, 276) *conualles*, pro *inertis* (3, 523) *inertes*, uitioseque maluit *uites* (2, 299: *uitis* **PR**), *omnes* (2, 335: *omnis* **PR**), *graues* (3, 526: *grauis* **PR**), *salubres* (3, 530: *salubris* **PR**), *communes* (4, 153: *communis* **FP**), *tenaces* (4, 161: *tenacis* **FP**), *felices* (4, 329: *felicis* **P**).

48 At uide in *Aeneidos Praefatione* p. XXVIII adnot. 63.

49 E. g. 1, 161 *messis* (**AP**); 1, 390 *carpentis* (**M**); 2, 434 *humilis* (**M**); 3, 198 *natantis* (**F**); 4, 121 *uiridis* (**FMP**, *uirides* **M**²); 4, 472 *tenuis* (**M**); cf. Ribbeck, *Proll.* 405.

50 Vide Neue-Wagener I³ 381–83; Kühner 287, 332–3; Leumann-Hofmann 440, quorum omnium iudicio hi nominatiui per falsam analogiam conficti sunt; uide etiam F. Bömer, *Der Akkusativus pluralis auf -is, -eis und -es bei Vergil*, «Emerita» 21 (1953), 218–220.

Dum per quadriennium *Georgica* curabam, adsidue mihi adfuerunt duo fidissimi sodales, Emmanuel Berti Lisa Piazza, quorum nescio alacritatem an ingenium magis laudem. Nonnihil auxili interdum dederunt David Butterfield, Lucius Ceccarelli, Rolandus Ferri, Armandus Golzio, Laura Micozzi, Iulianus Ranucci, Ernestus Stagni, Iulius Vannini. Saepe autem accidit ut Michael Reeve, optimus criticus optimusque amicus, si quando in angustiis uersarer, mihi promptus subueniret. Maximae gratiae mihi agenda sunt plurimis bibliothecarum praefectis et custodibus, quorum alii me meosque socios humanissime exceperunt, alii mihi photographicas codicum schidas comiter commodarunt. Superiore anno cum Cantabrigiensibus collegis circa locos in *Georgicis* deprauatos disserui fructuose, nec mihi minus profuerunt publicae disputationes quas habui in Germanicis Athenaeis: his omnibus doctis gratiam debeo quia lucubrationes meas acri iudicio examinerunt. Restat nunc ut carissimo discipulo Nicolao Lanzaone, qui tam sollicite plagulas corrigendas perlustravit, meritas tribuam laudes.

Scribebam Pisis
e Schola Normali Superiore
mense Octobri MMXII

G.B.C.

TABVLA NOTARVM
QVIBVS AVCTORES ET TESTES SAEPIVS
ADHIBITI IN APPARATV INDICANTVR

<i>ps. Acro</i>	Acronis quae dicuntur scholia in Horatium (ed. O. Keller, Lipsiae 1902–1904).
<i>Agroec.</i>	Agroecius (saec. V), <i>Ars de orthographia</i> (GLK VII; ed. M. Pugliarello, Milano 1978).
<i>Ambros.</i>	Ambrosius (saec. IV ex.).
<i>Amm. Marc.</i>	Ammianus Marcellinus (saec. IV ex.).
<i>Arus.</i>	Arusianus Messius (saec. IV), <i>Exempla elocutionum</i> (GLK VII; ed. A. Della Casa, Milano 1977; A. Di Stefano, Hildesheim 2011).
<i>Asper</i>	Aemilius Asper (saec. III?), <i>Grammatica Vergiliana</i> (ed. H. Hagen in <i>Appendice Seruiana</i> , Lipsiae 1902, ex codice rescripto Parisino 12161, saec. V).
<i>Aug.</i>	Aurelius Augustinus (354–430).
<i>Auson.</i>	D. Magnus Ausonius (saec. IV).
<i>Char.</i>	Flavius Sosipater Charisius (saec. IV), <i>Ars grammatica</i> (GLK I; ed. C. Barwick et F. Kühnert, Lipsiae 1924, 1964 ²).
<i>Cledon.</i>	Cledonius (saec. V?), <i>Ars grammatica</i> (GLK V).
<i>Colum.</i>	L. Iunius Moderatus Columella (saec. I), <i>Res rustica</i> (ed. R.H. Rodgers, Oxonii 2010).
<i>Diom.</i>	Diomedes (saec. IV), <i>Ars grammatica</i> (GLK I).
<i>Don. ad Ter.</i>	Aelius Donatus (saec. IV), <i>Commentum Terenti</i> (ed. P. Wessner, Lipsiae 1902–1905).
<i>DSeru.</i>	Seruius qui dicitur Danielis uel auctus (quae scholia Seruianis addita partim primus edidit P. Daniel, Parisiis 1600; uide <i>Seru.</i>).
<i>Enn.</i>	Q. Ennius (239–169 a.C.), <i>Annalium fragmenta</i> (post I. Vahlen, Lipsiae 1903 ² , ed. O. Skutsch, Oxford 1985).
<i>Exp.</i>	<i>Anonymi brevis expositio Vergilii Georgicorum I–II</i> (saec. V?), male Iunio Philargyrio adscripta (ed. H. Hagen in <i>Appendice Seruiana</i> , Lipsiae 1902).
<i>Gell.</i>	Aulus Gellius (saec. II), <i>Noctes Atticae</i> .

- GLK* *Grammatici latini* ex recensione H. Keilii (I–VIII, Lipsiae 1857–1880).
- Gramm.* e grammaticis tres pluresue (uide indicem auctorum in *GLK* VII).
- Hor.* Q. Horatius Flaccus (65–8 a.C.).
- Hos. Get.* Hosidius Geta (saec. II–III), *Medea*, cento Vergilianus (= *Anth. Lat.* 17; ed. R. Lamacchia, Lipsiae 1981).
- Hyg. grom.* Hyginus gromaticus (saec. I), *Constitutio limitum* (ed. C. Lachmann, Berolini 1848, et C. Thulin, Lipsiae 1913).
- Isid.* Isidorus Hispalensis (saec. VI–VII), *Etymologiae* (ed. W. M. Lindsay, Oxonii 1911).
- Isid. nat. rer.* eiusdem *De natura rerum* (ed. G. Becker, Berolini 1857).
- Lact.* L. Caecilius Firmianus Lactantius (saec. III–IV).
- Lucan.* M. Annaeus Lucanus (39–65).
- Lucr.* T. Lucretius Carus (saec. I a.C.).
- Macrob.* Macrobius Ambrosius Theodosius (saec. V in.), *Saturnalia* (ed. I. Wills, Lipsiae 1963, 1970²; ed. corr. 1994).
- Macrob. somn.* eiusdem *Commentarii in somnium Scipionis* (ed. I. Wills, Lipsiae 1963, 1970²).
- Min. Fel.* M. Minucius Felix (saec. II–III), *Octavius*.
- Non.* Nonius Marcellus (saec. IV?), *De compendiosa doctrina* (ed. W. M. Lindsay, Lipsiae 1903).
- Ou.* P. Ovidius Naso (43 a.C.–18 p.C.).
- Pomp.* Pompeius (saec. V), *Commentum in artem Donati* (*GLK* V).
- Porph.* Pomponius Porphyrio (saec. III), *Commentum Horatii* (ed. A. Holder, Aeniponti 1894).
- Prisc.* Priscianus Caesariensis (saec. V–VI), *Institutiones grammaticae* (*GLK* II–III).
- Probus* M. Valerius Probus, ut ferunt (saec. IV?), *Instituta artium* (*GLK* IV).
- ps. Probus* Probi qui dicitur *Commentarius in Bucolica et Georgica* (ed. H. Hagen in *Appendice Seruiana*, Lipsiae 1902).

- Quint.* M. Fabius Quintilianus (saec. I ex.), *Institutio oratoria*.
- Rufin.* Iulius Rufinianus (saec. IV?), *De figuris sententiarum* (*Rhetores Latini minores*, ed. C. Halm, Lipsiae 1863).
- Sac.* Marius Plotius Sacerdos (saec. III), *Artes grammaticae* (GLK VI).
- schol. Bemb.* scholia in Terentium Bembina (cod. Vaticanus latinus 3226, saec. IV–V; ed. J. E. Mountford, Londinii 1934).
- schol. Bern.* scholia Bernensia in Vergilii *Bucolica* et *Georgica* (ed. H. Hagen, «JKPh» Suppl. IV, 1867).
- schol. Iuu.* scholia in Iuvenalem uetustiora (ed. P. Wessner, Lipsiae 1931, Stutgardiae 1967?).
- schol. Stat.* Lactantii Placidi, ut ferunt (saec. V–VI), *Commentarii* in Statii *Thebaida* et *Achilleida* (ed. R. D. Sweeney, Lipsiae 1997).
- schol. Ver.* scholia in Vergilium Veronensia (post H. Hagen in *Appendice Serviana*, Lipsiae 1902, ed. C. Baschera, Verona 1999, et A. Lunelli, «Maia» 53, 2001, 63–136 [in *Bucolica*], et «Maia» 55, 2003, 5–83 [in *Georgica*]).
- Sen.* L. Annaeus Seneca (c. 4 a.C.–65 p.C.).
- Seru.* Seruius (saec. IV–V), in Vergilium *Commentarii* (ed. G. Thilo, Lipsiae 1881–1887; accedit *Appendix ceteros praeter Seruium et scholia Bernensia Vergilii commentatores continens*, ed. H. Hagen, Lipsiae 1902; ed. Harvardiana, Lancasteriae Pennsylvanorum 1946 [in *Aen.* I–II], Oxonii 1965 [in *Aen.* III–V]; ed. G. Ramires, Bologna 1996 [in *Aen.* IX], Bologna 2003 [in *Aen.* VII]; ed. E. Jeunet-Mancy, Paris 2012 [in *Aen.* VI]).
- Sil.* Silius Italicus (saec. I ex.).
- Stat.* P. Papinius Statius (saec. I ex.).
- Ter. Maur.* Terentianus Maurus (saec. II?), *De litteris, de syllabis, de metris* (GLK VI; ed. C. Cignolo, Hildesheim 2002).

- Tib.* Tiberius Claudius Donatus (saec. IV–V?), *Interpretationes Vergilianae* (ed. H. Georgii, Lipsiae 1905–1906).
- Val. Fl.* C. Valerius Flaccus (saec. I).
- Vegetius* Flavius Vegetius Renatus (saec. V in.), *Epitoma rei militaris* (ed. M. D. Reeve, Oxonii 2004).
- Velius* Velius Longus (saec. II), *De orthographia* (GLK VII; ed. M. Di Napoli, Hildesheim 2011).
- Victorinus* Maximus (?) Victorinus (saec. IV?; GLK VI).

INDEX EDITORVM ET PHILOLOGORVM

- | | |
|-------------------|--|
| Bentley | lectiones et coniecturae a R. Bentley in exemplari ed. Commelinianae an. 1646 (quod hodie in Mus. Brit. siglo '688 g. 6' signatur) adnotatae. |
| Bentley ad Lucan. | <i>M. Annaei Lucani Pharsalia</i> , cum notis Hug. Grotii et R. Bentleyi, Strawberry-Hill 1760. |
| Burman | <i>P. Virgilii Maronis Opera</i> , cum integris et emendationibus commentariis Seruii, Philargyrii, Pierii. Accedunt F. Vrsini, G. Fabricii, F. Nansii, Joh. Musonii, T. Fabri et aliorum et praecipue Nic. Heinsii notae nunc primum editae; quibus et suas et in omne opus animaduersiones et uariantes in Seruium lectiones addidit P. Burmannus, post cuius obitum interruptam editionis curam suscepit et adornauit P. Burmannus junior, I–IV, Amstelaedami 1746. |
| Erren | <i>P. Vergilius Maro, Georgica</i> , herausgegeben, übersetzt und kommentiert von M. Erren, Band I: Einleitung, Praefatio, Text und Übersetzung, Heidelberg 1985; Band II: Kommentar, Heidelberg 2003. |
| Faber | <i>P. Virgilii Maronis Opera</i> , editio nouissima, summa cura recognita et multis mendis purgata. Adiectae sunt Tanaq. Fabri et nonnullorum aliorum notulae et emendationes, Salmuri 1675 (uide etiam Burman). |
| Erren | <i>P. Vergilius Maro, Georgica</i> , herausgegeben, übersetzt und kommentiert von M. Erren, Band I: Einleitung, Praefatio, Text und Übersetzung, Heidelberg 1985; Band II: Kommentar, Heidelberg 2003. |
| Geymonat | <i>P. Vergili Maronis Opera</i> , edita anno MCMLXXIII iterum recensuit M. Geymo- |

- nat, Roma 2008 (Augustae Taurinorum 1973¹).
- Goold *Virgil*, with an English translation by R. H. Fairclough revised by G. P. Goold, I–II, Cambridge (Mass.) 1999–2000.
- Hanow O. Hanow, *Schedae criticae ad Vergilii Georgica*, Progr. Gymn. Lissa 1863.
- Heinsius *P. Virgilii Maronis Opera*, Nic. Heinsius Dan. fil. e membranis compluribus iisque antiquissimis recensuit, Amstelodami 1676; uide etiam Burman.
- Heyne *P. Virgilius Maro*, uarietate lectionis et perpetua adnotatione illustratus a Chr. G. Heyne, I–IV, Lipsiae 1767–1775; quartam ed. curauit G. Ph. Wagner, I–IV, Lipsiae – Londinii 1830–1833.
- Lachmann ad Lucr. C. Lachmanni in *T. Lucretii Cari De rerum natura libros commentarius*, iterum editus, Berolini 1855.
- Madvig J. N. Madvig, *Aduersaria critica ad scriptores Graecos et Latinos*, II, Hauniae 1873.
- Markland ad Stat. *P. Papinii Statii Siluarum libri quinque*, ex uetustis exemplaribus recensuit et notas atque emendationes adiecit Jer. Marklandus, Londinii 1728.
- Martyn *P. Virgilii Maronis Georgicorum libri quatuor*. The *Georgicks* of Virgil, with an English Translation and Notes by J. Martyn, London 1755³.
- Mynors *P. Vergili Maronis Opera*, recognouit breuique adnotatione critica instruxit R. A. B. Mynors, Oxonii 1969; *Virgil, Georgics*, ed. with a commentary by R. A. B. Mynors, Oxford 1990.
- Peerlkamp *P. Virgilii Maronis Aeneidos libri I–XII*, edidit et annotatione illustrauit P. Hofman Peerlkamp, I–II, Leidae 1843; P. Hofman

- Peerlkamp, *Ad Virgilium*, «Mnemosyne» 10, 1861, 1–49; 113–163; 229–308; 367–388.
- Pierius Io. Pierius Valerianus (Giovanni Pietro Bolzani), *Castigationes et uarietates Virgilianae lectionis*, Romae 1521.
- Reiske coniecturae in *Georgica* a J. J. Reiske in suo exemplari adnotatae, quae ab Heyne laudatae sunt.
- Ribbeck *P. Vergili Maronis Opera*, apparatu critico in artius constricto iterum recensuit O. Ribbeck, I–IV, Lipsiae 1894–1895 (1858–1869¹).
- Richter *Vergil, Georgica*, herausgegeben und erklärt von W. Richter, München 1957.
- Sabbadini *P. Vergili Maronis Opera*, R. Sabbadini recensuit, I–II, Romae 1930.
- Salmasius Cl. Salmasii (Claude Saumase), *Plinianae exercitationes in Caii Iulii Solini Polyhistora. Item Caii Iulii Solini Polyhistor ex ueteribus libris emendatus*, Parisiis 1629.
- Scaliger ad Catull. *Catulli, Tibulli, Propertii noua editio*, Ios. Scaliger recensuit. Eiusdem in eosdem castigationum liber, Lutetiae 1577.
- Scaliger ad Manil. *M. Manilii Astronomicum*, a Ios. Scaligero ex uetusto codice Gemblacensi infinitis mendis repurgatum. Eiusdem Ios. Scaligeri notae, quibus auctoris prisca astrologia explicatur, castigationum caussae redduntur, portentosae transpositiones in eo auctore antiquitus commissae indicantur, Lugduni Batauorum 1600.
- Schrader Joh. Schraderi schedae manuscriptae, in *Vergilium emendationes continentes*, quibus Heyne usus est; J. Schrader, *Observationum liber*, Franecherae 1761.
- Thomas *Virgil, Georgics*, ed. by R. F. Thomas, I–II, Cambridge 1988.

- van Wageningen J. van Wageningen, *Dissertatio litteraria inauguralis de Vergili Georgicis*, Traiecti ad Rhenum 1888.
- Wagner uide Heyne.

CONSPECTVS CODICVM

CODICES ANTIQVIORES

- M** Mediceus Laurentianus lat. Plut. XXXIX, 1, saec. V ex.
M¹ librarius ipse se corrigens
M^A Turcius Rufius Apronianus Asterius
M² ceteri correctores, ex quibus nullus satis certe Carolinae aetati adsignari potest; dubium an interdum Asterius ipse
M^x librarius ipse uel alia manus (uel atramento inspecto incertum)
M^P Pomponius Laetus, anno fere 1470, minio corrigens (raro adnotatur, praesertim ubi priorem correctionem renouasse uidetur)
- P** Vaticanus Palatinus lat. 1631, saec. V (perierunt 1, 323–2, 138; 4, 462–566)
P¹ manus priori persimilis, minutis litteris uel in rasura corrigens; dubium an interdum librarius ipse
P² corrector quidam antiquus (qui, fide Sabbadini, codicem etiam distinxit); interdum et aliae manus antiquae uel recentioris aetatis
P^x librarius ipse uel alia manus (atramento non inspecto incertum)
- R** Vaticanus lat. 3867 (“Romanus”), saec. VI in. (perierunt 2, 1–214; 4, 37–180)
R¹ librarius ipse se corrigens
R² corrector aliquis antiquus uel raro recentioris aetatis
R^x librarius ipse uel alia manus (atramento non inspecto incertum)
- A** Vaticanus lat. 3256 et Berolinensis lat. fol. 416 (“Augusteus”), saec. V ex. uel VI in. (supersunt 1, 41–280; 3, 181–220)

- F** Vaticanus lat. 3225 ("Fulvii Vrsini schedae Vaticanae"), saec. IV ex. uel V in. (supersunt 3, 1–21; 146–214; 285–348; 4, 97–124; 153–174; 471–497; 522–548)
F² corrector aliquis antiquus
F^c corrector Carolinae aetatis
- G** Sangallensis 1394, saec. V ex. uel VI in., partim rescriptus (supersunt 4, 345–419; 535–566)
G² corrector aliquis antiquus
- V** Veronensis XL (38), saec. V, rescriptus (supersunt 2, 92–117; 274–299; 352–377; 535–3, 12; 351–402; 4, 436–464; 522–549)
V² corrector aliquis antiquus

CODICES SAEC. IX–X

- a** Bernensis 172
b Bernensis 165
c Bernensis 184
d Bernensis 255
e Bernensis 167
f Oxoniensis Bodl. auct. F. 2. 8.
g Parisinus lat. 7925
h Valentianensis 407 (389)
i Reginensis lat. 1669
j Bruxellensis Bibl. reg. 5325–5327
k Hamburgensis scrin. 52
l Vaticanus lat. 3252 (supersunt 1, 1–494)
r Parisinus lat. 7926
s Parisinus lat. 7928 (desunt 3, 125–4, 566)
t Parisinus lat. 13043
v Vaticanus lat. 1570
w Guelferbytanus Gudianus 66 (supersunt 4, 70–566)
x Montepessulanus H 253
y Parisinus lat. 10307

- z Parisinus lat. 7927
 a², b², c² etc. correctores uel uariae lectiones fere eiusdem
 aetatis (perraro laudantur)
- Φ consensus horum omnium, uel quotquot non separatim
 nominantur
- γ Guelferbytanus Gudianus lat. 2° 70 (omissi sunt 2, 53–260)
 γ* supplementum in bibliotheca Vniuersitatis Goettingensis
 seruatum (App. Dipl. 10 E Mapp. I, 28), continens 2,
 53–234
 γ¹, γ² correctores uel uariae lectiones fere eiusdem aetatis

CODICES LONGOBARDICI SAEC. X–XI

- n Neapolitanus Vind. lat. 6
- o Oxoniensis Canon. Class. 50 (desunt 1, 54–200; 2, 114–187;
 3, 222–293; 3, 439–4, 226)
- δ Parisinus lat. 10308
- ε Vaticanus lat. 1573
- ζ Vaticanus lat. 3253 (desunt 1, 1–320; 2, 106–205)
- η Reginensis lat. 2090
 n², o² etc. correctores uel uariae lectiones fere eiusdem aetatis
 (perraro laudantur)
- Λ consensus horum omnium, uel quotquot non separatim
 nominantur
- ω consensus ΦΛ, uel quotquot horum codicum non separatim
 nominantur
- recc.* codices recentiores, ab Heinsio, Heyne, Ribbeck aliisque
 laudati

LIBER I

Quid faciat laetas segetes, quo sidere terram
 uertere, Maecenas, ulmisque adiungere uites
 conueniat, quae cura bouum, qui cultus habendo
 sit pecori, apibus quanta experientia parcis,
 5 hinc canere incipiam. uos, o clarissima mundi
 lumina, labentem caelo quae ducitis annum;
 Liber et alma Ceres, uestro si munere tellus
 Chaoniam pingui glandem mutauit arista
 poculaque inuentis Acheloia miscuit uiuis;
 10 et uos, agrestum praesentia numina, Fauni,
 fert simul Faunique pedem Dryadesque puellae:
 munera uestra cano; tuque o, cui prima frementem
 fudit equum magno tellus percussa tridenti,
 Neptune; et cultor nemorum, cui pingua Ceae
 15 ter centum niuei tondent dumeta iuuenti;
 ipse nemus linquens patrium saltusque Lycae
 Pan, ouium custos, tua si tibi Maenala curae,
 adsis, o Tegeae, fauens, oleaeque Minerua
 inuentrix, uncique puer monstrator aratri,
 20 et teneram ab radice ferens, Siluane, cupressum:

MPR

4 pecori atque **R²η**: pecorique **ε** 5 hic **Paz** (*corr. P¹*) 6 lumina] «numina
 fuit, sed emendauit ipse, quia postea ait et uos agrestum praesentia numina
 Fauni» *DSeru.* 7 Liber et alma Ceres *cum superioribus perperam iungunt*
ps. Acro ad Hor. carm. saec. 1, Macrob. 1, 16, 44, ps. Probus, Seru., schol. Bern.
 si munere] sit munere **M**: si numine **M^A**: uestroque in munere *ps. Probus*
 8 chaonem **P** (chaoneam **P²**): chaonia **γ** 10 et] ut **P** (*corr. P²*)
 12 furentem *DSeru. ad Aen. 1, 1* 13 fudit equum] «*antiquissimi libri* fudit
 aquam *habuerunt*; [...] *sed melius equum propter armenta; in Corn(eliani)*
 equum, *in authentico aquam, ipsius manu equum*» *DSeru.* (et equum et aquam
 agnoscunt *schol. Bern.*) fundit **Pbr**, *DSeru. ad Aen. 1, 1* 14 nemorum]
 pecorum *recc., Schrader* 17 si] seu *Schrader, cl. Theocr. 1, 124* 20 tenera
δ, «*quidam*» *ap. DSeru.*

- dique deaeque omnes, studium quibus arua tueri
 quique nouas alitis non ullo semine fruges
 quique satis largum caelo demittitis imbrem.
 tuque adeo, quem mox quae sint habitura deorum
 25 concilia incertum est, urbisne inuisere, Caesar,
 terrarumque uelis curam, et te maximus orbis
 auctorem frugum tempestatumque potentem
 accipiat cingens materna tempora myrto;
 an deus immensi uenias maris ac tua nautae
 30 numina sola colant, tibi seruiat ultima Thule,
 teque sibi generum Tethys emat omnibus undis;
 anne nouum tardis sidus te mensibus addas,
 qua locus Erigonen inter Chelasque sequentis
 panditur: ipse tibi iam bracchia contrahit ardens
 35 Scorprios et caeli iusta plus parte reliquit;
 quidquid eris (nam te nec sperant Tartara regem,
 nec tibi regnandi ueniat tam dira cupido,
 quamuis Elysios miretur Graecia campos
 nec repetita sequi curet Proserpina matrem),
 40 da facilem cursum atque audacibus adnue coeptis
 ignarosque uiae mecum miseratus agrestis
 ingredere et uotis iam nunc adsuesce uocari.
 Vere nouo, gelidus canis cum montibus umor
 liquitur et Zephyro putris se glaeba resoluit,
 45 depresso incipiat iam tum mihi taurus aratro
 ingemere et sulco attritus splendescere uomer.

MPR 41 inchoat A

22 nonnullo **acjkstvxzyΛγ**, *Seru.* (cf. *georg.* 2, 420) 23 dimittitis **acfizēn**
 25 urbisne **PRωγ**, «*liber manu ipsius correctus*» teste *Probo ap. Gell.* 13, 21,
 4, *Seru.*: urbesne **Mabcirvnδε** 29 ac] et **br** 30 sola] magna **bcr?** seruiet
br 34 panditur *dist.* **P²**, panditur et tibi **M^x**: post tibi *dist.* *Seru.* («ordo est
 qua locus ipse tibi panditur»), *DSeru.* 35 scorprios et] scorpius et
Pdegikltxzoδε, *Seru.*: scorpio sed *ps. Probus* iusta caeli **cr** reliquit **MRγ**:
 relinquit **Pω**, *Ter. Maur.* 1147, *ps. Probus* (cf. *georg.* 3, 519) 36 nec] ne **M**
 (*corr. M¹*) sperant **MPRabcfn**, *schol. Bern.*: sperent **M^AP²ωγ**, *ps. Probus*,
Seru., *DSeru.*, *Exp.* 37 ueniet **br** 38 campos] sal(tus) *Asper ap. schol. Ver.*
ad Aen. 9, 363 46 uomis **M^A**; «*dicimus et 'hic uomer' et 'hic uomis'*» *Seru.*;
 cf. *u.* 162

- illa seges demum uotis respondet auari
agricolae, bis quae solem, bis frigora sensit;
illius immensae ruperunt horrea messes.
- 50 ac prius ignotum ferro quam scindimus aequor,
uentos et uarium caeli praediscere morem
cura sit ac patrios cultusque habitusque locorum,
et quid quaeque ferat regio et quid quaeque recuset.
hic segetes, illic ueniunt felicius uuae,
- 55 arborei fetus alibi atque iniussa uirescunt
gramina. nonne uides croceos ut Tmolus odores,
India mittit ebur, molles sua tura Sabaei,
at Chalybes nudi ferrum uiroaque Pontus
castorea, Eliadum palmas Epiros equarum?
- 60 continuo has leges aeternaque foedera certis
imposuit natura locis, quo tempore primum
Deucalion uacuum lapides iactauit in orbem,
unde homines nati, durum genus. ergo age, terrae
pingue solum primis extemplo a mensibus anni
- 65 fortes inuertant tauri, glaebasque iacentis
puluerulenta coquat maturis solibus aestas;
at si non fuerit tellus fecunda, sub ipsum
Arcturum tenui sat erit suspendere sulco:

AMPR

47 responderet A: respondit crv 48 sentit chsδη 50 at γ ignotum]
immensum DSeru., agnoscunt schol. Bern. ut uid. (ex georg. 2, 541)
51 uarium] proprium Colum. 1, 4, 4 52 ac] et DSeru. ad Aen. 3, 249
53–104 post u. 130 transpositi sunt in γ 53 quaeque] ferre recc. 54 hinc
AP (corr. P^x) illinc P (corr. P^x) 56 tmolus M²abj?sxη (tmollus c, tmolius t,
tmolos y, timolus n), Sen. ep. 87, 20, ps. Probus, Seru., schol. Bern.: imolus R:
molus AMefhilrvδε, agnoscit Exp.: molos Pgk, Porph. ad Hor. sat. 2, 4, 68:
moles γ: molis z (def. d); cf. georg. 2, 98 57 mittit AMP^xRωγ, ps. Acro ad
Hor. carm. 1, 31, 6, ps. Probus, Seru., DSeru.: mittet P: mittat M² (sed rursus
mittit ead. uel al. man.) cr, Sen. 60 aeternaque] alterna P^x, fortasse ex
alternaq; postrema littera erasa 61 exposuit b: nam posuit f 64 a om.
Abcrn 66 solibus] frugibus R (cf. u. 69) aetas cr

- illic, officiant laetis ne frugibus herbae,
 70 hic, sterilem exiguus ne deserat umor harenam.
 Alternis idem tonsas cessare noualis
 et segnem patiere situ durescere campum;
 aut ibi flaua seres mutato sidere farra,
 unde prius laetum siliqua quassante legumen
 75 aut tenuis fetus uiciae tristisque lupini
 sustuleris fragilis calamos siluamque sonantem.
 urit enim lini campum seges, urit auenae,
 urunt Lethaeo perfusa papauera somno;
 sed tamen alternis facilis labor, arida tantum
 80 ne saturare fimo pingui pudeat sola neue
 effetos cinerem immundum iactare per agros.
 sic quoque mutatis requiescunt fetibus arua,
 nec nulla interea est inaratae gratia terrae.
 saepe etiam sterilis incendere profuit agros
 85 atque leuem stipulam crepitantibus urere flammis:
 siue inde occultas uires et pabula terrae
 pinguia concipiunt, siue illis omne per ignem
 excoquitur uitium atque exsudat inutilis umor,
 seu pluris calor ille uias et caeca relaxat
 90 spiramenta, nouas ueniat qua sucus in herbas,
 seu durat magis et uenas adstringit hiantis,
 ne tenues pluuias rapidius potentia solis
 acrior aut Boreae penetrabile frigus adurat.
 multum adeo, rastris glaebas qui frangit inertis
 95 uimineasque trahit crates, iuuat arua, neque illum
 flaua Ceres alto nequiquam spectat Olympo,
 et qui, proscisso quae suscitatur aequore terga,

AMPR

69–70 «*ipsius manu adiecti sunt, deletis duobus, quorum alter totus legi potuit* ipsis officiant segetes ne frugibus illic, ex altero hoc tantum ne deserat umor harenam» *DSeru.*, at uide *S. Timpanaro, Per la storia della filol. virgil. ant.*, Roma 1986, 191 sq.; *Id.*, *Virgilianisti antichi e tradiz. indir.*, Firenze 2001, 147 72 et] aut *dlz* 73 sidere] semine **R** 81 effectos **Rktzy** 82 requiescent **R**, *schol. Stat. Theb.* 3, 182 91 abstringit **A** 92 rapidique **Y**

- rursus in obliquum uerso perrumpit aratro
exercetque frequens tellurem atque imperat aruis.
100 Vmida solstitia atque hiemes orate serenas,
agricolae; hiberno laetissima puluere farra,
laetus ager: nullo tantum se Mysia cultu
iactat et ipsa suas mirantur Gargara messes.
quid dicam, iacto qui semine comminus arua
105 insequitur cumulosque ruit male pinguis harenae,
deinde satis fluuium inducit riuosque sequentis
et, cum exustus ager morientibus aestuat herbis,
ecce supercilio cliuosi tramitis undam
elicit? illa cadens raucum per leuia murmur
110 saxa ciet scatebrisque arentia temperat arua.
quid qui, ne grauidis procumbat culmus aristis,
luxuriem segetum tenera depascit in herba,
cum primum sulcos aequant sata, quique paludis
collectum umorem bibula deducit harena?
115 praesertim incertis si mensibus amnis abundans
exit et obducto late tenet omnia limo,
unde cauae tepido sudant umore lacunae.
Nec tamen, haec cum sint hominumque bouumque labores
uersando terram experti, nihil improbus anser
120 Strymoniaeque grues et amaris intiba fibris
officiunt aut umbra nocet. pater ipse colendi
haud facilem esse uiam uoluit primusque per artem
mouit agros, curis acuens mortalia corda,
nec torpere graui passus sua regna ueterno.
125 ante Iouem nulli subigebant arua coloni;
ne signare quidem aut partiri limite campum

AMPR

102 *mysia* MPRab?rtvη (*misia* γ), *Non.* 340, 33, *Macrob.* 5, 20, 1, *ps. Probus*, *agnoscit Seru.*: m(o)esia (*uel* m(a)esia) AP²ω, *DSeru. hic et ad Aen.* 1, 140, *Exp.*, *schol. Bern.*, *mauult Seru.* 103 *iactet DSeru. ad Aen.* 1, 140, *ps. Probus* miratur P^xr: mirentur *ps. Probus* 105 *tumulosque* M^A 106 *sequentis*] *fluentes* R 114 *conlectum uel coniectum* P (*collectum* P²) *diducit* Ab 126 *nec* a²cdegijklvyzδεη, *Macrob.* 1, 8, 3 *quidem*] *solum* *Macrob.*

- fas erat: in medium quaerebant, ipsaque tellus
omnia liberius nullo poscente ferebat.
ille malum uirus serpentibus addidit atris
130 praedarique lupos iussit pontumque moueri,
mellaque decussit foliis ignemque remouit
et passim riuus currentia uina repressit,
ut uarias usus meditando extunderet artes
paulatim et sulcis frumenti quaereret herbam,
135 ut silicis uenis abstrusum excuderet ignem.
tunc alnos primum fluuii sensere cauatas;
nauita tum stellis numeros et nomina fecit,
Pleiadas, Hyadas claramque Lycaonis Arcton.
tum laqueis captare feras et fallere uisco
140 inuentum et magnos canibus circumdare saltus;
atque alius latum funda iam uerberat amnem
alta petens, pelagoque alius trahit umida lina.
tum ferri rigor atque argutae lammina serrae
(nam primi cuneis scindebant fissile lignum),
145 tum uariae uenere artes. labor omnia uicit
improbis et duris urgens in rebus egestas.
prima Ceres ferro mortalis uertere terram
instituit, cum iam glandes atque arbuta sacrae
deficerent siluae et uictum Dodona negaret.
150 mox et frumentis labor additus, ut mala culmos
esset robigo segnisque horreret in aruis
carduus; intereunt segetes, subit aspera silua

AMPR

133 extruderet P²: extuderet fhity: excuderet br (cf. u. 135 et georg. 4, 315)
135 hunc u. non ineptis argumentis secl. Ribbeck, cl. Aen. 1, 174 et 6, 7 ut] et
A 136 fluuii primum ω (praeter abejrsn) 137 tunc A, Seru. ad Aen. 6,
64 138 pleiadas MRa?bry (pleyadas M²), ps. Probus: pleidas P: pifiadas A:
pliadas (uel plyadas) ω, Seru. hic et ad Aen. 6, 64 codd. plerique, schol. Bern.
arctum M (corr. M²) 139 tunc Mch (corr. M¹), Sen. ep. 90, 11 laqueo Sen.
dial. 7, 14, 3 (sed laqueis ep. 90, 11) 140 magnos] latos Sen. dial. (sed
magnos ep. 90, 11) 142 alta petens cum sequentibus iungunt «nonnulli» ap.
DSeru. 144 primum a²cfhijksxyn 145 uincit cdjsxη 146 urgens
M²P^xRωγ, Seru.: surgens AMPa 149 negarent R 150 frumenti γ

- lappaeque tribolique, interque nitentia culta
 infelix lolium et steriles dominantur auenae.
 155 quod nisi et adsiduis herbam insectabere rastris
 et sonitu terrebis aues et ruris opaci
 falce premes umbras uotisque uocaueris imbrem,
 heu magnum alterius frustra spectabis aceruum
 concussaue famem in siluis solabere quercu.
 160 Dicendum et quae sint duris agrestibus arma,
 quis sine nec potuere seri nec surgere messes:
 uomis et inflexi primum graue robur aratri
 tardaue Eleusinae matris uoluentia plaustra
 tribulaue traheaeque et iniquo pondere rastri,
 165 uirgea praeterea Celei uilisque supellex,
 arbuteae crates et mystica uannus Iacchi;
 omnia quae multo ante memor prouisa repones,
 si te digna manet diuini gloria ruris.
 continuo in siluis magna ui flexa domatur
 170 in burim et curui formam accipit ulmus aratri;
 huic a stirpe pedes temo protentus in octo,
 binae aures, duplici aptantur dentalia dorso.
 caeditur et tilia ante iugo leuis altaque fagus
 stiuaque, quae currus a tergo torqueat imos,
 175 et suspensa focus explorat robora fumus.
 Possum multa tibi ueterum praecepta referre,
 ni refugis tenuisque piget cognoscere curas.
 area cum primis ingenti aequanda cylindro
 et uertenda manu et creta solidanda tenaci,
 180 ne subeant herbae neu puluere uicta fatiscat.

AMPR

- 155 herbam **Mωγ**, *Seru.*: terram **APRacdglnē** 157 umbras **APω**, *Seru.*
(cod. R), schol. Bern.: umbram **MRfδγ**, *Non.* 365, 26, *Seru. hic et ad buc.* 10,
 76 158 aspectabis **aev**: expectabis **bh** 164 traheaeque **PRbdrsn**, *Non.*
 228, 28, *Seru., DSeru.*: trahaeque **AM^Aω** (traheque **Mγ**), *Exp., schol. Bern.*
 166 uallus **R**, *GLK V*, 592, 23, *agnoscit Seru.* 167 reponis **P** (*corr. P²*):
reponas Prisc. 14, 51 174 ante 173 *transp. Schrader* cursus **gr**
 175 explorat **MPRabdeilstvγ**, *Non.* 294, 17, *Seru., Exp.*: exploret **Aω**
 178 primum **a²cefhivzδ** cylindro est **P²**

- tum uariae inludunt pestes: saepe exiguus mus
sub terris posuitque domos atque horrea fecit,
aut oculis capti fodere cubilia talpae,
inuentusque cauis bufo et quae plurima terrae
185 monstra ferunt, populatque ingentem farris acervum
curculio atque inopi metuens formica senectae.
contemplator item, cum se nux plurima siluis
induet in florem et ramos curuabit olentis:
si superant fetus, pariter frumenta sequentur,
190 magnaue cum magno ueniet tritura calore;
at si luxuria foliorum exuberat umbra,
nequiquam pinguis palea teret area culmos.
semina uidi equidem multos medicare serentis
et nitro prius et nigra perfundere amurca,
195 grandior ut fetus siliquis fallacibus esset
et quamuis igni exiguo properata maderent.
uidi lecta diu et multo spectata labore
degenerare tamen, ni uis humana quotannis
maxima quaeque manu legeret: sic omnia fatis
200 in peius ruere ac retro sublapsa referri,
non aliter quam qui aduerso uix flumine lembum
remigiis subigit, si brachia forte remisit,

AMPR

181 tum] tunc fh inludunt M^AP²cgiksvxyzeη, Seru. (ludunt A): inludant MPRωγ, schol. Bern. (*quae tamen 'nocent' interpretantur*), edd. plerique. Cum hemistichium tum uariae inludant pestes careat particula negatiua propria (*quam ex superiore uersu uix potes mutuari*), uidetur cum uerbis ne subeant ... neu fatiscat difficulter coniungi. Si post fatiscat fortius distinguis et inludunt legis, nouum enuntiatum (tum uariae...) senties inire, ubi paruulae ruris pestes quasi beluae metuendae lepide commemorantur 182 domus aereγ, schol. Bern. 187 nux se A 188 induit γ, Arus. 479, 17, Rufin. 57, 14 curuauit Mab, Rufin. 189 superat brn 192 pale(a)e ar?η, «quidam» ap. DSeru. (cod. V), schol. Bern. terit Rbr 194 perfundere γ (corr. γ¹) 195 grandior] laetior Colum. 2, 10, 11 197 multo expectata b 199 legerit fhij 200 ac AMRωγ, Colum. 2, 9, 12 et 3, 10, 18, Gell. 10, 29, 4, Seru. hic et ad u. 193, DSeru., Exp. (cf. Aen. 2, 169): et Pbcfghjkrx

- atque illum in praeceps prono rapit alueus amni.
 Praeterea tam sunt Arcturi sidera nobis
 205 Haedorumque dies seruandi et lucidus Anguis,
 quam quibus in patriam uentosa per aequora uectis
 Pontus et ostriferi fauces temptantur Abydi.
 Libra die somnique pares ubi fecerit horas
 et medium luci atque umbris iam diuidit orbem,
 210 exercete, uiri, tauros, serite hordea campis
 usque sub extremum brumae intractabilis imbrem;
 nec non et lini segetem et Cereale papauer
 tempus humo tegere et iamdudum incumbere aratris,
 dum sicca tellure licet, dum nubila pendent.
 215 uere fabis satio; tum te quoque, medica, putres
 accipiunt sulci et milio uenit annua cura,
 candidus auratis aperit cum cornibus annum
 Taurus, et aduerso cedens Canis occidit astro.
 at si triticeam in messem robustaque farra
 220 exercebis humum solisque instabis aristas,
 ante tibi Eoae Atlantides abscondantur
 Cnosiaque ardentis decedat stella Coronae,

AMPR

203 atque pro 'statim' interpretantur Gell. 10, 29, 4, Non. 530, 4–7, Seru. (cod. R) in om. Ps prono incept R: prono in preceps R² trahit R 206 uectus P (uctos P², corr. ead. uel al. man.): uictis a 208 die AMPωγ, Don. ad Ter. Andr. 430, Seru. hic («regularis genetiuus est») et ad Aen. 1, 156, DSeru., Exp., schol. Bern., Gramm.: dies bg, quod quidam ap. Gell. 9, 14, 7 aiunt se inuenisse in libro Vergili idiographo: diei M^PRr, ps. Probus: dii Auson. ecl. 24, 31 (cf. Aen. 1, 636 et Char. 126, 31) 209 diuidet Rbjronγ 213 aratris MPωγ, Seru. (cod. R): rastris AM^AP² (man. Carol. aet.) Rdgltz 215 tum] cum jr: tunc dt, Sen. ep. 86, 16 216 accipiant cnn: accipient oδ 218 aduerso Mnn, Macrob. somn. 1, 18, 15, «alii» ap. Seru., schol. Bern.: auerso APRωγ, ps. Probus, Seru.; utrumque agnoscit Exp. Aduerso ... astro (datiuus est casus cum cedens coniunctus) indicat signum Tauri: Canis enim, quasi exterritus quia Taurus infensis cornibus ei minitatur, retrocedere uidetur usque ad fugam (occidit). Si auerso ... astro legis, nescio an potius pro ablatiuo interpretandum sit, i.e. 'Canis Taurum fugit auerso astro suo' cadens M: cedent P (corr. M^AP²) 221 absconduntur P (corr. P²): abscondentur γ 222 cnosiaque APω, ps. Probus: gnosiaque MRhlnγ, ps. Acro ad Hor. carm. 2, 19, 14, Seru., Exp.

- debita quam sulcis committas semina quamque
 inuitae properes anni spem credere terrae.
 225 multi ante occasum Maiae coepere; sed illos
 exspectata seges uanis elusit auenis.
 si uero uiciamque seres uilemque phaselum
 nec Pelusiacaе curam aspernabere lentis,
 haud obscura cadens mittet tibi signa Bootes:
 230 incipe et ad medias sementem extende pruinas.
 Idcirco certis dimensum partibus orbem
 per duodena regit mundi sol aureus astra.
 quinque tenent caelum zonae: quarum una corusco
 semper sole rubens et torrida semper ab igni;
 235 quam circum extremae dextra laeuaque trahuntur
 caeruleae, glacie concretae atque imbribus atris;
 has inter mediamque duae mortalibus aegris
 munere concessae diuum, et uia secta per ambas,
 obliquus qua se signorum uerteret ordo.
 240 mundus, ut ad Scythiam Rhiphaeasque arduus arces
 consurgit, premitur Libyae deuexus in Austros.
 hic uertex nobis semper sublimis; at illum
 sub pedibus Styx atra uidet Manesque profundi.
 maximus hic flexu sinuoso elabitur Anguis
 245 circum perque duas in morem fluminis Arctos,
 Arctos Oceani metuentes aequore tingi.
 illic, ut perhibent, aut intempesta silet nox
 semper et obtenta densentur nocte tenebrae,
 aut redit a nobis Aurora diemque reducit;
 250 nosque ubi primus equis Oriens adflauit anhelis,

AMPR

- 226 auenis **Pω**, *ps. Probus, schol. Bern.*: aristis **AMRanoη**, *Non. 301, 20 et 416, 26* 229 aut **γ** mittet **PRωγ**, *ps. Probus, Seru. (cod. R)*: mittit **AM**: mittat **c** 236 caerulea **κε**, *Hyg. grom. 149, 14 (185, 18), ps. Probus, Seru. (cod. R)* 237 *om.* **γ** (*add. γ¹*) 242 semper] caeli *DSeru. ad georg. 1, 209 at]* ad **PRb** 244 sinuose labitur **Rγ** (*corr. γ¹*) 245 arctus **fy** 246 aequora **fhix** 248 densentur **PRωγ**: densantur **AMc**, *ps. Probus ad u. 239* 249 reddit a nobis **M** (*corr. M**): reddit nobis *ps. Probus ad u. 239* 250 anhelans *ps. Probus ad u. 239*

- illic sera rubens accendit lumina Vesper.
 hinc tempestates dubio praediscere caelo
 possumus, hinc messisque diem tempusque serendi,
 et quando infidum remis impellere marmor
 255 conueniat, quando armatas deducere classis
 aut tempestiuam siluis euertere pinum:
 nec frustra signorum obitus specularum et ortus
 temporibusque parem diuersis quattuor annum.
 Frigidus agricolam si quando continet imber,
 260 multa, forent quae mox caelo properanda sereno,
 maturare datur: durum procudit arator
 uomeris obtunsi dentem, cauat arbore lintres,
 aut pecori signum aut numeros impressit acervis.
 exacuunt alii uallos furcasque bicornis
 265 atque Amerina parant lentae retinacula uiti.
 nunc facilis rubea texatur fiscina uirga,
 nunc torrete igni fruges, nunc frangite saxo.
 quippe etiam festis quaedam exercere diebus
 fas et iura sinunt: riuos deducere nulla
 270 religio uetuit, segeti praetendere saepem,
 insidias auibus moliri, incendere uepres
 balantumque gregem fluuio mersare salubri.
 saepe oleo tardi costas agitator aselli
 uilibus aut onerat pomis, lapidemque reuertens

AMPR

251 illis *Sen. ep. 122, 2* (cf. *Lucr. 1, 1065* ‘illi cum uideant solem, nos sidera noctis...’) 252 praedicere **ARb** 254 conuellere *Seru. ad georg. 1, 3*
 256 aut] et *Macrob. 6, 4, 16* 257–258 ante 252 transtulit Ribbeck; at duo hi
 uersus, qui uidentur in unum colligere praecepta quae superioribus in uersibus
 iam distincta occurrerant, non pro praefatione funguntur sed potius pro
 conclusionem huius partis. Nam sensus est: ‘si ex caeli contemplatione facile
 discitur qua tempestate singula hominum negotia sint opportune agenda
 (252–256), consequenter obitus ortusque signorum speculari nobis admodum
 proderit (257–258)’ 259 agricolas *Macrob. 6, 8, 11* 260 mox] post **M**
 263 impressat **A** 266 facili **P** rubea agnoscit *DSeru.*: Rubea ab oppidi
 Ruborum nomine ps. *Acro ad Hor. sat. 1, 5, 94, Seru., schol. Bern. (utrumque*
agnoscit Exp.) 267 saxis **Rg**: saxa **b** 269 diducere **Mdfgir**

- 275 incusum aut atrae massam picis urbe reportat.
 Ipsa dies alios alio dedit ordine luna
 felicitis operum. quintam fuge: pallidus Orcus
 Eumenidesque satae; tum partu Terra nefando
 Coeumque Iapetumque creat saeuumque Typhoea
 280 et coniuratos caelum rescindere fratres.
 ter sunt conati imponere Pelio Ossam
 scilicet, atque Ossae frondosum inuoluere Olympum;
 ter pater exstructos disiecit fulmine montis.
 septima post decimam felix et ponere uitem
 285 et prensos domitare boues et licia telae
 addere. nona fugae melior, contraria furtis.
 Multa adeo gelida melius se nocte dedere
 aut cum sole nouo terras inrorat Eous.
 nocte leues melius stipulae, nocte arida prata
 290 tondentur, noctes lentus non deficit umor.
 et quidam seros hiberni ad luminis ignes
 peruigilat ferroque faces inspicat acuto;
 interea longum cantu solata laborem
 arguto coniunx percurrit pectine telas

AMPR 280 *desinit A*

275 incusum **bchkszΛγ**, *Exp.*: incussum **AMPRω**, *Colum.* 7, 1, 3, *schol. Bern.* (*uariant codd. Seru.*) 277 orcus **AMRωγ**, *Cornutus ap. DSeru.*, *Seru. hic et ad u.* 331: orchus *Probus ap. DSeru.* (*an ibi potius horcus legendum est?*): horcus **Pi**, *Celsus ap. DSeru.*, *DSeru. ad Aen.* 3, 357 (*hortus cod. F*), «*quidam*» *ap. schol. Bern.* (*cf. Hes. Op.* 803 *sq.*). *Cf. M. L. Delvigo, Testo virgiliano e trad. indir.*, Pisa 1987, 19–26 et *S. Timpanaro, Virgilianisti antichi e tradiz. indir.*, Firenze 2001, 47 *sq.* 278–279 eumenidesque iapetum (*ut uid.*) creat saeuumque thyphoea **M** (*corr. M^{AM2}, qui priora uerba uersus 279 a M^A addita deleuit coeumque lapytumque denuo scribens*) 281 «Pelio Ossam: o longa est, sed fit breuis sequente o uocali» *Seru.*; *hiatus et homerica correptio etiam in georg.* 1, 332 ('*Atho aut*') et 437 ('*Panopeae et*'); 4, 461 ('*Rhodopeiae arces*'); *Aen.* 3, 211 ('*Ionio in*'); 5, 261 ('*Ilio alto*): pelion **br** 282 inuertere **P** (*corr. P²*) 283 deiecit **R**: desiecit **γ** (*corr. γ¹*): discedit **η** [*fulmine*] *flumine fg* 284 uites **Raertvnn** 287 melius gelida **Φ** (*praeter bjs*) 288 *aut]* uel **R** 289 stipulae melius *Sac.* 463, 24, *Rufin.* 49, 38 290 noctes **M^A** (*nocte M*) **PRr**, *Arus.* 466, 17: noctis **P^xωγ**, *Non.* 338, 20, *Seru. ad Aen.* 4, 7; «*noctis accusatiuus pluralis*» *Seru. (cod. R)* 291 ignes] ictus **M** (*corr. M^A*) 292 peruigilant **Prs?** (*corr. P^x*)

- 295 aut dulcis musti Volcano decoquit umorem
 et foliis undam trepidi despumat aëni.
 at rubicunda Ceres medio succiditur aestu
 et medio tostas aestu terit area fruges.
 nudus ara, sere nudus. hiems ignaua colono:
 300 frigoribus parto agricolae plerumque fruuntur
 mutuaque inter se laeti conuiuia curant;
 inuitat genialis hiems curasque resoluit,
 ceu pressae cum iam portum tetigere carinae,
 puppibus et laeti nautae imposuere coronas.
 305 sed tamen et quernas glandes tum stringere tempus
 et lauri bacas oleamque cruentaue myrta,
 tum gruibus pedicas et retia ponere ceruis
 auritosque sequi lepores, tum figere dammas
 stuppea torquentem Balearis uerbera fundae,
 310 cum nix alta iacet, glaciem cum flumina trudent.

- Quid tempestates autumni et sidera dicam,
 atque, ubi iam breuiorque dies et mollior aestas,
 quae uigilanda uiris? uel cum ruit imbriferum uer,
 spicea iam campis cum messis inhorruit et cum
 315 frumenta in uiridi stipula lactentia turgent?
 saepe ego, cum flauis messorum induceret aruis
 agricola et fragili iam stringeret hordea culmo,
 omnia uentorum concurrere proelia uidi,
 quae grauidam late segetem ab radicibus imis

MPR

295 umorem] «*hypermetrus uersus; unde et sequens a uocali inchoat*» Seru.; «*hic uersus longior est una syllaba, sed sine uitio, quoniam sequens a uocali incipit*» DSeru.; cf. app. ad georg. 2, 69 296 et] aut Gell. 2, 3, 6 trepidi P²ωγ, Gell., Seru. (cod. R), Exp., schol. Bern.: trepidis MR: tepidi P^{on} 300 feruntur M (fruntur M^x, corr. M^p) 305 tunc acdefghklvyz, Non. 403, 6, Seru. ad buc. 9, 61 308 fugere γ (corr. γ¹) 309 torquentes R: torpentem gi 310 glacies νοδη 311 sidera] frigora dz, schol. Bern. u. l. (cf. georg. 2, 321 et 3, 279) 315 lactentia M^APbg syzoenγ, schol. Bern.: latentia M: iacentia R: lactantia ωγ¹, Seru., Exp. 316 duceret M (corr. M^A) 318 consurgere R

- 320 sublimem expulsam eruerent: ita turbine nigro
ferret hiems culmumque leuem stipulasque uolantes.
saepe etiam immensum caelo uenit agmen aquarum,
et foedam glomerant tempestatem imbribus atris
collectae ex alto nubes: ruit arduus aether
325 et pluuiā ingenti sata laeta boumque labores
diluit; implentur fossae et caua flumina crescunt
cum sonitu feruetque fretis spirantibus aequor.
ipse pater media nimborum in nocte corusca
fulmina molitur dextra, quo maxima motu
330 terra tremit; fugere ferae et mortalia corda
per gentes humilis strauit pauor; ille flagranti
aut Atho aut Rhodopen aut alta Ceraunia telo
deicit; ingeminant Austri et densissimus imber;
nunc nemora ingenti uento, nunc litora plangunt.
335 hoc metuens caeli menses et sidera serua,
frigida Saturni sese quo stella receptet,
quos ignis caelo Cyllenius erret in orbis.
in primis uenerare deos atque annua magnae
sacra refer Cereri laetis operatus in herbis
340 extremae sub casum hiemis, iam uere sereno.

MPR 322 desinit P

320–321 *cum hic locus nonnullos uexauerit, uarie est temptatus* (ut pro ita Heyne et Madvig, uerit pro ferret Meiser, «J.k.Ph. 105, 1872, 119» et Slater, «CR» 23, 1910, 249, uersat Heyne); at, *quamuis elocutio insolita uideatur, nulla tamen corruptela laesa est. Hic est sensus: 'uerno tempore uenti possunt grauidam segetem de solo uehementes eradicare; haud aliter (ita) turbo uentorum (hiems) stipulas inanes leuesque rapere posset (ferret)'. Coniunctiuus imperfectus potentialis ferret bene monstrat per fictum exemplum factam esse hanc comparisonem* 320 sublime **bcdēilzΛγ** (corr. γ¹) eruerint **vy**¹ 321 uolantes] nigrantis **P** (corr. **P**²) 327 spumantibus **R** 329 fulmina] flumina **dfrz** 331 humili **R** flagrantis **R** 332 Atho *Pierius et Heinsius, ut Theocr. 7, 77 ἢ Ἀθω ἢ Ῥοδόπρον* (cf. etiam *Aen.* 12, 701): Athon *codd., Seru., Exp., schol. Bern.* (ut *Val. Fl.* 1, 664); de singulari re metrica uide *app. ad u.* 281 334 plangunt **M^Aωγ**, *Asper p.* 540, 6, «alii» *ap. Seru., Seru. ad Aen.* 3, 420, *Exp., schol. Bern.*: plangit **MRbky**, *Seru.*: plangent **a**: clangunt *recc.* 337 caelo **M**, *ps. Probus*: caeli **Rωγ**, *Sen. ep.* 88, 14, *Arus.* 484, 9, *Seru. hic et ad Aen.* 4, 239 339 laetus **dfy** (corr. γ¹) 340 casu **Radefgklsvxyzeγ**¹, *schol. Bern.*

- tum pingues agni et tum mollissima uina,
 tum somni dulces densaeque in montibus umbrae.
 cuncta tibi Cererem pubes agrestis adoret:
 cui tu lacte fauos et miti dilue Baccho,
 345 terque nouas circum felix eat hostia fruges,
 omnis quam chorus et socii comitentur ouantes
 et Cererem clamore uocent in tecta; neque ante
 falcem maturis quisquam supponat aristis,
 quam Cereri torta redimitus tempora quercu
 350 det motus inkompositos et carmina dicat.
- Atque haec ut certis possemus discere signis,
 aestusque pluuiasque et agentis frigora uentos,
 ipse pater statuit quid menstrua luna moneret,
 quo signo caderent Austri, quid saepe uidentes
 355 agricolae propius stabulis armenta tenerent.
 continuo uentis surgentibus aut freta ponti
 incipiunt agitata tumescere et aridus altis
 montibus audiri fragor, aut resonantia longe
 litora misceri et nemorum increbrescere murmur.
 360 iam sibi tum a curuis male temperat unda carinis,
 cum medio celeres reuolant ex aequore mergi
 clamoremque ferunt ad litora, cumque marinae
 in sicco ludunt fulicae, notasque paludes
 deserit atque altam supra uolat ardea nubem.
 365 saepe etiam stellas uento impendente uidebis
 praecipites caelo labi, noctisque per umbram

MR

341 tum¹ MRbdfgrxΛ, ps. Acro ad Hor. *carm.* 1, 4, 11: tunc Φγ, Porph. ad Hor. *carm.* 1, 4, 11, Seru. (cod. R) agni pingues Φ (praeter bjry) tum²] tunc jζγ, Porph. 346 comitantur xy (corr. γ¹) 351 possemus MRbgjr: possimus M^pωγ discere Mωγ: dicere R: noscere M^Ajron 354 quid] quod acdΛγ¹ 355 proprius adty: propriis iy¹ 357 arduus R (cf. Aen. 7, 624) 358 aut] et Non. 427, 20 360 sibi tum] subitum Stanford («Hermathena» 47, 1932, 164–166), cum murmur (359) iungens a curuis RΦ, Arus. 512, 16, Prisc. 18, 144: curuis MdghijrsΛγ, Don. ad Ter. Phorm. 271, Seru. 366 umbram MRbjryζγ: umbras ω, Isid. nat. rer. 25

- flammarum longos a tergo albescere tractus,
 saepe leuem paleam et frondes uolitare caducas
 aut summa nantis in aqua concludere plumas.
 370 at Boreae de parte trucidis cum fulminat et cum
 Eurique Zephyrique tonat domus, omnia plenis
 rura natant fossis atque omnis nauita ponto
 umida uela legit. numquam imprudentibus imber
 obfuit: aut illum surgentem uallibus imis
 375 aëriae fugere grues, aut bucula caelum
 suspiciens patulis captauit naribus auras,
 aut arguta lacus circumuolitaui hirundo
 et ueterem in limo ranae cecinere querelam.
 saepius et tectis penetralibus extulit oua
 380 angustum formica terens iter, et bibit ingens
 arcus, et e pastu decedens agmine magno
 coruorum increpuit densis exercitus alis.
 iam uariae pelagi uolucres et quae Asia circum
 dulcibus in stagnis rimantur prata Caystri
 385 certatim largos umeris infundere rores:
 nunc caput obiectare fretis, nunc currere in undas
 et studio incassum uideas gestire lauandi;
 tum cornix plena pluuiam uocat improba uoce
 et sola in sicca secum spatiatur harena.
 390 ne nocturna quidem carpentes pensa puellae

MR

367 longos a tergo flammarum *Sen. nat. quaest.* 7, 20, 1 albescere] inuoluere
Macrob. 6, 1, 26 373 prudentibus *Mh* (corr. *MA*) 383 uariae *MRahly*,
 agnoscit *Seru.*: uarias *ωγ*¹, «uera lectio» iudice *Seru.* A plerisque dissentio qui
 uolunt uariae uolucres nominatiuum pendente esse quocum uerba sequentia
 per anacoluthon coniungantur. Si post rores (385) satis fortiter distinguitur,
 haec sententia habet pro uerbo infinitum descriptiuum infundere et pro
 subiecto uariae uolucres. Postquam cupidus lauandi aues poeta indistincte
 descripsit, eas per aquam uarie lusitantes oculis subicit (nunc ... nunc ...
 uideas) et qu(a)e *ωγ*, *Seru. hic et ad Aen.* 7, 701: atque *Madfghrvnn* (adque
R), *ps. Probus, Exp.* 386 undas *Mω*: undam *MA^AR¹by* (indam *R*)
 388 tunc *hv*, *Non.* 220, 32, *Isid.* 12, 7, 44: cum *Seru. ad u.* 362 389 post
 hunc u. et (aut *γ*¹) caput obiectat querulum uenientibus undis *add. MP* ima
 pag., *γ*¹ in marg. 390 ne] nec *bcehjkxyzΛ* (praeter n)

nesciuere hiemem, testa cum ardente uiderent
scintillare oleum et putris concreescere fungos.

- Nec minus ex imbri soles et aperta serena
prospicere et certis poteris cognoscere signis:
395 nam neque tum stellis acies obtunsa uidetur,
nec fratris radiis obnoxia surgere Luna,
tenuia nec lanae per caelum uellera ferri;
non tepidum ad solem pinnae in litore pandunt
dilectae Thetidi alcyones, non ore solutos
400 immundi meminere sues iactare maniplos.
at nebulae magis ima petunt campoque recumbunt,
solis et occasum seruans de culmine summo
nequiquam seros exercet noctua cantus.
apparet liquido sublimis in aëre Nisus,
405 et pro purpureo poenas dat Scylla capillo:
quacumque illa leuem fugiens secat aethera pinnis,
ecce inimicus atrox magno stridore per auras
insequitur Nisus; qua se fert Nisus ad auras,
illa leuem fugiens raptim secat aethera pinnis.
410 tum liquidas corui presso ter gutture uoces
aut quater ingeminant et saepe cubilibus altis
nescio qua praeter solitum dulcedine laeti
inter se in foliis strepitant: iuuat imbribus actis
progeniem paruam dulcisque reuisere nidos.
415 haud equidem credo, quia sit diuinitus illis
ingenium aut rerum fato prudentia maior;
uerum ubi tempestas et caeli mobilis umor
mutauere uias et Iuppiter uuidus Austris
denset erant quae rara modo, et quae densa relaxat,
420 uertuntur species animorum, et pectora motus

MR

395 tunc Gell. 6, 17, 8, Seru. ad Aen. 3, 517 398 litora Maehv 399 ore
soluta «alii» ap. Seru., agnoscunt schol. Bern. 404 aethere R 413 in om.
abdefghilsznoδη 418 uias] uices a²γ (corr. γ¹), idem coniecit Markland ad
Stat. silu. 5, 2, 152, cl. Hor. carm. 4, 7, 3 'mutat terra uices' uuidus M, ps.
Acro ad Hor. epod. 2, 29: (h)umidus Rωγ, Seru., Prisc. 8, 95 419 densat
Mᵖdfle, Seru. ad u. 393 420 pectora MRbjkrnoδγ: pectore ω

nunc alios, alios dum nubila uentus agebat,
concipiunt: hinc ille auium concentus in agris
et laetae pecudes et ouantes gutture corui.

Si uero solem ad rapidum lunasque sequentis
425 ordine respicies, numquam te crastina fallat
hora neque insidiis noctis capiere serenae.
luna reuertentis cum primum colligit ignis,
si nigrum obscuro comprehenderit aëra cornu,
maximus agricolis pelagoque parabitur imber;
430 at si uirgineum suffuderit ore ruborem,
uentus erit: uento semper rubet aurea Phoebe.
sin ortu quarto (namque is certissimus auctor)
pura neque obtusis per caelum cornibus ibit,
totus et ille dies et qui nascentur ab illo
435 exactum ad mensem pluuiæ uentisque carebunt,
uotaque seruati soluent in litore nautæ
Glaucæ et Panopææ et Inoæ Melicertæ.

Sol quoque et exoriens et cum se condet in undas
signa dabit: solem certissima signa sequentur,
440 et quæ mane refert et quæ surgentibus astris.
ille ubi nascentem maculis uariauerit ortum
conditus in nubem medioque refugerit orbe,
suspecti tibi sint imbres: namque urget ab alto
arboribusque satisque Notus pecorique sinister.
445 aut ubi sub lucem densa inter nubila sese
diuersi rumpent radii, aut ubi pallida surget
Tithoni croceum linquens Aurora cubile,
heu, male tum mitis defendet pampinus uuas:

MR

421 tunc γ¹ 422 hic Mi (corr. M^A) agris] agros t: aruis ζ 425 respicias
gz 426 nec M (corr. M^x), Sen. ep. 88, 16 430 aut Mh?v (corr. M^x): ad Rr
432 namque] neque M (corr. M^A) 434 nascetur Rn: nascuntur γεζ
436 ad litora R 437 Glaucæque Wagner, sed uide app. ad uu. 281 et 332
438 et¹ om. Mrvy condit fg: condit rsγ (corr. γ¹), Arus. 485, 10
439 sequuntur RΛ (praeter ζ) γ (fort. ex corr.) 440 austris M (corr. M^x)
446 erumpent aev: rumpunt Rr, Seru. ad Aen. 1, 662 surgit Rbdfgilrsζεζγ¹:
surgat t 448 defendit cdfroy¹

- tam multa in tectis crepitans salit horrida grando.
 450 hoc etiam, emenso cum iam decedit Olympo,
 profuerit meminisse magis; nam saepe uidemus
 ipsius in uultu uarios errare colores:
 caeruleus pluuiam denuntiat, igneus Euros;
 sin maculae incipiunt rutilo immiscerier igni,
 455 omnia tum pariter uento nimbisque uidebis
 feruere: non illa quisquam me nocte per altum
 ire neque a terra moueat conuellere funem.
 at si, cum referetque diem condetque relatum,
 lucidus orbis erit, frustra terreberet nimbis
 460 et claro siluas cernes Aquilone moueri.
 denique, quid Vesper serus uehat, unde serenas
 uentus agat nubes, quid cogitet umidus Auster,
 sol tibi signa dabit. solem quis dicere falsum
 audeat? ille etiam caecos instare tumultus
 465 saepe monet fraudemque et operta tumescere bella.
 ille etiam exstincto miseratus Caesare Romam,
 cum caput obscura nitidum ferrugine texit
 impiaque aeternam timuerunt saecula noctem.
 tempore quamquam illo tellus quoque et aequora ponti

MR

449 tum **dfghry**: quam *Ter. Maur. 1240, Non. 208, 7* 450 decedit **MR**:
 decedet **ω** (deceat **cγ**) 454 si **R** incipiunt **MRiry**: incipient **M^Aω**: incipiant
ε miscerier **s**, *Exp.* 455 tunc *Non. 464, 10* 457 moueat **M**: moneat
M^ARωγ, *Probus 240, 3, Prisc. 15, 3*. Moueat *idem ualet quam 'adigere uel
 inducere possit'*. Verba similia similiterque cum infinito modo coniuncta
 inuenies e.g. in *Aen. 1, 9–11* 'uirum ... adire ... impulerit'; 4, 575 sq. 'festinare
 fugam tortosque incidere funis ... instimulat'; 5, 485 sq. 'certare ... inuitat'; 6,
 695 sq. 'me ... limina tendere adegit'; 7, 124 sq. 'te ... coget ... consumere'; cf.
*georg. 2, 315 sq. 'nec tibi ... quisquam persuadeat auctor / tellurem ...
 mouere'* 460 cernes siluas **bjr** 461 uehat **ω** (ueat **gxnoγ**), *Rufin. 53, 5,
 Seru., Exp., schol. Bern.:* ferat **M** (uerat **M^A**, nescio an r expuncta) **R**; cf. *Gell.
 13, 11, 1* «lepidissimus liber est M. Varronis ex satiris Menippeis qui inscribitur
 'nescis quid uesper serus uehat'» serenans **b**: serenans *Reiske, at pressa est
 sententia quam explanandam esse puto 'nubes depellit ita ut caelum serenum
 reddatur'*

- 470 obscenaeque canes importunaeque uolucres
signa dabant. quotiens Cyclopum efferuere in agros
uidimus undantem ruptis fornacibus Aetnam
flammarumque globos liquefactaque uoluere saxa!
armorum sonitum toto Germania caelo
475 audiit: insolitis tremuerunt motibus Alpes.
uox quoque per lucos uulgo exaudita silentis
ingens, et simulacra modis pallentia miris
uisa sub obscurum noctis, pecudesque locutae
(infandum!); sistunt amnes terraeque dehiscunt,
480 et maestum inlacrimat templis ebur aeraque sudant.
proluit insano contorquens uertice siluas
fluuiorum rex Eridanus camposque per omnis
cum stabulis armenta tulit. nec tempore eodem
tristibus aut extis fibrae apparere minaces
485 aut puteis manare cruor cessauit, et altae
per noctem resonare lupis ululantibus urbes.
non alias caelo ceciderunt plura sereno
fulgura nec diri totiens arsere cometae.
ergo inter sese paribus concurrere telis
490 Romanas acies iterum uidere Philippi;
nec fuit indignum superis bis sanguine nostro
Emathiam et latos Haemi pinguescere campos.
scilicet et tempus ueniet, cum finibus illis
agricola incuruo terram molitus aratro
495 exesa inueniet scabra robigine pila
aut grauibas rastris galeas pulsabit inanis
grandiaque effossis mirabitur ossa sepulcris.
Di patrii Indigetes et Romule Vestaque mater,
quae Tuscum Tiberim et Romana Palatia seruas,

MR

470 obscaenaeque **M** (cf. *Aen.* 6, 257; 7, 493 sq.): o(b)scenique **Rωγ**, *Isid.* 1, 37, 12, *Exp.*, *schol. Bern.* 474 sonitus **cζ** 475 motibus **M^xRωγ**, *Seru.*: montibus **MR¹bdreζ**, *Isid. nat. rer.* 46 480 lacrimat **οη** 483 tulit] trahit **bjr** 487 sereno] sinistro **γ¹**, *agnoscunt schol. Bern.* 491 superi (uoc.) **j**, *Markland ad Stat. silu.* 3, 5, 68, *cl. Lucan.* 7, 58 'hoc placet, o superi, cum...?'; cf. *Seru. ad loc.* «quasi exclamatio est ad deos»

- 500 hunc saltem euerso iuuenem succurrere saeclo
 ne prohibete! satis iam pridem sanguine nostro
 Laomedontae luimus periuria Troiae;
 iam pridem nobis caeli te regia, Caesar,
 inuidet atque hominum queritur curare triumphos,
 505 quippe ubi fas uersum atque nefas: tot bella per orbem,
 tam multae scelerum facies, non ullus aratro
 dignus honos, squalent abductis arua colonis,
 et curuae rigidum falces conflantur in ensem.
 hinc mouet Euphrates, illinc Germania bellum;
 510 uicinae ruptis inter se legibus urbes
 arma ferunt; saeuit toto Mars impius orbe:
 ut cum carceribus sese effudere quadrigae,
 addunt in spatia, et frustra retinacula tendens
 fertur equis auriga neque audit currus habenas.

MR 514 *desinit R*

503 caeli nobis **R**² (*ex caeunobis*) s 505 urbem **on** 507 dignus] cessit
DSeru. ad Aen. 6, 103 508 formantur *Non. 380, 33, DSeru. ad Aen. 12, 304*
 509 illic **ix** 511 improbus *Seru. ad buc. 4, 13* 513 in spatia **M**^p**ωγ**¹, *Seru.*:
 spatia **Rf**, *Exp.*: spatio **My**: se in spatia **cejkv**: se in spatio **irs**: in spatio **ε**,
DSeru., schol. Bern.; in spatia et in spatio *codd. Quint. 8, 3, 78*. Addunt in
 spatia intransitiue usurpatur, ita ut sensus sit 'magis magisque accelerantur
 crescentibus spatiis' (nescio an quid sermonis circensis subsit huic locutioni).
Verbum intransitiuum actiuum pro passiuo uel reflexiuo multifariam in Vergili
libris inuenies: cf. e.g. *Aen. 2, 235* 'accingunt omnes operi'; *6, 800* 'turbant
 trepida ostia Nili'; *7, 27* 'uenti posuere' (cf. *10, 103*); *10, 240* 'ne castris
 iungant'; *11, 382* 'inundant sanguine fossae'; *11, 830* 'arma relinquunt'

LIBER II

- Hactenus aruorum cultus et sidera caeli;
nunc te, Bacche, canam, nec non siluestria tecum
uirgulta et prolem tarde crescentis oliuae.
huc, pater o Lenaee (tuis hic omnia plena
5 muneribus, tibi pampineo grauidus autumno
florete ager, spumat plenis uindemia labris),
huc, pater o Lenaee, ueni nudataque musto
tinge nouo mecum dereptis crura coturnis.
Principio arboribus uaria est natura creandis.
10 namque aliae nullis hominum cogentibus ipsae
sponte sua ueniunt camposque et flumina late
curua tenent, ut molle siler lentaeque genistae,
populus et glauca canentia fronde salicta;
pars autem posito surgunt de semine, ut altae
15 castaneae nemorumque Ioui quae maxima frondet
aesculus atque habitae Graeis oracula quercus.
pullulat ab radice aliis densissima silua,
ut cerasis ulmisque; etiam Parnasia laurus
parua sub ingenti matris se subicit umbra.
20 hos natura modos primum dedit, his genus omne
siluarum fruticumque uiret nemorumque sacrorum.
Sunt alii, quos ipse uia sibi repperit usus:
hic plantas tenero abscindens de corpore matrum
deposuit sulcis, hic stirpes obruit aruo
25 quadrifidasque sudes et acuto robore uallos.

M

8 dereptis **adfgiz**, *schol. Bern.* (cf. *Aen.* 1, 211 et 4, 593): direptis **Mωγ**, *DSeru. ad Aen.* 12, 358 16 habita **g**, *schol. Bern.* 19 subigit **M** 22 alii quos **M²ωγ**, *schol. Bern.*: alie quos **M**: alie quas **M¹**; aliae quas ... uias *Scaliger in proleg. ad Manil., Ribbeck*; uia i.e. per uiam, progrediente arte ac ratione 23 abscindens **cfhjnnoδζγ** 24 hinc **M** (*corr. M^x*)

- siluarumque aliae pressos propaginis arcus
 exspectant et uiua sua plantaria terra;
 nil radice egent aliae, summumque putator
 haud dubitat terrae referens mandare cacumen.
 30 quin et caudicibus sectis (mirabile dictu)
 truditur e sicco radix oleagina ligno;
 et saepe alterius ramos impune uidemus
 uertere in alterius mutatamque insita mala
 ferre pirum et prunis lapidosa rubescere corna.
 35 Quare agite o proprios generatim discite cultus,
 agricolae, fructusque feros mollite colendo,
 neu segnes iaceant terrae. iuuat Ismara Baccho
 conserere atque olea magnum uestire Taburnum.
 tuque ades inceptumque una decurre laborem,
 40 o decus, o famae merito pars maxima nostrae,
 Maecenas, pelagoque uolans da uela patenti.
 non ego cuncta meis amplecti uersibus opto,
 non, mihi si linguae centum sint oraue centum,
 ferrea uox. ades et primi lege litoris oram;
 45 in manibus terrae: non hic te carmine ficto
 atque per ambages et longa exorsa tenebo.
 Sponte sua quae se tollunt in luminis oras,
 infecunda quidem, sed laeta et fortia surgunt;
 quippe solo natura subest. tamen haec quoque, si quis
 50 inserat aut scrobibus mandet mutata subactis,
 exuerint siluestrem animum, cultuque frequenti

M

26 pressos] flexos *Seru. ad Aen. 4, 231* (sed pressos hic); cf. *Aen. 5, 500*
 33 mutataque **adijksxy**: naturam atque *Heinsius* 35–38 post u. 108 transp. *Ribbeck* 35 o om. **Mch** (add. **M**¹) 36 fructusque] cultusque **M** (corr. **M**²),
Macrob. 6, 6, 17 mollire *Macrob.* 39–46 post u. 8 transp. *Ribbeck*,
Hanow secutus; uu. 42–46 secundis curis additos censuit *Sabbadini* 41 post
 u. 42 transp. *Peerlkamp*, qui dare pro da coniecit, probante *Ribbeck* uolans]
 uolens recc. petenti **γ** 44 oras *Non. 332, 2* 45 ficto] longo *Sen. ben. 7,*
1, 1 47 oras **My**, *Exp.* (cf. *Aen. 7, 660*; *Enn. ann. 114 et 131 Vahl.*² [= 109 et
 135 *Sk.*]; *Lucr. 1, 22 al.*): auras **M**²**ωγ**¹, *Seru.* 50 aut] et **bζ**: at z: om. r

- in quascumque uoces artis haud tarda sequentur.
 nec non et sterilis quae stirpibus exit ab imis
 hoc faciat, uacuos si sit digesta per agros;
 55 nunc altae frondes et rami matris opacant
 crescentique adimunt fetus uruntque ferentem.
 iam quae seminibus iactis se sustulit arbos,
 tarda uenit seris factura nepotibus umbram,
 pomaque degenerant sucos oblita priores,
 60 et turpis auibus praedam fert uua racemos.
 scilicet omnibus est labor impendendus, et omnes
 cogendae in sulcum ac multa mercede domandae.
 sed truncis oleae melius, propagine uites
 respondent, solido Paphiae de robore myrtus;
 65 plantis edurae coryli nascuntur et ingens
 fraxinus Herculeaeque arbos umbrosa coronae
 Chaoniiue patris glandes; etiam ardua palma
 nascitur et casus abies uisura marinos.

M

52 uoces $\omega\gamma$, *Seru.*, *Exp.*: uoles $M\gamma^1$; uoces coniunctiuus est indefinitae personae, qui melius quam uoles uidetur complementum in quascumque ... artis recipere; praeterea uoces et sequentur inter se bene congruunt (cf. *Aen.* 12, 677 'quo ... uocat Fortuna sequamur', necnon 9, 21 sq. 'sequor omina tanta, / quisquis in arma uocas') 53–260 cum hi uersus omissi essent in γ , uu. 53–234 additi sunt in folium insertum (quod olim deperditum, nunc in bibliotheca Vniuersitatis Goettingensis seruatur), cuius lectiones siglo γ^* laudauit; uu. 53–211 post u. 293 denuo add. ex alio fonte manus recentior (= γ^2) 54 faciat $Mabdrse\gamma^*$: faciet $M^x\omega\gamma^2$, *Seru.*, *Exp.* 56 crescentisque $bf?ks\gamma^*$ 57 iam quae $M^p\omega$ (iamque $Masyzy^*$), *Seru.* ad *Aen.* 2, 615, *DSeru.*: nam quae γ^2 , *schol. Bern.* 65 edurae d , «alii» ap. *Seru.* et *schol. Bern.* (cf. *georg.* 4, 145): et durae $M\omega\gamma^*\gamma^2$, *Seru.*, *Exp.*, *schol. Bern.* coryli dist. *Phillimore* («CR» 27, 1913, 21 sqq.), plantis – coryli cum superioribus coniungens; attamen si ita distinguis, nascuntur (absolute dictum) idem ualet ac 'nullis hominum cogentibus ipsae / sponte sua ueniunt' (uu. 10 sq.), quod contra ipsa Vergili praecepta repugnat: nam, cum uu. 61 sqq. omnino ad arbores artificiose creatas spectent, nulla arbor hic memorari potest quae sponte sua nascatur nascentur dt 67 chaonieque M (cf. *georg.* 1, 8)

- inseritur uero et fetu nucis arbutus horrida,
 70 et steriles platani malos gessere ualentis;
 castaneae fagus ornusque incanuit albo
 flore piri, glandemque sues fregere sub ulmis.
 nec modus inserere atque oculos imponere simplex.
 nam qua se medio trudunt de cortice gemmae
 75 et tenuis rumpunt tunicas, angustus in ipso
 fit nodo sinus; huc aliena ex arbore germen
 includunt udoque docent inolescere libro.
 aut rursum enodes trunci resecantur, et alte
 finditur in solidum cuneis uia, deinde feraces
 80 plantae immittuntur: nec longum tempus, et ingens
 exiit ad caelum ramis felicibus arbos

M

69 et nucis arbutus horrida fetu **M^pγ^{*1}**, quod nonnulli edd. immerito probauerunt; nam ordo uerborum est ad arbitrium mutatus ut uersus hypermetrus uitaretur; cf. georg. 1, 295 ('umorem') et 3, 449 ('sulpura'); cf. etiam 2, 344 et 443; 3, 242 et 377, ubi '-que' metrum excedit. Vide J. Soubiran, *L'élosion dans la poésie latine*, Paris 1966, 466 sqq., et «REL» 58, 1980, 126 sqq. et **Mω**, DSeru. ad georg. 1, 75: ex **dstzγ^{*}γ²**, Probus 228, 9, Victorinus 222, 17 horrida] horrens **r**, «male quidam» ap. Seru. et schol. Bern., «sic in Cornelianis» Exp. (propter metrum) 70 malis **b**, fortasse «alii» ap. DSeru. («alii legunt et steriles platani malis [malos cod. V], ut subintellegas 'inseruntur' ['inserit' cod. V]»: ita textum corruptum restituit Thilo) 71 fagus **df²**, Prisc. 8, 85 (nominatiuus singularis): fagos cett. codd., Seru., schol. Bern., ut nominatiuus sit Graecus «alii» ap. Seru., Exp.: castaneas fagus Scaliger in proleg. ad Manil. (haec uero cum superioribus coniungens, ita ut sit platani malos gessere ualentis, / castaneas fagus). At castaneae genetiuus est qui genetiuo piri respondet (sc. flore); haud secus quam ornus, fagus nominatiuus singularis est, cuius ultima syllaba finalitatis ratione producitur in arsi (cf. e.g. georg. 2, 5 'grauidus'; 3, 189 'inualidus'; 4, 453 'nullius'); quod qui non intellexit quodammodo uoluit metri enormitatem remouere. De hac metrica licentia, permultis exemplis Vergilianis collectis, dilucide docuit R. G. Kent, *Mélanges Marouzeau*, Paris 1948, 301 sqq. 74 media **οδη** 76 huc] hic **ghj** 78 innodes **noδ**, DSeru. alta ad 81 exit **γ^{*}**, Non. 339, 22 (idem coniecit Lachmann ad Lucr. 3, 1042): exilit Non. 302, 5

- miratastque nouas frondes et non sua poma.
 Praeterea genus haud unum nec fortibus ulmis
 nec salici lotoque neque Idaeis cyparissis,
 85 nec pingues unam in faciem nascuntur oliuae,
 orchades et radii et amara pausia baca,
 pomaque et Alcinoi siluae, nec surculus idem
 Crustumiis Syriisque piris grauibusque uolemis.
 non eadem arboribus pendet uindemia nostris
 90 quam Methymnaeo carpit de palmite Lesbos;
 sunt Thasiae uites, sunt et Mareotides albae,
 pinguibus hae terris habiles, leuioribus illae,
 et passo psithia utilior tenuisque lageos
 temptatura pedes olim uincturaque linguam,
 95 purpureae preciaeque et, quo te carmine dicam,
 Rhaetica? nec cellis ideo contende Falernis.
 sunt et Aminneae uites, firmissima uina,
 Tmolius adsurgit quibus et rex ipse Phanaeus,
 argitisque minor, cui non certauerit ulla
 100 aut tantum fluere aut totidem durare per annos.
 non ego te, dis et mensis accepta secundis,
 transierim, Rhodia, et tumidis, bumaste, racemis.
 sed neque quam multae species nec nomina quae sint
 est numerus (neque enim numero comprehendere refert);

M 92 inchoat V

82 miratastque **M^x**, *Seru. ut uid.* («sane miratastque legendum est ut stet uersus», ubi tamen miratasque exhibent codd. *Seruiani*): mirataeque (*ut uid.*)
M: mirata estque **ad^y2**: mirataque **γ***, *Exp.*: miratasque **Φ**, *Exp. ad georg. 1, 54*: miraturque **M^peΛ**, *ps. Acro ad Hor. epod. 16, 46 (quid Seru. ad georg. 1, 103 non liquet)* 88 crustumis **Mbr** (*corr. M^x*) 93 lalageos **M** (*corr. M^x*):
 lageos **V** (*lageos schol. Ver.*) 95 preciaeque **V**, *Exp.* (*pretiae ps. Probus*):
 praeciaeque **M**, *Seru. (ut uid.)*, quod fortasse praeferendum est, si synizesis
 admittitur (*cf. georg. 1, 482 'fluuiorum'; 4, 243 'stelio'*) carmine] nomine *Sen.*
nat. quaest. 1, 11, 2 96 ideo] adeo *recc., Arus. 459, 7* 97–117 *om. γ**
 97 et] etiam **ceghijsvxynoδ** aminneae **Mtzoη**, *testatur Seru.*: amineae **ωγ²**,
Prisc. 17, 158, Exp., schol. Bern. (euan. in V) 98 tmolius **ω** (*ut molius f?z?*,
tmollius roη, *timolius vζ*), *ps. Probus, Seru., schol. Bern. (tmoleus Exp.)*:
 molius **Ma?**: t(h)molus **h?t?**: mollius **γ²** (*euan. in V*) adsurget *ps. Probus*
 99 cui] qui **br** 104 numero] numerum *Colum. 3, 2, 29*

- 105 quem qui scire uelit, Libyci uelit aequoris idem
discere quam multae Zephyro turbentur harenae
aut, ubi nauigiis uiolentior incidit Eurus,
nosse quot Ionii ueniant ad litora fluctus.

Nec uero terrae ferre omnes omnia possunt.

- 110 fluminibus salices crassisque paludibus alni
nascuntur, steriles saxosis montibus orni;
litora myrtetis laetissima; denique apertos
Bacchus amat colles, Aquilonem et frigora taxi.
aspice et extremis domitum cultoribus orbem
115 Eoasque domos Arabum pictosque Gelonos:
diuisae arboribus patriae. sola India nigrum
fert hebenum, solis est turea uirga Sabaeis.
quid tibi odorato referam sudantia ligno
balsamaque et bacas semper frondentis acanthi?
120 quid nemora Aethiopum molli canentia lana,
uelleraque ut foliis depectant tenuia Seres?
aut quos Oceano propior gerit India lucos,
extremi sinus orbis, ubi aëra uincere summum
arboris haud ullae iactu potuere sagittae?
125 et gens illa quidem sumptis non tarda pharetris.
Media fert tristis sucos tardumque saporem
felicis mali, quo non praesentius ullum,
pocula si quando saeuae infecere nouercae
[miscueruntque herbas et non innoxia uerba],
130 auxilium uenit ac membris agit atra uenena.

MV 117 desinit V

106 discere **ekvxɣɛn**: dicere **MVωγ²**, *Colum.*, *Amm. Marc.* 31, 4, 6 (cod. V),
ps. Acro ad Hor. carm. 1, 28, 1; cf. *georg.* 1, 351; *ud. etiam* 108 nosse tur-
bantur **dz**, *Char.* 103, 23: trudentur *Amm. Marc.* 108 quod **Vabvnoγ²**
121 depectat «alii» *ap. Seru.* (ita ut Seres pro singulari 'Ser' positum sit)
122 propior **ωγ***, *Seru.*: propior **Mabvzny²** 124 haud] aut **Mbreγ*γ²**,
Probus 260, 23 ullo *Non.* 241, 26 (sed ullae 418, 23) 125 non tarda] aut
dura **γ*** (corr. **γ*¹**) 127 praestantius **n**, *Macrob.* 3, 19, 3 129 (= *georg.* 3,
283) *om.* **Mx**, post Heyne secl. Ribbeck: habent **M²** (hunc u. erasit et denuo
scripsit manus librario simillima) **ωγ*γ²**, *Non.* 345, 19, interpretantur *Seru.*,
schol. Bern. miscuerantque **aetvze**: miscuerintque **fgis**

- ipsa ingens arbos faciemque simillima lauro,
 et, si non alium late iactaret odorem,
 laurus erat: folia haud ullis labentia uentis,
 flos ad prima tenax; animas et olentia Medi
 135 ora fouent illo et senibus medicantur anhelis.
 Sed neque Medorum siluae, ditissima terra,
 nec pulcher Ganges atque auro turbidus Hermus
 laudibus Italiae certent, non Bactra neque Indi
 totaque turiferis Panchaia pinguis harenis.
 140 haec loca non tauri spirantes naribus ignem
 inuertere satis immanis dentibus hydri,
 nec galeis densisque uirum seges horruit hastis;
 sed grauidae fruges et Bacchi Massicus umor
 impleuere, tenent oleae armentaque laeta.
 145 hinc bellator equus campo sese arduus infert,
 hinc albi, Clitumne, greges et maxima taurus
 uictima, saepe tuo perfusi flumine sacro,
 Romanos ad templa deum duxere triumphos.
 hic uer adsiduum atque alienis mensibus aestas:
 150 bis grauidae pecudes, bis pomis utilis arbos.
 at rabidae tigres absunt et saeua leonum
 semina, nec miseros fallunt aconita legentis,
 nec rapit immensos orbis per humum neque tanto
 squameus in spiram tractu se colligit anguis.
 155 adde tot egregias urbes operumque laborem,
 tot congesta manu praeruptis oppida saxis
 fluminaque antiquos subterlabentia muros.
 an mare quod supra memorem quodque adluit infra?
 anne lacus tantos? te, Lari maxime, teque,
 160 fluctibus et fremitu adsurgens Benace marino?

M 139 *inchoat P*

131 arbor **accikrstvΛ** (*praeter η*) $\gamma^*\gamma^2$ 136 siluae ditissima *coniungit Heyne*; at ditissima terra *appositina adiunctio uidetur esse, quod schema non insolitum est Vergilio* (cf. *georg.* 2, 97 ‘firmissima uina’; *Aen.* 3, 106 ‘uberrima regna’) terra] regna **M^A** 148 at **MP** (*corr. M²*) 151 rapidae **Pbrtzγ***, *Seru. codd. aliquot, Exp.* 152–168 *erasi sunt in γ**

- an memorem portus Lucrinoque addita claustra
 atque indignatum magnis stridoribus aequor,
 Iulia qua ponto longe sonat unda refuso
 Tyrrhenusque fretis immittitur aestus Auernis?
 165 haec eadem argenti riuos aerisque metalla
 ostendit uenis atque auro plurima fluxit;
 haec genus acre uirum, Marsos pubemque Sabellam
 aduetumque malo Ligurem Volcosque uerutos
 extulit, haec Decios Marios magnosque Camillos,
 170 Scipiadas duros bello et te, maxime Caesar,
 qui nunc extremis Asiae iam uictor in oris
 imbellem auertis Romanis arcibus Indum.
 salue, magna parens frugum, Saturnia tellus,
 magna uirum: tibi res antiquae laudis et artem
 175 ingredior sanctos ausus recludere fontis
 Ascraeumque cano Romana per oppida carmen.
 Nunc locus aruorum ingeniis, quae robora cuique,
 quis color et quae sit rebus natura ferendis.
 difficiles primum terrae collesque maligni,
 180 tenuis ubi argilla et dumosis calculus aruis,
 Palladia gaudent silua uiuacis oliuae:
 indicio est tractu surgens oleaster eodem
 plurimus et strati baxis siluestribus agri.
 at quae pinguis humus dulcique uligine laeta,
 185 quique frequens herbis et fertilis ubere campus
 (qualem saepe caua montis conualle solemus
 despicer; huc summis liquuntur rupibus amnes
 felicemque trahunt limum) quique editus Austro

MP

161 an] quid *Rufin.* 62, 21 164 auerni nδη 169 Marios] Curios *Richter*,
alii alia 170 bello] ferro **b** 174 artem Pγ*: artis Mωγ², *Seru. in praef.*
georg. 177 cuique] cano γ* 178 quis] qui P (*corr. ead. man.*) ferendis]
 creandis g²Λ (*cf. u. 9*) 181 gaudent Pbky²: gaudet Mωγ*, *Ter. Maur.* 1222
 182 est *om.* M (*add. M*²): indicio *st* P 184 at quae M^APbdf?jkt nδ: atque
 Mωγ*γ² 186 solemus] uidemus P 187 dispicere dfsγ*γ² hoc P (*corr.*
 P^s) linquantur Phj rupibus] montibus *Seru. ad Aen.* 9, 31 (*cf. Aen.* 4, 164)

- et felicem curuis inuisam pascit aratris:
 190 hic tibi praeualidas olim multoque fluentis
 sufficiet Baccho uitis, hic fertilis uuae,
 hic laticis, qualem pateris libamus et auro,
 inflauit cum pinguis ebur Tyrrenus ad aras,
 lancibus et pandis fumantia reddimus exta.
 195 sin armenta magis studium uitulosque tueri
 aut ouium fetum aut urentis culta capellas,
 saltus et saturi petito longinqua Tarenti,
 et qualem infelix amisit Mantua campum
 pascentem niueos herboso flumine cycnos:
 200 non liquidi gregibus fontes, non gramina derunt,
 et quantum longis carpent armenta diebus
 exigua tantum gelidus ros nocte reponet.
 nigra fere et presso pinguis sub uomere terra
 et cui putre solum (namque hoc imitatur arando),
 205 optima frumentis (non ullo ex aequore cernes
 plura domum tardis decedere plaustra iuuentis),
 aut unde iratus siluam deuexit arator
 et nemora euertit multos ignaua per annos
 antiquasque domos auium cum stirpibus imis
 210 eruit: illae altum nidis petiere relictis,
 at rudis enituit impulso uomere campus.
 nam ieiuna quidem cliuosi glarea ruris
 uix humilis apibus casias roremque ministrat;
 et tofus scaber et nigris exesa chelydris
 215 creta negant alios aeque serpentibus agros

MP 215 *inchoat R*

189 felicem **Mabe?ksvxγ*** (cf. *georg.* 3, 297): flicem **Pω**; *quaesita uidetur adnominatio* (felicemque / et felicem) *per uocalicae mensurae uariationem facta* 190 multosque **M** 191 sufficit et **P**: sufficiat **γ*** 192 hic] hinc *ps. Probus* 194 pandis] patulis **M** (*corr.* **M^A**) 196 ouium fetum **Pdnoη**: ouium fetus **Mωγ*γ²**, *Non.* 206, 5, *Prisc.* 5 *sub fin.* (p. 192, 36): fetus ouium **k** 197 et saltus **dstxzy*** 200 derunt **MPab**: deerunt **M*krxy**: desunt **ωγ*γ²** 202 reponit **Mbcg**: reponat f (-naet **γ***) 203 et *om.* **afghijk** (fere et *om.* **sγ***) 204 cui] qui **P** imitatur **M** (*corr.* **M^A**): imitantur *recc.* 208 uertit **Pfit**: auertit **s**

- dulcem ferre cibum et curuas praeberere latebras.
 quae tenuem exhalat nebulam fumosque uolucris
 et bibit umorem et, cum uult, ex se ipsa remittit,
 quaeque suo semper uiridi se gramine uestit
 220 nec scabie et salsa laedit robigine ferrum,
 illa tibi laetis intexet uitibus ulmos,
 illa ferax oleae est, illam experiere colendo
 et facilem pecori et patientem uomeris unci:
 talem diues arat Capua et uicina Vesaeuo
 225 ora iugo et uacuis Clanius non aequus Acerris.
 Nunc quo quamque modo possis cognoscere dicam.
 rara sit an supra morem si densa requires
 (altera frumentis quoniam fauet, altera Baccho,
 densa magis Cereri, rarissima quaeque Lyaeo),
 230 ante locum capies oculis alteque iubebis
 in solido puteum demitti omnemque repones
 rursus humum et pedibus summas aequabis harenas.
 si derunt, rarum pecorique et uitibus almīs
 aptius uber erit; sin in sua posse negabunt
 235 ire loca et scrobibus superabit terra repletis,
 spissus ager: glaebas cunctantis crassaque terga
 exspecta et ualidis terram proscinde iuuencis.
 salsa autem tellus et quae perhibetur amara
 (frugibus infelix ea, nec mansuescit arando
 240 nec Baccho genus aut pomis sua nomina seruat)
 tale dabit specimen. tu spisso uimine qualos
 colaque prelorum fumosis deripe tectis;
 huc ager ille malus dulcesque a fontibus undae
 ad plenum calcentur: aqua eluctabitur omnis

MPR

- 219 uiridi semper ω (*praeter brnon*) γ* uiridis *recc.* uestit] uertit f kxyz
 220 et] aut M^Aton, *Seru. codd. aliquot* 221 intexit Pcdzζγ* 222 oleae
 Mω: oleo PRadhijr?sy*, *Arus. 473, 18, Non. 500, 28* 225 ora] Nola
Vergilium primo edidisse narrant Gell. 6, 20, 1, DSeru. 226 quocumque R
 227 requires M^x (reliquies M) Pbfr: requiras M^ARωγ* 231 dimitti
 abfzδεζ 235–260 *omnino desunt in γ* 237 exspecta] exerce Ra²b et om.
 M (*add. M^A*): ac a²

- 245 scilicet et grandes ibunt per uimina guttae;
 at sapor indicium faciet manifestus et ora
 tristia temptantum sensu torquebit amaro.
 pinguis item quae sit tellus, hoc denique pacto
 discimus: haud unquam manibus iactata fatiscit,
 250 sed picis in morem ad digitos lentescit habendo.
 umida maiores herbas alit, ipsaque iusto
 laetior. a, nimium ne sit mihi fertilis illa,
 nec se praeualidam primis ostendat aristis!
 quae grauis est, ipso tacitam se pondere prodit,
 255 quaeque leuis. promptum est oculis praediscere nigram,
 et quis cui color. at scleratum exquirere frigus
 difficile est: piceae tantum taxique nocentes
 interdum aut hederæ pandunt uestigia nigrae.
 His animaduersis terram multo ante memento
 260 excoquere et magnos scrobibus concidere montis,
 ante supinatas Aquiloni ostendere glaebas
 quam laetum infodias uitis genus. optima putri
 arua solo: id uenti curant gelidaeque pruinæ
 et labefacta mouens robustus iugera fossor.
 265 at si quos haud ulla uiros uigilantia fugit,

MPR

247 sensu **MPR**ω, «*plerique omnes*» ap. Gell. 1, 21, 1, Macrob. 6, 1, 47, schol. Stat. Theb. 5, 392, Seru., Exp.: sensus **t**, Hyginus ap. Gell. 1, 21, 2 amaro **MPR**Φ, «*plerique omnes*» ap. Gell., Macrob., schol. Stat. ut uid., «*multi*» ap. Seru.: amaror **M**²**bktvy**Λ (amaros **z**), Hyginus ap. Gell., «*uera lectio*» indice Seru. (cf. Lucr. 4, 224); de hac quaestione fuse disseruit S. Timpanaro, *Per la storia della filol. virgil. ant.*, Roma 1986, 51 sqq.; Id., *Virgilianisti antichi e tradiz. indir.*, Firenze 2001, 17 sqq. 253 nec] neu **M**^A**gikrsxη** 254 prodet **M** 255 praedicere **Rbr** (cf. georg. 1, 252) 256 quis cui **ab**?f? (*duplex interrogatio*: 'quis color cui telluri sit'; uide K.-S. II.2, 497): quis cuique **Mc**?r, «*male quidam*» ap. Seru. «*excludentes at*» (cf. georg. 3, 102): quis cuique **R**: quisquis **P**ω, «*uera lectio*» indice Seru. color] «*alii colos legunt, ut excluso s fiat synalipha ... quod non procedit*» Seru. at **MR**ω, Non. 311, 6, Seru.: ad **Pb**: et **cr**?: ac f: om. **adz** 259 animam aduersis **P** (animo aduersis fortasse **P**², corr. ead. uel al. man.): animum aduersis Ribbeck 260 concidere] circumdare **PR** 261 hinc redit **γ** 262–263 putris ... soli **b** 265 at **P**ω^γ: ac **Ma**: ad **R** haud **ωγ** (haut **M**^Acf): aut **MPRb**h

- ante locum similem exquirunt, ubi prima paretur
 arboribus seges et quo mox digesta feratur,
 mutatam ignorent subito ne semina matrem.
 quin etiam caeli regionem in cortice signant,
 270 ut, quo quaeque modo steterit, qua parte calores
 austrinos tulerit, quae terga obuenterit axi,
 restituant: adeo in teneris consuescere multum est.
 collibus an plano melius sit ponere uitem,
 quaere prius. si pinguis agros metabere campi,
 275 densa sere (in denso non segnior ubere Bacchus);
 sin tumulis adcliue solum collesque supinos,
 indulge ordinibus; nec setius omnis in unguem
 arboribus positis secto uia limite quadret:
 ut saepe ingenti bello cum longa cohortis
 280 explicuit legio et campo stetit agmen aperto
 derectaeque acies ac late fluctuat omnis
 aere renidenti tellus, necdum horrida miscent
 proelia, sed dubius mediis Mars errat in armis.
 omnia sint paribus numeris dimensa uiarum,
 285 non animum modo uti pascat prospectus inanem,
 sed quia non aliter uires dabit omnibus aequas
 terra, neque in uacuum poterunt se extendere rami.
 Forsitan et scrobibus quae sint fastigia quaeras.
 ausim uel tenui uitem committere sulco;
 290 altior ac penitus terrae defigitur arbor,
 aesculus in primis, quae quantum uertice ad auras

MPR 274 *inchoat* V

267 sedes P (corr. P²) degesta **acfijksvx** (egesta **gh**) ferantur P (corr. P²)
 268 mutata **Pdgjrsoδεζγ**, *Seru. ad u. 27* 270–271 steterint ... tulerint M
 (corr. M^x) 271 obuenteret **cfghijsz** 274 campos **Pγ¹** (campus **γ**)
 276 supini *Non. 326, 10* 278 secto] saepito M (corr. M^A) post quadret
fortius et post 283 armis leuius dist. Wagner 281 directaeque **aikstzΛ**
 (praeter **o**) **γ¹** 282 renidenti **ω** (praeter **abdon**; retinenti **e**, nitenti **nδ**)
 284 demensa M (corr. M^x) **Φ** (praeter **ckrt**) 287 neque **MVωγ**: nec PR
 poterint Ps (corr. P²) se *om.* PR 290 alterior R: altius **ω** (praeter
befgvzδη) **γ¹** terrae penitus V

- aetherias, tantum radice in Tartara tendit.
 ergo non hiemes illam, non flabra neque imbres
 conuellunt: immota manet multosque nepotes,
 295 multa uirum uoluens durando saecula uincit;
 tum fortis late ramos et brachia pandens
 huc illuc media ipsa ingentem sustinet umbram.
 Neue tibi ad solem uergant uineta cadentem,
 neue inter uitis corylum sere, neue flagella
 300 summa pete aut summa defringe ex arbore plantas
 (tantus amor terrae), neu ferro laede retunso
 semina, neue oleae siluestris insere truncos:
 nam saepe incautis pastoribus excidit ignis,
 qui furtim pingui primum sub cortice tectus
 305 robora comprehendit, frondesque elapsus in altas
 ingentem caelo sonitum dedit; inde secutus
 per ramos uictor perque alta cacumina regnat
 et totum inuoluit flammis nemus et ruit atram
 ad caelum picea crassus caligine nubem,
 310 praesertim si tempestas a uertice siluis
 incubuit, glomeratque ferens incendia uentus.
 hoc ubi, non a stirpe ualent caesaeque reuerti
 possunt atque ima similes reuirescere terra;
 infelix superat foliis oleaster amaris.
 315 Nec tibi tam prudens quisquam persuadeat auctor
 tellurem Borea rigidam spirante mouere.

MPRV 299 *desinit V*

292 radice RVωγ: radicem MP; cf. *Aen.* 4, 446 293 neque] nec Vny
 294 nepotes MPRV²a²bg²: per annos Vωγ, *Non.* 525, 23 (cf. *georg.* 4, 208)
 295 durando] uiuendo a²b, *DSeru.* ad *Aen.* 11, 160 (*sed durando hic*); cf. *Lucr.*
1, 202 et 3, 948 296 pandens Vγ (cf. *Aen.* 6, 282): tendens MPRV²ω, *Don.*
ad Ter. Phorm. 106; *utrumque agnoscunt schol. Bern.*; pandens fere idem ualet
ac 'proferens in latitudinem', itaque non solum cum late congruit, sed etiam
cum 297 ingentem ... umbram: *coma arboris late patens uidelicet ingentem*
circumfundit umbram; equidem suspicor lectionem tendens ex 292 tendit
ortam esse 300 summa²] summas acvznoδ 302 oleae PRωγ, *Seru., Exp.,*
schol. Bern.: olea M (cf. *Praef.* 108) 304 primum pingui r 316 rigidam]
gelidam a², *agnoscunt schol. Bern.* mouere Mωγ, *DSeru.*: moueri PRf, *Non.*
 380, 29

- rura gelu tum claudit hiems, nec semine iacto
 concretam patitur radicem adfigere terrae.
 optima uinetis satio, cum uere rubenti
 320 candida uenit auis longis inuisa colubris,
 prima uel autumnus sub frigora, cum rapidus Sol
 nondum hiemem contingit equis, iam praeterit aestas.
 uer adeo frondi nemorum, uer utile siluis,
 uere tument terrae et genitalia semina poscunt.
 325 tum pater omnipotens fecundis imbribus Aether
 coniugis in gremium laetae descendit et omnis
 magnus alit magno commixtus corpore fetus.
 auia tum resonant auibus uirgulta canoris,
 et Venerem certis repetunt armenta diebus;
 330 parturit almus ager, Zephyrique tepentibus auris
 laxant arua sinus; superat tener omnibus umor,
 inque novos soles audent se gramina tuto
 credere, nec metuit surgentis pampinus Austros
 aut actum caelo magnis Aquilonibus imbrem,
 335 sed trudit gemmas et frondes explicat omnis.
 non alios prima crescentis origine mundi
 inluxisse dies aliumue habuisse tenorem
 crediderim: uer illud erat, uer magnus agebat
 orbis et hibernis parcebant flatibus Euri,
 340 cum primae lucem pecudes hausere, uirumque
 terrea progenies duris caput extulit aruis,

MPR

317 tum **Pωγ**, *ps. Acro ad Hor. carm. 1, 4, 10*: tunc **MR** (*utrumque codd. Seru. ad georg. 1, 44*) 318 concretam **M^APRωγ**, *Seru., DSeru., Exp., schol. Bern.*: concretum **M** 321 frigore **bc** 323 siluae *Donatus ap. Seru. (ita ut, mutata distinctione, siluae uere tument coniungantur et terrae genetius sit)* 324 pascunt **M** (*corr. M^A*) 325 tunc **R** 327 permixtus *Lact. diu. inst. 1, 5, 19* 328 tunc **R** 330 zephyrisque **M** (*corr. M^x*) tepentibus **MtΛ** (*cf. Ou. met. 1, 107*): trementibus **PRΦγ**; *utrumque agnoscunt schol. Bern.* austris **P** (*corr. P^x*) 332 gramina **MRωγ**, *Seru., «male quidam» ap. DSeru.*: gramine **P**: germina **n²**, *recc., Celsus ap. DSeru.* 336 alias **P** 339 hiberni **M** 340 primum **bfghijrvzεγ**, *agnoscunt schol. Bern. ut uid.*: primam **Λ** (*prima ζ*) 341 terrea **M^A**, *DSeru. ut uid.*: ferrea **MPRωγ**, *Seru., Exp., schol. Bern. (uariant codd. Lact. diu. inst. 2, 10, 16)*

- immissaeque ferae siluis et sidera caelo.
 nec res hunc tenerae possent perferre laborem,
 si non tanta quies iret frigusque caloremque
 345 inter, et exciperet caeli indulgentia terras.
- Quod superest, quaecumque premes uirgulta per agros
 sparge fimo pingui et multa memor occulle terra,
 aut lapidem bibulum aut squalentis infode conchas:
 inter enim labentur aquae, tenuisque subibit
 350 halitus, atque animos tollent sata. iamque reperti
 qui saxo super atque ingentis pondere testae
 urgerent: hoc effusos munimen ad imbres,
 hoc, ubi hiulca siti findit Canis aestifer arua.
- Seminibus positus superest diducere terram
 355 saepius ad capita et duos iactare bidentis,
 aut presso exercere solum sub uomere et ipsa
 flectere luctantis inter uineta iuuenos;
 tum leuis calamos et rasae hastilia uirgae
 fraxineasque aptare sudas furcasque ualentis,
 360 uiribus eniti quarum et contemnere uentos
 adsuescant summasque sequi tabulata per ulmos.
- Ac dum prima nouis adolescit frondibus aetas,
 parcendum teneris, et dum se laetus ad auras
 palmas agit laxis per purum immissus habenis,
 365 ipsa acie nondum falcis temptanda, sed uncis
 carpendae manibus frondes interque legendae.
 inde ubi iam ualidis amplexae stirpibus ulmos

MPR 352 *inchoat V*

343 possint **M** (corr. **M**², sed rursus possint ead. uel al. man.) **afg**: possunt **ij**
 sufferre **Mb**? (corr. **M**²) 344 caloremque **MRωγ**, *Non. ter, DSeru.*:
 calorque **Pr**, «fuit prior lectio» teste *DSeru.*: calorem (*om. -que*) **cfgjstxδγ**¹ (*cf.*
Praef. 99–100 et apparatus ad u. 69) 345 exciperent **Rγ** (corr. **γ**¹)
 351 ingenti **M** (corr. **M**^A), *Non. 418, 16* 353 scindit **P** 354 diducere
PRVbcdhkrz: deducere **Mωγ** (ducere **j**), *Non. 457, 29* 358 rassa **P**
 359 ualentis **MPRabc?fgh?k?rvyγ**: bicornes **VdeijstxzΛ** (*cf. georg. 1, 264*);
utrumque agnoscunt schol. Bern. 360 inniti **noδ** quorum **br** 362 ac] at
noη adolescet **fgry** aestas **Pbv** 364 aget **abcd?krsvxyz** 365 acie
MRV²ωγ, *Probus 252, 10*: acies **M^APVa**, *Exp.*; *utrumque agnoscunt Seru.,*
schol. Bern. falcis nondum **Φ** (*praeter br*) **δζ**

- exierint, tum stringe comas, tum bracchia tonde
 (ante reformidant ferrum), tum denique dura
 370 exerce imperia et ramos compesce fluentis.
 texendae saepes etiam et pecus omne tenendum,
 praecipue dum frons tenera imprudensque laborum;
 cui super indignas hiemes solemque potentem
 siluestres uri adsidue capraeque sequaces
 375 inludunt, pascuntur oues auidaeque iuuencae;
 frigora nec tantum cana concreta pruina
 aut grauis incumbens scopulis arentibus aestas,
 quantum illi nocuere greges durique uenenum
 dentis et admorso signata in stirpe cicatrix.
 380 non aliam ob culpam Baccho caper omnibus aris
 caeditur et ueteres ineunt proscaenia ludi,
 praemiaque ingeniis pagos et compita circum
 Thesidae posuere atque inter pocula laeti
 mollibus in pratis unctos saluere per utres.
 385 nec non Ausonii, Troia gens missa, coloni
 uersibus incompitis ludunt risuque soluto,
 oraque corticibus sumunt horrenda cauatis
 et te, Bacche, uocant per carmina laeta, tibi

MPRV 377 desinit V

368 tum¹] tunc **MRc**, *Non.* 403, 5 tum²] tunc **MR**, *Non.* 369 ne
 formidant **cfhjtv?** (nec formidant **x**): ne formident **ags**: reformident **nδη**
 (formident **o**): formidabant **i** tunc **R**, *Non.* 295, 9 (*sed* tum 303, 30)
 370 fluentis] ualentis **R** 371 et *om.* **Mcr** (*add.* **M^A**), *Non.* 412, 8 tuendum
R 373–375 *hos uersus deleri Vergilium uoluisse, in eorum locum uu.*
376–379 positus, suspicatus est Ribbeck (uu. 376–379 secundis curis additos esse
censuit etiam Sabbadini) 374 capraeque **M^APVωγ** (capraeque **R**),
Auson. cento 18, Seru. hic et ad Aen. 5, 193: capraeque Mcdrst, DSeru. ad
Aen. 2, 64 377 aestus **adznoδ** 379 admorso **ωγ** (amorso **M**), *Seru. hic et*
ad u. 196, DSeru. ad u. 367, schol. Bern. ad u. 371: admorsu Rbζ (amorsu
M^A): admorsum Pη (ad morsum Ribbeck): admorsus a?dj?rs 382 ingeniis
R, «*quidam*» *ap. DSeru.: ingentis (-tes) MPωγ, Non. 196, 7, ps. Probus, Prisc.*
2, 35, schol. Bern. in lemm. (sed ingeniis explicatur, ut uid.); in gentis Ribbeck
 384 saluere **MPvyγ**, *Seru., Exp., Gramm.: saliere M^RRωγ¹, Arus. 511, 1,*
GLK V, 593, 2, ps. Probus; «saliere ... in quibusdam tamen inuenitur codicibus
etiam saluere scriptum» Prisc. 10, 51 385 missa] orsa *ps. Probus*

- oscilla ex alta suspendunt mollia pinu.
 390 hinc omnis largo pubescit uinea fetu,
 complentur uallesque cauae saltusque profundi
 et quocumque deus circum caput egit honestum.
 ergo rite suum Baccho dicemus honorem
 carminibus patriis lancesque et liba feremus,
 395 et ductus cornu stabit sacer hircus ad aram,
 pinguiaque in ueribus torrebimus exta columnis.
 Est etiam ille labor curandis uitibus alter,
 cui numquam exhausti satis est: namque omne quotannis
 terque quaterque solum scindendum glaebaque uersis
 400 aeternum frangenda bidentibus, omne leuandum
 fronde nemus. redit agricolis labor actus in orbem,
 atque in se sua per uestigia uoluitur annus.
 ac iam olim, seras posuit cum uinea frondes
 frigidus et siluis Aquilo decussit honorem,
 405 iam tum acer curas uenientem extendit in annum
 rusticus et curuo Saturni dente relictam
 persequitur uitem attondens fingitque putando.
 primus humum fodito, primus deuecta cremato
 sarmenta et uallos primus sub tecta referto;
 410 postremus metito. bis uitibus ingruit umbra,
 bis segetem densis obducunt sentibus herbae;
 durus uterque labor: laudato ingentia rura,
 exiguum colito. nec non etiam aspera rusti
 uimina per siluam et ripis fluuialis harundo
 415 caeditur, incultique exercet cura salicti.
 iam uinctae uites, iam falcem arbusta reponunt,

MPR

395 aras *Macrob.* 3, 5, 8 398 exhaustis **Mab?cfv?**: exhausto **r**
 405 extendet **M** 406 rusticus] agricola **R** 409 primus uallos *Seru. ad*
Aen. 9, 146 primum **br** 411 inducunt **P** 413 asper **M** (*corr. M^A*) rusti
M^APRkrtz?Λγ, *DSeru., Exp.*: etrusci **M**: rusci **Φεγ¹**, *Seru.* (*cf. buc.* 7, 42);
 «rusti, rusci *magis legendum*» *schol. Bern.* 414 ripis] rupes **P** 416 uinctae
MPar (*corr. M¹*)

iam canit effectos extremus uinitor antes;
sollicitanda tamen tellus puluisque mouendus
et iam maturis metuendus Iuppiter uuis.

- 420 Contra non ulla est oleis cultura, neque illae
procuruam exspectant falcem rastrosque tenacis,
cum semel haeserunt aruis aurasque tulerunt;
ipsa satis tellus, cum dente recluditur unco,
sufficit umorem et grauidas, cum uomere, fruges.
425 hoc pinguem et placitam Paci nutritor oliuam.
poma quoque, ut primum truncos sensere ualentis
et uiris habuere suas, ad sidera raptim
ui propria nituntur opisque haud indiga nostrae.
nec minus interea fetu nemus omne grauescit,
430 sanguineisque inculta rubent auitaria baxis.
tondentur cytisi, taedas silua alta ministrat,
pascunturque ignes nocturni et lumina fundunt.
[et dubitant homines serere atque impendere curam?]
quid maiora sequar? salices humilesque genistae,
435 aut illae pecori frondem aut pastoribus umbram

MPR

417 effectos **M**² (etfectos **M**) **PR**ωγ, *Non.* 30, 6, *ps. Probus*, «quidam» *ap. Seru.*, *schol. Bern.*: effetos **d**: effectus **isyzn**δ (effecus **k**, effetus **ε**), «melius» *iudice Seru.*, «alii» *ap. schol. Bern.* extremus **MPRbdfhjrnδηγ**, *Non.*: extremos ωγ¹, *Seru.* 420 non ulla est **M**ωγ¹ (non ullast **P**), *Seru.*: non nulla est **Rbeoy**, «alii» *ap. Seru.* (*utrumque codd. Prisc.* 14, 41): nulla est (*om. non*) *Probus* 254, 5 425 placidam **adznδηγ**, *Diom.* 454, 27, *Seru. ad Aen.* 11, 660 nutritor **M*****R**ωγ, *Seru. hic et ad Aen.* 11, 660, *Exp.*, *Gramm.*: nutritur **MPbj**; *utrumque agnoscunt schol. Bern.* 426 uncus **P** 427 et] ut **noδηγ** 431 post 432 habet **R** 432 et] ac **Rcr** 433 *om. M*, *non interpr. Seru.*, *schol. Bern.*, *secl. Ribbeck*: habent **PR**ωγ, *secundis curis additum censuit Sabbadini. Hunc uersum, qui non modo alienus huic loco est sed etiam per se insulsus, puto esse interpolatum; nam locutionibus ex ipso Vergilio sumptis uidetur confectus* (*cf. Aen.* 6, 806 'et dubitamus adhuc...'; *georg.* 2, 61 'est labor impendendus'; 3, 74 'impende laborem'; 3, 124 'impendunt curas'). *Quae autem causa est cur poeta homines nunc impellat ut curam impendant in arbores colendas, si tota haec carminis pars de iis arboribus dicit quae minime postulent hominum curam?* (*cf. 428 'ui propria nituntur opisque haud indiga nostrae' et 439 'hominum non ulli obnoxia curae'*) 435 illae] tiliae «multi» *ap. Seru.* umbram **MPt** (*cf. u.* 58): umbras **R**ωγ (*cf. georg.* 4, 146)

- sufficiunt saepemque satis et pabula melli.
et iuuat undantem buxo spectare Cytorum
Naryciaeque picis lucos, iuuat arua uidere
non rastris, hominum non ulli obnoxia curae.
440 ipsae Caucasio steriles in uertice siluae,
quas animosi Euri adsidue franguntque feruntque,
dant alios aliae fetus, dant utile lignum
nauigiis pinus, domibus cedrumque cupressosque;
hinc radios triuere rotis, hinc tympana plaustris
445 agricolae et pandas ratibus posuere carinas.
uiminibus salices fecundae, frondibus ulmi;
at myrtus ualidis hastilibus et bona bello
cornus, Ityraeos taxi torquentur in arcus.
nec tiliae leues aut torno rasile buxum
450 non formam accipiunt ferroque cauantur acuto,
nec non et torrentem undam leuis innatat alnus
missa Pado, nec non et apes examina condunt
corticibusque cauis uitiosaeque ilicis aluo.
quid memorandum aequae Baccheia dona tulerunt?
455 Bacchus et ad culpam causas dedit; ille furentis
Centaurus leto domuit, Rhoecumque Pholumque
et magno Hylaeum Lapithis cratere minantem.
O fortunatos nimium, sua si bona norint,
agricolas! quibus ipsa procul discordibus armis
460 fundit humo facilem uictum iustissima tellus.
si non ingentem foribus domus alta superbis
mane salutantum totis uomit aedibus undam,
nec uarios inhiant pulchra testudine postes

MPR

437 cytoron *ps. Probus* 439 hominum *dist. M²* non nulli **b?vnγ** (*corr. γ¹*)
440 caucasio **MRΦon**, *Seru.*: caucaseo **PbcrsΛγ**, *Exp.*, *schol. Bern.*
443 pinus **Pcdγ**: pinos **MRωγ¹** 446 fecundae *dist. M^x*; «uiminibus –
fecundae, *legitur et fecundae frondibus ulmi*» *Seru.* 447 at] ad **MPRa?r**
(*corr. M^A*) 449 aut] et *Non. 194, 23, Cledon. 41, 1, Seru. ad Aen. 9, 619 et*
12, 766 451 torquentem **M** (*corr. M^A*) 453 alueo **R** 454 aequae] et quae
«alii» *ap. Seru.* 456 rh(o)ecumque **P**: r(h)oetumque **MRωγ**, *schol. Stat.*
Ach. 1, 111, DSeru. (cf. Aen. 9, 344)

- inlusasque auro uestes Ephyreiaque aera,
 465 alba neque Assyrio fucatur lana ueneno,
 nec casia liquidi corrumpitur usus oliui:
 at secura quies et nescia fallere uita,
 diues opum uariarum, at latis otia fundis,
 speluncae uiuique lacus et frigida tempe
 470 mugitusque boum mollesque sub arbore somni
 non absunt; illic saltus ac lustra ferarum
 et patiens operum exiguoque adsueta iuuentus,
 sacra deum sanctique patres; extrema per illos
 Iustitia excedens terris uestigia fecit.
- 475 Me uero primum dulces ante omnia Musae,
 quarum sacra fero ingenti percussus amore,
 accipiant caelique uias et sidera monstrent,
 defectus solis uarios lunaeque labores,
 unde tremor terris, qua ui maria alta tumescant
 480 obicibus ruptis rursusque in se ipsa residant,
 quid tantum Oceano properent se tingere soles
 hiberni, uel quae tardis mora noctibus obstet.
 sin has ne possim naturae accedere partis
 frigidus obstiterit circum praecordia sanguis,

MPR

464 inlusasque **M^xωγ¹**, *Seru.* («inlusas auro in quibus artifex auro ludens aliqua depinxerat»), *Exp.*: inclusasque **MPRazζ** (inclausasque γ), «male quidam» *ap. Seru.*; utrumque agnoscunt *schol. Bern. ut uid.* 465 nec **Rγ** (*corr. γ¹*), *ps. Acro ad Hor. sat. 1, 2, 83, DSeru. ad Aen. 4, 137* fuscatur **crs** 467 uita **Mωγ**, *Arus. 494, 25, ps. Acro ad Hor. carm. 3, 1, 21, Seru., Exp.*: uitam **PRabcrsvxy**, *Macrob. 6, 2, 4 codd. plerique, Exp. in praef. georg. (p. 197, 3)* 468 at] ac **Rbo**: et **nδ**: ad γ (*corr. γ¹*) lectis γ (*corr. γ¹*): laetis **g**, *Macrob., Exp. in praef. georg., agnoscunt schol. Bern.* 469 et **Mcy**, *Asper p. 538, 14, ps. Acro ad Hor. carm. 1, 21, 9, Exp. in praef. georg.*: at **Pωγ¹** (ad **Ra?**), *Macrob.*: ac **bo** 472 operis *Non. 433, 17* exiguoque **MPRbrnζ**, *Macrob., Exp.*: paruoque **ωγ**, *Don. ad Ter. Andr. 75, Non. 433, 17, Seru., Prisc. 18, 183 (cf. Aen. 9, 607)* 476 percussus **MPRry** (*cf. Aen. 9, 197*): percussus **M²ωγ¹**; *cf. Aen. 1, 513 et 8, 121* 480 rursus (*om. -que*) **R** (*corr. R¹*): rursusque **bn** residunt **brζ**: resident **gi** 482 quae] tum *schol. Bern.* 483 ne] nec **a?htz**: non **gj**, *Sac. 445, 21, Prisc. 18, 176* (naturae non possim)

- 485 rura mihi et rigui placeant in uallibus amnes,
 flumina amem siluasque inglorius. o ubi campi
 Spercheosque et uirginibus bacchata Lacaenis
 Taygeta! o qui me gelidis conuallibus Haemi
 sistat et ingenti ramorum protegat umbra!
- 490 Felix qui potuit rerum cognoscere causas
 atque metus omnis et inexorabile fatum
 subiecit pedibus strepitumque Acherontis auari;
 fortunatus et ille deos qui nouit agrestis,
 Panaque Siluanumque senem Nymphasque sorores:
- 495 illum non populi fascēs, non purpura regum
 flexit et infidos agitans discordia fratres,
 aut coniurato descendens Dacus ab Histro,
 non res Romanae perituraque regna, neque ille
 aut doluit miserans inopem aut inuidit habenti.
- 500 quos rami fructus, quos ipsa uolentia rura
 sponte tulere sua, carpsit, nec ferrea iura
 insanumque forum aut populi tabularia uidit.
 sollicitant alii remis freta caeca ruuntque
 in ferrum, penetrant aulas et limina regum;
- 505 hic petit excidiis urbem miserosque penates,
 ut gemma bibat et Sarrano dormiat ostro;
 condit opes alius defossoque incubat auro;
 hic stupet attonitus rostris, hunc plausus hiantem
 per cuneos geminatus enim plebisque patrumque
- 510 corripuit; gaudent perfusi sanguine fratrum

MPR

485 rigui] rigidi **R** 486 o ubi] ubi **PR**: obi **cy** 487 spercheosque **M**:
 spercheusque **M^APabervxyzζγ**, *schol. Bern.*: sperchiosque **R**, *ps. Probus*:
 sperc(h)iusque **ωγ¹** (-tiusque **fg**), *Non.* 78, 24, *Seru.*, *DSeru.*, *Prisc.* 2, 46
 488 conuallibus **Mc?g?r?Λ** (conuallimus **P**): in uallibus **M^x** (*sed rursus*
 conuallibus **M^x**) **RΦεγ**, *ps. Acro ad Hor. carm.* 1, 37, 19 (*cf. u.* 485)
 491 ineluctabile **R** (*cf. Aen.* 8, 334) factum **Ra** 495 non²] nec *Rufin.* 60, 3
 497 discedens **Pb** (discendens **f**) 501 carpit *Macrob.* 6, 1, 65
 502 insanumue **R** 506 sarrano **M^ARω**, *Macrob.* 6, 1, 40, *schol. Stat. Theb.*
 1, 149, *ps. Probus*, *Seru.*, *Exp.*, *schol. Bern.*: serrano **Mbdzy**, *schol. Iuu.* 10, 38
 (*serano Arus.* 464, 3): saerrano **P** indormiat **M** (*corr. M^x*)

- exilioque domos et dulcia limina mutant
 atque alio patriam quaerunt sub sole iacentem.
 agricola incuruo terram dimouit aratro:
 hic anni labor, hinc patriam paruosque penates
 515 sustinet, hinc armenta boum meritosque iuuenos.
 nec requies quin aut pomis exuberet annus
 aut fetu pecorum aut Cerealis mergite culmi
 prouentuque oneret sulcos atque horrea uincat.
 uenit hiems: teritur Sicyonia baca trapetis,
 520 glande sues laeti redeunt, dant arbuta siluae;
 et uarios ponit fetus autumnus, et alte
 mitis in apricis coquitur uindemia saxis.
 interea dulces pendent circum oscula nati,
 casta pudicitiam seruat domus, ubera uaccae
 525 lactea demittunt, pinguesque in gramine laeto
 inter se aduersis luctantur cornibus haedi.
 ipse dies agitat festos fususque per herbam,
 ignis ubi in medio et socii cratera coronant,
 te libans, Lenaeae, uocat pecorisque magistris
 530 uelocis iaculi certamina ponit in ulmo,

MPR

512 quaerunt patriam **P**, *Porph. ad Hor. carm. 2, 16, 18* 513 dimouit] molitus **M** (*ex georg. 1, 494*) 514 hic **iy**¹ (*idem coniecit Markland ad Stat. silu. 1, 2, 144, cl. georg. 3, 288*): hinc **MPRωγ**, *Seru., schol. Bern.* penates **M**: nepotes **PRωγ**; *utrumque agnoscit DSeru. ut uid. Vtraque lectio ius tenere suum uidetur; at hic sollicita uita potentium comparatur cum agricolarum serena paupertate: illi exilioque domos et dulcia limina mutant / atque alio patriam quaerunt sub sole iacentem (uu. 511 sq.), agricola uero patriam paruosque penates sustinet, scilicet humilia seruat tecta sua (cf. ex aduerso 504 aulas et limina regum). Similiter de Aenea rusticam Euandri domum intrante dicitur 'paruos ... penates / laetus adit' (Aen. 8, 543), quo de loco editores nonnulli sunt immerito suspicati in M lectionem penates effluxisse* 515 hic **M** 518 atque] aut **M** (*corr. M^A*) 519 sicyonia **ωγ**¹ (*sycyonia r*), *Rufin. 49, 7, ps. Probus, schol. Bern.: sycyonia Mz, Serv. codd. plerique: siconia P (siconia Exp.): siquonia R: scyonia ay: siconia efhstvdεη, GLK V, 572, 13* 525 lactea dimittunt **adzζ**; lacte admittunt **M** (*corr. M²*) 528 in medio] ingenio **M** (*corr. M^A*)

corporaque agresti nudant praedura palaestra.
 hanc olim ueteres uitam coluere Sabini,
 hanc Remus et frater; sic fortis Etruria creuit
 scilicet et rerum facta est pulcherrima Roma
 535 septemque una sibi muro circumdedit arces.
 ante etiam sceptrum Dictaei regis et ante
 impia quam caesis gens est epulata iuuencis,
 aureus hanc uitam in terris Saturnus agebat;
 necdum etiam audierant inflari classica, necdum
 540 impositos duris crepitare incudibus enses.
 Sed nos immensum spatiis confecimus aequor,
 et iam tempus equum fumantia soluere colla.

MPR 535 *inchoat* V

531 nudat **befgijsvx**Λ (*om. c*) perdura **M** (*corr. M^A*) pal(a)estra **PRωγ**,
schol. Stat. Theb. 6, 830, Seru., Exp., schol. Bern.: palaestrae M 532 uitam
 ueteres **Ποζη** 535 *secl. Peerlkamp, cl. Aen. 6, 783* 540 inpositis duos **M**
 541 spatii fortasse *Quint. 8, 6, 45 et 9, 3, 20* 542 equo **non** fumantia
MVωγ, *Quint. 8, 6, 45, Seru., Gramm. (cf. georg. 3, 515; Aen. 12, 338):*
 spumantia **PRbr**

LIBER III

- Te quoque, magna Pales, et te memorande canemus
 pastor ab Amphryso, uos, siluae amnesque Lycae.
 cetera, quae uacuas tenuissent carmine mentes,
 omnia iam uulgata: quis aut Eurysthea durum
 5 aut inlaudati nescit Busiridis aras?
 cui non dictus Hylas puer et Latonia Delos
 Hippodameque umeroque Pelops insignis eburno,
 acer equis? temptanda uia est, qua me quoque possim
 tollere humo uictorque uirum uolitare per ora.
 10 primus ego in patriam mecum, modo uita supersit,
 Aonio rediens deducam uertice Musas;
 primus Idumaeas referam tibi, Mantua, palmas
 et uiridi in campo templum de marmore ponam
 propter aquam, tardis ingens ubi flexibus errat
 15 Mincius et tenera praetexit harundine ripas.
 in medio mihi Caesar erit templumque tenebit:
 illi uictor ego et Tyrio conspectus in ostro
 centum quadriugos agitabo ad flumina currus.
 cuncta mihi Alpheum linquens lucosque Molorchi
 20 cursibus et crudo decernet Graecia caestu.
 ipse caput tonsae foliis ornatus oliuae

FMPRV 12 *desinit* V 21 *desinit* F

3 carmine F²Pζ, DSeru. («ut puto rectius; non enim dicit cetera carmina iam uulgata, sed cetera omnia absolute»): carmina FMRVωγ, Seru. ad buc. 6, 41, schol. Bern. 5 aras] arces M (corr. M^A) 8 possem P (euan. in V) 11 diducam V (corr. V²) 12 idum(a)eas PRabcgxynoεη, ps. Probus, Seru., DSeru.: idym(a)eas FMVω, schol. Ver., schol. Bern.: idimeas fivζ: idymaes γ 14 tardis] timidis b 17 illic Rr (periit in F) et om. acdr, Non. 418, 28, GLK V, 585, 9 19 linquens] pubes P (cf. georg. 1, 343) molorci P 20 duro Rj²; «crudo caestu duro» Seru., schol. Bern.; cf. etiam DSeru. ad Aen. 5, 69 decernet F²M² (dein decertat al., ut uid., man.) ωγ, ps. Probus, schol. Bern.: decernit FMPRf: decertat εη

- dona feram. iam nunc sollemnis ducere pompas
 ad delubra iuuat caesosque uidere iuuenos,
 uel scaena ut uersis discedat frontibus utque
 25 purpurea intexti tollant aulaea Britanni.
 in foribus pugnam ex auro solidoque elephanto
 Gangaridum faciam uictorisque arma Quirini
 atque hic undantem bello magnumque fluentem
 Nilum ac nauali surgentis aere columnas;
 30 addam urbes Asiae domitas pulsumque Niphaten
 fidentemque fuga Parthum uersisque sagittis
 et duo rapta manu diuerso ex hoste tropaea
 bisque triumphatas utroque ab litore gentes;
 stabunt et Parii lapides, spirantia signa,
 35 Assaraci proles demissaeque ab Ioue gentis
 nomina Trosque parens et Troiae Cynthius auctor.
 Inuidia infelix Furias amnemque seuerum
 Cocyti metuet tortosque Ixionis anguis
 immanemque rotam et non exsuperabile saxum.
 40 Interea Dryadum siluas saltusque sequamur
 intactos, tua, Maecenas, haud mollia iussa:
 te sine nil altum mens incohat. en age segnis
 rumpe moras; uocat ingenti clamore Cithaeron
 Taygetique canes domitrixque Epidaurus equorum,
 45 et uox adsensu nemorum ingeminata remugit.
 mox tamen ardentis accingar dicere pugnas
 Caesaris et nomen fama tot ferre per annos,
 Tithoni prima quot abest ab origine Caesar.
 Seu quis Olympiacae miratus praemia palmae
 50 pascit equos, seu quis fortis ad aratra iuuenos,

MPR

- 25 tollent Pa: tollunt *ps. Probus* 27 faciam] uictam P 28 huic P: hinc
 dghisyoδζ 29 ac] et R: hac γ naualis Pb: nauili R 30 nauatem M
 (nifaten MA): niphantē R 34 lapidis abcfikxyε 35 dimissaeque ct:
 dimissaeque Non. 286, 22 gentes PRabcrz (corr. R^x) 38 metuens P
 anguis] orbis R (cf. *georg.* 4, 484) 43 uacat M (corr. MA) 44 taugetique P
 48 quot M²ωγ¹, *Rufin.* 50, 21, *ps. Probus, Seru.*: quod MPRbry
 49 palmae] pugnae Non. 347, 22 50 pascet P quis] quis et P

- corpora praecipue matrum legat. optima toruae
 forma bouis, cui turpe caput, cui plurima ceruix,
 et crurum tenuis a mento palearia pendent;
 tum longo nullus lateri modus: omnia magna,
 55 pes etiam, et camuris hirtae sub cornibus aures.
 nec mihi displiceat maculis insignis et albo
 aut iuga detrectans interdumque aspera cornu
 et faciem tauro propior quaeque ardua tota
 et gradiens ima uerrit uestigia cauda.
 60 aetas Lucinam iustosque pati hymenaeos
 desinit ante decem, post quattuor incipit annos;
 cetera nec feturae habilis nec fortis aratris.
 interea, superat gregibus dum laeta iuuentas,
 solue mares; mitte in Venerem pecuaria primus
 65 atque aliam ex alia generando suffice prolem.
 optima quaeque dies miseris mortalibus aevi
 prima fugit; subeunt morbi tristisque senectus
 et labor, et durae rapit inclementia mortis.
 semper erunt quarum mutari corpora malis:
 70 semper enim refice ac, ne post amissa requiras,
 ante ueni et subolem armento sortire quotannis.
 Nec non et pecori est idem dilectus equino.
 tu modo, quos in spem statues summittere gentis,
 praecipuum iam inde a teneris impende laborem.
 75 continuo pecoris generosi pullus in aruis
 altius ingreditur et mollia crura reponit;

MPR

- 54 tunc *Non.* 339, 2 55 sub] cum **M** (*corr.* **M^A**) 56 mihi] tibi **M** (*corr.* **M^A**) «maculis ... et albo *diuise pro 'albis maculis'» DSeru.* (cf. *georg.* 2, 192 'pateris libamus et auro') 57 detrectans **Mωγ**: detractans **PRdfgrvoen**
 58 propior **M**: prior **R**: proprio **γ** (*corr.* **R²γ¹**) 60 aestas **M** (*corr.* **M^x**)
 61 desinet **οδε** 62 aratri **M** (*corr.* **M^A**) 63 praeterea *Non.* 389, 2 (*sed* interea 433, 22) superest *Prisc.* 18, 289 cum *Non.* 389, 2 et 433, 22
 iuuentas **M^ARΦγ**, *Non.* 433, 22, *schol. Bern.*: iuuentis **P**: iuuentus **MghΛ**,
Non. 389, 2, *Prisc.* 65 alia] aliis **P** 69 mauis **Mnoδ**: mallis **R**: uelis **a²**
 72 delectus **cdknoδη** 73 statuis **ω** (*praeter brtoen*), *Non.* 390, 9

- primus et ire uiam et fluuios temptare minacis
 audet et ignoto sese committere ponti,
 nec uanos horret strepitus. illi ardua ceruix
 80 argutumque caput, breuis aluus obesaque terga,
 luxuriatque toris animosum pectus. honesti
 spadices glaucique, color deterrimus albis
 et giluo. tum, si qua sonum procul arma dedere,
 stare loco nescit, micat auribus et tremit artus
 85 collectumque fremens uoluit sub naribus ignem.
 densa iuba, et dextro iactata recumbit in armo;
 at duplex agitur per lumbos spina, cauatque
 tellurem et solido grauiter sonat ungula cornu.
 talis Amyclaei domitus Pollucis habenis
 90 Cyllarus et, quorum Grai meminere poetae,
 Martis equi biuiges et magni currus Achilli;
 talis et ipse iubam ceruice effundit equina
 coniugis aduentu pernix Saturnus et altum
 Pelion hinnitu fugiens impleuit acuto.
 95 Hunc quoque, ubi aut morbo grauis aut iam segnior annis

MPR

77 minacis **MRωγ**: minantis **P**, *Sen. ep.* 95, 68; *utrumque schol. Bern.*
 78 ponti **M^xPRabdksoδε**, *codd. Sen.*: ponto **Mωγ**, *schol. Bern.*; *utrumque*
codd. DSeru. 83 et] e fortasse «multi» *ap. Seru.* («multi ita legunt albis e [sic
Georgii, «Philol.» Suppl. 9, 1902, 294, sed et *codd.*] giluo, ut non album uel
gillum, sed albogillum uituperet»), Heyne: at *Phillimore («RPh»* 43, 1912,
 63–65) 84 tremet **efghijx**: tremat **r** 85 fremens **Ma²erΛ** (*cf. Lucr.* 5, 1076
 ‘et fremitum patulis sub naribus edit ad arma’): *pr(a)emens RΦοεγ* (*primens*
P), *Sen. ep.* 95, 68 87 ad **Mc** (*corr. M^x*): et **bζ**: aut **r?ε** 88 sonat] quatit **R**
(cf. Aen. 8, 596) cornu] pulsu **a²**, *schol. Bern. (cf. Aen.* 12, 533) 91 achilli
bgijrvxονγ (-lei **P**): achilles **M**: achillis **M^PRωγ¹**, *ps. Prob.* *Seru.*
 92 effudit **ω** (*praeter adfhixyζ*) **γ¹**: fundit **c**; *praesens tempus cum praeterito*
coniungitur etiam in georg. 3, 517–519; 1, 34–35 equinam **d** 95 hinc **M**
 annis] aetas **R**

- 96 deficit, abde domo nec turpi ignosce senectae,
 120 quamuis saepe fuga uersos ille egerit hostis
 121 et patriam Epirum referat fortisque Mycenae
 122 Neptunisque ipsa deducat origine gentem.
 97 frigidus in Venerem senior, frustraque laborem
 ingratum trahit et, si quando ad proelia uentum est,
 ut quondam in stipulis magnus sine uiribus ignis,
 100 incassum furit. ergo animos aeuumque notabis
 praecipue; hinc alias artes prolemque parentum,
 et quis cuique dolor uicto, quae gloria palmae.
 nonne uides, cum praecipiti certamine campum
 corripuere ruuntque effusi carcere currus,
 105 cum spes arrectae iuuenum, exsultantiaque haurit
 corda paor pulsans? illi instant uerbere torto
 et proni dant lora, uolat ui feruidus axis;
 iamque humiles iamque elati sublime uidentur
 aëra per uacuum ferri atque adsurgere in auras.
 110 nec mora nec requies; at fuluae nimbus harenae
 tollitur, umescunt spumis flatuque sequentum:
 tantus amor laudum, tantae est uictoria curae.
 primus Erichonius currus et quattuor ausus
 iungere equos rapidusque rotis insistere uictor;
 115 frena Pelethronii Lapithae gyrosque dedere

MPR

96 post hunc uersum uu. 120–122 a Bentley et Ribbeck translati sunt quia cum uersibus 118–119 male coniuncti uidebantur, praesertim si ille (u. 120) equum seniore[m] indicat, de quo nimio ante mentio facta est (u. 95 iam segnior annis). Hoc ordine uersuum restituto, flumen orationis uidebis in concessiuam sententiam effundi expedite: poeta enim magistros dehortatur ne equis olim praestantissimis, nunc tamen senio confectis, nimiam indulgentiam praestent 121 fortisque] clarasque schol. Bern. u. l. (cf. Aen. 1, 284) 122 gentem] nomen R (cf. Aen. 10, 618) 99 in om. Mγ (add. M^A), schol. Iuu. 6, 366 stipula R 101 artes] partis P 106 toto P 107 uocat M (corr. M^A) 109 uacuum] tenerum Macrob. 5, 13, 7 (cf. Aen. 9, 699) exsurgere Rony: insurgere a² aures R 110 at M²ωγ¹: ad MPRb?γ: aut afn 112 tantae est Rkrxζη (tante est γ), Lact. diu. inst. 3, 8, 27: tanta est MPcetyvnoe: tantae abdfghjsz: tanta iδ (tantae est et tanta est codd. Seru. ad u. 102 et ad georg. 2, 205)

- impositi dorso atque equitem docuere sub armis
 insultare solo et gressus glomerare superbos.
 aequus uterque labor, aequae iuuenemque magistri
 119 exquirunt calidumque animis et cursibus acrem.
 123 His animaduersis instant sub tempus et omnis
 impendunt curas denso distendere pingui,
 125 quem legere ducem et pecori dixere maritum,
 florentisque secant herbas fluuiosque ministrant
 farraque, ne blando nequeat superesse labori
 inualidique patrum referant ieiunia nati.
 ipsa autem macie tenuant armenta uolentes
 130 atque, ubi concubitus primos iam nota uoluptas
 sollicitat, frondesque negant et fontibus arcent;
 saepe etiam cursu quatiunt et sole fatigant,
 cum grauius tunsis gemit area frugibus, et cum
 surgentem ad Zephyrum paleae iactantur inanes.
 135 hoc faciunt, nimio ne luxu obtunsior usus
 sit genitali aruo et sulcos oblimet inertis,
 sed rapiat sitiens Venerem interiusque recondat.
 Rursus cura patrum cadere et succedere matrum
 incipit. exactis grauidae cum mensibus errant,
 140 non illas grauibas quisquam iuga ducere plaustis,
 non saltu superare uiam sit passus et acri
 carpere prata fuga fluuiosque innare rapacis.
 saltibus in uacuis pascunt et plena secundum

MPR

118 aequus] durus *DSeru.* (cf. *georg.* 2, 412) iuuenumque **Ry** (corr. **γ¹**):
 iuuentumque **P** 123 animaduersis **R¹** (animadsis **R**) **ωγ¹**, *Seru., schol.*
Bern.: animaaduersis **M**: animum aduersis **P**: animum aduersus **γ**
 125 ducem] uirum *Seru. ad buc.* 7, 7 pecoris ... magistrum **P**
 126 florentisque] pubentesque **y**, *Seru.* (sed florentesque *ad u.* 131); cf. *Aen.* 4,
 514 127 nequeat **M^ARakyΛ** (nequead **γ**), *Gell.* 1, 22, 13: nequeant **PΦδζ**
 (nequeans **M**) 130 primos innata uel primos ignota *Schrader*; at bene
DSeru. («primos poetice pro 'primum'»; cf. *Aen.* 4, 118 sq. 'ubi primos
 crastinus ortus / extulerit Titan') uoluntas **P** 131 sollicitant **Ra²**, *schol.*
Bern. 141 non] nec *DSeru. ad u.* 143 saltu **ωγ**, *Seru.:* saltus **MPRr**,
DSeru. ad u. 143: saltum **h** agri **Raetvγ** (corr. **γ¹**) 143 pascant **M^pω**
 (*praeter abcdfrtvn*), *DSeru.*

- flumina, muscus ubi et uiridissima gramine ripa,
 145 speluncaeque tegant et saxea procubet umbra.
 est lucos Silari circa ilicibusque uirentem
 plurimus Alburnum uolitans, cui nomen asilo
 Romanum est, oestrum Grai uertere uocantes,
 asper, acerba sonans, quo tota exterrita siluis
 150 diffugiunt armenta: furit mugitibus aether
 concussus siluaeque et sicci ripa Tanagri.
 hoc quondam monstro horribilis exercuit iras
 Inachiae Iuno pestem meditata iuuencae.
 hunc quoque (nam mediis feruoribus acrior instat)
 155 arcebis grauido pecori armentaue pasces
 sole recens orto aut noctem ducentibus astris.
 Post partum cura in uitulos traducitur omnis,
 continuoque notas et nomina gentis inurunt,
 si quos aut pecori malint summittere habendo
 160 aut aris seruare sacros aut scindere terram
 et campum horrentem fractis inuerrere glaebis.
 cetera pascuntur uiridis armenta per herbas:

MPR 146 *inchoat* F

144 gramina **Mhnoe** ripae **Mn** (corr. **M^x**) 145–170 ante u. 123 transpositi sunt in **γ** 145 procubet] protegit **M**: protegat **M¹o²ζ** (corr. **M^A**): procumbet **cγ** (corr. **γ¹**); cf. georg. 2, 489 146 lucos **Mωγ¹** (locos **γ**), ps. Probus, Seru., schol. Bern.: lucus **FM²Rabcf**g: luco **P**: lucum *Sen ep.* 58, 2 circa] iuxta *Sen.* 150 fugit **Fζγ** (corr. **γ¹**) 155 pecoris **Pt** pascis **F** 159 si quos scripsi, cl. buc. 5, 10 sq. ‘incipi, Mopse, prior, si quos aut Phyllidis ignes / aut Alconis habes laudes aut iurgia Codri’: et quos codd., at copula et non habet cui bene iungatur. Si quos aut ... malint ... aut ... aut ... aut ita interpretandum esse puto: ‘uituli notis inuruntur omnes siue ad procreationem siue ad sacrificia siue ad agros arandos destinantur’ 160 sacros] sacris **cgyζ** 162 u. secl. Ribbeck ut ineptum additamentum cum antecedenti enumeratione cohaerens, quasi hic uersus post uitulos rite inurendos alia designaret armenta quae inurenda non essent. In eundem errorem iam Seruius delapsus erat: «cetera: quae non inuruntur». At ex cetera initium capit sententia noua quae cum sequentibus uersibus est coniuncta, ut bene uidit Martyn. Sensus est: ‘cum libere cetera armenta pascantur, tu uitulos selige quos ad agreste seruitium formare uelis eosque statim rusticis laboribus subige’. Hic cetera idem ualet quod Graece ἄλλα μὲν, cui opponitur (δὲ) imperatiuus modus tu ... hortare ... insiste; eandem uerborum constructionem (μὲν ... δὲ) habes in *Aen.* 6, 847–851

- tu, quos ad studium atque usum formabis agrestem,
iam uitulos hortare uiamque insiste domandi,
165 dum faciles animi iuuenum, dum mobilis aetas.
ac primum laxos tenui de uimine circlos
ceruici subnecte; dehinc, ubi libera colla
seruitio adsuerint, ipsis e torquibus aptos
iunge pares et coge gradum conferre iuuenos;
170 atque illis iam saepe rotae ducantur inanes
per terram et summo uestigia puluere signent;
post ualido nitens sub pondere faginus axis
instrepat, et iunctos temo trahat aereus orbis.
interea pubi indomitae non gramina tantum
175 nec uescas salicum frondes uluamque palustrem,
sed frumenta manu carpes sata; nec tibi fetae
more patrum niuea implebunt mulctraria uaccae,
sed tota in dulcis consument ubera natos.
Sin ad bella magis studium turmasque ferocis,
180 aut Alphaea rotis praelabi flumina Pisae
et Iouis in luco currus agitare uolantis,
primus equi labor est animos atque arma uidere
bellantum lituosque pati tractuque gementem
ferre rotam et stabulo frenos audire sonantis;
185 tum magis atque magis blandis gaudere magistris

FMPR 181 *inchoat A*

‘excudent alii ..., tu ..., Romane, memento’ pascuntur *codd.*, *Seru.*:
pascantur **t**, *recc.*, fortasse recte si hortatium iudicas: nam uerba quae
sequuntur (*uu.* 163–178) praeceptiua sunt omnia (*hortare, insiste, ducantur,*
signent, carpes, consument)

163 studia **F** (*ex studiu*) **Rζγ¹** **165** «*potest ... et sic legi iuuenum dum*
mobilis aetas» *DSeru.* **166** circlos **F²M^x** (*criclos M*) **Rωγ**, *Non.* 340, 13,
Seru., schol. Bern.: circos **FPγ¹** **167** ceruice **FM** (*corr.* **F²M^x**): ceruicis **c?**
168 ipsis de **b** **170** ducuntur **afjtζ**: dicantur **g** **171** signant **cfitzζ**
173 increpat *Non.* 353, 7 **175** uluamque] uluasque **F** (*corr.* **F²**): siluamque
R: uibulamque **n** **176** nec] sed **R** **177** mulctraria **F²M²PRωγ¹**, *Seru. ad*
buc. 3, 30: multraria **Fney**: mulctaria **Mr**: mulgaria *Non* 312, 13, agnoscit
DSeru. **178** set **M**: et **F** consumant **Mc²r** (*corr.* **M²**, sed rursus consumant
ead. uel al. man.) **181** uolentis **F** (*euan. in A*) **182** equis **Mb** (*corr.* **M^x**)
184 stabulis *Non.* 206, 12

- laudibus et plausae sonitum ceruicis amare.
 atque haec iam primo depulsus ab ubere matris
 audeat inque uicem det mollibus ora capistris
 inualidus etiamque tremens, etiam inscius aeuī.
 190 at tribus exactis ubi quarta accesserit aestas,
 carpere mox gyrum incipiat gradibusque sonare
 compositis sinuetque alterna uolumina crurum,
 sitque laboranti similis; tum cursibus auras,
 tum uocet ac per aperta uolans ceu liber habenis
 195 aequora uix summa uestigia ponat harena.
 qualis Hyperboreis Aquilo cum densus ab oris
 incubuit Scythiaeque hiemes atque arida differt
 nubila (tum segetes altae campique natantes
 lenibus horrescunt flabris, summaeque sonorem
 200 dant siluae, longique urgent ad litora fluctus),
 ille uolat simul arua fuga, simul aequora uerrens.
 hinc uel ad Elei metas et maxima campi
 sudabit spatia et spumas aget ore cruentas,
 Belgica uel molli melius feret esseda collo.
 205 tum demum crassa magnum farragine corpus
 crescere iam domitis sinito: namque ante domandum
 ingentis tollent animos prensique negabunt
 uerbera lenta pati et duris parere lupatis.
 Sed non ulla magis uires industria firmat

AFMPR

187 «non primo ubere, sed iam primo quasi unum lege» *DSeru.* 188 audiat
 F (corr. F²) M^ARbcgrtζγ¹ 189 etiam] atque M 190 accesserit AMF²ωγ:
 acceperit M² (corr. dein erasa) PRa² (occeperit F), *Non.* 291, 23; *utrumque*
agnoscunt schol. Bern. (cf. *buc.* 8, 39) aestas AFPRabdefrtvγ, *Non.*: aetas
 F²Mω, *Seru.* 194 tum uocet] prouocet PtΛ, *agnoscunt schol. Bern.*: tum
 uocat k 195 ponit A: ponet aev: signat *Seru. ad Aen.* 5, 317 197 deffert F
 (corr. F²): defert cγ (corr. γ¹) 198 tum] dum Φ (*praeter abkrt*) δ
 200 longeque ghkvxy (logeque e) 201 uolans *Seru. ad Aen.* 4, 400 (*sed*
uolat hic): furens *Probus* 248, 6 uerit *Seru. ad georg.* 1, 286, *ad Aen.* 4, 72 et
 400 (*sed uerrens hic*) 202 hinc FM^ARadegkvxyδηγ, *ps. Acro ad Hor. carm.*
1, 1, 3 et 4, 2, 13: hic AMPωγ¹, *ps. Probus, schol. Bern.* 203 aget
 AFM²Rωγ, *Seru., schol. Bern.*: agit F²MP 204 bellica MPb?h?on (corr.
 M^A) ferat A: ferret fy (corr. γ¹)

- 210 quam Venerem et caeci stimulos auertere amoris,
 siue boum siue est cui grator usus equorum.
 atque ideo tauros procul atque in sola relegant
 pascua post montem oppositum et trans flumina lata
 aut intus clausos satura ad praesepia seruant.
 215 carpit enim uires paulatim uritque uidendo
 femina nec nemorum patitur meminisse nec herbae
 dulcibus illa quidem inlecebris, et saepe superbos
 cornibus inter se subigit decernere amantis.
 Pascitur in magna Sila formosa iuuenca;
 220 illi alternantes multa ui proelia miscent
 uulneribus crebris, lauit ater corpora sanguis,
 uersaque in obnixos urgentur cornua uasto
 cum gemitu: reboant siluaeque et longus Olympus.
 nec mos bellantis una stabulare, sed alter
 225 uictus abit longeque ignotis exulat oris,
 multa gemens ignominiam plagasque superbi
 uictoris, tum quos amisit inultus amores,
 et stabula aspectans regnis excessit auitis.
 ergo omni cura uiris exercet et inter
 230 dura iacet pernox instrato saxa cubili,
 frondibus hirsutis et carice pastus acuta,
 et temptat sese atque irasci in cornua discit

AFMPR 214 *desinit* F 220 *desinit* A

211 cui] quo F (quoi F²) 212 religant FR (*corr.* F²) 216 nec² MRωγ¹ (*om.* γ), *DSeru.* ad u. 498, *Prisc.* 8, 49: neque APa²bζ 219 sila M^x, *Asper* p. 538, 16, «alii» *ap. Seru.* (cf. *Aen.* 12, 715): silua AMPRωγ, *Arus.* 497, 28, *Seru.*, *schol. Bern.* 221 lauat M^pbghr corpore P: uulnera *Non.* 337, 18; 466, 21 223 resonant M longus M^x (longius M), *Macro.* 6, 4, 21: magnus PRωγ, *Non.* 79, 8, *Gramm.* (cf. *Aen.* 10, 437) 225 abiit R 230 pernox b?, *schol. Iuu.* 8, 10: pernix MPRωγ, *Non.* 368, 21 et 444, 12, *Seru.* hic («pernix modo perseuerans») et ad *Aen.* 11, 718, *schol. Bern.*; utrumque agnoscit *DSeru.*, qui pernix mauult. Alucinantur grammatici qui, deriuatione ab opinabili uerbo 'pernitor' excogitata, pernix explanant tamquam 'perseuerans'; reuera nulla alia uis in hoc uocabulo inest nisi quae ad agilitatem uel celeritatem pertinet: idcirco cum iacet uidetur dissidere. Pernox, quasi 'uigilans' totam per noctem iratus, idem est ac παννυχίος in Graecis herois (ita taurus uidetur fere similis animoso bellatori a poeta factus esse)

- arboris obnixus trunco uentosque lacessit
 ictibus et sparsa ad pugnam proludit harena.
 235 post ubi collectum robur uiresque refectae,
 signa mouet praecepsque oblitum fertur in hostem:
 fluctus uti medio coepit cum albescere ponto,
 longius ex altoque sinum trahit, utque uolutus
 ad terras immane sonat per saxa neque ipso
 240 monte minor procumbit, at ima exaestuatur unda
 uerticibus nigramque alte subiectat harenam.
 Omne adeo genus in terris hominumque ferarumque
 et genus aequoreum, pecudes pictaeque uolucres,
 in furias ignemque ruunt: amor omnibus idem.
 245 tempore non alio catulorum oblita leaena
 saeuior errauit campis, nec funera uulgo
 tam multa informes ursi stragemque dedere
 per siluas; tum saeuus aper, tum pessima tigris;
 heu male tum Libyae solis erratur in agris.
 250 nonne uides ut tota tremor pertemptet equorum
 corpora, si tantum notas odor attulit auras?
 ac neque eos iam frena uirum neque uerbera saeua,
 non scopuli rupesque cauae atque obiecta retardant
 flumina correptosque unda torquentia montis.
 255 ipse ruit dentesque Sabellicus exacuit sus
 et pede prosubigit terram, fricat arbore costas
 atque hinc atque illinc umeros ad uulnera durat.
 quid iuuenis, magnum cui uersat in ossibus ignem

MPR

234 et] aut **R** (cf. *Aen.* 12, 106) 235 post] ast **M** (cf. *Aen.* 3, 410) relectae
MPb?nδηγ, *DSeru.*: receptae **Rωγ¹** 236 oblicum **Mb?** 237 uti **M²** (*ut*
uid.) **PRωγ¹** (ubi **γ**): ut in **Mdfg²** (utim **g**) **zn**, *Seru.*, *schol. Bern.*: uti in **bη**
 medio] primo **M²** (cf. *Aen.* 7, 528) 241 subiectat **Pωγ** (cf. *Lucr.* 6, 700):
 subuectat **MRn²**, *schol. Bern.* 242 ferarum (*om.* -que) **iγ** 248 siluam **Φ**
 (*praeter bgirt*) **ζ** tum¹] tunc *Seru. ad u.* 255 tum²] tunc **R** 249 agris]
 aruis **Φ** (*praeter br*) **δ** 250–254 *hos uu. secundis curis additos et ante u.* 266
transponendos censuit Ribbeck; uu. 250–265 secundis curis additos censuit
Sabbadini 250 ut] et **P** 255 suus **MP** (*corr. M^x*): usus **R** 257 umeros
Mgrδεζηγ, *Prisc.* 8, 30: umerosque **PRωγ¹** in uolnere **γ** (*corr. γ¹*)
 258 uersat] seruat **j**

- durus amor? nempe abruptis turbata procellis
 260 nocte natat caeca serus freta, quem super ingens
 porta tonat caeli, et scopulis inlisa reclamant
 aequora; nec miseri possunt reuocare parentes,
 nec moritura super crudeli funere uirgo.
 quid lynces Bacchi uariae et genus acre luporum
 265 atque canum? quid quae imbelles dant proelia cerui?
 scilicet ante omnis furor est insignis equarum;
 et mentem Venus ipsa dedit, quo tempore Glauci
 Potniades malis membra absumpsere quadrigae.
 illas ducit amor trans Gargara transque sonantem
 270 Ascanium: superant montis et flumina tranant;
 continuoque, auidis ubi subdita flamma medullis
 (uere magis, quia uere calor redit ossibus), illae
 ore omnes uersae in Zephyrum stant rupibus altis
 exceptantque leuis auras et saepe sine ullis
 275 coniugiis uento grauidae (mirabile dictu)
 saxa per et scopulos et depressas conuallis
 diffugiunt, non, Eure, tuos neque solis ad ortus,
 in Borean Caurumque, aut unde nigerrimus Auster
 nascitur et pluuiο contristat frigore caelum.
 280 hic demum, hippomanes uero quod nomine dicunt
 pastores, lentum destillat ab inguine uirus,
 hippomanes, quod saepe malae legere nouercae
 miscueruntque herbas et non innoxia uerba.
 Sed fugit interea, fugit inreparabile tempus,

MPR

261 *hunc u. bis scripsit M, priore loco del. M^A* 263 *secl. Ribbeck, cl. Aen. 4,*
 308 *supra P, agnoscunt schol. Bern.* 265 *quid quae] quidque cghrtvnζ*
 (*quidue η*) 272 *redit calor R illis R: ille crnεγ* 273 *in Pωγ, Seru.,*
DSeru. («in pro 'contra'»): om. M: ad M^AR, Colum. 6, 27, 6
 274 *exceptantque M^ARωγ¹, Colum., Seru., DSeru., schol. Bern.:*
ex(s)pectantque MPbrny 278 *borean Mej (borehan P): boream Rω, schol.*
Bern.: borea c *caurumque bfiry: chaurumque M^A (charumque M) Rωγ,*
Seru., schol. Bern.: chorumque ε 279 *frigore] sidere R, agnoscunt schol.*
Bern. 280 *hic demum hippomanes quod saepe malae leger(e nouercae) ad*
u. 282 aberrans M, qui deinde u. expunxit et iterum scripsit hic] hinc
b?egkvxyeζ, Seru., DSeru.: huc z 283 *miscuerantque cd*

- 285 singula dum capti circumuectamur amore.
 hoc satis armentis; superat pars altera curae,
 lanigeros agitare greges hirtasque capellas:
 hic labor, hinc laudem fortes sperate coloni.
 nec sum animi dubius, uerbis ea uincere magnum
 290 quam sit et angustis hunc addere rebus honorem;
 sed me Parnasi deserta per ardua dulcis
 raptat amor; iuuat ire iugis, qua nulla priorum
 Castaliam molli deuertitur orbita cliuo.
 nunc, ueneranda Pales, magno nunc ore sonandum.
 295 Incipiens stabulis edico in mollibus herbam
 carpere ouis, dum mox frondosa reducitur aestas,
 et multa duram stipula felicumque manipulis
 sternere subter humum, glacies ne frigida laedat
 molle pecus scabiemque ferat turpisque podagras.
 300 post hinc digressus iubeo frondentia capris
 arbuta sufficere et fluuios praebere recentis
 et stabula a uentis hiberno opponere soli
 ad medium conuersa diem, cum frigidus olim
 iam cadit extremoque inrorat Aquarius anno.
 305 hae quoque non cura nobis leuiore tuendae,
 nec minor usus erit, quamuis Milesia magno
 uellera mutantur Tyrios incocta rubores;
 densior hinc suboles, hinc largi copia lactis:
 quam magis exhausto spumauerit ubere mulctra,
 310 laeta magis pressis manabunt flumina mammis.

MPR 285 *inchoat* F

286 superat est **M** (est *del.* **M^x**); «superat *pro* ‘superest’» *DSeru.* 288 hic] hinc **Φ** (*praeter birt*), *Seru., schol. Bern.* 289 ea uincere] euincere **Υ** (*corr.* **Υ¹**) 295 tabulis **My** (*corr.* **M^x**) 297 duram **F^cMωγ**, *Non.* 389, 14, *Seru. ad buc.* 1, 15: dura **F** (dura in **F²**): durum **PR** felicumque **FMPRfgjn**, *Non.* 389, 18: filicumque **ωγ**, *Seru. ad buc.* 1, 15; *cf. georg.* 2, 189 300 digrediens *Seru. ad Aen.* 8, 546 305 hae **Padznonγ**: haec **FMRωγ¹**, *Seru.*; *utrumque agnoscit DSeru.* leuiora **bcr** tuendae **FPRadfkjktzoζηγ**: tuenda **Mω** 307 rubores] colores **R** 308 hinc²] hic **F** (*corr.* **F²**) largi] pressi **ιον** 309 quam] quo **Rr**, *agnoscunt schol. Bern.* spumauerat **Υ** (*corr.* **Υ¹**) ubera **MRcγ** (*corr.* **M^xΥ¹**) 310 flumina **FMωγ**: ubera **PRb²cd²f²jrtoεη**, *Non.* 341, 3; *utrumque agnoscit DSeru.* mammis] palmis **οζη**

- nec minus interea barbas incanaque menta
 Cinyphii tondent hirci saetasque comantis
 usum in castrorum et miseris uelamina nautis.
 pascuntur uero siluas et summa Lycae
 315 horrentisque rubos et amantis ardua dumos;
 atque ipsae memores redeunt in tecta suosque
 ducunt et grauido superant uix ubere limen.
 ergo omni studio glaciem uentosque niualis,
 quo minor est illis curae mortalis egestas,
 320 auertes uictumque feres et uirgea laetus
 pabula nec tota claudes faenilia bruma.
 At uero Zephyris cum laeta uocantibus aestas
 in saltus utrumque gregem atque in pascua mittet,
 Luciferi primo cum sidere frigida rura
 325 carparamus, dum mane nouum, dum gramina canent
 et ros in tenera pecori gratissimus herba.
 inde ubi quarta sitim caeli collegerit hora
 et cantu querulae rumpent arbusta cicadae,
 ad puteos aut alta greges ad stagna iubebo
 330 currentem ilignis potare canalibus undam;
 aestibus at mediis umbrosam exquirere uallem,

FMPR

312 cinyphi **My** (corr. **M^x**): cinyphei **chjrzε** hirci **F²Mωγ¹** (hircis **R**), *ps. Probus, Seru., DSeru., Prisc. 8, 23, schol. Bern.:* hirci **PFγ** (cf. *Velius 59, 19* «antiqui ‘hirquos’ dicebant») 314 siluae **P** 315 hunc *u. post 316 scripsit M (ord. rest. M^A)* 316 inmemores **M** (corr. **M^x**) 319 hunc *u. ita explanandum puto: ‘quoniam de ualetudinis suae imbecillitate non sunt ipsae sollicitae, uigila ne frigore laedantur’. Male quidam curae cum mortalis iungunt (id est ‘mortalium’), sed cum Seruio consentiendum est (‘egestas mortalis’ id est necessitas mortalitatis)»* quod **M** (corr. **M^x**) 320 auertas **g** 323 mittet **M**: mittes **FM²** (corr. *dein erasa?*) **PRωγ**, *Seru.* («aestas, subaudis aduenerit»): mittis *Non. 348, 16* 324 lucifero **Fiγ** (corr. **F²γ¹**) 325 canent] manent **γ** (corr. **γ¹**): canant **r**: canunt **e**: uirent **e**: crescent *Don. ad Ter. Adelph. 591* 328 *om. Colum. 7, 3, 23 (ubi uu. 324–329 laudantur)* 329 ad¹] at **FPcgy**: aut **br** aut] adque **R** iubebo **FPa²fr**: iubeto **F²MRωγ**, *Non. 216, 37; utrumque agnoscunt schol. Bern. 330 ilignis FM²ωγ, schol. Bemb. ad Ter. Adelph. 585, Non., Seru., schol. Bern.:* ignis **M**: elignis **Po**: lignis **Rh**: ligneis **ε** portare **b?tvxzγ** (corr. **γ¹**) 331 at **F²Mω**: ac **fghj**: ad **Ratvγ**: aut **FPbre**: in **ζ**, *Non. 247, 11*

- sicubi magna Iouis antiquo robore quercus
ingentis tendat ramos, aut sicubi nigrum
ilicibus crebris sacra nemus accubet umbra;
335 tum tenuis dare rursus aquas et pascere rursus
solis ad occasum, cum frigidus aëra Vesper
temperat, et saltus reficit iam roscida luna,
litoraue alcyonen resonant, acalanthida dumi.
Quid tibi pastores Libyae, quid pascua uersu
340 prosequar et raris habitata mapalia tectis?
saepe diem noctemque et totum ex ordine mensem
pascitur itque pecus longa in deserta sine ullis
hospitiis: tantum campi iacet. omnia secum
armentarius Afer agit, tectumque laremque
345 armaque Amyclaeumque canem Cressamque pharetram;
non secus ac patriis acer Romanus in armis
iniusto sub fasce uiam cum carpit, et hosti
ante expectatum positus stat in agmine castris.
at non qua Scythiae gentes Maeotiaque unda,
350 turbidus et torquens flauentis Hister harenas,
quaque redit medium Rhodope porrecta sub axem.
illic clausa tenent stabulis armenta, neque ullae
aut herbae campo apparent aut arbore frondes;
sed iacet aggeribus niueis informis et alto
355 terra gelu late septemque adsurgit in ulnas.
semper hiems, semper spirantes frigora Cauri;

FMPR 348 *desinit* F 351 *inchoat* V

333–334 tendit ... accubat *Colum.* 7, 3, 23 333 renigrum **M** (*corr.* **M^x**):
nigram **cfj**: nigra **γ** (*corr.* **γ¹**) 334 crebris] gressus **M** (*corr.* **M^A**, *renouauit*
M^P) sacra] sacrum **γ**: atra *Colum.* 7, 3, 23 335 tunc **R** 336 aera] aethera
Non. 231, 31 338 alcyonen **FRωγ**, *ps. Probus*: alcyonem **Mfhijtvz**, *schol.*
Bern. (alcyone **P**) 342 longe **noδ** in] et **P** 344 laremque] laboremque **R**
345 gressamque **FM** (*corr.* **M^x**): crassamque **c**, *agnoscunt schol. Bern.*
crassasque pharetras *Seru. ad buc.* 3, 12 346 non] haud *Quint.* 9, 3, 20
347 inuito **F** cum] dum *Non.* 312, 22, *Seru. ad buc.* 9, 65 et *ad georg.* 4, 204
hosti **FM²Rωγ¹**, *Vegetius* 1, 19, *DSeru.* («*figurate pro 'contra hostem'*»):
hostem **Ma²cdefgrvzον** (hostim *uel* ostim **aky**): hostis **Py** 348 spectatum
by in *om.* **R** agmina **P** 351 axe **nγ** 352 nec **R** 356 cauri **c**: chauri
MRωγ, *schol. Bern.* (hauri *Tib. ad Aen.* 5, 2): chori **PVbe** (*cf. u.* 278)

tum Sol pallentis haud umquam discutit umbras,
 nec cum inuectus equis altum petit aethera, nec cum
 praecipitem Oceani rubro lauit aequore currum.
 360 concrescunt subitae currenti in flumine crustae,
 undaque iam tergo ferratos sustinet orbes,
 puppibus illa prius, patulis nunc hospita plaustis;
 aeraque dissiliunt uulgo, uestesque rigescunt
 indutae, caeduntque securibus umida uina,
 365 et totae solidam in glaciem uertere lacunae,
 stiriaeque impexis induruit horrida barbis.
 interea toto non setius aëre ningit:
 intereunt pecudes, stant circumfusa pruinis
 corpora magna boum, confertoque agmine cerui
 370 torpent mole noua et summis uix cornibus exstant.
 hos non immissis canibus, non cassibus ullis
 puniceaeue agitant pauidos formidine pinnae,
 sed frustra oppositum trudentis pectore montem
 comminus obtruncant ferro grauiterque rudentis
 375 caedunt et magno laeti clamore reportant.
 ipsi in defossis specubus secura sub alta
 otia agunt terra, congestaque robora totasque
 aduoluere focus ulmos ignique dedere;
 hic noctem ludo ducunt et pocula laeti
 380 fermento atque acidis imitantur uitea sorbis.
 talis Hyperboreo Septem subiecta trioni
 gens effrena uirum Riphaeo tunditur Euro
 et pecudum fuluis uelatur corpora saetis.
 Si tibi lanitium curae, primum aspera silua

MPRV

357 tunc P 358 cum²] dum adfivz: tum c 359 in rubro go lauat M^{Phn}
 364 ceduntque cerv 365 in solidam R^γ lucunae M (corr. M^A) 366 om.
 R 367 aequore Prisc. 10, 11 369 confectoque RVb? 372 puniceaeque
 Vζ 373 sed] set M: et R 374 pariterque noδ ruentes V^γ (corr. γ¹)
 376 specubus M^xVωγ¹, Pomp. 195, 11, Seru. hic et ad Aen. 7, 568, schol.
 Bern.: specibus MP^γ (speciebus R) 377 totasque] que del. M^P, om.
 bcfghjkxy^γ 381–386 fere omnino euan. in V 383 uelatur PR^γ, Rufin.
 57, 21: uelantur Mωγ¹ (euan. in V): uestitur a², schol. Bern. pectora Rufin.

- 385 lappaeque tribolique absint; fuge pabula laeta;
 continuoque greges uillis lege mollibus albos.
 illum autem, quamuis aries sit candidus ipse,
 nigra subest udo tantum cui lingua palato,
 reice, ne maculis infuscet uellera pullis
 390 nascentum, plenoque alium circumspice campo.
 munere sic niueo lanae, si credere dignum est,
 Pan deus Arcadiae captam te, Luna, fefellit
 in nemora alta uocans; nec tu aspernata uocantem.
 At cui lactis amor, cytisum lotosque frequentis
 395 ipse manu salsasque ferat praesepibus herbas:
 hinc et amant fluuios magis et magis ubera tendunt
 et salis occultum referunt in lacte saporem.
 multi etiam excretos prohibent a matribus haedos
 primaque ferratis praefigunt ora capistris.
 400 quod surgente die mulsero horisque diurnis,
 nocte premunt; quod iam tenebris et sole cadente,
 sub lucem exportant calathis (adit oppida pastor)
 aut parco sale contingunt hiemique reponunt.
 Nec tibi cura canum fuerit postrema, sed una
 405 uelocis Spartae catulos acremque Molossum
 pasce sero pingui. numquam custodibus illis
 nocturnum stabulis furem incursusque luporum
 aut impacatos a tergo horrebis Hiberos.

MPRV 402 *desinit* V

390 nascentum] nascuntur **M** (corr. **M^A**): nascentem **fh** 395 ipse **Mγ** (ipse **se** **V**): ille **PRω**, *schol. Bern.* 396 et magis] ac magis **Φ** (*praeter bv*) **δη**: *om. r*
 398 etiam **Paboen**: iam **MRωγ** (*euan. in V*) excretos] extremos **P**
 401 quo **V** cedentem **M**: cadentem **M²γ** (corr. **γ¹**): cadentes **R**
 402 exportant *codd., Seru. ad buc. 3, 5 et ad georg. 1, 67, Gramm.: exportans Scaliger ad Catull. 61, 219, cui multi fauerunt; de scholiis Bernensibus ad uerba adit oppida pastor 'portans caseum uiride' supplentibus, non liquet utrum 'portans' uaria lectio sit an potius explanatio. Ab Alfredo Housman (Class. Papers, II, 560–562) dissentio qui, post sole cadente et post sub lucem peringeniose distinguens, ab antecedentibus sentiis mutuatur uerba mulsero (u. 401) et premunt (u. 402), ut pars altera narrationis plane respondeat priori. Haec duplex ellipsis mihi nimis uidetur dura.* 403 «paruo, alii parco» *schol. Bern.* 408 indignatos **M** (corr. **M²**)

- saepe etiam cursu timidos agitabis onagros
 410 et canibus leporem, canibus uenabere dammas;
 saepe uolutabris pulsos siluestribus apros
 latratu turbabis agens, montisque per altos
 ingentem clamore premes ad retia ceruum.
 Disce et odoratam stabulis accendere cedrum
 415 galbaneoque agitare grauis nidore chelydros.
 saepe sub immotis praesepibus aut mala tactu
 uipera delituit caelumque exterrita fugit,
 aut tecto adsuetus coluber succedere et umbrae
 (pestis acerba boum) pecorique aspergere uirus
 420 fouit humum. cape saxa manu, cape robora, pastor,
 tollentemque minas et sibila colla tumentem
 deice! iamque fuga timidum caput abdidit alte,
 cum medii nexus extremaeque agmina caudae
 soluuntur, tardosque trahit sinus ultimus orbis.
 425 est etiam ille malus Calabris in saltibus anguis,
 squamea conuoluens sublato pectore terga
 atque notis longam maculosus grandibus aluum,
 qui, dum amnes ulli rumpuntur fontibus et dum
 uere madent udo terrae ac pluuiialibus Austris,
 430 stagna colit ripisque habitans hic piscibus atram
 improbus ingluuiem ranisque loquacibus explet;
 postquam exusta palus terraeque ardore dehiscunt,
 exsilit in siccum et flammantia lumina torquens
 saeuit agris asperque siti atque exterritus aestu.

MPR

- 411 uolutabis P 412 turbaris P: terrebis R agens] agros M 414 in
 stabulis a²ev incendere on, *Colum.* 7, 4, 6 415 galbaneosque M (corr. M^x)
 graui kno, *Non.* 315, 6, *Seru.* (cf. *Sil.* 1, 412) 416 ignotis R
 418 succederet MPtz (corr. M^x): succedere e γ (corr. γ¹): succendere av
 420 fodit bg 422 namque Pa 423 agmine Rf, *DSeru. ad Aen.* 2, 212
 426 pectore] corpore P (cf. *Aen.* 2, 474) 428 ulli] tumidi susp. Ribbeck: alti
 Courtney («WJA» 33, 2009, 82); at locutio est emendata et Latina: nam
adiectiuum indefinitum ulli hypotheticum colorem sententiae inducit, quasi sit
'si forte amnes palustria creant loca exundando' 429 ac] et R 430 hic]
 tum *Non.* 327, 11 (sed hic 242, 27) 431 implet recc. 432 ex(h)austa cr?ny
 433 ex(s)ilit Rgrno: extulit M: exiit Pwy: exiit δ torquent P

- 435 ne mihi tum mollis sub diuo carpere somnos
 neu dorso nemoris libeat iacuisse per herbas,
 cum positis nouus exuiis nitidusque iuuenta
 uoluitur, aut catulos tectis aut oua relinquens,
 arduus ad solem et linguis micat ore trisulcis.
- 440 Morborum quoque te causas et signa docebo.
 turpis ouis temptat scabies, ubi frigidus imber
 altius ad uiuum persedit et horrida cano
 bruma gelu, uel cum tonsis inlotus adhaesit
 sudor, et hirsuti secuerunt corpora uepres.
- 445 dulcibus idcirco fluuiis pecus omne magistri
 perfundunt, udisque aries in gurgite uillis
 mersatur missusque secundo defluit amni;
 aut tonsum tristi contingunt corpus amurca
 et spumas miscent argenti uiuaque sulpura
- 450 Idaeasque pices et pinguis unguine ceras
 scillamque elleborosque grauis nigrumque bitumen.
 non tamen ulla magis praesens fortuna laborum est,
 quam si quis ferro potuit rescindere summum
 ulceris os; alitur uitium uiuitque tegendo,
- 455 dum medicas adhibere manus ad uulnera pastor

MPR

435 ne **M^xPRωγ**, *Quint.* 9, 3, 21, *Probus* 251, 11, *Seru. ad georg.* 2, 475 *codd. plerique, schol. Bern.*: nec **Mane**, *DSeru.*; cf. *georg.* 2, 252 sq. tunc *Seru. ad georg.* 2, 475 436 herbam **b** 439 hunc u. (= *Aen.* 2, 475) *delendum putauit Haupt, teste Ribbeck* 441 ubi] cum **R**, *Colum.* 7, 5, 5 443 inlotus **M^xωγ¹**, *Seru., schol. Bern.*: inlutus **MPRγ**, *Colum.* 7, 3, 10 444 hirsutis **MR** (corr. **M^x**), *Colum.* 7, 3, 10 448 contingunt] perfundunt **a²kδη**: coniungunt **ζ** 449 et] aut *GLK VI*, 637, 15, *VII*, 339, 22 uiuaque sulpura **b²g²η**, *Macrob.* 5, 14, 4, *Seru., schol. Bern., Gramm.* (uiua et sulpura **r**): et sulp(h)ura uiua **MPRωγ**, *Hos. Get.* 332, «*quidam*» *ap. Victorinus* 212, 21, *GLK VII*, 289, 2 et 309, 32: ac sulphura uiua **nζ**; *agnouerunt grammatici uersum hypermetrum quem libri antiquiores mutato uerborum ordine ad solitam hexametri normam accommodauerunt; uide appar. ad georg.* 2, 69 452 laborum] *malorum schol. Bern.* est *om. gzζ*

- abnegat et meliora deos sedet omina poscens.
 quin etiam, ima dolor balantum lapsus ad ossa
 cum furit atque artus depascitur arida febris,
 profuit incensos aestus auertere et inter
 460 ima ferire pedis salientem sanguine uenam,
 Bisaltae quo more solent acerque Gelonus,
 cum fugit in Rhodopen atque in deserta Getarum
 et lac concretum cum sanguine potat equino.
 quam procul aut molli succedere saepius umbrae
 465 uideris aut summas carpentem ignauius herbas
 extremamque sequi aut medio procumbere campo
 pascentem et serae solam decedere nocti,
 continuo culpam ferro compesce priusquam
 dira per incautum serpant contagia uulgus.
 470 non tam creber agens hiemem ruit aequore turbo
 quam multae pecudum pestes. nec singula morbi
 corpora corripunt, sed tota aestiua repente,
 spemque gregemque simul cunctamque ab origine gentem.
 tum sciat, aërias Alpīs et Norica si quis
 475 castella in tumulis et Iapydis arua Timaui
 nunc quoque post tanto uideat desertaque regna
 pastorum et longe saltus lateque uacantis.
 Hic quondam morbo caeli miseranda coorta est
 tempestas totoque autumnī incanduit aestu
 480 et genus omne neci pecudum dedit, omne ferarum,

MPR

456 et Pωγ¹, *schol. Bemb. ad Ter. Adelph. 693, Seru.*: aut MRbcr?ηγ omina
 Ma² (omni a) ω, *Seru. ut uid.*: omnia PRefginey; meliora ... omnia uulgarem
sermonem redolet, quod ab hoc loco mihi alienum uidetur 462 atque] aut
 M 465 aut] et M (corr. M^A) carpentes M (corr. M^A) ignauius] segnius R
 466 concumbere P (cf. *buc. 8, 87*) 467 serae] saepe R (sere R²), *agnoscunt*
schol. Bern. ut uid. 469 serpunt P 470 aequora Rγ (corr. γ¹) 474 tunc
 M, *Seru. hic et ad Aen. 11, 247* et] ut P: aut br? 475 iapydis ω (lapydis M,
 lapidis fz), *ps. Probus, Seru. hic et ad Aen. 11, 247*: iapygis Pby (lapygis R;
 iapicis a), «male quidam» ap. *Seru., schol. Bern. in lemm. (sed recte*
interpretantur) arua M^P (corr. dein erasa) ωγ¹, *Seru. ad Aen. 11, 247, schol.*
Bern.: arma MRcfvxnγ: ora P 477 uocantis P: uagantis bcy (corr. γ¹)

corruptitque lacus, infecit pabula tabo.
 nec uia mortis erat simplex, sed ubi ignea uenis
 omnibus acta sitis miseros adduxerat artus,
 rursus abundabat fluidus liquor omniaque in se
 485 ossa minutatim morbo conlapsa trahebat.
 saepe in honore deum medio stans hostia ad aram,
 lanea dum niuea circumdatur infula uitta,
 inter cunctantis cecidit moribunda ministros;
 aut si quam ferro mactauerat ante sacerdos,
 490 inde neque impositis ardent altaria fibris,
 nec responsa potest consultus reddere uates,
 ac uix suppositi tinguntur sanguine cultri
 summaque ieiuna sanie infuscatur harena.
 hinc laetis uituli uulgo moriuntur in herbis
 495 et dulcis animas plena ad praesepia reddunt;
 hinc canibus blandis rabies uenit, et quatit aegros
 tussis anhela sues ac faucibus angit obesis.
 labitur infelix, studiorum atque immemor herbae,
 uictor equus fontisque auertitur et pede terram
 500 crebra ferit; demissae aures, incertus ibidem
 sudor et ille quidem morituris frigidus; aret
 pellis et ad tactum tractanti dura resistit.
 Haec ante exitium primis dant signa diebus:
 sin in processu coepit crudescere morbus,
 505 tum uero ardentes oculi atque attractus ab alto
 spiritus, interdum gemitu grauis, imaque longo
 ilia singultu tendunt, it naribus ater

MPR

481 corripuitque **Prnn**: corripitque **cγ** (corr. **γ¹**) 483 attraxerat **P**:
 abduxerat **ynen**: addixerat **z** 488 magistros **R** 490 nec **Mζ** 492 ac] at
fgikyzδ, *GLK IV*, 492, 22: aut **cetxne** 495 reddunt] ponunt *GLK V*, 587, 19
 498 studiorum *cum* immemor *iungunt* «quidam» *ap. DSeru.*: *cum* infelix
nonnulli edd. 499 fortisque **ade** 500 dimissae **cdhe** 501 morituri **Mny**
 (corr. **M^Aγ¹**): moriturus **eghjrt** 502 attactu **n**, *Macrob.* 6, 2, 10: ad tractum
εγ (corr. **γ¹**) tractandi **Mfjk** (corr. **M^A**): tractante **P** 503 exilium **P**: exitum
R 506 imaque] altaque **M** (imaque *in mg.* **M²**) 507 it] et **PR²b?iryζ**

- sanguis, et obsessas fauces premit aspera lingua.
 profuit inserto latices infundere cornu
 510 Lenaeos: ea uisa salus morientibus una;
 mox erat hoc ipsum exitio, furiisque refecti
 ardebant ipsique suos iam morte sub aegra
 (di meliora piis, erroremque hostibus illum!)
 discissos nudis laniabant dentibus artus.
 515 ecce autem duro fumans sub uomere taurus
 concidit et mixtum spumis uomit ore cruorem
 extremosque ciet gemitus. it tristis arator
 maerentem abiungens fraterna morte iuuencum
 atque opere in medio defixa reliquit aratra.
 520 non umbrae altorum nemorum, non mollia possunt
 prata mouere animum, non qui per saxa uolutus
 purior electro campum petit amnis; at ima
 soluuntur latera, atque oculos stupor urget inertis,
 ad terramque fluit deuexo pondere ceruix.
 525 quid labor aut benefacta iuuant? quid uomere terras
 inuertisse grauis? atqui non Massica Bacchi
 munera, non illis epulae nocuere repostae:
 frondibus et uictu pascuntur simplicis herbae,
 pocula sunt fontes liquidi atque exercita cursu
 530 flumina, nec somnos abrumpit cura salubris.
 tempore non alio dicunt regionibus illis
 quaesitas ad sacra boues Iunonis et uris
 imparibus ductos alta ad donaria currus.
 ergo aegre rastris terram rimantur et ipsis
 535 unguibus infodiunt fruges montisque per arduos
 contenta ceruice trahunt stridentia plaustra.

MPR

508 oppressas *Macrob.* 6, 2, 8 509 insertos P 511 exitio hoc ipsum P
 exitium b 513 ardoremque R 516 condidit R 517 it M²Rωγ, *DSeru.*:
 et MPR²b?r 519 reliquit M^xPabirxnδε, *fortasse Don. ad Ter. Andr.* 412,
Seru. ad buc. 2, 70 (cf. *georg.* 3, 92–94): relinquit MRωγ 524 ruit e
 530 abruptit fiz 534 terram rastris b ipsi Pb 535 arduos P: altos
 MRωγ (cf. *u.* 412); arduos *per synizesim*, ut e.g. *georg.* 2, 180 ‘*tenuis*’;
montium arduitas bene congruit cum nisu aratorum (contenta ceruice, *u.* 536)

non lupus insidias explorat ouilia circum
 nec gregibus nocturnus obambulat: acrior illum
 cura domat; timidi dammae ceruique fugaces
 540 nunc interque canes et circum tecta uagantur.
 iam maris immensi prolem et genus omne natantum
 litore in extremo ceu naufraga corpora fluctus
 proluit; insolitae fugiunt in flumina phocae.
 interit et curuis frustra defensa latebris
 545 uipera et attoniti squamis astantibus hydri.
 ipsis est aër auibus non aequus, et illae
 praecipites alta uitam sub nube relinquunt.

Praeterea iam nec mutari pabula refert,
 quaesitaeque nocent artes; cessere magistri,
 550 Phyllyrides Chiron Amythaoniusque Melampus.
 saeuit et in lucem Stygiis emissa tenebris
 pallida Tisiphone Morbos agit ante Metumque
 inque dies audidum surgens caput altius effert:
 balatu pecorum et crebris mugitibus amnes
 555 arentesque sonant ripae collesque supini;
 iamque cateruatim dat stragem atque aggerat ipsis
 in stabulis turpi dilapsa cadauera tabo,
 donec humo tegere ac foueis abscondere discunt.
 nam neque erat coriis usus, nec uiscera quisquam
 560 aut undis abolere potest aut uincere flamma;
 ne tondere quidem morbo inluuieque peresa
 uellera nec telas possunt attingere putris;
 uerum etiam inuisos si quis temptarat amictus,
 ardentem papulae atque immundus olentia sudor

MPR

537 insidians Rvγ: insidiis t 539 timidae e 541 natantur P
 543 flumine acev 544 deprensa P 545 astantibus] serpentibus P
 548 iam nec mutari MPωγ, GLK IV, 454, 33, VII, 241, 5: nec iam mutari
 Rbr: nec mutari iam Macrob. 6, 2, 13 549 cessare Mb? (corr. MA)
 550 phyl(l)irides Pefghjtvzγ: phil(l)irides Rεη: pyllirides c: phyliridis r
 555 horrentesque R: ardentesque jη 557 delapsa Pbeghjtν 561 nec
 abeghjkvxyΛ: non c 563 uerum] quin R temptaret Mj (corr. MA):
 tempterat γ (corr. γ¹)

565 membra sequebatur, nec longo deinde moranti
tempore contactos artus sacer ignis edebat.

MPR

566 contractos **Pe**fhjty¹ acer **R**

LIBER IV

- Protinus aërii mellis caelestia dona
 exsequar: hanc etiam, Maecenas, aspice partem.
 admiranda tibi leuium spectacula rerum
 magnanimosque duces totiusque ordine gentis
 5 mores et studia et populos et proelia dicam.
 in tenui labor; at tenuis non gloria, si quem
 numina laeua sinunt auditque uocatus Apollo.
 Principio sedes apibus statioque petenda,
 quo neque sit uentis aditus (nam pabula uenti
 10 ferre domum prohibent) neque oues haedique petulci
 floribus insultent, aut errans bucula campo
 decutiat rorem et surgentis atterat herbas.
 absint et picti squalentia terga lacerti
 pinguibus a stabulis meropesque aliaeque uolucres
 15 et manibus Procne pectus signata cruentis:
 omnia nam late uastant ipsasque uolantis
 ore ferunt dulcem nidis immitibus escam.
 at liquidi fontes et stagna uirentia musco
 adsint et tenuis fugiens per gramina riuus,
 20 palmaque uestibulum aut ingens oleaster inumbret,
 ut, cum prima noui ducent examina reges
 uere suo ludetque fauis emissa iuuentus,
 uicina inuitet decedere ripa calori
 obuiaque hospitiis teneat frondentibus arbos.

MPR

2 *prosequar ps. Probus (cf. georg. 3, 340)* 4 *ex ordine cdfghikvxzΛ*
(praeter η) γ¹ 6 *si quam van Wageningen* 11 *campi P* 14 *a] ab M*
 15 *manibus] maculis Markland ad Stat. silu. 5, 3, 84 cruentum Seru. ad Aen.*
1, 235 (sed cruentis ad buc. 6, 74) 20 *aut] atque P: et γ¹: om. afg hij*
inumbret MPRbrtζγ: obumbret ωγ¹, Colum. 9, 5, 4, Seru. ad u. 61 codd.
plerique: adumbret fghijnδ 21 *ut] at P prima noui] uere nouo Colum.*
(qui u. 22 om.) ducunt dfghijyz 23 *discedere R*

- 25 in medium, seu stabit iners seu profluet umor,
transuersas salices et grandia conice saxa,
pontibus ut crebris possint consistere et alas
pandere ad aestiuum solem, si forte morantis
sparserit aut praeceps Neptuno immerserit Eurus.
- 30 haec circum casiae uirides et olentia late
serpulla et grauiter spirantis copia thymbrae
floreat, inriguumque bibant uiolaria fontem.
ipsa autem, seu corticibus tibi suta cauatis
seu lento fuerint aluaria uimine texta,
- 35 angustos habeant aditus: nam frigore mella
cogit hiems, eademque calor liquefacta remittit.
utraque uis apibus pariter metuenda; neque illae
nequiquam in tectis certatim tenuia cera
spiramenta linunt, fucoque et floribus oras
- 40 explent, collectumque haec ipsa ad munera gluten
et uisco et Phrygiae seruant pice lentius Idae.
saepe etiam effossis, si uera est fama, latebris
sub terra fouere larem, penitusque repertae
pumicibusque cauis exesaeque arboris antro.
- 45 tu tamen et leui rimosa cubilia limo
ungue fouens circum et raras superinice frondes.
neu propius tectis taxum sine, neue rubentis
ure foco canculos, altae neu crede paludi,
aut ubi odor caeni grauis aut ubi concaua pulsu
- 50 saxa sonant uocisque offensa resultat imago.
Quod superest, ubi pulsam hiemem sol aureus egit
sub terras caelumque aestiua luce reclusit,
illae continuo saltus siluasque peragrant
purpureosque metunt flores et flumina libant
- 55 summa leues. hinc nescio qua dulcedine laetae

MPR 36 desinit R

25 profluet **MR^x** (proprofluet **R**) **ωγ¹**, *DSer.*: profluit **Pry**: profluat **b**
34 aluaria **MPRbr**, *Char.* 107, 1: aluearia **M^aωγ**, *GLK VII*, 252, 3
43 fouere **PΦηγ**, *Non.* 311, 34: fodiere **M**: fodere **M^xtΛ**; cf. u. 42 effossis
45 et] e **kxy**; «e leui ... alii et leui legunt» *Seru.* 47–50 post u. 17 transp.
Ribbeck, praeunte Heyne 52 terra **M** (cf. u. 43) 53 saltum **P**

- progeniem nidosque fouent, hinc arte recentis
excudunt ceras et mella tenacia fingunt.
hinc ubi iam emissum caueis ad sidera caeli
nare per aestatem liquidam suspexeris agmen
60 obscuramque trahi uento mirabere nubem,
contemplator: aquas dulcis et frondea semper
tectata petunt. huc tu iussos asperge saporis,
trita melisphylla et cerinthae ignobile gramen,
tinnitusque cie et Matris quate cymbala circum:
65 ipsae consident medicatis sedibus, ipsae
intima more suo sese in cunabula condent.
Sin autem ad pugnam exierint – nam saepe duobus
regibus incessit magno discordia motu,
continuoque animos uulgi et trepidantia bello
70 corda licet longe praesciscere; namque morantis
Martius ille aeris rauci canor increpat, et uox
auditur fractos sonitus imitata tubarum;
tum trepidae inter se coeunt pinnisque coruscant
spiculaque exacuunt rostris aptantque lacertos
75 et circa regem atque ipsa ad praetoria densae
miscentur magnisque uocant clamoribus hostem.
ergo ubi uer nactae sudum camposque patentis,
erumpunt portis: concurritur, aethere in alto
fit sonitus, magnum mixtae glomerantur in orbem
80 praecipitesque cadunt; non densior aëre grando,
nec de concussa tantum pluit ilice glandis.
ipsi per medias acies insignibus alis

MP

57 excludunt **Pb**?fjz figunt **v**ζ, *Seru.* 58 hinc **M**ωγ, *Non.* 353, 29, *DSeru.* («hinc pro ‘dehinc’»): hic **Pt** 62 iussos] tussos *Ribbeck cl. u.* 267 (tunsos *Reiske*) 63 gramen] carmen **P** (cf. *buc.* 9, 38) 66 condunt **c**fgiζ 67 sin – exierint] *sententia pendet; post longam digressionem eo reuocatur oratio unde abrupte declinauerat* (67 ad pugnam exierint ~ 77 sq. ergo ... erumpunt portis) 69 et – bello] animosaque regum *Prisc.* 8, 72 71 increpat] inuocat *Colum.* 9, 9, 4 73 dum **P**: tunc **cn**, *Non.* 408, 15: nunc **b** 74 spicula (*om.* -que) **af**hixz 78 concurritur *dist. edd. plerique*: alto *dist.* **M**^x, *Seru.* ad u. 5 81 fluit **tn**γ¹

ingentis animos angusto in pectore uersant,
 usque adeo obnixa non cedere, dum grauis aut hos
 85 aut hos uersa fuga uictor dare terga subegit.
 hi motus animorum atque haec certamina tanta
 pulueris exigui iactu compressa quiescent.

Verum ubi ductores acie reuocaueris ambo,
 deterior qui uisus, eum, ne prodigus obsit,
 90 dede neci; melior uacua sine regnet in aula.
 alter erit maculis auro squalentibus ardens –
 nam duo sunt genera: hic melior insignis et ore
 et rutilis clarus squamis, ille horridus alter
 desidia latamque trahens inglorius aluum.
 95 ut binae regum facies, ita corpora plebis:
 namque aliae turpes horrent, ceu puluere ab alto
 cum uenit et sicco terram spuit ore uiator
 aridus; elucent aliae et fulgore coruscant
 ardentes auro et paribus lita corpora guttis.
 100 haec potior suboles, hinc caeli tempore certo
 dulcia mella premes, nec tantum dulcia quantum
 et liquida et durum Bacchi domitura saporem.

At cum incerta uolant caeloque examina ludunt
 contemnuntque fauos et frigida tecta relinquunt,
 105 instabilis animos ludo prohibebis inani.
 nec magnus prohibere labor: tu regibus alas
 eripe; non illis quisquam cunctantibus altum

MP 97 *inchoat* F

86 tantum M (corr. M^A) 87 quiescent Pωγ, DSeru. ad u. 67: quiescunt Mbhrzδγ¹: quiescant a: quiescit Colum. 9, 9, 6; «in Cornelianis quiescunt, non quiescent» schol. Bern. 88 ambo Mabrtγ, DSeru. ad buc. 6, 18, Gramm.: ambos Pωγ¹; utrumque agnoscunt DSeru. hic, schol. Bern. 91–94 cum huic loco aliquid superuacaneum inesse uideretur (alter ... hic ... ille alter), quasi poeta alterum uersum pro altero substituere maluisset, u. 91 tollendum censuit Ribbeck, u. 92 secl. van Wageningen, quem Goold sequi non dubitauit. At uidetur Columella uersus ambos legisse qui, etsi detruncati et in unum perperam conflati, simul tamen apud eum exstant (9, 10, 2 ...et rutilis clarus squamis insignis et ore). Imputabisne istam uerborum redundantiam curis secundis poetae an potius eius uberrimo eloquio? 97 terram sicco Φ (praeter br; terram et sicco t) δε 103 at] aut P 105 in stabulis Mγ (corr. M^Aγ¹)

- ire iter aut castris audebit uellere signa.
 inuient croceis halantes floribus horti
 110 et custos furum atque auium cum falce saligna
 Hellespontiaci seruet tutela Priapi.
 ipse thymum tinosque ferens de montibus altis
 tecta serat late circum, cui talia curae;
 ipse labore manum duro terat, ipse feracis
 115 figat humo plantas et amicos inriget imbris.
 Atque equidem, extremo ni iam sub fine laborum
 uela traham et terris festinem aduertere proram,
 forsitan et pinguis hortos quae cura colendi
 ornaret canerem biferique rosaria Paesti,
 120 quoque modo potis gauderent intiba riuus
 et uirides apio ripae, tortusque per herbam
 cresceret in uentrem cucumis; nec sera comantem
 narcissum aut flexi tacuissem uimen acanthi
 pallentisque hederas et amantis litora myrtos.
 125 namque sub Oebaliae memini me turribus arcis,
 qua niger umectat flauentia culta Galaesus,
 Corycium uidisse senem, cui pauca relict
 iugera ruris erant, nec fertilis illa iuuencis
 nec pecori opportuna seges nec commoda Baccho.
 130 hic rarum tamen in dumis holus albaque circum
 lilia uerbenasque premens uescumque papauer
 regum aequabat opes animis seraque reuertens

FMP 124 *desinit* F

110 furum] frugum **M** (*corr.* **M^A**) 112 tinosque **MP**, *agnoscit* *DSeru.*:
 pinosque **FM²ωγ**; *cf.* *u.* 141 113 circum late **P**: altae circum **γ** (*corr.* **γ¹**)
 114 laborem animum **M** (labore manu **M^x**) feracis] tenaces **a²**, *agnoscunt*
schol. Bern. 117 prora **F** (*corr.* *ead. man.*): proras **b²γ** (*corr.* **γ¹**); *cf.* *Aen.* 7,
 35 120 riuus] fibris **g²η**, *Prisc.* 9, 39 et 11, 17, *agnoscunt* *schol. Bern.* (*cf.*
georg. 1, 120) 122 sero **ω** (*praeter* **bdegrrt**) **γ¹**, *Seru. codd. aliquot*
 124 pallentis (*om.* -que) **F** litore **Pγ?** (*corr. man. rec. in P, γ¹*) 125 arcis
Pb²γ, *Arus.* 491, 10, *ps. Probus, DSeru.*: altis **M^x** (autis **M**) **ωγ¹**, *Agroec.* 118, 3,
GLK VII, 279, 28, *Seru. ad Aen.* 2, 12 (*cf. Aen.* 9, 470; 10, 121 *al.*)
 127 relicta **r** 128 iuris **M** 129 pecori] Cereri *Salmasius* (*cf. georg.* 2, 229)
 sedes **P** 132 animo **adfhrζ**, *Sen. ben.* 1, 7, 1 seramque **γ** (*corr.* **γ¹**); «*in*
Ebrii seram» *schol. Bern.*

- nocte domum dapibus mensas onerabat inemptis.
 primus uere rosam atque autumnno carpere poma,
 135 et cum tristis hiems etiamnum frigore saxa
 rumperet et glacie cursus frenaret aquarum,
 ille comam mollis iam tondebat hyacinthi
 aestatem increpitans seram Zephyrosque morantis.
 ergo apibus fetis idem atque examine multo
 140 primus abundare et spumantia cogere pressis
 mella fauis; illi tiliae atque uberrima tinus,
 quotque in flore nouo pomis se fertilis arbor
 induerat, totidem autumnno matura tenebat.
 ille etiam seras in uersum distulit ulmos
 145 eduramque pirum et spinos iam pruna ferentis
 iamque ministrantem platanum potantibus umbras.
 uerum haec ipse equidem spatiis exclusus iniquis
 praetereo atque aliis post me memoranda relinquo.

- Nunc age, naturas apibus quas Iuppiter ipse
 150 addidit expediam, pro qua mercede canoros
 Curetum sonitus crepitantiaque aera secutae
 Dictae celi regem pauere sub antro.
 solae communis natos, consortia tecta
 urbis habent magnisque agitant sub legibus aeuum
 155 et patriam solae et certos nouere penates;

MP 153 *inchoat* F

135 etiam nunc ω (*praeter* $\text{re}\eta$) γ^1 137 iam $\text{Mbkrxyn}\delta\zeta\gamma$: iam tum $\text{P}\omega\gamma^1$
 hyacinthi (iac-) $\text{MP}\omega\gamma^1$ (hiacanti γ): ac(h)ant(h)i $\text{acdegjtw}\epsilon$ (cf. u. 123)
 139 idem atque] idemque P 141 illic P, *agnoscunt schol. Bern.* tilia M
 tinus M: pinus $\text{M}^*\text{P}\omega\gamma$, *Seru.*, *schol. Bern.*; «*ipsius manu duplex fuit scriptura,*
pinus et tinus» *DSeru.*; cf. u. 112 144 in uentum P 145 et duramque Pe
 (eduramque *schol. Bern.*, *Ribbeck*) pinum M (corr. M^2) 147 ipsa M (corr.
 M^A) quidem abcdgwn 148 me memoranda $\text{b}^2\text{h}^2\text{i}^2\text{j}^2\text{w}^2$ (cf. *Colum.* 10, 5):
 memoranda (*om.* me, *ex haplogr.*) $\text{MP}\omega\gamma$: commemoranda $\text{cdjktwze}\eta$
 150 pro qua mercede i.e. ‘mercedem rependens propter quod’; haeret *Donatus*
ap. Seru. («*ut etiam Donatus dicit tragicum est et ultra carmen georgicum, si*
accipiamus pro qua mercede exclamationem esse, ut sit ‘pro quanta hoc
mercede fecerunt!’»), nec melius interpretatur *Seru.* 151 corybantiaque a^2 ,
schol. Bern. 154 magnis (*om.* -que) P 155 et² *om.* bc

- uenturaeque hiemis memores aestate laborem
 experiuntur et in medium quaesita reponunt.
 namque aliae uictu inuigilant et foedere pacto
 exercentur agris; pars intra saepta domorum
 160 narcissi lacrimam et lentum de cortice gluten
 prima fauis ponunt fundamina, deinde tenacis
 suspendunt ceras; aliae spem gentis adultos
 educunt fetus; aliae purissima mella
 stipant et liquido distendunt nectare cellas.
 165 sunt quibus ad portas cecidit custodia sorti
 inque uicem speculantur aquas et nubila caeli,
 aut onera accipiunt uenientum aut agmine facto
 ignaum fucos pecus a praesepibus arcent:
 feruet opus, redolentque thymo fraglantia mella.
 170 ac ueluti lentis Cyclopes fulmina massis
 cum properant, alii taurinis follibus auras
 accipiunt redduntque, alii stridentia tingunt
 aera lacu; gemit impositis incudibus Aetna;
 illi inter sese magna ui brachia tollunt
 175 in numerum uersantque tenaci forcipe ferrum:
 non aliter, si parua licet componere magnis,
 Cecropias innatus apes amor urget habendi
 munere quamque suo. grandaeuis oppida curae
 et munire fauos et daedala fingere tecta;
 180 at fessae multa referunt se nocte minores
 crura thymo plenae: pascuntur et arbuta passim
 et glaucas salices casiamque crocumque rubentem

FMP 174 *desinit* F 181 *inchoat* R

156 laborum a?c: labores gζ 163 durissima M (corr. M^x) 164 liquido
 distendunt] dulci suspendunt n (dulci etiam ζ) 165 sorte recc. 169 feruet
 F²MPωγ, *Seru. ad georg. 1, 190 et 4, 104*: feruit Fγ¹, *DSeru.*; «feruet, in *Ebrii*
 feruit» *schol. Bern.*; cf. *Aen. 1, 436* fraglantia F² (in ras.) Mbgkζγ: flagrantia
 Pω, *Diom. 319, 18*: fragrantia c, *DSeru., Isid. 17, 9, 12*; cf. *Aen. 1, 436*
 170 lenti F (corr. F²): lente P 173 aet(h)na Mωγ, *schol. Bern.*: antrum
 FPDF?wε (ex *Aen. 8, 451*) 174 «tollunt, alii iactant» *schol. Bern.*
 177 habendi] agendi *Peerlkamp, Nisbet* («MD» 26, 1991, 87 sq.) 181 plena
 acdfivw «passim, alii circum» *schol. Bern. (cf. u. 188)*

- et pinguem tiliam et ferrugineos hyacinthos.
 omnibus una quies operum, labor omnibus unus:
 185 mane ruunt portis, nusquam mora; rursus easdem
 Vesper ubi e pastu tandem decedere campis
 admonuit, tum tecta petunt, tum corpora curant;
 fit sonitus, mussantque oras et limina circum.
 post, ubi iam thalamis se composuere, siletur
 190 in noctem, fessosque sopor suus occupat artus.
 nec uero a stabulis pluuiā impendente recedunt
 longius aut credunt caelo aduentantibus Euris,
 sed circum tutae sub moenibus urbis aquantur
 excursusque brevis temptant, et saepe lapillos,
 195 ut cumbae instabiles fluctu iactante saburram,
 196 tollunt, his sese per inania nubila librant.
 203 saepe etiam duris errando in cotibus alas
 204 attriuere ultroque animam sub fasce dedere:
 205 tantus amor florum et generandi gloria mellis.
 197 Illum adeo placuisse apibus mirabere morem,
 quod neque concubitu indulgent, nec corpora segnes
 in Venerem soluunt aut fetus nixibus edunt;
 200 uerum ipsae e foliis natos, e suauibus herbis

MPR

185 numquam P 187 tum²] tunc MP 188 mussant (*om. -que*) P; cf. u. 154 «limina, alii litora» *schol. Bern.* 193 totae P 195 stabiles M^γ (*corr. M^Aγ¹*) flatu P 203–205 post u. 196 *transp. Bentley et Schrader: alii eos alio transferendos esse censuerunt (post u. 183 Wagner, post u. 207 in parenthesi Goldbacher, «WS» 31, 1909, 169 sqq. et Franco, «Gymnasium» 11, 1912, 418 sq., post u. 218 Ribbeck), uel secundis curis additos esse iudicauerunt. Hi uersus, perperam post u. 202 collocati, sententiarum continuationem abrumpunt; nam uu. 206–208, cum consequenter (cf. ergo) eos uersus concludant qui dicunt de perpetua apium generatione (uu. 201–202), oportet cum iis stricte coniungantur. Alienos uersus post u. 196 transpone et percommode uidebis aduerbia saepe (u. 194) et saepe etiam (u. 203) locata esse contigue; sic bene refecta, oratio currit continua et expedita* 204 animas Non. 312, 26 205 florum] laudum *Seru. ad u. 5 (sed florum hic); cf. georg. 3, 112* 198 neque PR^γ¹: nec M^A (dec M) ω^γ, Gell. 4, 16, 7, *Asper p. 535*, 20, *Arus. 478, 13* 199 nixibus ω^γ¹, *Seru., DSeru., schol. Bern.: nexibus M (ut uid.) Rhjry* (necibus P) 200 e¹ MRbry?Λ^γ, *Lact. diu. inst. 1, 8, 8, DSeru.: om. PΦε: et k e² MPfgjkδεη, Lact.: sed R: et ω^γ: om. r*

- ore legunt, ipsae regem paruosque Quirites
 202 sufficiunt, aulasque et cerea regna refingunt.
 206 ergo ipsas quamuis angusti terminus aeu
 excipiat (neque enim plus septima ducitur aestas),
 at genus immortale manet, multosque per annos
 stat fortuna domus, et aui numerantur auorum.
 210 Praeterea regem non sic Aegyptus et ingens
 Lydia nec populi Parthorum aut Medus Hydaspes
 obseruant. rege incolumi mens omnibus una est;
 amisso rupere fidem constructaque mella
 diripuere ipsae et crates soluere fauorum.
 215 ille operum custos, illum admirantur et omnes
 circumstant fremitu denso stipantque frequentes
 et saepe attollunt umeris et corpora bello
 obiectant pulchramque petunt per uulnera mortem.
 His quidam signis atque haec exempla secuti
 220 esse apibus partem diuinae mentis et haustus
 aetherios dixere; deum namque ire per omnia,
 terrasque tractusque maris caelumque profundum;
 hinc pecudes, armenta, uiros, genus omne ferarum,
 quemque sibi tenuis nascentem arcessere uitas;
 225 scilicet huc reddi deinde ac resoluta referri
 omnia, nec morti esse locum, sed uiua uolare

MPR

- 201 paruosque] pabulumque **M** (corr. **M^A**) 202 refingunt **Rbdfgwnδηγ**
 (relingunt **P**); cf. *uu.* 57 et 179: refigunt **Mωγ¹**, *Seru.*, *DSeru.*, *schol. Bern.*
 208 at] et **R**: ac **γ?** (corr. **γ¹**); «et, alibi at» *DSeru.* 210–218 ante u. 197
transp. Erren 210 aegyptus **R**: aegyptos **M** (-ios **P**), *ps. Probus*
 211 parthorum populi (*om. nec*) **cdw** aut] et **M** 215 ille admiratur **M**
 (corr. **M^A**): illum admirantes **γ** (corr. **γ¹**) 216 frementes **b?fhij**
 217 corpora] pectora **P** (cf. *Aen.* 8, 29) 221 omnia *Peerlkamp ad Aen.* 7,
 237, ex *Ambros. off.* 1, 13: omnis (-es) *codd.*, *Min. Fel.* 19, 2, *Lact. diu. inst.* 1,
 5, 12, *Aug. ciu.* 4, 11, *Seru.*, *schol. Bern.*; omnia *bisyllabum per synizesin* (cf.
Aen. 6, 33), *quod qui non recognouit in omnis mutauit*; terrasque tractusque
 ... caelumque *tricolon adpositiuum est* (cf. *Emped. frg.* 38 D.-K.; *Enn. ann.*
 543 *Vahl.*² [= 556 *Sk.*]; *Plaut. Amph.* 1055, *necnon buc.* 4, 50 sq.) 223 hic **R**
 224 accersere **R**: accessere **γ** (corr. **γ¹**) 225 referre **M** (corr. **M²**)

sideris in numerum atque alto succedere caelo.

- Si quando sedem augustam seruataque mella
thesauris relines, prius haustu sparsus aquarum
230 ora foue fumosque manu praetende sequacis.
bis grauidos cogunt fetus, duo tempora messis:
Taygete simul os terris ostendit honestum
Plias et Oceani spretos pede reppulit amnis,
aut eadem sidus fugiens ubi Piscis aquosi
235 tristior hibernas caelo descendit in undas.
illis ira modum supra est, laesaeque uenenum
morsibus inspirant et spicula caeca relinquunt
adfixae uenis animasque in uulnere ponunt.
sin duram metues hiemem parcesque futuro
240 contusosque animos et res miserabere fractas,
at suffire thymo cerasque recidere inanis

MPR

227 succedere] se condere **R** 228 augustam **M^A** (-ta **M**) **PbdektvwxΛγ**, *Seru.*, *DSeru.*, *schol. Bern.*: angustam **RΦ** 229 thensauri retines **P** haustu **M^A** (astu **M**) **Rb?cijrwxzΛ** (austu **γ**), *DSeru. ad u.* 230: haustus **Padefhktvyγ¹**, *Seru. ad u.* 230 *ut uid.*: haustum **g** 230 ora foue **Φζ**, *Seru. codd. aliquot in lemm. (cf. georg. 2, 135)*: ore foue **Rab?t?vey¹**, *Seru.* («ore foue ipsos haustus scilicet»): ore faue **MPdf?wΛ** (ora faue **γ**), «alii» *ap. Seru.*, *DSeru.* («ore faue cum religione et silentio accede»; *cf. Aen. 5, 71*); ore foue et ore faue agnoscunt *schol. Bern. ut uid. (cf. Praef. 108)* manu] sinu **P** 231 fetus] flores **P**, «flores emendatum fuit» *DSeru.* 233 plias **MdzΛγ**, *schol. Bern.*: pleas **P**: pleias **RΦεζ**, *Seru.* rettulit **a²**; «retulit, alii repulit» *schol. Bern.* 236–238 *post u. 230 transp. Bentley et Schrader, secundis curis additos censet Sabbadini. At ordo uersuum quem libri exhibent mihi uidetur omni reprehensione carere: inchoat enim poeta docere quomodo apiarii oporteat mel colligant (uu. 228–230), at statim supplet, uu. 231–235 adiectis, quando mel sit colligendum. Post hoc additamentum continuo oratio illuc redit unde parumper discederat: ‘quotienscumque apiarii manus fumosque aluariis admouerint (uu. 228–230), apes uidebis iratas repugnare contra (uu. 236–238)’* 238 adfixa **Φ** (praeter **bdr**) **nδ**: adfixa in **eoζη** uulnere **MPω**, *GLK VIII, 60, 12, Seru. hic et ad u. 80, DSeru. ad Aen. 9, 687, schol. Bern.*: uulnera **Rcfghy**, *Macrob. 6, 6, 19, schol. Iuu. 4, 91 (utrumque codd. Non. 233, 1)* 239 metuens **Rγ** (*corr. γ¹*) 241 aut **Mjγ?** (*corr. M^γ¹*) suffire **ωγ**, *Seru., schol. Bern., Prisc. ter: suffere Pr: sufferre MR* thumos **M** (*corr. M²*): fauos thymo **P**

- quis dubitet? nam saepe fauos ignotus adedit
 stelio et lucifugis congesta cubilia blattis
 immunisque sedens aliena ad pabula fucus;
 245 aut asper crabro imparibus se immiscuit armis
 aut dirum tiniae genus, aut inuisa Mineruae
 laxos in foribus suspendit aranea cassis.
 quo magis exhaustae fuerint, hoc acrius omnes
 incumbent generis lapsi sarcire ruinas
 250 complebuntque foros et floribus horrea texent.
 Si uero, quoniam casus apibus quoque nostros
 uita tulit, tristi languebunt corpora morbo –
 quod iam non dubiis poteris cognoscere signis:
 continuo est aegris alius color; horrida uultum
 255 deformat macies; tum corpora luce carentum
 exportant tectis et tristia funera ducunt;
 aut illae pedibus conexae ad limina pendent
 aut intus clausis cunctantur in aedibus omnes
 ignauaeque fame et contracto frigore pigrae;
 260 tum sonus auditur grauior, tractimque susurrant,
 frigidus ut quondam siluis immurmurat Auster,
 ut mare sollicitum stridit refluentibus undis,
 aestuat ut clausis rapidus fornacibus ignis.

MPR

242 iam P γ (corr. γ^1) adhaesit R 243 stelio M^x (stello M) Rbcdix $\Lambda\gamma$:
 stellio P $\Phi\gamma^1$, Seru. ad Aen. 5, 795, schol. Bern.: stilio afg: stillio w post
 blattis dist. edd. nonnulli qui, 'congesta sunt cubilia (scil. apium) blattis' male
 interpretati, u. 244 cum inferioribus coniungunt; at uu. 242–244 tricolon
 formant conexum; nam congesta cubilia blattis periphrasis est quae significat
 'blattae quae sua cubilia in apium fauos ingesserunt praedabundae'
 244 pabula] pocula M (corr. M^A) 245 scabro M² Λ 246 durum acdfgwze
 (dyr- kxon), Non. 285, 6 tineae cdejvwyzn $\delta\gamma^1$ 248–250 post u. 235
 transp. Ribbeck 248 fuerunt M (corr. M^x): fuerit P (corr. ead. man.)
 251–252 si uero – morbo] protasis est, cui post longam digressionem
 respondet apodosis (264) hic iam ... suadebo 251 nostris R 254 aegris
 color horridus alia uultum M (corr. M^A, sed alia non expuncto) «uultum, alii
 uultu» schol. Bern. 259 ignauaeque PR 260 tunc P 262 ut] aut hj
 stridit MP $\Lambda\gamma$, Seru. ad Aen. 5, 595, schol. Bern.: stridet R $\Phi\delta\epsilon\gamma^1$
 263 rapidis clausus r

- hic iam galbaneos suadebo incendere odores
 265 mellaque harundineis inferre canalibus, ultro
 hortantem et fessas ad pabula nota uocantem.
 proderit et tunsum gallae admiscere saporem
 arentisque rosas, aut igni pinguia multo
 defruta uel psithia passos de uite racemos
 270 Cecropiumque thymum et graue olentia centaurea.
 est etiam flos in pratis cui nomen amello
 fecere agricolae, facilis quaerentibus herba;
 namque uno ingentem tollit de caespite siluam
 aureus ipse, sed in foliis, quae plurima circum
 275 funduntur, uiolae sublucet purpura nigrae;
 saepe deum nexis ornatae torquibus arae;
 asper in ore sapor; tonsis in uallibus illum
 pastores et curua legunt prope flumina Mellae.
 huius odorato radices incoque Baccho
 280 pabulaque in foribus plenis appone canistris.
 Sed si quem proles subito defecerit omnis
 nec genus unde nouae stirpis reuocetur habebit,
 tempus et Arcadii memoranda inuenta magistri
 pandere, quoque modo caesis iam saepe iuuentis
 285 insincerus apes tulerit cruor. altius omnem
 expediam prima repetens ab origine famam.
 nam qua Pellaei gens fortunata Canopi
 accolit effuso stagnantem flumine Nilum
 et circum pictis uehitur sua rura phaselis,
 290 quaque pharetratae uicinia Persidis urget,

MPR

264 hinc M^A 267 profuit *Prisc.* 10, 27 269 psithiae M^x (-tiae M) γ¹
 (sitiae γ), *schol. Bern.*: psithaec R 276 hunc u. post alios secl. Ribbeck,
secundis curis additum censuit Wagner 278 et] en M (corr. M^A) prope] per
 R: pro γ (corr. γ¹) mellae Rωγ, *Seru.*: millae MP: amellae M^Acdgz, *schol.*
Bern. 280 expone R 281 quem] quidem Φ (*praeter bjrt*) ογ (corr. γ¹),
Seru. codd. aliquot 282 habebis Pbe²: habenis R 290 uicinia] confinia
Bentley ad Lucan. 2, 435

- *et uiridem Aegyptum nigra fecundat harena
et diuersa ruens septem discurrit in ora
usque coloratis amnis deuexus ab Indis,
omnis in hac certam regio iacit arte salutem.
295 exiguus primum atque ipsos contractus in usus
eligitur locus; hunc angustique imbrice tecti
parietibusque premunt artis, et quattuor addunt
quattuor a uentis obliqua luce fenestras.
tum uitulus bima curuans iam cornua fronte
300 quaeritur; huic geminae nares et spiritus oris
multa reluctanti obstruitur, plagisque perempto
tunsa per integram soluuntur uiscera pellem.
sic positum in clauso linquunt et ramea costis
subiciunt fragmenta, thymum casiasque recentis.
305 hoc geritur Zephyris primum impellentibus undas,
ante nouis rubeant quam prata coloribus, ante
garrula quam tignis nidum suspendat hirundo.
interea teneris tepefactus in ossibus umor
aestuat, et uisenda modis animalia miris,
310 trunca pedum primo, mox et stridentia pinnis,
miscentur, tenuemque magis magis aëra carpunt,
donec ut aestiuus effusus nubibus imber

MPR

291 hunc u. post 290 habent P ω , post 292 Mrt $\zeta\gamma$, post 293 R; uu. 291–293 secl. Wagner, secundis curis additos censet Sabbadini, alii alia coniecerunt. Suspicio poetam secundis adhibitis curis u. 292 subdidisse pro u. 291, quem librarii non eiecerunt sed perperam et permixtim receperunt in textum. Nam, cum ambo uersus ex Vergili manu esse uideantur, minime tamen credo placuisse poetae eos simul occurrere. Nescio an haec retractatio indicio nobis sit Vergilium aliquot de Aegypto uersus mutasse ut de infelici Gallo, illius regionis praefecto, omnem aboleret mentionem (uide Praefationem, p. 96, n. 2, et ad u. 315 adnotationem) 294 hanc Rfrw, Non. 327, 23 iacit M ω , Non., Seru., D Seru. : iacet M²PR γ 295 in MPatn η : ad M^AR $\omega\gamma$, Seru. 301 obstruitur PR¹ (obstruitur R) $\omega\gamma$ ¹: opsuitur M, obsuitur γ ; «obsuitur ... alii obstruitur» schol. Bern. 306 ante²] et ante MR (et del. M^x) 307 lignis P 311 tenueque P: tenuem (om. -que) hijkxyzne magis magis Pabderuwy (magis c ζ): magis ac magis MR ω captant Rc² (-ptunt c)

- erupere, aut ut neruo pulsante sagittae,
 prima leues ineunt si quando proelia Parthi.
 315 Quis deus hanc, Musae, quis nobis extudit artem?
 unde noua ingressus hominum experientia cepit?
 pastor Aristaeus fugiens Peneia Tempe,
 amissis, ut fama, apibus morboque fameque,
 tristis ad extremi sacrum caput adstitit amnis
 320 multa querens atque hac adfatus uoce parentem:
 ‘mater, Cyrene mater, quae gurgitis huius
 ima tenes, quid me praeclara stirpe deorum
 (si modo, quem perhibes, pater est Thymbraeus Apollo)
 inuisum fatis genuisti? aut quo tibi nostri
 325 pulsus amor? quid me caelum sperare iubebas?
 en etiam hunc ipsum uitae mortalis honorem,
 quem mihi uix frugum et pecudum custodia sollers
 omnia temptanti extuderat, te matre relinquo.
 quin age et ipsa manu felicitis erue siluas,
 330 fer stabulis inimicum ignem atque interface messes,
 ure sata et duram in uitis molire bipennem,
 tanta meae si te ceperunt taedia laudis.’
 At mater sonitum thalamo sub fluminis alti
 sensit. eam circum Milesia uellera Nymphae
 335 carpebant hyali saturo fucata colore,
 Drymoque Xanthoque Ligeaque Phyllodoceque,

MPR

313 erupere **Pωγ**: erumpere **M**: eripuerunt **R** aut] uel **bcr**? 315 «sane sciendum ... ultimam partem huius libri esse mutatam; nam laudes Galli habuit locus ille, qui nunc Orphei continet fabulam, quae inserta est postquam irato Augusto Gallus occisus est» *Seru. ad georg. 4, 1* (cf. etiam *Seru. ad buc. 10, 1*); uide *Praefationem*, pag. 96 extulit **efgh?ik?wεζ**, *Seru. codd. aliquot*; «extudit ... alii extulit» *schol. Bern.* 317 tempae **bdeitvwz** 319 sacrum] placidum ex placitum **M** (cf. *Aen. 1, 127*) 320 hac fatus **γ** (corr. **γ**¹): affatus hac **cdktw**: hac *om.* **aj** 322 ima] iam **PR** tenens **Pbc?f** a stirpe **Rhy** 327 et] ac **br** pecudum **Mωγ**¹ (-codum **c**), *Non. 158, 37 et 460, 4*: pecorum **PRbry** 328 extulerat **ewwy** 331 duram(m) **M**, *pathetice dictum*: ualidam **M^APRωγ**, *Arus. 493, 12* (cf. *Aen. 11, 651*) 334 sensit **R** 336 ligeaque **M^x** (ligeaque *restituit* **M**²) **ktyzoδηγ** (ligiaque **ab**), *Macrob. 5, 17, 17*: ligeaque **MPω** (legeatque **R**)

- 337 caesariem effusae nitidam per candida colla,
 339 Cydippe et flaua Lycorias, altera uirgo,
 340 altera tum primos Lucinae experta labores,
 Clioque et Beroe soror, Oceanitides ambae,
 ambae auro, pictis incinctae pellibus ambae,
 atque Ephyre atque Opis et Asia Deiopea
 et tandem positis uelox Arethusa sagittis.
 345 inter quas curam Clymene narrabat inanem
 Volcani Martisque dolos et dulcia furta,
 aque Chao densos diuum numerabat amores.
 carmine quo captae fusis dum mollia pensa
 deuoluunt, iterum maternas impulit aures
 350 luctus Aristaei, uitreisque sedilibus omnes
 obstipuerunt; sed ante alias Arethusa sorores
 prospiciens summa flauum caput extulit unda,
 et procul: 'o gemitu non frustra exterrita tanto,
 Cyrene soror, ipse tibi, tua maxima cura,
 355 tristis Aristaeus Penei genitoris ad undam
 stat lacrimans et te crudelem nomine dicit.'

Huic percussa noua mentem formidine mater
 'duc, age, duc ad nos; fas illi limina diuum
 tangere' ait. simul alta iubet discedere late

MPR 345 inchoat G

338 nisaee spioque thaliaque (thalique **acd^w**, et talique **γ¹**) cymodoceque (cymodoque **dw**) *add.* **acdwoδηγ¹**, *Macrob.* 5, 17, 17 (ex *Aen.* 5, 826)
 339 cydippeque **Rieζγ** (*corr.* **γ¹**) 343 ante 342 habet **γ** (*ord. rest.* **γ¹**)
 345 curas ... inanes **γ¹** 347 aque **tnon**, *Seru. hic et ad buc.* 7, 13: atque **MPRωγ** (adque **G**), *Arus.* 489, 7: uel *schol. Bern.* 348 fusis dum **Mγ¹** (fusis dum **γ**): dum fusis **PRω**: dum fusi **G**; *legem quae dicitur Marxiana secutus sum, ex qua apparet uerbum spondiacum saepius antecedere, si post caesuram semiquinariam monosyllabon longum cum spondiaco uerbo conectatur (itaque in Aeneidos prooemio legimus 'Troiae qui', non 'qui Troiae')* 350 sedibus **cfghje** amnes **M** (*corr.* **M¹**) 351 obstipuerunt] exsiluere **a²** 352 flauum] placidum *Seru.* (*cf. u.* 319 et *Aen.* 1, 127)
 353–355 *om.* **γ** (*add.* **γ¹**) 355 Penei] propter spondaicam mensuram suspectum, a nonnullis ut glossema reiectum est; magni Bentley ad *Lucan.* 3, 191: nostri Peerlkamp (*uide etiam Courtney, «BICS»* 28, 1981, 21)
 357 percussa **noδηγ**

- 360 flumina, qua iuuenis gressus inferret; at illum
 curuata in montis speciem circumstetit unda
 accepitque sinu uasto misitque sub amnem.
 iamque domum mirans genetricis et umida regna
 speluncisque lacus clausos lucosque sonantis
 365 ibat, et ingenti motu stupefactus aquarum
 omnia sub magna labentia flumina terra
 spectabat diuersa locis, Phasimque Lycumque
 et caput unde altus primum se erumpit Enipeus,
 unde pater Tiberinus et unde Aniena fluenta
 370 saxosusque sonans Hypanis Mysusque Caicus
 et gemina auratus taurino cornua uultu
 Eridanus, quo non alius per pingua culta
 in mare purpureum uiolentior effluit amnis.
 postquam est in thalami pendentia pumice tecta
 375 peruentum et nati fletus cognouit inanis
 Cyrene, manibus liquidos dant ordine fontis
 germanae tonsisque ferunt mantelia uillis;
 pars epulis onerant mensas et plena reponunt
 pocula, Panchaeis adulescunt ignibus arae.
 380 et mater ‘cape Maeonii carchesia Bacchi:

GMPR

360 at] ad **Gry** (corr. γ^1), agnoscunt schol. Bern. 361 montis] molis
 Macrob. 5, 3, 4 speciem **M**, imitatur *Ou. met.* 15, 508 sq. ‘cumulusque
 immanis aquarum / in montis speciem curuari ... uisus’: faciem **GPRωγ**,
 schol. Ver. ad *Aen.* 2, 633, *Lact. diu. inst.* 4, 10, 7, *Macrob.*; sed apud Vergilium
 locutio ‘in faciem’ cum genet. numquam ualet abusive pro ‘tamquam’, sed
 proprie formam indicat corporis humani (cf. e.g. *Aen.* 12, 623 ‘in faciem ...
 conuersa Metisci’; 784 ‘in aurigae faciem mutata Metisci’; cf. etiam *georg.* 2,
 85); contrarie ‘in speciem’ cum genet. (quasi sit ‘ad instar’) ualet pro locutione
 comparatiua (cf. *Hom. Od.* 11, 243 οὔρεϊ ἴσον) circumstetit **G**: circumspicit
P 363 periit in **G** 368 primus **M** (*euan. in G*) se om. **adgtvwzζ** (*euan.*
in G) erumpit **Mωγ¹**, *Arus.* 472, 15, schol. Bern.: rumpit **Rbcry**, *Asper p.*
 539, 15: rupit **Pη**: erupit **to** (*euan. in G*) 370 hunc u. ante 369 transp.
Schrader et Ribbeck saxosumque **cikr?tvwxyzΛ**; «saxosum legendum, non
 saxosus, ne sint duo epitheta» *Seru.*; at cf. *Aen.* 8, 559 et ea quae ad l.
adnotauit 371 cornua] corpore **M** (corr. **M^A**) 373 influit **ω** (*praeter ben*),
 agnoscit *DSeru.* (*euan. in G*) 375 et om. **M** (*add. M^A*) 378 mensas] aras **P**
 (cf. *Aen.* 5, 101) 379 ignibus] pinguibus **M^A**

- Oceano libemus' ait. simul ipsa precatur
Oceanumque patrem rerum Nymphasque sorores,
centum quae siluas, centum quae flumina seruant.
ter liquido ardentem perfundit nectare Vestam,
385 ter flamma ad summum tecti subiecta reluxit.
omine quo firmans animum sic incipit ipsa:
'Est in Carpathio Neptuni gurgite uates
caeruleus Proteus, magnum qui piscibus aequor
et iuncto bipedum curru metitur equorum.
390 hic nunc Emathiae portus patriamque reuisit
Pallenen; hunc et Nymphae ueneramur et ipse
grandaeuus Nereus: nouit namque omnia uates,
quae sint, quae fuerint, quae mox uentura trahantur;
quippe ita Neptuno uisum est, immania cuius
395 armenta et turpis pascit sub gurgite phocas.
hic tibi, nate, prius uinclis capiendus, ut omnem
expediat morbi causam euentusque secundet.
nam sine ui non ulla dabit praecepta, neque illum
orando flectes; uim duram et uincula capto
400 tende; doli circum haec demum frangentur inanes.
ipsa ego te, medios cum sol accenderit aestus,
cum sitiunt herbae et pecori iam gratior umbra est,
in secreta senis ducam, quo fessus ab undis
se recipit, facile ut somno adgrediare iacentem.
405 uerum ubi correptum manibus uinclisque tenebis,
tum uariae eludent species atque ora ferarum.

GMPR

- 382 *periit in G* 384 perfundit GMPReζη: perfudit M*Φnoδγ, *Seru.*,
DSeru. ad u. 380 (cf. georg. 3, 92) 385 tectis Mb sublata My (corr. M^Aγ¹;
periit in G) 386 formans γ (corr. γ¹), *Non. 357, 27* 387 carphatii ps.
Probus 393 sunt ... fuerunt Wagner (sunt etiam vζ) trahantur M²PRωγ¹:
trahentur M: trahuntur gioδζγ: sequantur γ²: sequentur *Macrobr. 1, 20, 5*
(*periit in G*) 396 capiendus uinclis R ut] et zy¹ 398 praecepta]
responsa Probus 255, 23; «praecepta responsa» DSeru. ipsum ixγ¹
399 flectens M (corr. M^x): uinces Φ (*praeter brt*) ζ 400 frangentur Mωγ,
DSeru., schol. Bern.: -untur PRcr (*periit in G*) 401 *periit in G*
406 ludent Rz: inludent bnδ (*inludent DSeru.*), *periit in G (cf. georg. 1, 181)*

- fiet enim subito sus horridus atraque tigris
 squamosusque draco et fulua ceruice leaena,
 aut acrem flammae sonitum dabit atque ita uinclis
 410 excidet, aut in aquas tenuis dilapsus abibit.
 sed quanto ille magis formas se uertet in omnis,
 tam tu, nate, magis contende tenacia uinclā,
 donec talis erit mutato corpore qualem
 uideris incepto tegeret cum lumina somno.’
 415 Haec ait et liquidum ambrosiae defundit odorem,
 quo totum nati corpus perduxit; at illi
 dulcis compositis spirauit crinibus aura
 atque habilis membris uenit uigor. est specus ingens
 exesi latere in montis, quo plurima uento
 420 cogitur inque sinus scindit sese unda reductos,
 deprensus olim statio tutissima nautis;
 intus se uasti Proteus tegit obice saxi.
 hic iuuenem in latebris auersum a lumine Nympha
 conlocat, ipsa procul nebulis obscura resistit.
 425 iam rapidus torrens sitientis Sirius Indos
 ardebat caelo et medium sol igneus orbem
 hauserat, arebant herbae et caua flumina siccis
 faucibus ad limum radii tepefacta coquebant,
 cum Proteus consueta petens e fluctibus antra
 430 ibat; eum uasti circum gens umida ponti
 exsultans rorem late dispergit amarum.
 sternunt se somno diuersae in litore phocae;

GMPR 419 *desinit* G

- 407 suus MPR (corr. M^x, *periit* in G) 409 sonitum flammae M
 410 elapsus G: delapsus nζ 411 uertit Pω (*praeter* djrzn), Aug. *ciu.* 10, 10
 412 tam tu Ribbeck, *cl. Aen.* 7, 787 et Don. *ad Ter. Hec.* 417 (cf. *Lucr.* 4, 81
sq.; 5, 452 *sq.*): tantu MPγ: tanto Rωγ¹, Non. 258, 36, *Seru.*: tantum b, «alii»
ap. Seru.: tante c (*periit* in G); tanto et tantum agnoscunt *schol. Bern.*
 415 defundit Gdeghjtxne (defudit at, defendit fw), *DSeru.*: diffundit
 Mbcikryoδηγ (diffudit ζγ¹, difudit z): perfundit P: depromit R
 416 perfudit R 421 fidissima νοδη 423 a om. Rbrnon, *Seru.*, *schol.*
Bern. 428 radiis M, *Arus.* 455, 6 430 circum uasti M (*ord. rest.* M^x)
 431 dispergit MR: discerpit P: dispersit ωγ (desp- dw) 432 diuerso
 abdefitwxoδε

- ipse, uelut stabuli custos in montibus olim,
 Vesper ubi e pastu uitulos ad tecta reducit
 435 auditisque lupos acuunt balatibus agni,
 consedit scopulo medius numerumque recenset.
 cuius Aristaeo quoniam est oblata facultas,
 uix defessa senem passus componere membra
 cum clamore ruit magno manicisque iacentem
 440 occupat. ille suae contra non immemor artis
 omnia transformat sese in miracula rerum,
 ignemque horribilemque feram fluuiumque liquentem.
 uerum ubi nulla fugam reperit fallacia, uictus
 in sese redit atque hominis tandem ore locutus
 445 ‘nam quis te, iuuenum confidentissime, nostras
 iussit adire domos? quidue hinc petis?’ inquit. at ille:
 ‘scis, Proteu, scis ipse, neque est te fallere quicquam;
 sed tu desine uelle. deum praecepta secuti
 uenimus hinc lassis quaesitum oracula rebus.’
 450 tantum effatus. ad haec uates ui denique multa
 ardentis oculos intorsit lumine glauco
 et grauitè frendens sic fatis ora resoluit:
 ‘Non te nullius exercent numinis irae;
 magna luis commissa: tibi has miserabilis Orpheus

MPR *inchoat V*

434 uespere P reduxit dw 435 auditique ω (*praeter bghr*) γ
 436 consedit M*PRbr: consedit MVωγ 438 om. V (*add. fortasse V² supra u. 436*) 439 manicisque] uinclisque aejvnδγ¹ (*cf. u. 405*) 443 fuga M (*corr. M^A*): uiam b phallacia M (*corr. M^A*, pellacia *ut uid. al. man., corr. M^P*): pellacia Φ (*praeter bcdtw*) δ, *schol. Ver., schol. Bern., agnoscit DSeru., probauit Bentley* 446 domus Mafghj (*corr. M^x*) at] et Pa 447 proteus M (*corr. M^x*) V² (roteus V) ejr (-taeus R), *Rufin. 50, 36* quicquam MRVbdirtwzΛ, *Arus. 471, 30, «alii» ap. Seru. et schol. Bern.: cuiquam PΦεγ¹ (quicquam γ), Seru. 449 lassiss MPVωγ: lapsis Raoε, DSeru. ad Aen. 2, 114: fessiss γ¹ 454 luis MPVbfgghikrynδγ, Seru., DSeru. in lemm. (*sed lues explicatur, ut uid.*); *cf. Aen. 1, 136: lues Rω, schol. Bern. «commissa tibi ... alii ita distinguunt, ut sit ‘a te commissa’; alii tibi has miserabilis Orpheus» Seru.**

- 455 haudquaquam ad meritum poenas, ni fata resistant,
suscitat et rapta grauiter pro coniuge saeuit.
illa quidem, dum te fugeret per flumina praeceps,
immanem ante pedes hydram moritura puella
seruantem ripas alta non uidit in herba.
- 460 at chorus aequalis Dryadum clamore supremos
impleuit montes; flerunt Rhodopeiae arces
altaque Pangaea et Rhesi Mauortia tellus
atque Getae atque Hebrus et Actias Orithyia.
ipse caua solans aegrum testudine amorem
- 465 te, dulcis coniunx, te solo in litore secum,
te ueniente die, te decedente canebat.
Taenarias etiam fauces, alta ostia Ditis,
et caligantem nigra formidine lucum
ingressus, Manisque adiit regemque tremendum
- 470 nesciaque humanis precibus mansuescere corda.
at cantu commotae Erebi de sedibus imis
umbrae ibant tenues simulacraque luce carentum,
quam multa in foliis auium se milia condunt,
Vesper ubi aut hibernus agit de montibus imber,
- 475 matres atque uiri defunctaque corpora uita
magnanimum heroum, pueri innuptaeque puellae
impositique rogis iuuenes ante ora parentum,
quos circum limus niger et deformis harundo

MPRV 461 *desinit* P 464 *desinit* V 471 *inchoat* F

455 ad P: ob **MRVωγ**, *Seru.*, *schol. Bern.*, *Prisc.* 14, 25; haudquaquam ad meritum poenas i.e. *poenas merito certe minores, nullo modo congruentes ad culpaе grauitatem* («non tales quales mereris» bene interpretatur *Seru.*, qui tamen solam lectionem ob meritum agnoscit) ni] nisi **M** 460 supremos **MVωγ**, *Non.* 388, 8, *Seru.*, *DSeru.*, *schol. Bern.*: supremo **PRb** 461 impleuit **Vb** (cf. *buc.* 6, 66; *Aen.* 5, 239 et 10, 220; *Sil.* 4, 692): implerunt **Rωγ** (inpl- **M**), *DSeru.*: impleruit **P**: impleuerunt **cv** (def. t) 462 pang(a)ea **Vωγ**, *schol. Ver. hic et ad Aen.* 1, 3, *ps. Probus*, *schol. Bern.* (-geae **fy**¹): panch(a)ea **Moδη**, *Macrob.* 5, 17, 15, *codd. Seru.* ad u. 460 (pancheia **a**, *DSeru.*): panchai **R** (cf. u. 379 et *georg.* 2, 139) 472 post hunc u. *Aen.* 6, 311–310–312 iterauit **R** 473 foliis **FRΦεζ**, *Arus.* 485, 6, *schol. Bern.*: siluis **McfghijvΛγ** (cf. *Aen.* 6, 309): fluuiis «alii» ap. *schol. Bern.* 474 aut] iam **cwz**

- Cocyti tardaque palus inamabilis unda
 480 alligat et nouiens Styx interfusa coercet.
 quin ipsae stupuere domus atque intima Leti
 Tartara caeruleosque implexae crinibus angues
 Eumenides, tenuitque inhians tria Cerberus ora,
 atque Ixionii uento rota constitit orbis.
 485 iamque pedem referens casus euaserat omnis,
 redditaque Eurydice superas ueniebat ad auras
 pone sequens (namque hanc dederat Proserpina legem),
 cum subita incautum dementia cepit amantem,
 ignoscenda quidem, scirent si ignoscere Manes:
 490 restitit Eurydicenque suam iam luce sub ipsa
 immemor heu! uictusque animi respexit. ibi omnis
 effusus labor atque immitis rupta tyranni
 foedera, terque fragor stagnis auditus Auernis.
 illa “quis et me” inquit “miseram et te perdidit, Orpheu,
 495 quis tantus furor? en iterum crudelia retro
 fata uocant, conditque natantia lumina somnus.
 iamque uale: feror ingenti circumdata nocte
 inualidasque tibi tendens, heu non tua, palmas.”
 dixit et ex oculis subito, ceu fumus in auras
 500 commixtus tenuis, fugit diuersa, neque illum
 prensantem nequiquam umbras et multa uolentem

FMR 497 *desinit* F

479 undae F²; cf. *Aen.* 6, 438 482 caeruleisque Mr (corr. M²) implexae –
 angues] inhians tria cerberus ora F, qui u. 483 om. (corr. in ras. et u. 483 add.
 F²) implexae Mtvz (inpl- γ¹), Arus. 484, 22, Seru.: innexae F²Rγ? (cf. *Aen.*
 6, 281): impexae M^xΛ (inp- F², al. man.), DSeru., schol. Bern.: amplexae Φεζ
 484 ixionei F²ω (praeter br) uento] «deest ‘cum’» Seru.; «uento pro
 ‘aduentu’ significat ... aut uentu uerbum gerundi est, nam intellegi debet
 ‘aduentu’ ...; quidam sic: uento audiendum ‘consistente’» DSeru.; uelox
 Faber: cantu Burman, alii alia. Malim uento ut datiuum accipere, quasi sit
 ‘uento spiranti rota restitit, contra uentum subito constitit’ 488 subito
 Rdftγz (corr. γ¹) 490 «Eurydicenque suam iam, alii legunt iam luce sub
 ipsa» Seru. 493 stagnis FMωγ: stagni est R (stagnist Ribbeck) auernis
 Ma^xteζη, DSeru. (cf. *georg.* 2, 164 ‘fretis ... Auernis’; *Aen.* 6, 118 et 564 ‘lucis
 ... Auernis’): auerni FRΦnoδγ, Seru. 494 orpheus Mcγ (corr. M^xγ¹)
 496 nutantia noδ

- dicere praeterea uidit; nec portitor Orci
 amplius obiectam passus transire paludem.
 quid faceret? quo se rapta bis coniuge ferret?
 505 quo fletu Manis, quae numina uoce moueret?
 illa quidem Stygia nabat iam frigida cumba.
 septem illum totos perhibent ex ordine menses
 rupe sub aëria deserti ad Strymonis undam
 flesse sibi et gelidis haec euoluisse sub antris
 510 mulcentem tigris et agentem carmine quercus:
 qualis populea maerens philomela sub umbra
 amissos queritur fetus, quos durus arator
 obseruans nido implumis detraxit; at illa
 flet noctem ramoque sedens miserabile carmen
 515 integrat et maestis late loca questibus implet.
 nulla Venus, non ulli animum flexere hymenaei:
 solus Hyperboreas glacies Tanaimque niualet
 aruaque Rhiphaeis numquam uiduata pruinis
 lustrabat, raptam Eurydicen atque inrita Ditis
 520 dona querens; spretae Ciconum quo munere matres
 inter sacra deum nocturnique orgia Bacchi
 discerptum latos iuuenem sparsere per agros.

MR 522 *inchoant* FV

504 erepta M² 505 quo] quos R: quod yzy (corr. γ¹) quae] qua ω
 (praeter bkrož; quia a) γ¹ moneret M (corr. M²) 506 hunc u. secl.
 Ribbeck, praeunte Heyne 508 om. Non. 526, 6–7 (qui uu. 507–509 laudat)
 509 flesse sibi R (cf. uu. 465 sq. ‘secum ... canebat’, et Stat. Theb. 11, 108):
 fleuisse Mωγ, Arus. 474, 19, Non. antris Mωγ¹ (auntris γ); cf. Ou. tr. 5, 1,
 61; Sil. 3, 203: astris Ra²rv (astri y) 516 non ulli] nullique cdktwze: non
 nulli fjxo 520 munere] numine fghjvx, «numine, alii munere» schol. Bern.:
 murmure y: nomine Markland ad Stat. silu. 3, 3, 87 521 post 518 transp.
 Courtney («BICS» 46, 2002–2003, 192), ita ut non solum prodeat Orpheus
 Bacchi sacris initiatus, sed etiam ut uocabulum munere (u. 520) Bacchicam
 significet religionem ab Orpheo susceptam. At ordo uersuum emendatus est et
 incorruptus: nam u. 521 non Orphica mysteria significat, sed potius cruenta
 orgia Maenadum quae noctu solent debacchari (i.e. σπαράγμος Βακχῶν); et
 merito Vergilius flebile carmen de amissa Eurydice ‘munus’ appellat (quo
 munere = ‘quo obsequio’), quasi Orpheus, uelut elegiacus poeta qui dominam
 suam perdit amat, cantum amoris plenum uxori donet 522 direptum fg:
 diuersum Non. 405, 7

tum quoque marmorea caput a ceruice reuulsum
 gurgite cum medio portans Oeagrius Hebrus
 525 uolueret, Eurydicen uox ipsa et frigida lingua,
 a miseram Eurydicen! anima fugiente uocabat;
 Eurydicen toto referebant flumine ripae.’

Haec Proteus, et se iactu dedit aequor in altum,
 quaque dedit, spumantem undam sub uertice torsit.
 530 at non Cyrene; namque ultro adfata timentem:
 ‘nate, licet tristis animo deponere curas.
 haec omnis morbi causa, hinc miserabile Nymphae,
 cum quibus illa choros lucis agitabat in altis,
 exitium misere apibus. tu munera supplex
 535 tende petens pacem et facilis uenerare Napaeas;
 namque dabunt ueniam uotis irasque remittent.
 sed modus orandi qui sit prius ordine dicam:
 quattuor eximios praestanti corpore tauros,
 qui tibi nunc uiridis depascunt summa Lycaei,
 540 delige et intacta totidem ceruice iuuenas.
 quattuor his aras alta ad delubra dearum
 constitue et sacrum iugulis demitte cruorem
 corporaque ipsa boum frondoso desere luco.
 post, ubi nona suos Aurora ostenderit ortus,
 545 inferias Orphei Lethaea papauera mittes
 et nigram mactabis ouem lucumque reuises;
 placatam Eurydicen uitula uenerabere caesa.’

FMRV 535 *inchoat* G

523 tunc R 524 medius F 525–526 uox ipsa – eurydicen *om.* F (*add.* F^c)
 529 uertice] gurgite r 530 ultro est F: est ultro V 531 componere M
 (*corr.* M^A); *cf.* Aen. 4, 341 534 tu] tum γ (*corr.* γ¹), Non. 460, 12
 538 eximios Mωγ¹, Macrob. 3, 5, 6: eximio RVnγ (*periit in FG*); *cf.* u. 550
 praestanti FMV² (pre- V) ω, Macrob.: pr(a)estantis Rγ (*periit in G*); *cf.* u. 550
 540 intacta MVωγ¹, Macrob. 3, 5, 5, Seru. hic et ad Aen. 6, 38: intactas
 Rbdgwzy, schol. Bern. (*periit in FG*); *cf.* u. 551 541 deorum cne
 542 dimitte Macdjvzy (*corr.* γ¹) 544 ostenderit] induxerit b (*cf.* u. 552)
 545 orphei MVωγ, schol. Ver., Seru. («*datius est Graecus*»), DSeru.: orphi
 M^x: orptheo Rnη (*periit in FG*); «*orphei, in Ebrii orphi*» schol. Bern. (*cf.* u.
 553 et buc. 4, 57) 546 reuises Burman 547 ante 546 transp. rec.,
 Bentley, abesse malebat Heyne

- Haud mora, continuo matris praecepta facessit:
 ad delubra uenit, monstratas excitat aras,
 550 quattuor eximios praestanti corpore tauros
 ducit et intacta totidem ceruice iuuenas.
 post, ubi nona suos Aurora induxerat ortus,
 inferias Orphei mittit lucumque reuisit.
 hic uero subitum ac dictu mirabile monstrum
 555 aspiciunt, liquefacta boum per uiscera toto
 stridere apes utero et ruptis efferuere costis,
 immensasque trahi nubes, iamque arbore summa
 confluere et lentis uuam demittere ramis.
 Haec super aruorum cultu pecorumque canebam
 560 et super arboribus, Caesar dum magnus ad altum
 fulminat Euphraten bello uictorque uolentis
 per populos dat iura uiamque adfectat Olympo.
 illo Vergilium me tempore dulcis alebat
 Parthenope studiis florentem ignobilis oti,
 565 carmina qui lusi pastorum audaxque iuuenta,
 Tityre, te patulae cecini sub tegmine fagi.

FGMRV 548 *desinit* F 549 *desinit* V

548 facessit **FRV**ωγ¹, *Seru. hic et ad Aen. 4, 295 (cf. Aen. 4, 295 et 9, 45):*
 capessit **Mry** (*euan. in G*); «capessit ... alii legunt facessit» *schol. Bern.*
 550 eximios **GM**ωγ¹: eximio **Ry**; *cf. u. 538* praestantis **R**²; *cf. u. 538*
 551 intacta **GM**^Aωγ: intacto **M**: intactas **Radz**; *cf. u. 540* 552 induxerit
bcζη, *schol. Bern.*: duxerat **j** 553 orphei **M**ωγ: orphi **M**^x: orph(a)eo **Rb**
 (*perit in G*); *cf. u. 545* 556 et *om.* **boδη** 558 dimittere **Macdghjwyzοδη**,
Seru. codd. aliquot 559 cultus **Gb?g** 564 oti] aeuī **b?r** (*cf. Aen. 7, 776*)
 566 cecini patulae **Rh**

INDEX NOMINVM

- Abydus (*ad Hellespontum*) I 207.
 Acerrae (*in Campania*) II 225.
 Acheloius (*a flumine Aetolo*) I 9.
 Acheron (*flumen in infernis*) II 492.
 Achilles III 91.
 Actias (*Attica*) IV 463.
 Aegyptus IV 210, 291.
 Aether II 325.
 Aethiopes II 120.
 Aetna I 472; IV 173.
 Afer III 344.
 Alburnus (*mons in Lucania*) III 147.
 Alcinous (*rex Phaeacum*) II 87.
 Alpes I 475; III 474.
 Alpheus (*flumen in Elide*) III 19.
 Alpheus (*adi.*) III 180.
 Amerinus (*ab Ameria in Vmbria*) I 265.
 Aminneus (*e Picenis*) II 97.
 Amphrysus (*flumen in Thessalia*) III 2.
 Amyclaeus (*Lacedaemonius*) III 89, 345.
 Amythaonius III 550.
 Anguis (*Draco sidus*) I 205, 244.
 Anienus IV 369.
 Aonius III 11.
 Apollo IV 7, 323. Cf. *Cynthius*, *Thymbraeus*.
 Aquarius (*sidus*) III 304.
 Aquilo (*uentus*) I 460; II 113, 261, 404; III 196; Aquilones II 334.
 Arabes II 115.
 Arcadia III 392. Arcadius IV 283.
 Arctos (*sidus*) *sing.* I 138; *plur.* I 245, 246.
 Arcturus (*sidus*) I 68, 204.
 Arethusa (*nympha*) IV 344, 351.
 Aristaeus IV 317, 350, 355, 437.
 Ascanius (*flumen in Bithynia*) III 270.
 Ascræus II 176.
 Asia II 171; III 30. Asius I 383; IV 343.
 Assaracus (*rex Troianus*) III 35.
 Assyrius II 465.
 Athos (*mons*) I 332.
 Atlantides I 221.
 Auernus (*lacus in Campania*) IV 493
 appar. u.l. Auernus (*adi.*) II 164; IV 493.
 Aurora I 249, 447; IV 544, 552.
 Ausonius II 385.
 Auster (*uentus*) I 462; II 188; III 278; IV 261. Austri I 241, 333, 354, 418; II 333; III 429.
 Bacchus I 344; II 2, 37, 113, 143, 191, 228, 240, 275, 380, 388, 393, 455; III 264, 526; IV 102, 129, 279, 380, 521. Baccheius II 454. Cf. *Iacchus*, *Lenaeus*, *Liber*, *Lyaeus*.
 Bactra II 138.
 Balearis I 309.
 Belgicus III 204.
 Benacus (*lacus in Cisalpina*) II 160.
 Beroe (*nympha*) IV 341.
 Bisaltæ (*gens Thracum*) III 461.
 Bootes (*sidus*) I 229.
 Boreas (*uentus*) I 93, 370; II 316; III 278.
 Britanni III 25.
 Busiris (*rex Aegyptius*) III 5.
 Caesar, *Iulius* I 466; *Octavianus* I 25, 503; II 170; III 16, 47, 48; IV 560.
 Caicus (*flumen in Mysia*) IV 370.
 Calaber III 425.
 Camilli II 169.
 Canis (*sidus*) I 218; II 353.
 Canopus (*in Aegypto*) IV 287.
 Capua (*in Campania*) II 224.

- Carpathius IV 387.
 Castalia (*fons*) III 293.
 Caucasius II 440.
 Caurus (*uentus*) III 278, 356.
 Caystros (*flumen in Lydia*) I 384.
 Cea (*insula*) I 14.
 Cecropius IV 177, 270.
 Celeus (*rex Eleusinus*) I 165.
 Centauri II 456.
 Ceraunia (*montes in Epiro*) I 332.
 Cerberus IV 483.
 Ceres I 7, 96, 147, 297, 339, 343, 347, 349; II 229. Cerealis I 212; II 517.
 Chalybes I 58.
 Chaonius I 8; II 67.
 Chaos IV 347.
 Chelae (*sidus*) I 33.
 Chiron III 550.
 Cicones (*gens Thracum*) IV 520.
 Cinyphius (*Libycus*) III 312.
 Cithaeron (*mons*) III 43.
 Clanius (*flumen in Campania*) II 225.
 Clio (*nympha*) IV 341.
 Clitumnus (*fons in Vmbria*) II 146.
 Clymene (*nympha*) IV 345.
 Cnosius I 222.
 Cocytus (*flumen in infernis*) III 38; IV 479.
 Coeus (*Titan*) I 279.
 Corona (*sidus*) I 222.
 Corycius (*Cilix*) IV 127.
 Cressa III 345.
 Crustumius II 88.
 Curetes IV 151.
 Cyclopes I 471; IV 170.
 Cydippe (*nympha*) IV 339.
 Cyllarus (*nomen equi*) III 90.
 Cyllenius (*sidus*) I 337.
 Cymodoce (*nympha*) IV 338 *appar.*
 Cynthius (*Apollo*) III 36.
 Cyrene (*nympha*) IV 321, 354, 376, 530.
 Cytorus (*mons in Paphlagonia*) II 437.
 Dacus II 497.
 Decii II 169.
 Deiopea (*nympha*) IV 343.
 Delos (*insula*) III 6.
 Deucalion I 62.
 Dictaeus (*Cretensis*) II 536; IV 152.
 Dis IV 467, 519.
 Dodona I 149.
 Dryades (*nymphae*) I 11; III 40; IV 460.
 Drymo (*nympha*) IV 336.
 Eleusinus I 163.
 Eleus III 202. Elias I 59. *Cf. Olym-
piacus.*
 Eleusinus I 163.
 Elysium I 38.
 Emathia (*Macedonia*) I 492; IV 390.
 Enipeus (*flumen Thessalicum*) IV 368.
 Eous I 221; II 115; (*Lucifer*) I 288.
 Ephyre (*nympha*) IV 343.
 Ephyreus (*Corinthius*) II 464.
 Epidaurus III 44.
 Epiros I 59; III 121.
 Erebus IV 471.
 Erichonius (*rex Atheniensis*) III 113.
 Eridanus (*flumen*) I 482; IV 372.
 Erigone (*Virgo sidus*) I 33.
 Etruria II 533.
 Eumenides I 278; IV 483.
 Euphrates (*flumen*) I 509; IV 561.
 Eurys (*uentus*) I 371; II 107; III 277, 382; IV 29. Euri I 453; II 339, 441; IV 192.
 Eurydice IV 486, 490, 519, 525, 526, 527, 547.
 Eurystheus III 4.
 Falernus II 96.
 Fauni I 10, 11.
 Furiae III 37.
 Galaesus (*flumen in Calabria*) IV 126.
 Gangaridae (*gens in India*) III 27.
 Ganges II 137.

- Gargara (*mons in Mysia*) I 103; III 269.
 Geloni (*gens Scytharum*) II 115; III 461.
 Germania I 474, 509.
 Getae (*gens Thracum*) III 462; IV 463.
 Glaucus (*numen maris*) I 437.
 (*Sisyphi filius*) III 267.
 Graecia I 38; III 20. Grai II 16; III 148. Graius III 90.

 Haedi (*sidus*) I 205.
 Haemus (*mons in Thracia*) I 492; II 488.
 Hebrus (*flumen in Thracia*) IV 463, 524.
 Hellespontiacus IV 111.
 Hercules II 66.
 Hermus (*flumen in Lydia*) II 137.
 Hiberi III 408.
 Hippodame (*Oenomai filia*) III 7.
 Hister (*flumen*) II 497; III 350.
 Horcus I 277 *appar. u.l.*
 Hyades (*sidus*) I 138.
 Hydaspes (*flumen in India*) IV 211.
 Hylaeus (*Centaurus*) II 457.
 Hylas (*puer*) III 6.
 Hypanis (*flumen in Sarmatia*) IV 370.
 Hyperboreus III 196, 381; IV 517.

 Iacchus I 166.
 Iapetus (*Titan*) I 279.
 Iapys (*Illyricus*) III 475.
 Ida (*mons Phrygius*) IV 41. Idaeus III 450. Idaeus (*de Ida Cretensi*) II 84.
 Idumaeus III 12.
 Inachius III 153.
 India I 57; II 116, 122. Indi II 138, 172; IV 293, 425.
 Indigetes I 498.
 Inous I 437.
 Inuidia III 37.
 Ionius II 108.
 Ismara (*mons in Thracia*) II 37.

 Italia II 138.
 Ityraeus II 448.
 Iulius (*adi.*) II 163.
 Iuno III 153, 532.
 Iuppiter I 418; II 419; IV 149;
 Iouem I 125; Iouis III 181, 332;
 Ioui II 15; Ioue III 35.
 Iustitia II 474.
 Ixion III 38. Ixionius IV 484.

 Lacaena II 487.
 Laomedonteus I 502.
 Lapithae II 457; III 115.
 Larius (*lacus in Cisalpina*) II 159.
 Latonia (*Delos*) III 6.
 Leneus (*Bacchus*) II 4, 7, 529. (*adi.*) III 510.
 Lesbos (*insula*) II 90.
 Lethaeus I 78; IV 545.
 Letum IV 481.
 Liber (*Bacchus*) I 7.
 Libra (*sidus*) I 208.
 Libya I 241; III 249, 339. Libycus II 105.
 Ligea (*nympha*) IV 336.
 Ligus II 168.
 Lucifer (*sidus*) III 324. *Cf. Eous.*
 Lucina III 60; IV 340.
 Lucrinus (*lacus in Campania*) II 161.
 Luna I 396; III 392. *Cf. Phoebe.*
 Lyaeus (*Bacchus*) II 229.
 Lycaeus (*mons in Arcadia*) I 16; III 2, 314; IV 539.
 Lycaon (*rex Arcas*) I 138.
 Lycorias (*nympha*) IV 339.
 Lycus (*flumen in Ponto*) IV 367.
 Lydia IV 211.

 Maecenas (*C. Cilnius*) I 2; II 41; III 41; IV 2.
 Maenala (*mons in Arcadia*) I 17.
 Maeonius IV 380.
 Maeotia (*unda*) III 349.
 Maia (*sidus*) I 225.
 Manes I 243; IV 469, 489, 505.

- Mantua II 198; III 12.
 Mareotis (*uitis*) II 91.
 Marii II 169.
 Mars I 511; II 283; III 91; IV 346.
 Martius IV 71.
 Marsi II 167.
 Massicus II 143; III 526.
 Mater (*magna*) IV 64.
 Mauortius IV 462.
 Media II 126. Medi II 134, 136.
 Medus IV 211.
 Melampus (*uates*) III 550.
 Melicertes I 437.
 Mella (*flumen in Cisalpina*) IV 278.
 Methymnaeus II 90.
 Metus III 552.
 Milesius III 306; IV 334.
 Mincius (*flumen in Cisalpina*) III 15.
 Minerua I 18; IV 246.
 Moesia I 102 *appar. u.l.*
 Molorchus III 19.
 Molossus III 405.
 Morbi III 552.
 Musae II 475; III 11; IV 315.
 Mycenae III 121.
 Mysia I 102. Mysus IV 370.

 Napaeae (*nymphae*) IV 535.
 Narycius II 438.
 Neptunus I 14; III 122; IV 29, 387,
 394.
 Nereus IV 392.
 Nilus III 29; IV 288.
 Niphates (*mons in Armenia*) III 30.
 Nisaeae (*nympha*) IV 338 *appar.*
 Nisus (*rex Megaricus*) I 404, 408.
 Nola (*in Campania*) II 225 *appar.*
 Noricus III 474.
 Notus (*uentus*) I 444.
 Nympha IV 423. Nymphae II 494;
 IV 334, 382, 391, 532.

 Oceanus I 246; II 122, 481; III 359;
 IV 233, 381, 382. Oceanitides
 IV 341.

 Oeagrius (*Thracius*) IV 524.
 Oebalius (*Lacedaemonius*) IV 125.
 Olympiacus III 49.
 Olympus (*mons Thessalus*) I 282.
 (*caelum*) I 96, 450; III 223; IV
 562.
 Opis (*nympha*) IV 343.
 Orcus I 277; IV 502.
 Oriens I 250.
 Orithyia (*Erecthei filia*) IV 463.
 Orpheus (*uates*) IV 454, 494, 545, 553.
 Ossa (*mons Thessalus*) I 281, 282.

 Padus (*flumen in Cisalpina*) II 452.
 Paestum (*in Lucania*) IV 119.
 Palatium I 499.
 Pales III 1, 294.
 Palladius II 181.
 Pallene (*in Macedonia*) IV 391.
 Pan I 17; II 494; III 392.
 Panchaia (*Arabia*) II 139. Panchaeus
 IV 379.
 Pangaea (*mons in Thracia*) IV 462.
 Panopea (*nympha*) I 437.
 Paphius II 64.
 Parius (*lapis*) III 34.
 Parnasus (*mons*) III 291. Parnasius
 II 18.
 Parius (*lapis*) III 34.
 Parthenope (*Neapolis*) IV 564.
 Parthi IV 211, 314. Parthus III 31.
 Pax II 425.
 Pelethronius III 115.
 Pelion (*mons in Thessalia*) I 281; III
 94.
 Pellaeus (*Macedonicus*) IV 287.
 Pelops III 7.
 Pelusiacus (*Aegyptiacus*) I 228.
 Peneus (*flumen Thessalicum*) IV 355.
 Peneius IV 317.
 Persis IV 290.
 Phanaeus II 98.
 Phasis (*flumen in Colchide*) IV 367.
 Philippi (*in Macedonia*) I 490.
 Phillyrides III 550.

- Phoebe (*Luna*) I 431.
 Pholus (*Centaurus*) II 456.
 Phrygius IV 41.
 Phyllodoce (*nympha*) IV 336.
 Pisa (*in Elide*) III 180.
 Piscis (*sidus*) IV 234.
 Plias, Pleiades (*sidus*) I 138; IV 233.
 Cf. Atlantides, Maia, Taygete.
 Pollux III 89.
 Pontus I 58, 207.
 Potnias III 268.
 Priapus IV 111.
 Procne IV 15.
 Proserpina I 39; IV 487.
 Proteus IV 388, 422, 429, 447, 528.

 Quirinus III 27. Quirites IV 201.

 Remus (*Romuli frater*) II 533.
 Rhaeticus II 96.
 Rhesus (*rex Thracius*) IV 462.
 Rhodius II 102.
 Rhodope (*mons Thracius*) I 332; III 351, 462. Rhodopeius IV 461.
 Rhoecus (*Centaurus*) II 456.
 Rhiphaeus (*Sarmaticus*) I 240; III 382; IV 518.
 Roma I 466; II 534. Romanus III 346. Romanus (*adi.*) I 490, 499; II 148, 172, 176, 498; III 148.
 Romulus I 498.
 Rubeus I 266 *appar. u.l.*

 Sabaei I 57; II 117.
 Sabellus II 167. Sabellicus III 255.
 Sabini II 532.
 Sarranus (*Tyrius*) II 506.
 Saturnus II 406, 538; III 93; (*sidus*) I 336. Saturnia (*tellus*) II 173.
 Scipiadae II 170.
 Scorpions (*sidus*) I 35.
 Scylla (*Nisi filia*) I 405.
 Scythia I 240; III 197, 349.
 Septemtrio (*sidus*) III 381.
 Seres II 121.

 Sicyonius II 519.
 Sila (*mons in Bruttiiis*) III 219.
 Silarus (*flumen in Lucania*) III 146.
 Siluanus I 20; II 494.
 Sirius (*sidus*) IV 425.
 Sol II 321; III 357.
 Sparta III 405.
 Spercheos (*flumen Thessalicum*) II 487.
 Spio (*nympha*) IV 338 *appar.*
 Strymon (*flumen in Thracia*) IV 508.
 Strymonius I 120.
 Styx (*flumen in infernis*) I 243; IV 480. Stygius III 551; IV 506.
 Syrius II 88.

 Taburnus (*mons in Samnio*) II 38.
 Taenariae fauces (*in Laconia*) IV 467.
 Tanager (*flumen in Lucania*) III 151.
 Tanais (*flumen in Sarmatia*) IV 517.
 Tarentum (*in Calabria*) II 197.
 Tartara I 36; II 292; IV 482.
 Taurus (*sidus*) I 218.
 Taygeta (*mons in Laconia*) II 488.
 Taygetus III 44.
 Taygete (*sidus*) IV 232.
 Tegeaeus I 18.
 Tempe IV 317.
 Terra I 278.
 Tethys I 31.
 Thalia (*nympha*) IV 338 *appar.*
 Thasius II 91.
 Thesidae (*Athenienses*) II 383.
 Thetis I 399.
 Thule I 30.
 Thymbraeus (*Apollo*) IV 323.
 Tiberis (*flumen*) I 499. Tiberinus IV 369.
 Timaeus (*flumen in Histria*) III 475.
 Tisiphone (*una ex Furiis*) III 552.
 Tithonus I 447; III 48.
 Tityrus (*pastor*) IV 566.
 Tmolus (*mons in Lydia*) I 56.
 Tmolius (*uinum*) II 98.
 Troia I 502; II 385; III 36.

Tros (*rex Phrygius*) III 36.

Tuscus I 499.

Typhoeus I 279.

Tyrius (*adi.*) III 17, 307.

Tyrrhenus II 193. Tyrrhenus (*adi.*)
II 164.

Venus II 329; III 64, 97, 137, 210,
267; IV 199, 516.

Vergilius IV 563.

Vesaeus (*mons*) II 224.

Vesper (*sidus*) I 251, 461; III 336; IV
186, 434, 474.

Vesta I 498; IV 384.

Volcanus I 295; IV 346.

Volsci II 168.

Xantho (*nympha*) IV 336.

Zephyrus (*uentus*) I 44, 371; II 106,
330; III 134, 273. Zephyri III
322; IV 138, 305.